

বিষয় ভিত্তিক
মু'জিয়াতুর রাসূল

পুস্তক
আলাহু
ও রাসূলাহু

হাফেজ মাওলানা মুহাম্মদ ওসমান গনি

আরবি প্রভাষক

জামেয়া আহমদিয়া সুন্নিয়া আলিয়া


বোলশহর, চট্টগ্রাম।

মোবাইল: ০১৮১৭-২৩২৩৬৪

sahihaqeedah.com

Sunni-Encyclopedia.
blogspot.com

বিষয় ভিত্তিক

মু'জিয়াতুর রাসূল 

হাফেজ মাওলানা মুহাম্মদ ওসমান গনি

- প্রকাশক : আলহাজ্ব রশিদ আহমদ
- গ্রন্থস্বত্ব : লেখক কর্তৃক সংরক্ষিত
- প্রথম প্রকাশকাল : জুলাই ২০১২ ইসায়ী
- চিশ্টি প্রকাশনী, বালুচরা, বায়েজীদ, চট্টগ্রাম।
- কম্পোজ : এট্যাচ এ্যাড, চট্টগ্রাম।
- মূল্য : (১৬০/-) একশত ষাট টাকা মাত্র

BISHOY BHITTIK Mujezatur Rasul (sm)

Writer : Hafez Moulana Mohammad Osman Gani

Published by Chishty Prokashoni, Baluchara, Bayzid
Chittagong, Bangladesh. Price: 160/- only, US\$ 5

sahihqeedah.com

Sunni-Encyclopedia.
blogspot.com

www.ahlesunnahbd.com

উৎসর্গ

আমার জান্নাতবাসী পিতা-মাতা
যথাক্রমে-মরহুম আহমদ জরিফ
মরহুমা আলহাজ্জাহ্ আনোয়ারা বেগম
ও
প্রকাশকের জান্নাতবাসী পিতা
মরহুম তোফায়েল আহমদ



প্রকাশকের কথা

আলহামদুলিল্লাহ, ওয়াশ শুকরু লিল্লাহ। ওয়াস সালাতু ওয়াস সালামু আলা রাসূলিল্লাহ।

বিশ্ব সভ্যতার ক্রমবিকাশ আর তথ্য প্রযুক্তির চরম উৎকর্ষতার যুগে পৃথিবী ক্রমাগত উন্নতির দিকে ধাবিত হচ্ছে। উন্নতির চাবিকাঠি হল শিক্ষা। আর শিক্ষার অন্যতম উপকরণ হল বই। আল্লামা আবু ওসমান জাহেয বলেন, ‘বই নিঃসঙ্গ মুহূর্তের শ্রেষ্ঠ সঙ্গী, অচেনা দেশে উত্তম গাইড, বই উত্তম বন্ধু ও উপদেশদাতা।’ তাইতো আল্লাহ তায়ালা রাসূল প্রেরণের সাথে সাথে কিতাব ও নাযিল করেছেন। অথচ এই চরম প্রতিযোগিতার যুগেও বই লেখা ও বই পড়ার ক্ষেত্রে অন্যদের তুলনায় আমরা অনেক পশ্চাদে অবস্থান করছি নিঃসন্দেহে।

আল্লাহ তায়ালা দিশেহারা পথভ্রষ্ট মানবজাতির হেদায়েতের জন্য নবী-রাসূল প্রেরণ করেন এবং সাথে তাদের সত্যতার প্রমাণস্বরূপ মু’জিয়াও দান করেন। পবিত্র কুরআন ও হাদীস শরীফে এসব মু’জিয়ার বিস্তারিত বর্ণনা রয়েছে। অমুসলিমদের কাছে ইসলামের সত্যতা বাস্তবতা ও মর্যাদা প্রমাণ এবং মুসলমানদের ঈমান, আকীদা ও আমল মজবুত করার উদ্দেশ্যে মহানবী ﷺ-র মুজিয়া সম্পর্কে জ্ঞানার্জন করা একান্ত প্রয়োজন।

আরবী ভাষায় এ বিষয়ে অসংখ্য নির্ভরযোগ্য কিতাব রচিত হলে ও বাংলা ভাষায় নির্ভর ও গ্রহণযোগ্য কোন গ্রন্থ রচিত হয়নি। বন্ধুবর হাফেজ মাওলানা মুহাম্মদ ওসমান গনি কুরআন, হাদিস এবং সর্বজন স্বীকৃত বিশুদ্ধ ও নির্ভরযোগ্য কিতাব থেকে রেফারেন্সসহ বিষয়ের উপর বিষয় ভিত্তিক ‘মু’জিয়াতুর রাসূল ﷺ’ নামক একখানা গুরুত্বপূর্ণ গ্রন্থ রচনা করে শূন্যতা পূরণ করেছেন।

গ্রন্থটির গুরুত্ব বিবেচনা করে পাঠকের হাতে উপহার দেওয়ার লক্ষ্যে বইটি প্রকাশের উদ্যোগ নিয়েছি। আশা করি বইটি পাঠক মলে সমাদৃত হবে। বইখানা প্রকাশের অন্তরালে যাদের অবদান রয়েছে সকলের শুকরিয়া জ্ঞাপন করছি।

বইটির গুণগত মান বৃদ্ধিতে সচেতন বিজ্ঞ পাঠক ও সুধীজনের যে কোন গঠনমূলক পরামর্শ সাদরে গৃহীত হবে এবং সে মোতাবেক যথাযথ পদক্ষেপ গ্রহণে আমরা সর্বদা সচেষ্ট থাকব।

মীর সৈয়দ শরীফ ρ বলেন-

المعجزة امر خارق للعادة داعية الى الخير والسعادة مفرونة بدعوا النبوة قصدبه اظهار صدق

من ادعى انه رسول من الله

নবুয়তের দাবী সহকারে কল্যাণ ও সৌভাগ্যের প্রতি আহ্বানকারী অস্বাভাবিক ঘটনা সংঘটিত হওয়াকে মু'জিয়া বলা হয়। আর এর উদ্দেশ্য হয় আল্লাহর পক্ষ হতে প্রেরিত রাসূলের দাবীর সত্যতা প্রমাণ করা।^৪

আল্লামা তাফতায়ানী ρ বলেন-

وهي امر يظهر يخلاف العادة على يد مدعى النبوة عند تحدى المنكرين على وجه يعجز

المنكرين عن الاتيان بمثله

মু'জিয়া বলা হয়, নবুয়ত অস্বীকার কারীদের সাথে চ্যালেঞ্জ করার সময় নবুয়ত প্রাপ্ত ব্যক্তি হতে এমন অলৌকিক কাজ সংঘটিত হওয়া যার মুকাবিলা করতে অবিশ্বাসী সম্প্রদায় অক্ষম।^৫

ড. মুস্তফা মুরাদ বলেন-

المعجزة في اللغة مأخوذ من الاعجاز وحقيقة اثبات المعجزة في الغير ثم استعير لاطهار ثم اسند

مجازا الى ما هو سبب العجز وجعل اسماله ، وهو الامر الخارق للعادة والتاء فيه للمبالغة والمعجزة

اصطلاحاً امر خارق للعادة يظهره الله على يد مدعى النبوة في دار التكلف سالم من المعارضة

يقصد بها تحدى المنكرين

মু'জিয়া শব্দটি اعجاز থেকে নির্গত। এর উদ্দেশ্য হল অপরকে অক্ষম করা। অতঃপর রূপক অর্থে অক্ষমতা প্রকাশ ও এর কারণের জন্যে ব্যবহার হয় এবং রূপক অর্থেই এর নামকরণ করা হয়েছে। অস্বাভাবিক কাজকে মু'জিয়া বলা হয়। এখানে ে অক্ষরটি মুবালাগা তথা সর্বোচ্চ বা অতিমাত্রা অর্থে ব্যবহৃত।

পরিভাষায়- এই পৃথিবীতে যে সব অস্বাভাবিক ঘটনা নবীর নবুয়তের প্রমাণ স্বরূপ আল্লাহ তায়ালা নবীর মাধ্যমে প্রকাশ করেন তাকে মু'জিয়া বলা হয়। এর দ্বারা উদ্দেশ্য হল বিরুদ্ধ বাদীদেরকে চ্যালেঞ্জের মাধ্যমে অক্ষম করা।^৬

^৪. আল মু'জামুল ওয়াসীত, আরবী, পৃ:৫৮৫


^৫. আলী ইবনে মুহাম্মদ জুরজানী ρ (৮১৬হি.), কিতাবুত তা'রীফাত, আরবী, বৈরুত, লেবানন, পৃ:২১৯ ও

মুফতি আমীমুল এহসান ρ (১৯৭৪খৃ:), কাওয়ামেদুল ফিকহ, আরবী, পৃ:৪৯৪

^৬. আল্লামা সা'দ উদ্দিন তাফতায়ানী ρ (১৯১হি.), শরহুল আকায়েদ নসফিয়াহ, আরবী, পৃ:১৩৪

‘আন নিবরাস’ গ্রন্থে স্বভাববিরোধী কাজকে সাতভাগে বিভক্ত করা হয়েছে। সেখানে বলা হয়েছে-

اقسام الخوارق سبعة احدها المعجزة من الانبياء ثانيها الكرامة للاولياء ثالثها المعونة لعوام المؤمنين ممن ليس ناسقًا ولا وليا رابعها الارهاص للنبي قبل ان يعث كشليم الاحجار على النبي صلى الله عليه وسلم وادرجه بعضهم فى الكرامة وبعضهم فى المعجزة مجازًا خامسها الاستدراج للكافر والفاسق المجاهر على وفق غرضه سمي لانه يوصل بالتدريج الى النار سادسها الاهانة للكافر والفاسق على خلاف غرضه كما ظهر عن مسيلمة اكداب اذ تمضمض فى ماء فصارمَلحًا -
ومس عين الاعور فصار عمى سابعها السحر لنفس شريرة تستعمل اعمالًا محصورة باعانة الشياطين -

অর্থ: অলৌকিক বা স্বভাব বিরোধী কাজ হল সাত প্রকার। যথা: এক. মু'জিয়া যা আশিয়ায়ে কিরাম থেকে প্রকাশ পায়, দুই. কারামাত যা আউলিয়ায়ে কিরাম থেকে প্রকাশ পায়, তিন. মা'উনাত যা সাধারণ মু'মিন ব্যক্তি থেকে প্রকাশ পায় যারা ফাসিকও নয় আবার অলীও নয়, চার. ইরহাছ যা নবুয়ত প্রাপ্তি বা প্রকাশের পূর্বে নবীগণ থেকে প্রকাশ পায়। যেমন- পাথরে নবী  কে সালাম করা নবুয়ত প্রকাশের পূর্বে। তবে কেউ কেউ এই প্রকারকে কারামাতের অন্তর্ভুক্ত করেছেন আবার কেউ কেউ রূপকভাবে এটাকে মু'জিয়া'র অন্তর্ভুক্ত করেছেন। পাঁচ, ইসতিদরাজ যা কাফির ও প্রকাশ্য ফাসেক ব্যক্তি থেকে তার উদ্দেশ্য বা চাহিদা মোতাবেক প্রকাশ হয়। এটা ইসতিদরাজ করে নাম করণের কারণ হল এটি ধীরে ধীরে তার প্রকাশক কে জাহান্নামের দিকে নিয়ে যায়। ছয়. এহানত যা কাফির ও ফাসিক ভণ্ড নবী মুসায়লামাতুল কাজ্জাব থেকে। সে যখন কোন পানিতে কুলি করত তা লবণাক্ত হয়ে যেত আর যখন কোন বাঁকা চোখ স্পর্শ করত তা কিছু বিশেষ আমল বা কাজ যা শয়তানের সাহায্যে সংঘটিত হয়।^১

মু'জিয়া ও যাদু'র পার্থক্য

১. যাদু বিদ্যা শিক্ষার মাধ্যমে হাশিল করা হয় কিন্তু মু'জিয়া শিক্ষার মাধ্যমে হাশিল করা যায় না। বরং আন্বাহ তায়াল্লা যখন ইচ্ছা করেন তখন তিনি নবী-রাসূলগণের মাধ্যমে এর বহিঃপ্রকাশ ঘটান।

^৬ ড. মুস্তফা মুরাদ, মু'জিয়াতুল রাসূল , আরবী, কায়রো, মিশর, পৃ:১২

^১ মুহাম্মদ আব্দুল আজিজ ফারহাদী (র.), আন নিবরাস, আরবী, পৃ:২৭২ ও মুহাম্মদ আমজাদ আলী (১৩৬৭হি.) বাহারে শরিয়ত, উর্দু, বেরেলী শরীফ, খণ্ড:১ম, পৃ:১৭ ও গোলাম রাসূল সাঈদী, শরহে মুসলিম, উর্দু, গুজরাট, খণ্ড:৬ষ্ঠ, পৃ:৬৭৯


২. যাদুর মোকাবিলা করা সম্ভব। তাই এক যাদুকর অন্য যাদুকরের যাদুকে নস্যাৎ করে দিতে পারে। কিন্তু মু'জিয়ার মোকাবিলা করা কোন মানুষের পক্ষে সম্ভব নয়।

৩. যাদুর কোন বাস্তবতা নেই। বরং যাদু হচ্ছে একটি দৃষ্টিবিভ্রম ও সম্মোহন জনিত বিষয়। পক্ষান্তরে মু'জিয়া কোন দৃষ্টিবিভ্রম বা কাল্পনিক বিষয় নয়। বরং মু'জিয়া হচ্ছে বাস্তব ঘটনা যা আল্লাহর কুদরতের নিদর্শন।

৪. যাদু প্রদর্শন করা হয় পার্থিন স্বার্থ চরিতার্থ করার জন্য। আর মু'জিয়ার বহিঃপ্রকাশ ঘটানো হয় দ্বীনের সত্যতা প্রকাশের জন্য।

৫. যাদুকর তার ইচ্ছানুযায়ী যাদু প্রকাশ করতে পারে, কিন্তু মু'জিয়ার প্রকাশ নির্ভর করে একমাত্র আল্লাহ তায়ালার ইচ্ছার উপর।

৬. যাদু মানুষকে অহংকারী ও গোমরাহ বানায় পক্ষান্তরে মু'জিয়া আল্লাহর আনুগত্যে ও বন্দেগীতে পূর্ণতা আনে।

৭. যাদুতে শয়তানী প্রভাব থাকে কিন্তু মু'জিয়ায় খোদায়ী প্রভাব থাকে। তাই সর্বশ্রেষ্ঠ ও সর্বশেষ যাদুকর হবে প্রধান দাজ্জাল পক্ষান্তরে সর্বশ্রেষ্ঠ ও সর্বশেষ মু'জিয়ার অধিকারী হলেন খাতেমুন নবী হযরত মুহাম্মদ মোস্তফা ।

মু'জিয়া ও কারামাতের পার্থক্য


১. মু'জিয়ার উদ্দেশ্য হল নবুয়ত অস্বীকারকারী লোকদের নিকট নবীর সত্যতা প্রকাশ এবং অস্বীকার কারীদের তা থেকে অক্ষম প্রকাশ করা। আর কারামাতের উদ্দেশ্য হচ্ছে ওলীগণের সম্মান বৃদ্ধি করা।

২. মু'জিয়া নবী ও রাসূলগণের মাধ্যমেই প্রকাশ ঘটে। আর কারামাত ঘটে থাকে ওলীগণের মাধ্যমে।

৩. মু'জিয়া প্রকাশ করা জরুরী। কিন্তু কারামাত গোপন রাখা উত্তম।

৪. ওলী তাঁর কারামাত সম্বন্ধে অবগত নাও থাকতে পারেন। কিন্তু নবী-রাসূলগণের মাধ্যমে প্রকাশিত মু'জিয়া সম্পর্কে তাঁরা অবহিত থাকেন।^৮

প্রকৃতপক্ষে মু'জিয়া হল আল্লাহ তায়ালার অপরিসীম কুদরতের অন্যতম নিদর্শন। এর মাধ্যমে যেমনি আল্লাহর অসীম কুদরতের প্রকাশ ঘটে ঠিক তেমনি এর দ্বারা সংশ্লিষ্ট নবীর নবুয়তও প্রমাণিত হয়। মু'জিয়া অস্বীকার করা প্রকারান্তরে আল্লাহর কুদরতকে অস্বীকার করার সমতুল্য আর তা নিঃসন্দেহে কুফুরী।

আল্লাহ তায়লা তাঁর প্রেরিত রাসূলগণের মধ্যে সবচেয়ে মু'জিয়া দান করেছেন তাঁর প্রিয় শেষ নবী মুহাম্মদ  কে। মূলত প্রিয় নবী থেকে প্রকাশিত মু'জিয়ার সংখ্যা নিরূপণ

^৮ দৈনন্দিন জীবনে ইসলাম, বাংলা, ইসলামিক ফাউন্ডেশন বাংলাদেশ, পৃ: ৭৫ ও বিভিন্ন নির্ভরযোগ্য কিতাব

করা অসম্ভব। ইমাম সুয়ুতী ρ প্রসিদ্ধ কিতাব আল খাসায়েসুল কুবরা ১ম খণ্ডের ১৯৭ পৃষ্ঠায় বলেছেন- শুধু পবিত্র কুরআনের মধ্যেই ষাট হাজারের অধিক মু'জিয়া বিদ্যমান।

ইমাম নববী ρ শরহে মুসলিমের ভূমিকায় বলেন- নবী করিম ﷺ 'র মু'জিয়ার সংখ্যা বারশ'র বেশী। ইমাম বায়হাকী ρ 'মাদখাল' গ্রন্থে এর সংখ্যা এক হাজার বলেছেন। হানাফী মাযহাবের প্রখ্যাত ইমাম যাহেদী ρ বলেন, রাসূল ﷺ 'র হাত মোবারকে একহাজার মু'জিয়া প্রকাশ পেয়েছে। কোন কোন রেওয়াজেতে এর সংখ্যা তিন হাজার বলা হয়েছে।

ইমাম যুরকানী ρ শরহে মাওয়াহেব গ্রন্থে বলেন- রাসূল ﷺ 'র মু'জিয়ার সংখ্যা এক হাজার কিংবা তিন হাজার যে বলা হয়েছে, তাতে কুরআনী মু'জিয়া অন্তর্ভুক্ত নেই। কুরআনী মু'জিয়া ব্যতীত এ সংখ্যা নির্ণয় করা হয়েছে। কেননা শুধু কুরআনে হাকীমে প্রায় ষাট হাজার মু'জিয়া বিদ্যমান।^৯

দেওবন্দী মওলভীদের গ্রহণযোগ্য শায়খ মাওলানা আশরাফ আলী খানভী তার রচিত কিতাব 'নাশরুত তীব ফী যিকরিন নাবিয়্যিল হাবীব' এর ১৯৯ পৃষ্ঠায় বলেছেন, রাসূল ﷺ 'র মু'জিয়া এবং অলৌকিক ঘটনা অসংখ্য। এর মধ্যে অত্যন্ত প্রকাশ্য সংখ্যা দশ হাজারের অধিক।

এ অসংখ্য মু'জিয়া সমূহকে যুগে যুগে শ্রেষ্ঠ মুহাদ্দিসীনে কেলাম বিশাল গ্রন্থ রচনা করে একত্রিত করার চেষ্টা করেছেন। তন্মধ্যে উল্লেখযোগ্য কয়েকটি হল- ১. হাফেজ আবু বকর বায়হাকী ρ , ২. আবু নঈম ইস্পাহানী ρ , ৩. আবুস শায়খ ইস্পাহানী ρ , ৪. আবুল কাশেম তাবরানী (র.), ৫. আবু যুরআ রাযী ρ , ৬. আবু বকর ইবনে আবিদ দুনিয়া ρ , ৭. আবু ইসহাক হারবী (র.), ৮. আবু জা'ফর ফারয়াবী ρ ও আবু আব্দুল্লাহ মুকাদ্দাসী ρ । এদের সকলের লিখিত কিতাবের নাম হল- দালায়েলুন নরয়্যাত। এছাড়াও আবুল ফরজ ইবনে জওযী ρ 'র কিতাবুল ওয়াফা ফি ফাযায়েলিল মোস্তফা, আল্লামা জালাল উদ্দিন সুয়ুতী ρ 'র আল খাসায়েসুল কুবরা, ইবনে কাসীর ρ 'র মু'জিয়াতুর রাসূল ﷺ, আল্লামা ইউসুফ নাবহানী ρ 'র হুজ্জাতুল্লাহি আলাল আলামীন ও ড. মুস্তফা মুরাদ'র মু'জিয়াতুর রাসূল ﷺ উল্লেখযোগ্য গ্রন্থ।

সাধারণত মু'জিয়ার প্রয়োজনীয়তা ও উপকারিতা তিনটি। যথা: এক. নবী-রাসূলগণের নবয়্যাত ও রেসালতের সত্যতা প্রমাণ করা, দুই. কাফির, মুশরিক ও বেঈমানদের ঈমান গ্রহণ করা ও তিন. ঈমানদার গণের ঈমান আরো মজবুত করা। যেহেতু নবী আগমনের কোন অবকাশ নেই সেহেতু প্রথমটির প্রয়োজনীয়তাও বর্তমান নেই তবে শেষ দু'টির প্রয়োজনীয়তা এখনো বিদ্যমান। নবী-রাসূলগণের মু'জিয়া পড়ে ও শুনে ঈমান আনার ঘটনা সংখ্যায় কম হলেও দুর্বল ঈমানদারের ঈমান মজবুত ও সুদৃঢ় হওয়ার অসংখ্য দৃষ্টান্ত বিদ্যমান। কালের

^৯. আল্লামা ইউসুফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড: ১ম পৃ: ১৫৯-১৬০

বিবর্তনে মানুষের ঈমান ক্রমাশয়ে দুর্বল হয়ে আসছে। এই সব বাস্তব, সত্য ও বিশুদ্ধ মু'জিয়া সমূহ পাঠে নিশ্চয়ই পাঠকের ঈমান মজবুত হবে। এই মহৎ উদ্দেশ্যকে সামনে রেখে বিশেষত 'আল খাসায়েসুল কুবরা' সহ বিভিন্ন নির্ভরযোগ্য আরবী-উর্দু, কিতাব থেকে নবী মুহাম্মদ ﷺ সহ অন্যান্য আশিয়ায়ে কেরামের মু'জিয়াসমূহকে বাংলা ভাষায় সংকলন করার প্রয়াস পেয়েছি।

তাছাড়া ইতিপূর্বে অধমের প্রকাশিত 'বিষয় ভিত্তিক কারামতে আউলিয়া' গ্রন্থটি পাঠক সমাজে বিপুল সমাদৃত হওয়া ও পাঠকের ভালোবাসাই মূলত এই গ্রন্থটি সংকলনের প্রতি উদ্বুদ্ধ করেছে। গ্রন্থটির নামকরণ করা হয়েছে 'বিষয় ভিত্তিক মু'জিয়াতুর রাসূল ﷺ' গ্রন্থটি যদি পাঠকের অন্তরে সামান্যতমও স্থান লাভ করে এবং পাঠক সন্তুষ্ট হয়ে দোয়া করে তবে তাই হবে আমাদের জন্য সবচেয়ে বড় পাওনা।

উল্লেখ্য যে, এ পুস্তকে বর্ণিত মু'জিয়া সমূহ কোন কল্পিত কাহিনী কিংবা মনগড়া বর্ণনা নয় বরং সবগুলো মু'জিয়া পবিত্র কুরআন বা বিশুদ্ধ হাদিস দ্বারা সমর্থিত। প্রতিটি মু'জিয়া বর্ণনার শেষে লেখকের নাম, মূল কিতাবের নাম, সূরার নাম, পৃষ্ঠা নম্বর ও আয়াত নম্বর সহ উদ্ধৃতি দিতে কার্পণ্য করিনি। তবে যে কিতাবের রেফারেন্স দেওয়া হয়েছে ঘটনাটি শুধু সেই কিতাবেই সীমাবদ্ধ নয় বরং আরো বহু কিতাবে ঐ ঘটনা উল্লেখ রয়েছে। কিন্তু অধমের ক্ষুদ্র জ্ঞান সাধ্য ও সংগ্রহ স্বল্পতার কারণে এবং পুস্তকখানা কলেবর বৃদ্ধি হওয়ার আশঙ্কায় উদ্ধৃতি দু'একটি গ্রন্থের মধ্যেই সীমাবদ্ধ রাখতে হয়েছে, রেফারেন্স গ্রন্থের স্বল্পতার কারণে নয়। মানুষ ভুলের উর্ধ্ব নয়, তবুও সাধ্যমত চেষ্টা করেছি নির্ভুল করতে। অনিচ্ছা সত্ত্বেও কোন ক্রটি বিজ্ঞ পাঠকের দৃষ্টিগোচর হলে মার্জিত দৃষ্টি কাম্য। যদি আমাদেরকে অবহিত করেন তবে কৃতজ্ঞ হবো এবং পবরতী সংস্করণে সংশোধনের চেষ্টা করবো।

পরিশেষে যাদের অক্লান্ত পরিশ্রম এবং বিশেষত প্রকাশক বন্ধুবর আলাহাজ্ব রশিদ আহমদ'র অর্থায়নে গ্রন্থখানি পাঠকের হাতে পৌঁছেছে। সকলের পরিশ্রম ও সহযোগীতাকে শ্রদ্ধার সাথে স্মরণ করছি ও তাদের প্রতি কৃতজ্ঞতা প্রকাশ করছি। সাথে সাথে মহান আল্লাহর দরবারে প্রার্থনা করছি যেন তিনি এই ক্ষুদ্র প্রয়াস কবুল করে উভয় জগতের কামিয়াবী দান করেন। আমীন, বেহরমতে খাতামুন নাবিয়ীন।

যদি তারা সত্যবাদী হয়ে থাকে, তবে এর অনুরূপ কোন রচনা উপস্থিত করুক। (সূরা তুর, আয়াত: ৩৪)^{১১}

কারী আয়ায (র.) বলেন, আল্লাহ তায়ালা বলেন,

أَمْ يَقُولُونَ افْتَرَاهُ قُلْ فَأْتُوا بِسُورَةٍ مِّثْلِهِ وَادْعُوا مَنِاسْتَكُمْ مَنْ دُنُو اللَّهِ إِنَّكُمْ سَادِقِينَ

তারা কি বলে যে, এটি বানিয়ে এনেছে? আপনি বলে দিন, তোমরা একটি মাত্র সূরা নিয়ে এসো, আর এ ব্যাপারে আল্লাহ ব্যতীত যাদেরকে ডাকা সক্ষম সবাইকে ডেকে নাও। (সূরা ইউনুচ, আয়াত: ৩৮)

অপর জায়গায় বলেন,

أَمْ يَقُولُونَ افْتَرَاهُ قُلْ فَأْتُوا بِشُرُوهَا هُفْتَرِي مَا تَدْعُوا مَنِاسْتَكُمْ مَنْ دُنُو اللَّهِ إِنَّكُمْ سَادِقِينَ -

অর্থ: তারা কি বলে! কুরআনকে আপনি বানিয়ে এনেছেন? আপনি বলুন, তবে তোমরাও অনুরূপ তৈরী করে নিয়ে এসো এবং আল্লাহ ছাড়া যাকে পার ডেকে নাও, যদি তোমরা সত্যবাদী হও। (সূরা ছুদ, আয়াত: ১৩)^{১২}

ইমাম বুখারী (র.) হযরত আবু হোরাইরা (রা.) থেকে বর্ণনা করেন, তিনি বলেন, রাসূল এরশাদ করেন,

ما من الانبياء بنى الا اعطى ما مثله آمن عليه البشر وانما كان الذي اتيته وحياً اوحاه الله الى فاجوان اكون اكثرهم تايماً -

আম্বিয়ায়ে কেলামগণের প্রত্যেককে এর ন্যায় বস্ত্র দেওয়া হয়েছে, যার উপর মানবজাতি ঈমান এনেছিল। আর আমাকে যা দেওয়া হয়েছে তা তা হল ওহী, যা আল্লাহ আমার প্রতি প্রেরণ করেছেন। সুতরাং আমি আশাকরি, সকল আম্বিয়ায়ে কেলাম থেকে আমার অনুসারী অধিক হবে।^{১৩}

কুরআন স্থায়ী মু'জিয়া

^{১১} . ইমাম সুয়ুতীর জালাল উদ্দিন সুয়ুতী (র.) (৯১১হি:), আল খাসায়েসুল কুবরা, আরবী, বৈরত, খণ্ড-১ম, পৃ:১৮৭

^{১২} . কাযী আয়ায (র.) (৪৭৬-৫৪৪হি.) শেফা শরীফ, আরবী, মাকতাবাতুস সাফা, কায়রো, মিশর, খণ্ড ১ম, পৃ. ১৭১

^{১৩} . ইমাম সুয়ুতী, জালাল উদ্দিন সুয়ুতী (র.), আল খাসায়েসুল কুবরা, আর্বি, বৈরত, খণ্ড ১ম, পৃ. ১৮৮

ইমাম সুয়ুতী (র.) বলেন, ওলামায়ে কেরাম উক্ত হাদীসে উদ্দেশ্য হল, অন্যান্য আশীয়ায়ে কেরামের মু'জিয়া তাদের যামানা শেষ হওয়ার সাথে শেষ হয়ে গিয়েছিল। আর তাদের মু'জিয়াসমূহ শুধু তারাই অবলোকন করেছিল যারা সেকালে ছিল। পক্ষান্তরে কুরআনে করিম হল কিয়ামত পর্যন্ত বিদ্যমান থাকা একটি মু'জিয়া। তাছাড়া কুরআনে করিম তার বচন ভঙ্গী, অলংকারপূর্ণ তথা বালাগাত ও ফাসাহাতে ও অদৃশ্যের সংবাদ প্রদানে সম্পূর্ণ অলৌকিক।

প্রতি যুগে সংঘটিত কোন না কোন প্রকাশিত ঘটনা সম্পর্কে কুরআনে প্রকাশ করা হয়েছে এবং ভবিষ্যতে কি হবে না হবে এ বিষয়েও সংবাদ দেওয়া হয়েছে। সুতরাং এ সব কিছু কুরআনের বিশুদ্ধতার প্রমাণ বহন করে।^{১৪}

ওলীদ ইবনে মুগীরা'র স্বীকারোক্তি

ইমাম বায়হাকী (র.) ওলীদ ইবনে মুগীরা'র ঘটনা বর্ণনা করে বলেন, সে বালাগাত-ফাসাহাতে তৎকালীন কুরাইশদের মধ্যে শ্রেষ্ঠ ছিল। সে একবার নবী করিম ﷺ'র কাছে আরজ করল, আপনার উপর যা অবতীর্ণ হয় তা থেকে কিছু পড়ে আমাকে শুনান যাতে আমি তা নিয়ে গবেষণা করবো।

তখন তিনি নিম্নোক্ত আয়াত পাঠ করেন—

أَنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبِغْيِ

يعظكم لعلكم تذكرون -

নিশ্চয়ই আল্লাহ তায়ালা ন্যায় প্রতিষ্ঠার, সৎ কাজের ও প্রতিবেশীকে দান করার আদেশ করেন। আর অশ্লীলতা, অবৈধ কাজ এবং অবাধ্য হওয়া থেকে নিষেধ করেন। তোমাদেরকে নসীহত বা সৎ উপদেশ দিচ্ছেন যাতে তোমরা উপদেশ গ্রহণ করতে পার। (সূরা..... আয়াত: ...)

ওলীদ এই আয়াত শুনে বলল, আবার পড়ুন। তিনি দ্বিতীয়বার এই আয়াত তেলাওয়াত করলে ওলীদ বলল, আল্লাহ'র কসম, এই কালাম বড়ই মিষ্টি ও সতেজ। এর উপরিভাগ খেজুরে পূর্ণ আর নিম্নভাগ খুবই শক্ত ও মজবুত। وما يقول هذا بشر। আর এটি কোন মানবের কালাম নয়।^{১৫}

কুরআন সংরক্ষণের দায়িত্ব আল্লাহর

^{১৪} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড ১ম, পৃ. ১৮৮

^{১৫} . ইউসূফ নাবহানী (র.) (১৩৫০হি.), হুজ্জাতুল্লাহি আল্লাল আলামীন, উর্দু, গুজরাট, খণ্ড ১ম, পৃ. ৪৭১

পবিত্র কুরআনের অন্যতম একটি মু'জিযা হল কিয়ামত পর্যন্ত ইহা সম্পূর্ণ অবিকৃত থাকবে আর এর সংরক্ষণের দায়িত্ব স্বয়ং স্রষ্টা। আল্লাহ তায়ালা বলেন—

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

অর্থ: আমি স্বয়ং এই উপদেশ গ্রহণ তথা কুরআন অবতরণ করেছি এবং আমি নিজেই এর সংরক্ষক। (সূরা হিজর, আয়াত: ৯)

ইমাম কুরতুবী (র.) এই আয়াতের ব্যাখ্যায় মুত্তাসিল সনদ দ্বারা এবং ইমাম জালাল উদ্দিন সুয়ুতী (র.) 'আল-খাসায়েসুল কুবরা' গ্রন্থে খলিফা মামুনুর রশিদের দরবারের একটি ঘটনা বর্ণনা করেছেন। খলিফা মামুনের দরবারে মাঝে মাঝে শিক্ষা সম্পর্কিত বিষয়াদি নিয়ে তর্ক-বিতর্ক ও আলোচনা সভা অনুষ্ঠিত হত। এতে জ্ঞান-বিজ্ঞানের বিভিন্ন শাখার পণ্ডিত ব্যক্তিগণের অংশগ্রহণের অনুমতি ছিল। এমনি এক আলোচনা সভায় জনৈক ইহুদী পণ্ডিত আগমণ করল। আকার-আকৃতি, পোশাক ইত্যাদির দিক দিয়েও তাকে একজন বিশিষ্ট ব্যক্তি মনে হচ্ছিল। তদুপরি তার আলোচনাও ছিল অত্যন্ত প্রাঞ্জল, অলংকারপূর্ণ এবং বিজ্ঞানসূলভ। সভা শেষে মামুন তাকে ডেকে জিজ্ঞেস করলেন, তুমি কি ইহুদী? সে স্বীকার করল। মামুন পরীক্ষা করে তাকে বললেন, তুমি যদি মুসলমান হয়ে যাও, তবে তোমার সাথে চমৎকার ব্যবহার করা হবে।

সে উত্তরে বলল, আমি পৈতৃক ধর্ম বিসর্জন দিতে পারিনা। কথাবার্তা এখানেই শেষ হয়ে গেল। লোকটি চলে গেল। কিন্তু এক বছর পর সে মুসলমান হয়ে আবার দরবারে আগমণ করল এবং আলোচন্য সভায় ইসলামী ফিকাহ সম্পর্কে সারগর্ভ বক্তৃতা ও যুক্তিপূর্ণ তথ্যাদি উপস্থিত করল। সভা শেষে মামুন তাকে ডেকে বললেন, আপনি কি ঐ ব্যক্তি, যে বিগত বছর এসেছিল? সে বলল, হ্যাঁ, আমি ঐ ব্যক্তিই বটে। মামুন জিজ্ঞেস করলেন, তখন তো আপনি ইসলাম গ্রহণ করতে অস্বীকৃত ছিলেন। এরপর এখন মুসলমান হওয়ার কারণটা কি?

সে বলল, আপনার দরবার থেকে ফিরে যাবার পর আমি বর্তমানকালের বিভিন্ন ধর্ম সম্পর্কে গবেষণা করার ইচ্ছা করি। আমি একজন হস্তলেখ্য বিশারদ। স্বহস্তে গ্রন্থাদি লিখে উঁচু দামে বিক্রয় করি। আমি পরীক্ষামূলকভাবে তাওরাতের তিনটি কপি লিপিবদ্ধ করলাম। এগুলোতে অনেক জায়গায় নিজের পক্ষ থেকে বেশ কম করে লিখে কপিগুলো নিয়ে ইহুদীদের উপাসনালয়ে উপস্থিত হলাম। ইহুদীরা অত্যন্ত আগ্রহের সাথে কপিগুলো কিনে নিল। অত:পর এমনিভাবে ইঞ্জিলের তিন কপি কম-বেশ করে লিখে খৃষ্টানদের উপাসনালয়ে নিয়ে গেলাম। তারাও খুব খাতির যত্ন করে কপিগুলো আমার কাছ থেকে কিনে নিল। এরপর কুরআনের ক্ষেত্রেও আমি তাই করলাম। এরও তিনটি কপি সুন্দরভাবে লিপিবদ্ধ করলাম এবং নিজের পক্ষ থেকে কম-বেশ করে দিলাম। এগুলো নিয়ে যখন বিক্রয়ার্থে বের হলাম, তখন যে-ই দেখল, সে-ই প্রথমে আমার লেখা কপিটি নির্ভুল কি না, যাচাই করে দেখল। অত:পর বেশ-কম দেখে কপিগুলো ফেরৎ দিয়ে দিল।

এ ঘটনা দেখে আমি শিক্ষাই গ্রহণ করলাম যে, গ্রন্থটি ছবছ সংরক্ষিত আছে এবং আল্লাহ তায়ালা নিজেই এর সংরক্ষণ করছেন। এরপর আমি মুসলমান হয়ে গেলাম।

ঘটনার বর্ণনাকারী হযরত ইয়াহিয়া ইবনে আকসাম (র.) বলেন, ঘটনাক্রমে সে বছর আমার হজুব্রত পালন করার সৌভাগ্য হয়। সেখানে প্রখ্যাত আলেম হযরত সুফিয়ান ইবনে ওয়াইনাহ (র.) সাথে আমার সাক্ষাৎ হলে ঘটনাটি তাঁর কাছে ব্যক্ত করলাম, তিনি বললেন, নিঃসন্দেহে এরূপ হওয়াই বিধেয়। কারণ, কুরআনে এ সত্যের সমর্থন বিদ্যমান রয়েছে। আমি বললাম, কুরআনের কোন আয়াতে আছে? উত্তরে তিনি বলেন, কুরআনে তাওরাত ও ইঞ্জিলের বেলায় আল্লাহ বলেছেন—

بِمَا أَسْتَعْجِلُوا مِنْ كِتَابِ اللَّهِ

অর্থ: কেননা, তাদেরকে (ইহুদী ও খৃষ্টানদেরকে) আল্লাহর কিতাব (তাওরাত ও ইঞ্জিল)’র হেফাজতের দায়িত্ব দেয়া হয়েছিল (সূরা মায়িদাহ, আয়াত: ৪৪) ঐ কিতাবদ্বয়ের সংরক্ষণের দায়িত্ববান ছিল তারা পক্ষান্তরে কুরআনের বেলায় বলা হয়েছে—

انا نحن نزلنا الذكر
والماله لحاظون । আল্লাহ নিজেই এর সংরক্ষণের দায়িত্ব নিয়েছেন বিধায় আজ পর্যন্ত এটির একটি যের, যবর ও নুজা পর্যন্ত কেউ পরিবর্তন করতে পারেনি এবং কিয়ামত পর্যন্ত পারবেও না।^{১৬}

মে’রাজ

পবিত্র কুরআনে আল্লাহ তায়ালা এরশাদ করেন—

سُبْحَانَ الَّذِي أَسْأَلُكَ بِمَلِيَّتِي مِنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ رَبِّهِ
أَيْنَمَا تَشَاءُ إِنَّهُ هُوَ السَّمِيعُ الْعَلِيمُ -

পরম পবিত্র ও মহিমাময় সত্তা তিনি, যিনি স্বীয় বান্দা) মুহাম্মদ ﷺ কে রাত্রি বেলায় ভ্রমণ করিয়েছিলেন মসজিদে হারাম থেকে মসজিদে আকসা পর্যন্ত, যার চার দিকে আমি পর্যাপ্ত বরকত দান করেছি— যাতে আমি তাঁকে কুদরতের কিছু নিদর্শন দেখিয়েছেই। নিশ্চয়ই তিনি পরম শ্রবণকারী, দর্শনশীল। (সূরা বনী ইসরাঈল, আয়াত: ১)

ইমাম জালাল উদ্দিন সুয়ুতী (র.) বলেন, নিম্নোক্ত সাহাবা কেবরাম থেকে মে’রাজের ঘটনা সংক্ষিপ্ত ও দীর্ঘাকারে বর্ণিত হয়েছে— ১) হযরত আনাস (রা.), ২) হযরত উবাই ইবনে কা’ব (রা.), ৩) বুরাইদাহ (রা.), ৪) জাবের ইবনে আব্দুল্লাহ (রা.), ৫) হুযাইফা ইবনুল ইয়ামান (রা.), ৬) সামুরা ইবনে য়ুনদাব (রা.), ৭) সাহল ইবনে সা’দ (রা.), ৮) সাদ্দাদ ইবনে আউস (রা.), ৯) সুহাইব (রা.), ১০) ইবনে আব্বাস (রা.), ১১) ইবনে ওমর (রা.), ১২) ইবনে আমর (রা.), ১৩) ইবনে মসউদ (রা.), ১৪) আব্দুল্লাহ ইবনে আসয়াদ ইবনে যেরারাহ (রা.), ১৫) আব্দুর রহমান ইবনে কারায (রা.), ১৬) আলী ইবনে আবি তালেব (রা.), ১৭) ওমর ইবনে খাত্তাব (রা.), ১৮) মালেক ইবনে সা’সায়াহ (রা.), ১৯)

^{১৬} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড ২য়, পৃ. ৩১৬

আবু উমামাহ (রা.), ২০) আবু আইয়ুব আনসারী (রা.), ২১) আবু হিব্বাহ (রা.), ২২) আবুল হামরা (রা.), ২৩) আবু যর (রা.), ২৪) আবু সাদ্দিদ খুদুরী (রা.), ২৫) আবু সুফিয়ান ইবনে হারাব (রা.), ২৬) আবু লায়লা আনসারী (রা.), ২৭) আবু হোরায়রা (রা.), ২৮) আয়েশা (রা.), ২৯) আসমা বিনতে আবি বকর (রা.), ৩০) উম্মেহানী (রা.) ও ৩১) উম্মে সালমা (রা.)^{১৭}

ইমাম মুসলিম (র.) মুসলিম শরীফে হযরত আনাস (রা.) থেকে বর্ণনা করেন, নবী করিম (সা.) এরশাদ করেন, আমার কাছে বুরাক আনা হলো। সেটি দীর্ঘকায় ও সাদা রঙের চতুষ্পদ জন্তু যা গাধা থেকে বড় আর খচর থেকেও ছোট ছিল। এর পা দৃষ্টিশক্তির প্রান্ত সীমা পর্যন্ত পৌঁছত। আমি এর আরোহণ করে বায়তুল মোকাদ্দাসে পৌঁছলাম। যেখানে আশীয়ায়ে কেরামগণ তাদের সওয়ারী বাঁধতেন আমিও সেখানে উহাকে বাঁধলাম। তারপর মসজিদে প্রবেশ করে দু'রাকাত নামায পড়ে বাইরে আসলাম। হযরত জিব্রাঈল (আ.) আমার কাছে এক পাত্র শরাব ও একপাত্র দুধ নিয়ে আসেন। আমি দুধ নিলাম। তখন জিব্রাঈল (আ.) বললেন, আপনি ফিতরাত গ্রহণ করলেন।

তারপর আমাকে আসমানে নিয়ে যাওয়া হলো এবং জিব্রাঈল (আ.) আসমানের দরজায় করাঘাত করলে জিজ্ঞেস করা হল কে? তিনি বললেন, আমি জিব্রাঈল, জিজ্ঞেস করা হল, আপনার সাথে কে? উত্তরে বললেন, মুহাম্মদ ﷺ। জিজ্ঞেস করা হল তাঁকে আহ্বান করা হয়েছে? উত্তরে বললেন, হ্যাঁ, তাঁকে আহ্বান করা হয়েছে। রাসূল ﷺ বলেন, আমাদের জন্য আসমানের দরজা খুলে দেওয়া হল সেখানে হযরত আদম (আ.)'র সাথে আমার সাক্ষাৎ হল। তিনি আমাকে মারহাবা বলে স্বাগতম জানালেন এবং দোয়া করলেন। তারপর আমাকে দ্বিতীয় আসমানে নিয়ে যাওয়া হল এবং হযরত জিব্রাঈল (আ.) দরজায় করাঘাত করলে আওয়াজ আসল আপনি কে? তিনি বলেন, আমি জিব্রাঈল। জিজ্ঞেস করা হল আপনার সাথে কে? উত্তরে বললেন, মুহাম্মদ ﷺ। জিজ্ঞেস করা হল- তাঁকে কি আহ্বান করা হয়েছে? উত্তর দিলেন, হ্যাঁ, তাঁকে আহ্বান করা হয়েছে।

রাসূল ﷺ এরশাদ করেন, আসমানের দরজা খুলে দেওয়া হল। সেখানে হযরত ঈসা ইবনে মরয়ম ও হযরত ইয়াহিয়া ইবনে যাকারিয়া ﷺ 'র সাথে আমার সাক্ষাৎ হল, যারা পরস্পর সম্পর্কে খালত ভাই ছিল। তারা উভয়ে আমাকে স্বাগতম জানালেন এবং দোয়া করলেন।

এরপর আমাদেরকে তৃতীয় আসমানে নেওয়া হলো এবং জিব্রাঈল (আ.) দরজায় নাড়া দিলে জিজ্ঞেস করা হয় কে? উত্তর দিলেন, আমি জিব্রাঈল, জিজ্ঞেস করা হল, আপনার সাথে কে? উত্তরে বললেন, মুহাম্মদ ﷺ। জিজ্ঞেস করা হল- তাঁকে কি আহ্বান করা হয়েছে? উত্তরে বললেন, হ্যাঁ, তাঁকে আহ্বান করা হয়েছে। রাসূল ﷺ বলেন, আমাদের জন্য আসমানের দরজা খুলে দেওয়া হল এবং সেখানে হযরত ইউসূফ (আ.)'র সাথে আমার সাক্ষাৎ হল, যাকে আল্লাহ তায়ালা সৌন্দর্যের অর্ধেক দান করেছেন। তিনি আমাকে স্বাগতম

^{১৭} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড ১ম, পৃ. ২৫২

জানালেন এবং দোয়া করলেন, তারপর আমাদেরকে চতুর্থ আসমানে নিয়ে যাওয়া হল। জিব্রাইল আসমানের দরজায় করাঘাত করলে প্রশ্ন করা হল কে? উত্তরে বলেন, আমি জিব্রাইল। জিজ্ঞেস করা হল আপনার সাথে কে? উত্তরে বলেন, মুহাম্মদ ﷺ। জিজ্ঞেস করা হল তাঁকে কি আহ্বান করা হয়েছে? উত্তরে বলেন, হ্যাঁ, তাঁকে আহ্বান করা হয়েছে। রাসূল ﷺ এরশাদ করেন, আমাদের জন্য আসমানের দরজা খুলে দেওয়া হল আর সেখানে হযরত ইদ্রিস (আ.)'র সাথে আমার সাক্ষাৎ হল। তিনি আমাকে স্বাগতম জানালেন এবং দোয়া করলেন। আল্লাহ তায়ালা হযরত ইদ্রিস (আ.) সম্পর্কে বলেছেন—
ورفعناه مكاناً علياً
“আমি তাঁকে উঁচু স্থান দান করেছি।”

তারপর আমাদেরকে পঞ্চম আসমানে নিয়ে যাওয়া হল। জিব্রাইল (আ.) আসমানের দরজা খুললে জিজ্ঞেস করা হল কে? উত্তর দিলেন, আমি জিব্রাইল। জিজ্ঞেস করা হল, আপনার সাথে কে? উত্তর দিলেন, মুহাম্মদ ﷺ। জিজ্ঞেস করা হল, তাঁকে কি আহ্বান করা হয়েছে? উত্তরে বললেন, হ্যাঁ, তাঁকে আহ্বান করা হয়েছে। রাসূল ﷺ এরশাদ করেন, আমাদের জন্য আসমানের দরজা খুলে দেওয়া হল। সেখানে হযরত হারুন (আ.)'র সাথে আমার সাক্ষাৎ হল। তিনি আমাকে স্বাগতম জানালেন এবং দোয়া করলেন। তারপর আমাদেরকে ষষ্ঠ আসমানে নিয়ে যাওয়া হল। জিব্রাইল (আ.) দরজা খুললে জিজ্ঞেস করা হল কে? তিনি বললেন, জিব্রাইল। প্রশ্ন করা হল, আপনার সাথে কে? উত্তর দিলেন, মুহাম্মদ ﷺ। প্রশ্ন করা হল, তাঁকে কি আহ্বান করা হয়েছে? উত্তর দিলেন, হ্যাঁ, তাঁকে আহ্বান করা হয়েছে। রাসূল ﷺ বললেন, আমাদের জন্য আসমানের দরজা খুলে দেওয়া হল আর হযরত মুসা (আ.)'র সাথে আমার সাক্ষাৎ হল। তিনি আমাকে খোশ আমদেদ জানালেন আর দোয়া করলেন।

অতঃপর আমাদের সপ্তম আসমানে নিয়ে যাওয়া হল। জিব্রাইল (আ.) আসমানের দরজা খুললে জিজ্ঞেস করা হল কে? উত্তরে বলেন, জিব্রাইল, প্রশ্ন করা হল, আপনার সাথে কে? উত্তর দিলেন মুহাম্মদ ﷺ। জিজ্ঞেস করা হল, তাঁকে কি আহ্বান করা হয়েছে? উত্তর দিলেন, হ্যাঁ, তাঁকে আহ্বান করা হয়েছে। তারপর আমাদের জন্য দরজা খুলে দেওয়া হল। সেখানে হযরত ইব্রাহীম (আ.)'র সাথে আমার সাক্ষাৎ হল, যিনি বায়তুল মা'মুরের সাথে ঠেস দেওয়া অবস্থায় ছিলেন। আর এই বায়তুল মা'মুরে প্রতিদিন সত্তর হাজার ফেরেশতা প্রবেশ করে। যারা একবার এই সুযোগ পাবে দ্বিতীয়বার তারা এ সুযোগ আর পাবে না। এরপর জিব্রাইল (আ.) আমাকে সিদরাতুল মুনতাহা পর্যন্ত নিয়ে যায়। সিদরাতুল মুত্তাহা হল একটি বরই বৃক্ষ যার পাতা হাতিটির কানের ন্যায় আর ফল মটকার সমান। আর এই বৃক্ষ আল্লাহর হুকুমে এমন সৌন্দর্য মন্ডিত হল যার বর্ণনা খোদার সৃষ্টির কেউ দিতে পারবে না।

এরপর আল্লাহ তায়ালা তাঁর ইচ্ছে মোতাবেক আমার প্রতি ওহী করেছেন এবং দিনে-রাতে পঞ্চাশ ওয়াক্ত নামায ফরয করেছেন। আমি ফিরে আসার সময় হযরত মুসা (আ.)'র নিকট আসলে তিনি জিজ্ঞেস করলেন, আল্লাহ তায়ালা আপনার উম্মতের উপর কি ফরয করেছেন? আমি বললাম, প্রতি দিনে-রাতে মোট পঞ্চাশ ওয়াক্ত নামায ফরয করেছেন। হযরত মুসা (আ.) বললেন, আপনার প্রভুর কাছে গিয়ে কিছুটা কমানোর প্রার্থনা করুন।

কেননা, আপনার উম্মত এত বেশী নামায পড়ার ক্ষমতা রাখবেনা। আমি বনী ইসরাঈলকে ভালভাবে পরীক্ষা করে দেখেছি। রাসূল ﷺ বলেন, আমি আমার প্রভুর কাছে গিয়ে বললাম, হে প্রভু! আমার উম্মতের উপর কিছু হাঙ্কা করে দিন। তখন আল্লাহ তায়ালা পাঁচ ওয়াক্ত নামায কমিয়ে দিলেন। আমি ফিরে মুসা (আ.)'র কাছে এসে বললাম, আল্লাহ তায়ালা পাঁচ ওয়াক্ত কমিয়ে দিলেন। হযরত মুসা (আ.) বললেন, আপনার এত নামায পড়তে পারবে না, আপনি আপনার প্রভু'র কাছে আরো কমানোর প্রার্থনা করুন। রাসূল ﷺ এরশাদ করেন, আমি প্রভুর কাছে যেতাম আর কমিয়ে আনতাম কিন্তু মুসা (আ.) বলতেন আবার যান গিয়ে আরো কমিয়ে আনুন। এভাবে কমাতে কমাতে পরিশেষে আল্লাহ তায়ালা বললেন, হে মুহাম্মদ! দিনে ও রাতে মাত্র পাঁচ ওয়াক্ত নামায ফরয করা হল তবে প্রতি নামাযে দশগুণ সওয়াব দেওয়া হবে। সুতরাং পাঁচ ওয়াক্ত পড়ে পঞ্চাশ ওয়াক্তের সওয়াব পাবে। যে ব্যক্তি ভাল কাজ করার ইচ্ছে করবে কিন্তু কোন কারণে সে সং কাজটি করতে পারেনি তবুও তার জন্য একটি নেকী লিখা হবে। আর যদি সে সেই সংকাজটি করে তবে তার জন্য দশটি নেকী লিখা হবে। পক্ষান্তরে যে ব্যক্তি খারাপ কাজ করার ইচ্ছে পোষণ করে তা না করে তবে তার আমলনামায় কিছুই লিখা হবে না। পক্ষান্তরে সে যদি সেই খারাপ কাজটি করে তবে তার জন্য একটি গুনাহ লিখা হবে মাত্র। রাসূল ﷺ এরশাদ করেন, এরপর আমি হযরত মুসা (আ.)'র কাছে আসলাম এবং তাঁকে এই আহকামে সংবাদ দিলাম। তিনি আবাবো বললেন, আপনার প্রভুর কাছে আরো কমিয়ে আনুন। রাসূল ﷺ বললেন, *فقلت فارجعت الى ربي حتى استحييت منه* আমি বললাম, আমি বারংবার আমার প্রভুর কাছে গিয়ে প্রার্থনা করেছি, এখন আমার (আবার যেতে) লজ্জাবোধ হচ্ছে।^{১৮}

রেসালতের সাক্ষ্যদান

নবজাতক শিশুর সাক্ষ্যদান

ইমাম বায়হাকী ও ইবনে আসাকের (র.) হযরত মুয়াইকিব (রা.) থেকে বর্ণনা করেন, তিনি বলেন, আমি বিদায় হজ্জে অংশগ্রহণ করেছিলাম এবং একটি ঘরে গেলাম যেখানে রাসূল ﷺ ছিলেন। তাঁর কাছে ইয়ামামা থেকে এক ব্যক্তি একদিন বয়সের একটি নবজাতক শিশু নিয়ে আসল। নবী করিম ﷺ সেই বাচ্চাকে জিজ্ঞেস করলেন, হে বাচ্চা! বল, আমি কে? বাচ্চা বলল, *انت رسول الله* আপনি আল্লাহর রাসূল। রাসূল ﷺ বললেন, *صدقك بارك الله فيك* তুমি ঠিক বলেছ, আল্লাহ তোমার মধ্যে বরকত দান করুন। সে শিশু যুবক হওয়া পর্যন্ত আর কথা বলেনি। আমরা তার নাম রেখেছি মোবারকুল ইয়ামামা।^{১৯}

^{১৮}. ইমাম মুসলিম (র.) (২৬১হি.) মুসলিম শরীফ, সূত্র, গোলাম রাসূল সাঈদী, শরহে সহীহ মুসলিম, উর্দু, গুজরাট, পাকিস্তান, খন্ড ১ম, পৃ. ৬৭১, বাব নং-৭১, হাদিস নং-৩১৯ ও জালাল উদ্দিন সুয়ূতী (র.) (৯১১হি.), আলখাসায়েসুল কুবরা, আরবী, বৈরুত, খন্ড ১ম, পৃ. ২৫২)

^{১৯}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড ২য়, পৃ. ৬৪

বাঘের সাক্ষ্যদান



ইবনে ওহাব (র.) বর্ণনা করেন, আবু সুফিয়ান ইবনে হারাব ও সাফওয়ান ইবনে উমাইয়্যা ইসলাম গ্রহণের পূর্বে বাঘে কথা বলতে শুনিয়েছিল। একদা একটি বাঘ একটি হরিণ ধরার জন্য তাড়া করছিল। বাঘ হেরেম শরীফের বাইরে তাড়া করলে হরিণ পালিয়ে এসে হেরেম শরীফে প্রবেশ করে আশ্রয় নেয়। বাঘে হরিণকে ছেড়ে চলে গেল। আবু সুফিয়ান ও সাফওয়ান এই ঘটনা দেখে বড়ই অবাক হয়ে গেল। কারণ এভাবে হাতের নাগালে পেয়েও না খেয়ে চলে যেতে তারা কোন দিন দেখিনি, তখন বাঘ তাদেরকে উদ্দেশ্য করে বলতে লাগল তোমরা হরিণকে আয়ত্বে পেয়েও চেড়ে দেওয়ার আশ্চর্য্য হয়েছ? অথচ-

اعجب من ذلك محمد بن عبد الله بالمدينة يدعوكم الى الجنة وتدعونه الى النار -

অর্থাৎ এর চেয়েও বড় আশ্চর্য্যজনক ঘটনা হল, মদীনা শরীফে মুহাম্মদ ইবনে আব্দুল্লাহ তোমাদেরকে জান্নাতের দিকে আহ্বান করতেছেন আর তোমরা তাঁকে জাহান্নামের দিকে আহ্বান করতেছ। বাঘের মুখে মানুষের ন্যায় এভাবে স্পষ্ট ভাষায় কথা বলা শুনে আবু সুফিয়ান বলল, লাভ-ওজ্জার শপথ, হে বাঘ! তুমি যদি এরূপ কথা মক্কা মোকাররমায় জনসম্মুখে বলতে তবে গোত্রের অতিশয় বৃদ্ধা বিধাবা মহিলারা পর্যন্ত লাভ-ওজ্জাকে পরিত্যাগ করত।^{২০}

চন্দ্র-সূর্যের আনুগত্য

চাঁদের সাথে কথা বলা

ইমাম বায়হাকী সাবুজী, খতীব এবং ইবনে আসাকের হযরত ইবনে আব্বাস (রা.) থেকে বর্ণনা করেন, তিনি বলেন- আমি রাসূল  কে বললাম, হে আব্দুল্লাহর রাসূল! আমি আপনার শিশুকালে আলামতে নবুয়ত দেখেই ঈমান এনেছিলাম। আর তা হল- আমি দেখলাম যে, আপনি দোলনায় শুয়ে শুয়ে চাঁদের সাথে কথা বলতেছেন আর আব্দুল মোবারক দিয়ে চাঁদের দিকে ইশারা করতেছেন। আপনি যেদিকে ইশারা করতেন চাঁদ সেদিকে ঝুকে যেতো। রাসূল  ইরশাদ করেন-

انى كنت احده وبيحدثني ويلهينى عن البكاء واسمع وجبته حين يسجد تحت العرش.

অর্থাৎ আমি চাঁদের সাথে কথা বলতেছি আর চাঁদ আমার সাথে কথা বলতেছে। চাঁদ আমাকে ক্রন্দন করা থেকে ভুলিয়ে রাখার চেষ্টা করতেছে। এমনকি চাঁদ যখন আব্দুল্লাহর আরশের নীচে সিজদা করে তখন আমি তার তাসবীহ'র আওয়াজ শুনতে পাই।^{২১}

^{২০}. কাবী আয়ায (র.) (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খণ্ড ১ম, পৃ. ২০৪)

^{২১}. আব্দুল্লামা সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, পৃ. ৯১।

চন্দ্র দ্বিখণ্ডিত করা

হযরত আনাস (রা.) থেকে বর্ণিত, মক্কাবাসী কাফেররা রাসূল ﷺ এর নিকট মু'জিয়া দেখানোর জন্য দাবী জানালে তিনি তাদেরকে চাঁদ দ্বিখণ্ডিত করে দেখালেন।^{২২}

আবু নঈম আতা ও দ্বিহাক থেকে এবং তারা ইবনে আব্বাস (রা.) থেকে বর্ণনা করেন যে, মক্কার মুশরিকরা একদা নবী করিম ﷺ এর কাছে এসে বলতে লাগল যে, আপনি যদি সত্যি নবী হন তাহলে আমাদের সামনে চাঁদকে এমনভাবে দু'অংশে ভাগ করে দেখান যেন চাঁদের একাংশ আবু কুবাইস পাহাড়ে অপর অংশ কাইকায়ান পাহাড়ে পতিত হয়। আর এ সময় চাঁদ চৌদ্দ তারিখের পূর্ণতা লাভ করেছিল।

অতঃপর রাসূল ﷺ আল্লাহর দরবারে দোয়া করেন যেন তাদের আকাজ্জিত মু'জিয়া দেখানোর ক্ষমতা দান করেন। এরপর সাথে সাথে চাঁদ দু'টুকরো হয়ে একটুকরো আবু কুবাইস পাহাড়ে আর অপর টুকরো কাইকায়ান পাহাড়ে পতিত হয়। তখন রাসূল ﷺ বললেন, তোমরা সাক্ষী থাক। এই মু'জিয়া দেখে মক্কার কাফিররা বলতে লাগল যে, এটা যাদু। মুহাম্মদ তোমাদের উপর যাদু করেছে। তোমরা মুসাফিরদের জিজ্ঞেস করো। যদি তারাও তোমাদের ন্যায় চাঁদকে দু'টুকরো হতে দেখেছে বলে সাক্ষ্য দেয় তবে সত্যি বলে ধরে নেবে। আর যদি তারা না দেখে তবে তা নিশ্চিত যাদু। অতঃপর বিভিন্ন দিক থেকে আগত মুসাফিরদেরকে জিজ্ঞেস এ ব্যাপারে জানতে চাইলে তারা বলল- আমরাও চাঁদ দ্বিখণ্ডিত হতে দেখেছি।^{২৩}

চন্দ্র দ্বিখণ্ডিত হওয়া বহিরাগতদের সাক্ষ্য

হযরত আব্দুল্লাহ ইবনে মসউদ (রা.) বর্ণনা করেন, যখন আমরা মক্কায় ছিলাম তখন চন্দ্র দ্বিখণ্ডিত হয়েছিল। কুরাইশ কাফেররা বলল, এটা যাদু। ইবনে আবি কাবশা তোমাদের চোখে যাদু করেছে। এখন বাইরের মুসাফির যারা আসবে তাদের থেকে খবর নিয়ে দেখ, তারাও যদি তোমাদের ন্যায় দেখে তবে মুহাম্মদের কথা সত্য। বর্ণনাকারী বলেন-

فما قدم عليهم أحد من وجهه من الوجوه إلا أخبروهم بانهم رأوه .

অতঃপর পৃথিবীর যেকোন প্রান্ত হতে আগত ব্যক্তিকে এ ব্যাপারে জিজ্ঞেস করলে তারা বলতো আমরা নিজেরাই স্বচক্ষে এরূপ দেখেছি।^{২৪}

বাস্তব কথা হল চন্দ্র দ্বিখণ্ডিত বিষয়ক হাদীস এত বেশী সংখ্যায় বর্ণিত আছে এটাকে অস্বীকার করার কোন সুযোগ নেই। আল্লামা আলুসী (র.) 'রুহুল মায়ানী' গ্রন্থে লিখেন-

^{২২} . ইমাম বুখারী (র.) (২৫৬হি.), সহীহ বুখারী শরীফ, আরবী, পৃ. ৫১৩।

^{২৩} . আল্লামা সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড ১ম, পৃ. ২০৯, আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, পৃ. ১০৭।

আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়াদিল্লী, পৃ. ২৪৪ ও কাবী আয়ায (র.) (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খণ্ড ১ম, পৃ. ১৮৬

^{২৪} . আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়াদিল্লী, পৃ. ২৪৫।

والاحاديث فى الانشقاق كثيرة .

অর্থাৎ- চন্দ্র দ্বিখণ্ডিত বিষয়ক অসংখ্য হাদীস বিদ্যমান।

ইমাম তাজ উদ্দিন সুব্বকী (র.) ‘শরহে আল-মুখতাসার’ গ্রন্থে বলেন-

الصحيح عندى ان انشقاق القمر متواتر منصوص فى القرآن مروى فى الصحيحين

وغيرهما من طرق شئ بحيث لا يتمارى فى تواتره -

অর্থাৎ- আমার মতে বিশুদ্ধ মত হল চন্দ্র দ্বিখণ্ডিত হওয়া মুতাওয়াজি। পবিত্র কুরআনে এর দলীল বিদ্যমান। বুখারী ও মুসলিম সহ অন্যান্য বিশুদ্ধ হাদীস গ্রন্থে বিভিন্ন সনদে মুহাদ্দিসীনে কিরাম এ বিষয়ে হাদীস বর্ণনা করেছেন। সুতরাং এর মুতাওয়াজি কৌন সন্দেহ নেই।^{২৫}

সূর্যের আনুগত্য

ইমাম তাহাভী (র.) বর্ণনা করেন, খন্দক যুদ্ধের সময় নবী করিম ﷺ একবার সূর্য ঢলে গেল কিন্তু আসরের নামায পড়তে পারেননি। আল্লাহ তায়ালা সূর্যকে থেমে দিলেন। এমনকি ডুবে যাওয়া সূর্যকে পুনরায় তুলে দেন। অতঃপর তিনি আসরের নামায আদায় করা শেষ হলে সূর্য পুনরায় ডুবে যায়।

ইমাম নববী (র.) শরহে মুসলিমে বলেন, এই রেওয়াজের বর্ণনাকারী সেকাহ তথা সুদৃঢ়।^{২৬}

অস্ত যাওয়া সূর্য পুনঃ উদিত হওয়া

হযরত আসমা বিনতে উমাইস (রা.) বর্ণনা করেন, আমরা খায়বরের ময়দানে ছিলাম। নবী ﷺ'র মাথা মোবারক হযরত আলী (রা.)'র কোলে ছিল। এ সময় ওহী নাযিল হল আর সূর্য অস্ত গেল। ফলে হযরত আলী (রা.)'র আসরের নামায ক্বাযা হয়ে গেল। ওহী শেষ হলে নবী করিম ﷺ দোয়া করলেন-

اللهم انه كان فى طاعتك وطاعة رسوئك فارود عليه الشمس .

“হে আল্লাহ! আলী যদি তোমার ও তোমার রাসুলের অনুগতে ছিল তবে সূর্যকে আদেশ দাও যেন পুনরায় ফিরে আসে।”

হযরত আসমা (রা.) বলেন, সূর্য ডুবে গিয়েছিল কিন্তু আমরা দেখলাম যে, সূর্য পুনরায় উঠে গেল আর সূর্যের আলোতে পাহাড় আলোকিত হয়ে গেল। ইমাম তাহাভী (র.) বলেন,

^{২৫} . মাওলানা মুহাম্মদ তৈয়্যব, উর্দু অনুবাদক, দালায়েলুন নব্বয়ত, দালায়েলুন নব্বয়তের প্রাপ্ত টীকা, পৃ. ২৪৫।

^{২৬} . সুযুতী, জালাল উদ্দিন সুযুতী (র.) (৯১১হি.) আল-খাসায়েসুল কুবরা, আরবী, বৈরুত, খণ্ড ১ম, পৃ. ৩৮৪ ও কাযী আযায (র.) (৪৭৬-৫৪৪হি.), শাফা শরীফ, আরবী, মাকতাবাতুস সাফা, কায়েরো, মিশর, খণ্ড ১ম, পৃ. ১৮৭।

এই হাদীসখানা বিশুদ্ধ আর এর বর্ণনাকারীগণ সেকা। ইমাম আহমদ ইবনে সালেহ (র.) বলেন, এই হাদীসের বিরোধীতা করা কোন জ্ঞানী লোকের উচিত নয়। কারণ এটা মু'জিহা ও নবুয়তের নিদর্শন।

تیرے مرضی پا گیا سورج پھر اٹلے قدم ☆ تیری الگلی اٹھ گئی ماہ کا کلچہ چیر گیا ۲۹

সূর্য স্থির থাকাক

কাথী আয়ায (র.) ইবনে ইসহাক (র.) থেকে বর্ণনা করেন, যখন নবী করিম ﷺ কে মিরাজ করানো হয়েছিল তখন মিরাজের প্রমাণ স্বরূপ তিনি তাঁর সম্প্রদায়ের লোকদেরকে ব্যবসায়িক কাফেলার সংবাদ দেন এবং তাদের উটের আলামতও বর্ণনা করেন। তখন তারা তাঁর কাছে জিজ্ঞেস করল, কাফেলা কখন মদীনায় পৌছবে? উত্তরে তিনি বলেছিলেন, বুধবারে তারা মদীনায় এসে পৌছবে।

বুধবার আসলে মহানবীর কথা সত্য কিনা জানার অগ্রহে সবাই ঐ আশুস্তক কাফেলার অপেক্ষায় রয়েছে। এমনকি দিন শেষ হয়ে যাচ্ছে, সূর্য ডুবে যাচ্ছে তবুও কাফেলা আসতেছেন। এ অবস্থায় রাসূল ﷺ আল্লাহর দরবারে দোয়া করলেন তখন তাঁর (কথা সত্যে পরিণত করার) জন্য সূর্যকে থেমে দিয়ে দিনকে বৃদ্ধি করা হয়েছিল। অর্থাৎ কাফেলা মদীনায় পৌছা পর্যন্ত সূর্য স্থির ছিল। তারা এসে পৌছলে সূর্য অন্ত যায়।^{২৮}

বক্ষ বিদীর্ণ

হযরত হালিমা (রা.) বলেন, একদিন রাসূল ﷺ'র ছাগলের চারণভূমিতে তাশরীফ নিলেন। তাঁর দুধভাই হামযা দুপুরের সময় কাঁদতে কাঁদতে এসে বলল, হে আম্মাজান! আমার কুরাইশী ভাইয়ের চিন্তা করুন। এখন তো তাঁর সাথে সাক্ষাত করা মুশকিল। আমি বললাম, ঘটনা কি খুলে বল। সে বলল, আমরা খেলতেছি হঠাৎ এক ব্যক্তি এসে তাঁকে পাহাড়ে নিয়ে যায় এবং তাঁর পেট কেটে ফেলেছে। হালিমা (রা.) বলেন, এ কথা শুনামাত্র আমি আবু যুআইবকে সঙ্গে নিয়ে সেখানে পৌছে তাঁকে পাহাড়ের উপর আকাশের দিকে মুখ করে তাকানো অবস্থায় পেয়েছি। আমি তাঁর কাছে গিয়ে তাঁকে চুমু খেয়ে জিজ্ঞেস করলাম, হে আমার প্রিয় বৎস! তুমি কেমন আছ আর তোমার নিকট কে এসেছে? উত্তরে তিনি বললেন, আমি আমার সাথী ভাইদের সাথে খেলতেছি, ইত্যবসরে তিনজন ব্যক্তি এসেছে। এদের একজনের হাতে ছিল লোটা, দ্বিতীয় জনের হাতে ছিল রূপার বাটি যা সাদা বরফে ভর্তি ছিল।

তারা আমাকে আমার ভাইদের কাছ থেকে তুলে নিয়ে পাহাড়ে নিয়ে একজনে অত্যন্ত নম্রতার সহিত আমাকে ঘুম পাড়িয়ে দিল এবং আমার বক্ষ হতে নাভি পর্যন্ত কেটে ফেলল।

^{২৭} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ. ১৬০।

^{২৮} ইউসুফ নাব্বাহী (র.) (১৩৫০হি.), হুজ্বাতুল্লাহি আলান আলামীন, উর্দু, গুজরাট, খণ্ড ১ম, পৃ. ৬৪০ ও কারী আয়ায (র.) (৪৭৬-৫৪৪হি.), আরবী মাকতাবাতুস সাফা, কায়রো, মিশর, খণ্ড ১ম, পৃ. ১৮৮

তবে আমার কোন কষ্ট হয়নি। সে আমার অন্তর ভিতর থেকে বের করে কেটে সেখান থেকে কিছুকাল বর্ণের রক্তমাংস বের করে বাইরে নিক্ষেপ করল আর বলল, এটা আপনার ভিতরে অশুভ উৎস ছিল যা আমরা বের করে ফেলে দিলাম। এখন আপনি শয়তানের প্রতারণা থেকে সুরক্ষা থাকবেন। পুনরায় আমার অন্তরকে যথাস্থানে রেখে দিয়ে নূরের মহর লাগিয়ে দিল যার ঠান্ডা অনুভূতি আমি এখনো অনুভব করছি। তৃতীয় ব্যক্তি ঐ দু'ব্যক্তিকে বলল, এখন তোমরা চলে যাও কেননা, তোমরা তোমাদের কাজ সমাপন করেছ। তারপর সেই তৃতীয় ব্যক্তি আমার কাছে এসে আমার বক্ষে ক্ষতস্থানে হাত রাখলে আমার ক্ষত মুচে গেল।

তারা যাওয়ার সময় বলে গেল, হে হাবীবে খোদা! ভয় পাবেন না, আপনি ধীরে ধীরে বুঝতে পারবেন মহান আল্লাহ আপনাকে আরো কত নেয়ামত ও সম্মান দান করবেন।^{২৯}

অদৃশ্যের সংবাদ প্রদান

খেয়ানতের পরিনতি সম্পর্কে সংবাদ প্রদান:

হযরত আবু হুরাইরা (রা.) থেকে বর্ণিত, তিনি বলেন, খায়বার যুদ্ধে আমরা বিজয় লাভ করেছি কিন্তু গনীমত হিসেবে আমরা সোনা-রূপা কিছুই লাভ করিনি। আমরা যা পেয়েছিলাম তা ছিল গরু, উট বিভিন্ন দ্রব্যসামগ্রী ও ফলের বাগান। যুদ্ধ শেষে আমরা রাসূল ﷺ-এর সাথে ওয়াডিউল কুরা নামক স্থানে ফিরে আসলাম। তাঁর সঙ্গে ছিল মিদআন নামী একটি গোলাম। বনী যুবাইর এর জনৈক ব্যক্তি রাসূলুল্লাহ ﷺ-কে এটি হাদিয়া দিয়েছিল। এক সময়ে সে রাসূলুল্লাহ'র হাওদা নামানোর কাজে ব্যস্ত ছিল আর ঐ মুহূর্তে এক অজ্ঞাত স্থান থেকে একটি তীর ছুটে এসে তার গায়ে পড়লো। ফলে গোলামটি মারা গেল। এ অবস্থা দেখে লোকজন বলাবলি শুরু করলো যে, তার শাহাদত কতই আনন্দদায়ক! তখন রাসূলুল্লাহ ﷺ বললেন, তাই নাকি? সেই মহান সত্তার কসম, যাঁর হাতে আমার প্রাণ, বন্টনের আগে খায়বার যুদ্ধলব্ধ গনীমত থেকে সে যে চাদর খানা গোপনে তুলে নিয়েছিল সেটি আশুণ হয়ে অবশ্যই তাকে দক্ষ করবে। নবী ﷺ থেকে এ কথাটি শোনার পর আরেক ব্যক্তি একটি অথবা দু'টি জুতার পিতা নিয়ে এসে বলল, এ জিনিসটি আমি বন্টনের আগেই নিয়েছিলাম। তখন রাসূলুল্লাহ ﷺ বললেন, এ একটি অথবা দু'টি জুতার ফিতাও আশুণের ফিতায় রূপান্তরিত হতো।^{৩০}

খাবারে বিষ মিশানের সংবাদ প্রদান

ইমাম বুখারী ρ হযরত আবু হুরাইরা (রা.) থেকে বর্ণনা করেন, যখন খায়বার বিজয় হল তখন রাসূলুল্লাহ ﷺ-এর জন্য বিষ মিশ্রিত একটি রান্না করা ছাগল পেশ করা হল। রাসূল

^{২৯} আব্দুর রহমান জামী (র.) (৮৯৮হি.), শাওয়াহেদুল নবুয়ত, উর্দু, বেরেলী, পৃ. ৬৫

^{৩০} ইমাম বুখারী, মুহাম্মদ ইবনে ইসমাঈল (র.) (২৫৬হি.), বুখারী শরীফ, আরবী, ইউপি, ইন্ডিয়া, পৃ. ৬০৮, হাদিস নং ৩৯১৫।



এ সম্পর্কে অবহিত হয়ে সেখানকার সকল ইহুদীদের একত্রিত হতে নির্দেশ দেন। সবাই একত্রিত হলে তিনি বললেন, আমি তোমাদের কাজে একটি বিষয়ে প্রশ্ন করবো। হ্যাঁ অথবা না বাচক উত্তর দেবে। ইহুদীরা বলল, ঠিক আছে। তিনি জিজ্ঞেস করেন, তোমাদের পিতা কে? তারা বলল, আমাদের পিতা অমুক, তিনি বললেন, তোমরা মিথ্যা বলেছ। তোমাদের পিতা সেই নয় বরং অমুক। ইহুদীরা বলল, আপনি ঠিক বলেছেন। তারপর তিনি জিজ্ঞেস করলেন, তোমরা এই ছাগলে বিষ মিশিয়েছ? তারা উত্তর দিল হ্যাঁ, আমরা বিষ মিশিয়েছি। তিনি জিজ্ঞেস করলেন, তোমরা এটা কেন করেছ? ইহুদীরা বলল, এতে আমাদের উদ্দেশ্য হল আপনি যদি মিথ্যাবাদী হন তবে আমরা মুক্তি পাবো আর যদি আপনি যদি সত্য নবী হন তবে এতে আপনার কোন ক্ষতি হবে না।

ইমাম বায়হাকী (র.) হযরত আবু হরায়রা (রা.) থেকে বর্ণনা করেন, এক ইহুদী মহিলা রাসূল ﷺ'র খেদমতে বিষ মিশ্রিত ছাগল প্রেরণ করে। তিনি সাহাবাদের বললেন, খাম, খেয়োনো, কেননা এতে বিষ মিশ্রণ করা হয়েছে।^{১১}

ইসলামের বিপক্ষে উৎসাহিত করার সংবাদ প্রদান

ইমাম বায়হাকী ও আবু নঈম (র.) হযরত উরওয়াহ (রা.) থেকে বর্ণনা করে, উয়াইনা ইবনে হাছন রাসূল ﷺ'র নিকট তায়েফবাসীর সাথে হেদায়েতের আলোচনা করতে যাওয়ার অনুমতি চেয়েছেন। রাসূল ﷺ তাকে অনুমতি দিলে তিনি সেখানে গিয়ে ইসলামের বিপক্ষে কথা বলেন। তিনি তাদেরকে বলেন, তোমরা আপন জায়গায় অটুট থাক। খোদার কসম, আমরা যারা মুসলমান হয়েছি গোলামের চেয়ে লাঞ্চিত অবস্থায় আছি। আমি খোদার শপথ করে বলছি, যদি তাঁর কারণে আরবে কোন ঘটনা সংঘটিত হয় তবে আরবদের সম্মান ও শক্তি বৃদ্ধি পাবে। তোমরা স্বীয় দুর্গে অবস্থান কর এবং নিজেদের শক্তি নিজেদের হাতে ধ্বংস করা থেকে বিরত থাক। নতুবা তিনি তোমাদের উপর এত বেশী আক্রমণ করবেন যে, এই বৃক্ষ পর্যন্ত কেটে ফেলবে। একথা বলার পর উয়াইনা ফিরে আসলেন।

নবী করীম ﷺ তাকে বললেন, তুমি তাদেরকে কি বলেছ? তিনি বললেন, আমি তাদের সাথে আলাপ-আলোচনা করেছি, ইসলামের প্রতি দাওয়াত দিয়েছি, ইসলাম গ্রহণের আদেশ দিয়েছি। আর দোষখের ভয় প্রদর্শন করেছি এবং জান্নাতের পথ প্রদর্শন করেছি। রাসূল ﷺ এরশাদ করেন, **كذبت بل قلت كذا وكذا** অর্থাৎ তুমি মিথ্যা বলতেছ, বরং তুমি তাদেরকে একরূপ একরূপ বলেছ। অতঃপর উয়াইনা বললেন, **صدقت يا رسول الله اتوب الى الله** . **واليك من ذلك** . হে আল্লাহর রাসূল! আপনি ঠিক বলেছেন। আমি এই অপরাধের কারণে আল্লাহ ও আপনার কাছে তাওবা করতেছি।^{১২}

^{১১} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-১ম, পৃ. ৪২৫

^{১২} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-১ম, পৃ. ৪৫১

নিজের মৃত্যুর আভাস প্রদান

ইমাম মুসলিম (র.) হযরত জাবের (রা.) থেকে বর্ণনা করেন, তিনি বলেন, কুরবানীর দিন আমি নবী করিম ﷺ কে উটের উপর থেকে পাথর নিক্ষেপ করতেছেন আর বলতেছেন-

لأخذوا عني مناسككم فاني لادري لعلي لا احج بعد حجتى هذه

তোমরা আমার থেকে হজ্বের বিধানাবলী শিখে নাও। সম্ভবতঃ আমি এরপরে আর হজ্জ নাও করতে পারি।^{৩০}

ওফাত লাভের প্রতি ইঙ্গিত

ইমাম আহমদ ও বায়হাকী (র.) হযরত আসেম ইবনে হুমাইদ (রা.) থেকে বর্ণনা করে, নবী করিম ﷺ হযরত মুয়ায ইবনে জাবাল (রা.)কে ইয়েমন প্রেরণ করার সময় তিনি তার সাথে কিছু দূর পর্যন্ত তাশরীফ নেন। আর তাকে উপদেশ দেন যে, হে মুয়ায! এ বছরের পর তুমি আর আমার সাথে সাক্ষাত করতে পারবে না। তুমি যখন ফিরে আসবে তখন তুমি আমার মসজিদ ও আমার কবর দেখবে। একথা শুনে হযরত মুয়ায কেঁদে ফেললেন। ঠিকই তিনি যখন ফিরে আসেন তখন নবী করিম ﷺ ইস্তেকাল হয়ে গেলেন।^{৩১}

অদৃশ্যের সংবাদ

জান্নাতী খাবার কি হবে?

ইমাম বুখারী (র.) হযরত আনাস ইবনে মালেক (রা.) থেকে বর্ণনা করেন, নবী করিম ﷺ মদীনায তাশরীফ আনার সংবাদ শুনে হযরত আব্দুল্লাহ ইবনে সালাম (রা.) তাঁর খেদমতে আসেন এবং আরজ করলেন- আমি আপনার কাছে তিনটি প্রশ্ন করবো কোন নবী ছাড়া এ প্রশ্নগুলোর উত্তর সম্পর্কে ওয়াকফহাল নন। এক. কিয়ামতের আলামতসমূহ থেকে প্রথম আলামত কি? দুই. জান্নাতীদের জন্য প্রথম খাবার কি হবে? তিন. সন্তান পিতা-মাতার অনুরূপ হয় কিভাবে?

রাসূল ﷺ এরশাদ করেন, হযরত জিব্রাঈল (আ.) এ ব্যাপারে আমাকে অবহিত করেন। কিয়ামতের প্রথম আলামত হল এমন আশুন যা লোক সম্মুখে পূর্বপ্রাপ্ত থেকে প্রকাশিত হয়ে পশ্চিমপ্রান্ত পর্যন্ত পৌঁছবে। জান্নাতীদের প্রথম খাবার হবে মাছের কলিজা আর পুরুষের বীর্য যদি নারীর বীর্যের অগ্রগামী হয় তবে সন্তান পিতার আকৃতি ধারণ করে পক্ষান্তরে নারীর বীর্য যদি পুরুষের বীর্যের অগ্রগামী হয় তবে সন্তান মায়ের ন্যায় হয়।

^{৩০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-২য়, পৃ. ৬৫

^{৩১} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-২য়, পৃ. ৬৬

এ উত্তর শুনে হযরত আব্দুল্লাহ ইবনে সালাম (রা.) বলেন, আমি সাক্ষ্য দিচ্ছি যে, আল্লাহ ছাড়া কোন মা'বুদ নেই এবং আরো সাক্ষ্য দিচ্ছি যে, আপনি আল্লাহর প্রেরিত রাসূল এই বলে তিনি ইসলাম গ্রহণ করেন।^{৩৫}

তারকারাজির নাম বলা

হযরত ইবনে মরদুইয়্যা, হাকেম, বায়হাকী (র.) প্রমুখ হযরত জাবের ইবনে আব্দুল্লাহ (রা.) থেকে বর্ণনা করেন যে, এক ইহুদী রাসূল ﷺ এর খেদমতে এসে বলল, আপনি আমাকে ঐসব তারকারাজির নাম বলুন যেগুলো হযরত ইউসুফ (আ.) কে সিজদা করেছিল। তিনি ঐ ইহুদীকে কোন উত্তর দেন নি। এরপর জিব্রাঈল (আ.) এসে তাঁকে ঐ তারকারাজির নাম সম্পর্কে অবহিত করেন। তখন রাসূল ﷺ নিজেই লোক পাঠিয়ে ইহুদীকে ডেকে এনে বললেন, যদি আমি তোমাকে ঐ তারকারাজির নাম বলি তবে কি মুসলমান হবে? ইহুদী বলল, জী, হ্যাঁ, তখন তিনি বললেন, এগুলোর নাম হল হারসান, তারেক, যিয়াল, কেন্‌আন, যুল ফারা, ওসাব, উমদান, কাবেস, ছুরুহ, মাসীহ, ফলিক, দ্বিয়া ও নুর। হযরত ইউসুফ (আ.) আসমানে দিগন্তে ঐ তারকারাজিকে তাঁকে সিজদা করতে দেখেছেন। একথা শুনে ইহুদী বলল, খোদার শপথ! ঐ তারকারাজির নাম এগুলোই।^{৩৬}

অদৃশ্যের সংবাদ

শত্রুর অবস্থা বর্ণনা করা

ইমাম বায়হাকী ও আবু নঈম (র.) হযরত আব্দুল্লাহ ইবনে আনিস/উনাইস (রা.) থেকে বর্ণনা করেন। তিনি বলেন, রাসূল ﷺ আমাকে ডেকে বললেন, আমি জানতে পারলাম যে, ইবনে নুবাইহ আমার সাথে যুদ্ধ করতে লোকদের একত্রিত করতেছে। সে এখন নাখলা অথবা উনা নামক স্থানে রয়েছে। তুমি গিয়ে তাকে হত্যা কর।

আমি আরজ করলাম, ইয়া রাসূল্লাহ! তার কোন চিহ্ন বা আলামত বলে দিন যাতে আমি তাকে চিনতে পারি। তিনি বললেন, তোমার আর তার মধ্যে আলামত হল সে তোমাকে দেখা মাত্র ভয়ে কাপতে থাকবে। তারপর আমি গিয়ে যখন তাকে দেখলাম তখন ঐ অবস্থায় তাকে পেলাম যা নবী করিম ﷺ বলেছিলেন। তার মধ্যে কম্পন সৃষ্টি হল। আমি তার সাথে কিছু দূর গেলাম। যেইমাত্র আমি সুযোগ পেলাম সাথে সাথে তরবারী দিয়ে আক্রমণ করে তাকে হত্যা করলাম।^{৩৭}

হারিয়ে যাওয়া উটের সংবাদ ও সমালোচনার তথ্য ফাঁস করা

ইমাম বায়হাকী ও আবু নঈম হযরত মুছা ইবনে উকবা ও উরওয়াহ (রা.) থেকে বর্ণনা করেন, নবী করিম ﷺ বনী মুশালিকার যুদ্ধ থেকে ফেরৎ আসার পথে প্রচণ্ড বাতাস

^{৩৫} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খণ্ড-১ম, পৃ. ৩১৪

^{৩৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খণ্ড-১ম, পৃ. ৩১৮

^{৩৭} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খণ্ড-১ম, পৃ. ৩৯০

প্রবাহিত হয়। আর এই বাতাস দিনের শেষ বেলায় বন্ধ হয়েছিল এবং লোকেরা নিজ নিজ সাওয়ারী একত্রিত করে নিলেন। কিন্তু নবী করিম ﷺ'র উট উটের দল থেকে হারিয়ে গেল। সাহাবায়ে কিরাম উটের খুঁজা-খুঁজি করলে এক মুনাফিক আনসারগণের মজলিসে বলল, আল্লাহ কি তাঁর উট কোথায় আছে তা বলে দিতে পারেন না। তিনি তো আমাদেরকে উটনীর চেয়েও আশ্চর্যজনক কথা বলেন। এই কথা বলে মুনাফিক আনসারগণের মজলিস থেকে উঠে নবী করিম ﷺ'র দিকে যাচ্ছিল তিনি কি বলেন তা শনার জন্য। সে গিয়ে তাঁকে এমন অবস্থায় পেল যে, আল্লাহ তায়ালা তাঁকে এই মুনাফিকের সমালোচনা সম্পর্কে অবহিত করে দেন। তিনি বললেন, (তাঁর কথা ঐ মুনাফিক শুনতেছে) মুনাফিকদের এক ব্যক্তি ঠাট্টাচ্ছিল বলল, রাসূলের উটনী হারিয়ে গেল। আল্লাহ স্বীয় রাসূলকে তাঁর উটের ঠিকানা বলে দিতে পারে না। অথচ যেখানে উটনী রয়েছে সেই স্থান সম্পর্কে আল্লাহ আমাকে অবহিত করে দিয়েছেন আর ইলমে গায়েব আল্লাহ ছাড়া কেউ জানে না।

তখন তিনি বললেন, উটনী ঐ সামনের গিরিপথে আছে এবং এর রশি একটি বৃক্ষের সাথে আটকে রয়েছে। সাহাবায়ে কিরাম সেদিকে গিয়ে উটনী নিয়ে আসলেন। তারপর ঐ মুনাফিক দ্রুতবেগে আনসারীদের সেই মজলিসে আসল যাদের সামনে সে ঐ মন্তব্য করেছিল। এই আনসারীগণ তখনো মজলিসে বসা আছে একজনও মজলিস থেকে উঠে কোথাও যায়নি। ঐ মুনাফিক এসে তাদেরকে বলল, তোমাদের খোদার কসম দিয়ে বলতেছি তোমাদের মধ্য থেকে কি কেউ মুহাম্মদের কাছে গিয়ে আমার কথা বলে দিয়েছে? আনসারগণ বলল, হে আল্লাহ! তুমি ভাল জান যে, আমাদের মধ্য থেকে তাঁর কাছে যায়নি এবং আমরা এখনো আপন জায়গায় বসা আছি। মুনাফিক বলল, আমিতো তাঁর নিকট ঐসব কথা শুনেছি যা আমি তোমাদেরকে বলেছিলাম। তাঁর শান-মান সম্পর্কে আমি সন্দেহান ছিলাম কিন্তু এখন আমি সাক্ষ্য দিচ্ছি যে, انه لرسول الله তিনি নিশ্চয়ই আল্লাহর রাসূল।

ইবনে ইসহাক ρ স্বীয় উল্লাদগণ থেকে উপরোল্লিখিত ঘটনা বর্ণনা করেন এবং মৃত মুনাফিকের নাম বলেছেন রেফায়া ইবনে যায়েদ ইবনে তাবুত।^{৩৮}

লুকিয়ে রাখা উটের সংবাদ প্রদান

ইবনে আসাকের হযরত আব্দুল্লাহ ইবনে যিয়াদ (র.) থেকে বর্ণনা করেন, মাসিঈ'র বছর বনী মুস্তালিকের যুদ্ধে জুআইরিয়া বিনতে হারেসকে আল্লাহ তায়ালা মালে ফাই হিসেবে রাসূল ﷺ কে দান করেছেন। জুআইরিয়া'র পিতা তাকে মুক্ত করার জন্য ফিদইয়া নিয়ে আসল। যখন সে 'আকীক' নামক স্থানে আসল তখন সে ঐসব উটগুলো দেখল যেগুলো মেয়ের মুক্তিপন দেওয়ার জন্য এনেছিল। ঐ উটগুলোর মধ্যে দু'টি উট সবচেয়ে শ্রেষ্ঠ ছিল যেগুলো তার খুবই পছন্দ হল। সে ঐ দু'টি উটকে আকীক এলাকার ঘাটি সমূহ থেকে একটি ঘাটিতে গোপনে রেখে দিল। অবশিষ্ট উটগুলো নিয়ে নবী করিম ﷺ'র খেদমতে


^{৩৮} . ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড-১ম, পৃ. ৩৯১


এসে বলল, হে মুহাম্মদ! আপনি আমার মেয়েকে বন্দী করেছেন এগুলো তার ফিদইয়া। এগুলোর বিনিময়ে তাকে মুক্তি দিন। রাসূল  বললেন,



این البعیران اللذان غیبت بالعقیق یتتعب کذا وکذا ؟

ঐ উট দু'টি কোথায়? কোথায়? যেগুলোকে তুমি আকীক এলাকার অমুক ঘাটির মধ্যে গোপন করে রেখে এসেছ। তখন হারেস বলল- আমি সাক্ষ্য দিচ্ছি যে, নিশ্চয়ই আপনি আল্লাহর রাসূল। ঐ উট দু'টি আমিই গোপন করে রেখেছি। আমিও আল্লাহ ছাড়া এ ব্যাপারে কেউ জানেনা। অতঃপর হারেস মুসলমান হয়ে গেল।^{৩৯}


লুকিয়ে রাখা সরঞ্জামের সংবাদ প্রদান

ইবনে সা'দ হযরত আব্দুল্লাহ ইবনে আব্বাস (রা.) থেকে বর্ণনা করেন, তিনি বলেন, রাসূল  যখন খায়বার অধিকার করলেন তখন খায়বার বাসীর সাথে এই শর্তে সন্ধি হল যে, তারা নিজেরা এবং তাদের পরিবার-পরিজন নিয়ে এখান থেকে চলে যাবে সঙ্গে কোন স্বর্ণ-রৌপ্য থেকে কিছুই নিয়ে যেতে পারবে না। অতঃপর তাঁর খেদমতে কেনানা ও রবী উপস্থিত হলে তিনি তাদেরকে বললেন, তোমাদের ঐ দামী পাত্রগুলো কোথায়? যা তোমরা মক্কাবাসীদেরকে কর্জ স্বরূপ দিতে? তারা বলল, আমরা এমন অবস্থায় পলায়ন করতেছি, এক মাটি আমাদের লাঞ্চিত করতেছে অপর ভূমি সম্মান দিতেছে। আমরা সবকিছু খরচ করে ফেলেছি। অর্থাৎ আমাদের কাছে আর কিছুই অবশিষ্ট নাই।

রাসূল  বললেন, তোমরা আমার থেকে কোন কিছু গোপন করলে তা আমার অবগতি হয়ে যাবে। তখন তোমাদের রক্ত আওলাদগণের কঠোর শাস্তি পেতে হবে। তারা উভয়ে বলল, আপনি আমাদের ব্যাপারে ধারণা করবেন না। ঠিক আছে, যদি আমাদের কথার বিপরীত হয় তবে আপনার ফায়সালা শিরোধার্য করে নেবো।

এরপর রাসূল  একজন আনসারী সাহাবীকে ডেকে বললেন, তুমি অমুক জায়গায় যাও, যেখানে কোন পানি ও বৃক্ষ নেই। তারপর খেজুর বৃক্ষের নিকটটে যাবে এবং একটি বৃক্ষ দেখবে যেটি তোমার ডানে অথবা বামে হবে। এরপর একটি উঁচু বৃক্ষ দেখবে। তাতে যা কিছু আছে তা আমার কাছে নিয়ে আসবে। তারপর ঐ আনসারী নির্ধারিত স্থানে গিয়ে সেখান থেকে ঐ ইছদীর (বরতন) পাত্র ও সম্পদ নিয়ে আসবেন। রাসূল  শর্ত মতে তাদের গর্দান উড়িয়ে দিলেন এবং তাদের সন্তানদের বন্দী করে রাখলেন।^{৪০}

মুনাফিকের সমালোচনার সংবাদ প্রদান

ইমাম বায়হাকী (র.) হযরত আলী (রা.) থেকে বর্ণনা করেন, তিনি বলেন রাসূল 'র নিকট যখন হযরত ফাতিমা (রা.)'র বিবাহের প্রস্তাব আসল তখন আমার মাওলাত

^{৩৯} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-১ম, পৃ. ৩৯২

^{৪০} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড-১ম, পৃ. ৪২২

..... আমাকে বলল, আপনি কি জানেন? হযরত ফাতিমা (রা.)'র বিবাহের প্রস্তাব এসেছে। আপনি কেন তাঁর কাছে গিয়ে বিবাহের প্রস্তাব দিচ্ছেন না? তিনি বলেন, আলি নবী করিম ﷺ'র কাছে গোলাম কিন্তু তাঁর হালতে জালালী দেখে আমি তাঁর সামনে বসে পড়ি, ভয়ে তাঁর সাথে কোন কথাই বলতে পারিনি। রাসূল ﷺ আমাকে বললেন,

ما جاء بك فسكت فقال لعلك جئت تخطب فاطمة؟ قلت نعم

হে আলী কেন এসেছো? আমি চুপ রইলাম। তিনি বললেন, সম্ভবতঃ তুমি ফাতেমার সাথে বিবাহের প্রস্তাব নিয়ে এসেছো? আমি বললাম, হ্যাঁ, এজন্যেই এসেছি।^{৪১}

গোশত পাথর হয়ে যাওয়া

ইমাম বায়হাকী ও আবু নঈম ρ হযরত উম্মে সালামা (রা.) থেকে বর্ণনা করেন, তিনি বলেন, আমার নিকট এক টুকরা গোশত হাদিয়া আসল। আমি খাদেমা কে বললাম, এই গোশতের টুকরাটি রাসূল ﷺ'র জন্য সংরক্ষণ করে রাখ। ইত্যবসরে একজন ফকীর এসে বলল, سَدَقُوا بَارَكَ اللَّهُ فِيكُمْ সদকা করুন, আব্দুল্লাহ আপনাদেরকে বরকত দেবেন। আমরা ফকীরকে উত্তর দিলাম بَارَكَ اللَّهُ تَعَالَى فِيكَ আন্দুল্লাহ তোমার মধ্যে বরকত দান করুন। ফকীর চলে গেলে নবী করিম ﷺ তাশরীফ আনলেন। আমি খাদেমা কে বললাম, গোশত তাঁর সামনে রাখ।

খাদেমা গোশত রাখলে দেখা গেল গোশত সাদা পাথরে পরিণত হয়ে গেল। তখন তিনি জিজ্ঞেস করলেন, তোমাদের নিকট কি কোন ফকীর এসেছিল যাকে তোমরা ফিরিয়ে দিয়েছিলে? আমি বললাম, হ্যাঁ, এসেছিল এবং কিছু না দিয়ে ফিরিয়ে দেওয়া হয়েছিল। তিনি বললেন, গোশত এজন্যেই পাথর হয়ে গেল। এই পাথর হযরত উম্মে সালামা (রা.)'র ঘরের এক কোণে পড়ে থাকত, তার মৃত্যু পর্যন্ত এই পাথরকে পাঠা হিসেবে আটা পিসার কাজে ব্যবহার করতেন।^{৪২}

অদৃশ্যের সংবাদ

হযরত আবু হুরাইরা (রা.) থেকে বর্ণিত, তিনি বলেন, রাসূল ﷺ রমযানের যাকাতের মালের সংরক্ষণের দায়িত্ব আমার উপর ন্যাস্ত করেছিলেন। রাতে এক অচেনা ব্যক্তি এসে সেখান থেকে খাবার নিয়ে যাচ্ছিল আর আমি ধরে ফেললাম এবং বললাম, আমি রাসূল ﷺ'র কাছে নিয়ে যাবো। সে বলল, আমি অভাবী লোক। আমার পরিবার-পরিজন রয়েছে তাছাড়া এগুলো আমার খুবই প্রয়োজন। আমি তাকে ছেড়ে দিলাম। সকালে আমি রাসূল ﷺ কাছে গেলে (আমি বলার আগেই) তিনি জিজ্ঞেস করলেন, হে আবু হুরায়রা! তোমার রাতের কয়েদী কোথায়? আমি বললাম, ইয়া রাসূলান্নাহ! সে অভাবী ও পরিবার-পরিজন

^{৪১}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৭৩

^{৪২}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৭৮

আছে বলে বলেছে। তাই দয়া করে তাকে ছেড়ে দিয়েছি। নবী করিম ﷺ বললেন, সে তোমার সাথে মিথ্যা বলেছে আর সে তোমার কাছে আবার আসবে।

পরের রাতে আমি তার অপেক্ষায় রইলাম। সে আবার এসে খাবার হাতে নিলে আমি তাকে ধরে ফেললাম। সে বলল, আমাকে ছেড়ে দাও, আমি অভাবী, আমার সন্তান-সন্ততির ভরণ-পোষণের দায়িত্ব আমার উপর, আমি আর আসবো না। তার প্রতি দয়াপরবশ হয়ে তাকে ছেড়ে দিলাম।

সকালে নবী করিম ﷺ’র দরবারে গেলে তিনি বললেন,

ما فعل السيرك البارحة؟ তোমার রাতের বন্দী কোথায় গেল? আমি বললাম, ইয়া রাসূলান্নাহ! সে অভাবী ও ক্ষুধার্ত সন্তান-সন্ততির অভিভাবক বলে বলেছে তাই তাকে দয়া করে ছেড়ে দিয়েছি। তিনি বললেন, সে মিথ্যা বলেছে এবং তৃতীয়বার আবার আসবে।

তৃতীয়বার রাতেও আমি তার অপেক্ষায় আছি আর সে আসল এবং খাবার নিতে লাগল। আমি তাকে ধরে ফেললাম এবং বললাম, আমি তোমাকে রাসূল ﷺ’র কাছে নিয়ে যাবো। তুমি এই পর্যন্ত তিনবার এসেছো এটি শেষবার। সে বলল, আমাকে ছেড়ে দাও। আমি তোমাকে এমন কথা বলে দেবো যাতে আল্লাহ তায়ালা তোমাকে উপকৃত করবেন। আর তা হল- যখন তুমি ঘুমাতে যাবে তখন তুমি আয়াতুল কুরসী পড়বে এতে আল্লাহ তোমাকে সংরক্ষণ করবেন আর সকাল পর্যন্ত শয়তান তোমার কাছে আসতে পারবে না।

হযরত আবু হোরায়রা (রা.) বলেন, আমি সকালে উঠে রাসূল ﷺ কে এই ঘটনা বললে, তিনি বলেন, আয়াতুল কুরসীর ব্যাপারে সে সত্য বলেছে কিন্তু সে মিথ্যুক। তোমার কাছে আগন্তুক ব্যক্তি হল শয়তান।^{৪০}

অদৃশ্যের সংবাদ

হযরত আলী ইবনে আবি তালেব (রা.) থেকে বর্ণিত, তিনি বলেন, একদা আমি রাসূল ﷺ’র সাথে সফরে ছিলাম। তিনি হযরত আম্মার (রা.)কে বললেন, তুমি গিয়ে আমাদের জন্য পানি নিয়ে এসো। আম্মার পানি আনতে গেলে শয়তান একজন হাবশী গোলামের আকৃতি ধারণ করে আম্মার ও পানির মাঝখানে প্রতিবন্ধক সৃষ্টি করল। আম্মার তাকে ধরে আছাড় দিয়ে ফেলে দিল। শয়তান বলল, আমাকে ছেড়ে দাও, আমি পানির সামনে থেকে সরে যাবো। আম্মার তাকে ছেড়ে দিল। সে পুনরায় আসলে তাকে আবার আছাড় দিয়ে ফেলে দিল। সে বলল, আমাকে ছেড়ে দাও, আমি সরে যাবো। ফলে তাকে ছেড়ে দিল। সে তৃতীয়বার আসলে এবারও তাকে ধরে আছাড় দিয়ে ফেলে দিল।

^{৪০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৬১

এদিকে নবী করিম ﷺ বললেন, শয়তান এক হাবশী গোলামের আকৃতি ধারণা করে আম্মারের ও পানির মধ্যখানে প্রতিবন্ধক হল আর আল্লাহ তায়ালা আম্মার কে শয়তানের উপর সফলতা দান করেছেন।

হযরত আলী (রা.) বলেন, আমরা যখন আম্মারের সাথে সাক্ষাত করলাম তখন রাসূল ﷺ 'র এই সংবাদ তাকে বললাম। আম্মার বলল, আমি যদি জানতাম যে, সে শয়তান তবে তাকে অবশ্যই হত্যা করতাম।^{৪৪}

ভবিষ্যত বাণী

হযরত আম্মার (রা.)'কে আগুনে দগ্ধ না করার দোয়া:

হযরত ইবনে সা'দ (র.) হযরত আমর ইবনে ইয়াসির (রা.) থেকে বর্ণনা করেন, তিনি বলেন হযরত আম্মার বিন ইয়াসির (রা.)কে মুশরিকরা আগুনে জ্বালিয়ে ফেলেছিল। রাসূল ﷺ তাঁর কাছে গেলে (মৃত্যুপূর্বে) তাঁর হাত মোবারক আম্মারের মাথায় রেখে বলতেন,

يا نار كوني برداً وسلاً على عمار كما كنت على ابراهيم تقتك الفنة الباغية

হে আগুন! আম্মারের উপর শীতল হয়ে যাও, যেভাবে হযরত ইব্রাহীম (আ.)'র উপর হয়েছিলে। তোমাকে অবাধ্য দলে শহীদ করবে।^{৪৫}

পরবর্তী খলীফা সম্পর্কে ইঙ্গিত প্রদান

ইবনে আসাকের (র.) হযরত আনাস (রা.) থেকে বর্ণনা করেন, তিনি বলেন, বনী মুস্তালিকের প্রতিনিধি দল আমাকে রাসূল ﷺ 'র কাছে পাঠিয়ে বলল, তুমি গিয়ে তাঁর কাছে জিজ্ঞেস করবে যে, আমরা আগামী বছর এসে যদি আপনাকে না পাই তবে আমাদের সদকার মাল কাকে দেবো? রাসূল ﷺ উত্তরে বললেন, তুমি তাদেরকে বল যে, তারা তা আবু বকর'কে প্রদান করবে। আমি তাদেরকে এই কথা পৌঁছিয়ে দিলাম। তারা বলল, তুমি জিজ্ঞেস করে এসো যে, যদি আবু বকর (রা.) কে না পাই তবে কাকে দেবো? আমি তাঁকে একথা বললে তিনি বলেন, তুমি তাদেরকে বল যে, তখন ওমরকে দিবে। আমি তাদেরকে এ সংবাদ দিলে তারা পুণরায় বলল, তুমি জিজ্ঞেস কর, যদি হযরত ওমর (রা.)কেও না পাই তবে কাকে দেবো? আমি তাঁকে এ ব্যাপারে বললে তিনি বলেন, তুমি তাদেরকে বল, তখন তাদের সদকাও সমানকে দিবে। আর যেদিন ওসমান শহীদ হবে সেদিন তোমরা ধ্বংস হবে।^{৪৬}

হযরত আলী (রা.) খলীফা ও শহীদ হবেন

^{৪৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৬৫

^{৪৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৩৪

^{৪৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৯৬

ইমাম তাবরানী ও আবু নঈম (র.) হযরত জাবির ইবনে সামুরাহ (রা.) থেকে বর্ণনা করেন, তিনি বলেন, রাসূল ﷺ হযরত আলী (রা.) কে উদ্দেশ্য করে বলেছিলেন, হে আলী! তুমি আমীর ও খলীফা হবে এবং শহীদ হবে। তোমার দাড়ি তোমার মাথার রক্তে রঞ্জিত হবে।^{৪৭}

যরত মুয়াবিয়া (রা.) সম্পর্কে ভবিষ্যত বাণী

ইমাম আহমদ (র.) হযরত আবু হোরাইরা (রা.) থেকে বর্ণনা করেন, নবী করিম ﷺ এরশাদ করেন, হে মুয়াবিয়া! যদি তুমি শাসনভার গ্রহণ কর তবে আল্লাহকে ভয় করবে এবং ইনসাফ প্রতিষ্ঠা করবে। হযরত মুয়াবিয়া (রা.) বলেন, আমি তাঁর এই ভবিষ্যত বাণী'র পর সর্বদা ধারণা করতাম যে, তাঁর কথা মতো আমি এই বিষয়ে তথা ক্ষমতা প্রাপ্ত হয়ে বড় পরীক্ষায় লিপ্ত হবো। অবশেষে আমি এই পরীক্ষায় লিপ্ত হয়ে গেলাম।^{৪৮}

ইমাম হোসাইন (রা.)'র শাহাদত সম্পর্কে অগ্রীম সংবাদ

ইমাম হাকেম, বায়হাকী (র.) হযরত উম্মুল ফযল বিনতে হারেস (রা.) থেকে বর্ণনা করেন, তিনি বলেন, একদিন আমি হযরত হোসাইন (রা.)কে নিয়ে রাসূল ﷺ'র কাছে গেলাম এবং তাকে তাঁর কোলে রাখলাম। আমি দেখলাম যে, তাঁর দু'চোখ দিয়ে অশ্রু প্রবাহিত হচ্ছে। আর তিনি বললেন, আমার কাছে হযরত জিব্রাঈল (আ.) এসে আমাকে বলে গেল যে, আমার উম্মতে অচিরেই আমার এই সন্তানকে হত্যা করবে। হযরত জিব্রাঈল (আ.) তার হত্যার স্থানের লাল রঙের মাটিও আমার কাছে নিয়ে এসেছে।^{৪৯}

হযরত য়ায়েদ ইবনে আরকাম (রা.) দীর্ঘায়ু প্রাপ্ত ও অন্ধ হওয়া

ইমাম বায়হাকী (র.) হযরত য়ায়েদ ইবনে আরকাম (রা.) থেকে বর্ণনা করেন, য়ায়েদ অসুস্থ হলে রাসূল ﷺ তাকে দেখতে যান এবং বলেন, এই অসুখে তোমাকে কোন ক্ষতি করবেনা তবে তুমি কি করবে যখন আমার ইন্তেকালের পর তুমি দীর্ঘ হায়াত পাবে এবং অন্ধ হয়ে যাবে? য়ায়েদ বলল, আমি আল্লাহর কাছে সওয়ালের আশা করবো আর ধৈর্যধারণ করবো। রাসূল ﷺ বললেন- *وَأَذِّنْ تَدْخُلُ الْجَنَّةَ بِغَيْرِ حِسَابٍ* তাহলে তুমি বিনা হিসেবে জান্নাতে প্রবেশ করবে। অতঃপর নবী করিম ﷺ'র ইন্তেকালের পর য়ায়েদ অন্ধ হয়ে গিয়েছিল পরে আল্লাহ তায়ালা তার দৃষ্টিশক্তি ফেরৎ দেন। এরপর তিনি ইন্তেকাল করেন।^{৫০}

উম্মতে মুহাম্মদী তিয়াত্তর দলে বিভক্তি

ইমাম বায়হাকী ও হাকেম (র.) হযরত আবু হুরাইরা (রা.) থেকে বর্ণনা করেন, নবী করিম ﷺ এরশাদ করেন, ইহুদীরা একাত্তর বা বাহাত্তর দলে বিভক্ত হয়েছিল এবং

^{৪৭} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৯৬

^{৪৮} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৯৯

^{৪৯} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২১২

^{৫০} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২৪১

খৃষ্টানরাও একান্তর বা বাহান্তর দলে বিভক্ত হয়েছিল আর আমার উম্মত তিয়াস্তর দলে বিভক্ত হবে।

অপর বর্ণনায় আছে, তিনি বলেছেন, আমার উম্মত তিয়াস্তর হবে তন্মধ্যে এক দল ব্যতীত সব দল জাহান্নামে যাবে। সাহাবায়ে কিরাম জিজ্ঞেস করেন, সেটি কোন দল? তিনি বললেন, ما انا عليه اليوم واصحابي আজ যে পথে আমি এবং আমার সাহাবায়ে কিরাম আছি সে পথের অনুসারীগণই হবে জান্নাতী।^{৬১}

ইমাম তাবরানী (র.) হযরত আবু সাঈদ খুদুরী (রা.) থেকে বর্ণনা করেন, তিনি বলেন, রাসূল ﷺ এরশাদ করেন, আমার উম্মতের মধ্যে দু'প্রকারের বাতিল ফেরকার আগমণ ঘটবে। ইসলামে তাদের কোন অংশ নেই। তন্মধ্যে একটি হল কাদরীয়া আর অপরটি হল জাবরীয়া।^{৬২}

বদর মায়দানে কাফেরদের মৃত্যুর স্থান নির্ণয়

ইমাম মুসলিম, আবু দাউদ ও বায়হাকী (র.) হযরত আনাস (রা.) থেকে বর্ণনা করেন, নবী করিম ﷺ বদর যুদ্ধের পূর্ব রাতে এরশাদ করেন, আগামীকাল ইনশাআল্লাহ এই স্থানটি অমুকের হত্যার স্থান এই বলে স্থান নির্ণয়ের উদ্দেশ্যে তিনি মাটিতে হাত রাখছেন। এই স্থানটি আগামীকাল অমুকের হত্যার স্থান ইনশাআল্লাহ এই বলে তিনি হাত মোবারক মাটিতে রাখেন। এই স্থানটি আগামীকাল অমুক ব্যক্তির হত্যার স্থান ইনশাআল্লাহ এই বলে তিনি হাত মোবারক মাটিতে রাখেন। হযরত খোদার শপথ বলেন, তাঁর স্থান নির্ধারণে বিন্দুমাত্রও ত্রুটি হয়নি। যার নামে যে স্থান তিনি নির্ধারণ করে দিয়েছেন সে ব্যক্তি সেখানেই পরাজিত হয়েছিল। তারপর তাদেরকে কালীবে বদর নামক স্থানে ফেলে দেওয়া হয়েছে।

নবী করিম সেখানে গিয়ে বললেন, হে অমুকের ছেলে অমুক!

هَلْ وَجَدْتُمْ مَا وَعَدَ رَبُّكُمْ حَقًّا তোমাদের প্রভু যে প্রতিশ্রুতি দিয়েছিলেন তোমাদেরকে তোমরা তা সত্য পেয়েছ? مَا وَعَدْنِي رَبِّي حَقًّا আমার প্রভু আমাকে যে ওয়াদা দিয়েছিলেন আমি তো তা সত্য পেয়েছি। উপস্থিত সাহাবায়ে কিরাম বললেন, হে আন্বাহর রাসূল! আপনি কি প্রাণ বিহীন শরীরের সাথে কথা বলতেছেন? তিনি বললেন, তোমরা তাদের চেয়ে বেশী শুনতে পাওনা তবে তাদের এতটুকু শক্তি নেই যে, তারা আমার কথার জবাব দেবে।^{৬৩}

অন্য বর্ণনায় বদর মায়দানে কাফেরদের নাম ধরে ধরে তাদের মৃত্যুর স্থান ও সময় পর্যন্ত রাসূল ﷺ নির্ণয় করে দিয়েছিলেন। (সংকলক)

^{৬১} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২৪৮

^{৬২} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২৫১

^{৬৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৩২৮

উকবা ইবনে আবি মুয়ীত'র মৃত্যু সংবাদ

হযরত আবু নঈম বিশুদ্ধ সূত্রে হযরত ইবনে আব্বাস (রা.) থেকে বর্ণনা করেন, উকবা ইবনে আবি মুয়ীত একদা রাসূল ﷺ কে খাবারের দাওয়াত দেয়। নবী করিম ﷺ বললেন-

ما انا ياكل حقا تشهد ان لا اله الا الله واني رسول الله

আমি খাবার খাবোনা যতক্ষণ না তুমি সাক্ষ্য দেবে যে, আল্লাহ ছাড়া কোন মাবুদ নাই আর আমি হলাম আল্লাহ রাসূল। অতঃপর উকবা এরূপ সাক্ষ্য দিল। তার এক বন্দু তার সাক্ষাতে এসে এই সাক্ষ্য সম্পর্কে শুনে তাকে ভর্ৎসনা ও তিরস্কার করল। সে বলল, আচ্ছা এখন বল কি করলে কুরাইশদের অন্তর থেকে আমার প্রতি ঘৃণা চলে যাবে আর আমার হারিয়ে যাওয়া সম্মান পূরণায় ফেরৎ আসবে?

তার বন্ধু তাকে পরামর্শ দিল যে, তুমি মুহাম্মদের মজলিসে গিয়ে তাঁর মুখে থু থু নিক্ষেপ কর তবেই তোমার প্রতি কুরাইশের ঘৃণা মুছে যাবে এবং তুমি তোমার সম্মান ফেরৎ পাবে। উকবা গিয়ে রাসূল ﷺ'র চেহারা মোবারকে থু থু নিক্ষেপ করল। রাসূল ﷺ চেহারা মোবারক থেকে থু থু মুছে নেন এবং বললেন, যদি মক্কার পাহাড়ের বাইরে তোমাকে পাই তবে ধৈর্যের অস্ত্র দ্বারা তোমার গর্দান কেটে দেবো।

বদর যুদ্ধের দিন তার সঙ্গী-সাথীরা যুদ্ধের জন্য বের হলে উকবা সৈন্যদের সাথে বাইরে যেতে অস্বীকার করল এবং বলল ঐ ব্যক্তি (মুহাম্মদ) আমাকে পাহাড়ের বাইরে পেলে ধৈর্যের অস্ত্র দিয়ে আমাকে হত্যা করবে বলে বলেছে। এতে তার লোকেরা বলল, আমরা আপনাকে লাল বর্ণের দ্রুতগামী উন্নত মানের উটনী দিচ্ছি। তিনি আপনাকে পাবে না। যদি পলায়ন করতে হয় তবে দ্রুতগতিতে পলায়ন করতে পারবেন।

অতঃপর তাদের কথায় বাধ্য হয়ে সে তাদের সাথে যুদ্ধে বের হল। তারা যখন পরাজিত হল তখন সে সেই নির্দিষ্ট উটনীর উপর আরোহণ করে পলায়ন করতে লাগল। তার উটনী তাকে একটি উন্মুক্ত ময়দানে নিয়ে পিঠ থেকে ফেলে দিল। ফলে সে মুসলমানদের হাতে বান্দি হল। আর নবী করিম ﷺ ধৈর্যের মাধ্যমে তার গর্দান উড়িয়ে দিলেন।^{৫৪}

আগমনের পূর্বেই সংবাদ প্রদান

হামদানী 'আল আনসাব' গ্রন্থে বলেন, হারেস ইবনে আবদে কিলাল হুমাইরী ইয়েমেনের বাদশা ছিল। সে নবী করিম ﷺ এর কাছে আসে। নবী করিম ﷺ তার আগমনের পূর্বেই সাহাবায় কিরামকে বলেছিলেন, তোমাদের নিকট এমন ব্যক্তি আসবে যে كريمة الجدين

^{৫৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৪১

কারীমুল জিদাইন ও صبيح الخدين সবিহুল খাদাইন। অতঃপর হারেস এসে মুসলমান হয়ে গেল। তিনি তার সাথে কোলাকুলি করেছেন এবং তার জন্য স্বীয় চাদর বিছিয়ে দিয়েছিলেন।^{৫৫}

হযরত মুহাম্মদ বিন হানফিয়া (র.) জন্ম সংবাদ

ইমাম বায়হাকী (র.) হযরত আলী (রা.) থেকে বর্ণনা করেন, তিনি বলেন, রাসূল ﷺ আমাকে বলেছিলেন, سيولدلك بعدى غلام قد خلته اسمى وكنيتى - আমার ইস্তিকালের পর অচিরেই তোমার এক পুত্র সন্তান জন্মগ্রহণ করবে। তুমি তার নামও উপনাম আমার নামও উপনামে রাখবে।^{৫৬}

ভবিষ্যৎ বাণী

মদীনায় বসে হাউসে কাউসার দেখা:

হযরত উকবা ইবনে আমের (রা.) থেকে বর্ণিত, একবার নবী করিম ﷺ বের হয়ে মৃত ব্যক্তির সালাতে জানাযার ন্যায় ওহুদ যুদ্ধে শাহাদত বরণকারী সাহাবায়ে কেরামের কবরের পার্শ্বে দাঁড়িয়ে সালাত আদায় করলেন। তারপর ফিরে এসে মিশরে আরোহণ করে বললেন, আমি তোমাদের জন্য অগ্রগামী ব্যক্তি। আমি তোমাদের পক্ষে আল্লাহর দরবারে সাক্ষ্য প্রদান করব। আল্লাহর কসম, আমি এখানে বসে থেকেই আমার হাউসে কাউসার দেখতে পাচ্ছি। পৃথিবীর ধন-ভাণ্ডারের চাবি আমার হাতে তুলে দেওয়া হয়েছে। আল্লাহর কসম, আমার ওফাতের পর তোমরা মুশরিক হয়ে যাবে-এ আশঙ্কা আমার নেই। তবে আমি তোমাদের সম্পর্কে এ ভয় করি যে, পার্থিব ধন-সম্পদের প্রাচুর্য ও মোহ তোমাদেরকে আত্মকলহে লিপ্ত করে তুলবে।^{৫৭}

ফ্যাসাদ সৃষ্টিকারী ব্যক্তি

হযরত আবু সাঈদ খুদরী (রা.) থেকে বর্ণিত, তিনি বলেন, আমরা রাসূলুল্লাহ ﷺ-র দরবারে উপস্থিত ছিলাম। তিনি কিছু গণীমতের মাল বন্টন করছিলেন। তখন বনু তামীম গোত্রের জুলখোয়াই সিরাহু নামে এক ব্যক্তি এসে হাযির হল এবং বলল, ইয়া রাসূলুল্লাহ! আপনি (বন্টনে) ইনসাফ করুন। তিনি বললেন, তোমার দুর্ভাগ্য! আমি যদি ইনসাফ না করি, তবে ইনসাফ করবে কে? আমি তো নিষ্ফল ও ক্ষতিগ্রস্ত হবো যদি ইনসাফ না করি। হযরত ওমর (রা.) বললেন, ইয়া রাসূলুল্লাহ! আমাকে অনুমতি দিন আমি এর গর্দান উড়িয়ে দিই। তিনি বললেন, একে যেতে দাও, তার এমন কিছু সঙ্গী-সাথী রয়েছে তোমাদেরকেউ তাদের সালাতের তুলনায় নিজের সালাত ও সিয়াম তুচ্ছ বলে মনে করবে। এরা কুরআন পাঠ করে, কিন্তু কুরআন তাদের কঠনালীর নিম্নদেশে প্রবেশ করেনা। তারা স্বীন থেকে

^{৫৫}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৬

^{৫৬}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২২৬

^{৫৭}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৭, হাদিস নং ৩৩৪১

এমনভাবে (দ্রুত) বেরিয়ে যাবে যেমন তীর ধনুক থেকে বেরিয়ে যায়। তীরের অংশভাগের লোহা দেখা যাবে কিন্তু (শিকারের) কোন চিহ্ন পাওয়া যাবে না। কাঠের অংশটুকু দেখলে তাতেও কিছু পাওয়া যাবে না। মধ্যবর্তী অংশটুকু দেখলে তাতেও কিছু পাওয়া যাবে না। তার পালক দেখলে তাতেও কোন চিহ্ন পাওয়া যায় না, অথচ তীরটি শিকারী জন্তুর নাড়িভুঁড়ি ভেদ করে রক্তমাংস অতিক্রম করে বেরিয়ে গেছে। এদের নিদর্শন হল এমন একটি কাল মানুষ যার একটি বাহু মেয়ে লোকের স্তনের ন্যায় অথবা মাংস টুকরার ন্যায় নড়াচড়া করবে। তারা লোকদের মধ্যে বিরোধকালে আত্মপ্রকাশ করবে।

হযরত আবু সাঈদ খুদুরী (রা.) বলেন, আমি সাক্ষ্য দিচ্ছি যে, আমি স্বয়ং রাসূলুল্লাহ (স. অ. স.)'র নিকট থেকে একথা শুনেছি। আমি এও সাক্ষ্য দিচ্ছি যে আলী ইবনে আবু তালেব (রা.) এদের সঙ্গে যুদ্ধ করেছেন। আমিও তাঁর সঙ্গে ছিলাম। তখন হযরত আলী (রা.) ঐ ব্যক্তিকে তালাশ করে খুঁজে বের করতে আদেশ দিলেন। তালাশ করে যখন আনা হল। আমি মনোযোগের সহিত করে তার মধ্যে ঐসব চিহ্নগুলি দেখতে পেলাম, যা নবী করিম (স. অ. স.) বলেছিলেন।^{৫৮}

ভন্ড নবীর আবির্ভাব

হযরত ইবনে আব্বাস (রা.) বলেন, হযরত আবু হুরাইরা (রা.) আমাকে জানিয়েছেন, রাসূলুল্লাহ (স. অ. স.) বলেছেন, (একদিন) আমি ঘুমিয়ে ছিলাম, স্বপ্নে দেখতে পেলাম আমার দু'হাতে সোনার দু'টি বালা শোভা পাচ্ছে। বালা দু'টি আমাকে ভাবিয়ে তুলল। স্বপ্নেই আমার নিকট অহী এল, আপনি ফুঁ দিন। আমি তাই করলাম। বালা দু'টি উড়ে অদৃশ্য হয়ে গেল।

আমি স্বপ্নের ব্যাখ্যা এভাবে করলাম, আমার পর দু'জন কায্বাব (চরম মিথ্যাবাদী তথা ভন্ডনবী) আবির্ভূত হবে। এদের একজন আসওয়াদ আনসী, অপরজন ইয়ামামার বাসিন্দা মুসায়লামাতুল কায্বাব।^{৫৯}

হযরত হাসান (রা.) সমঝোতাকারী হবেন

হযরত আবু বকর (রা.) থেকে বর্ণিত, তিনি বলেন, নবী করিম (স. অ. স.) একদিন হযরত হাসান (রা.) কে নিয়ে বেরিয়ে এলেন এবং তাঁকেসহ মিশরে আরোহণ করলেন। তারপর বললেন, আমার এ ছেলেটি (নাতী) সাইয়েদ তথা সরদার নিশ্চয়ই আল্লাহ তায়ালা এর মাধ্যমে বিবাদমান দু'দল মুসলমানের আপোস (সমঝোতা) করিয়ে দেবেন।^{৬০}

খায়বার যুদ্ধের বিজয় সংবাদ

^{৫৮} ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী ইউপি, ইন্ডিয়া, পৃ:৫০৯ হাদিস নং ৩৩৫২

^{৫৯} ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী ইউপি, ইন্ডিয়া, পৃ:৫১১ হাদিস নং ৩৩৬২

^{৬০} ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫১২ হাদিস নং ৩৩৬৮

হযরত সালমা (রা.) থেকে বর্ণিত, তিনি বলেন, আলী (রা.) নবী করিম ﷺ'র সঙ্গে খায়বার যুদ্ধে যাননি। কেননা তাঁর চোখে অসুখ ছিল। এতে তিনি মনে মনে বললেন, আমি কি রাসূলুল্লাহ'র সঙ্গে জিহাদে যাবো না? তারপর তিনি বেরিয়ে পড়লেন এবং রাসূল ﷺ'র সাথে মিলিত হলেন। খায়বর বিজয়ের পূর্বরাতে (সন্ধ্যায়) রাসূল ﷺ বললেন, আগামী সকালে আমি এমন এক ব্যক্তিকে পতাকা প্রদান করব অথবা বলেছিলেন, এমন এক ব্যক্তি বাঁধা গ্রহণ করবে যাকে আল্লাহ ও তাঁর রাসূল ভালবাসেন অথবা বলেছিলেন, সে আল্লাহ ও তাঁর রাসূলকে ভালবাসে। তাঁর মাধ্যমে আল্লাহ তায়ালা (খায়বর) বিজয় দান করবেন। তারপর আমরা দেখতে পেলাম তিনি হলেন হযরত আলী অথচ আমরা তাঁর সম্পর্কে এমনটি আশা করিনি। তাই সকলেই বলে উঠলেন, এই যে আলী (রা.)। রাসূলুল্লাহ ﷺ পরদিন তাঁকেই পতাকা দিলেন এবং তাঁর মাধ্যমেই আল্লাহ তায়ালা বিজয় দিলেন।^{৬১}

উমাইয়া ইবনে খালফের মৃত্যু সংবাদ

হযরত সা'দ ইবনে মুয়ায (রা.) থেকে বর্ণিত, তিনি বলেছেন, তাঁর ও উমাইয়া ইবনে খালফের মধ্যে গভীর বন্ধুত্ব ছিল। উমাইয়া মদীনায় আসলে সা'দ এর অতিথি হত এবং সা'দ মক্কায় গেলে উমাইয়ার আতিথেয়তা গ্রহণ করতেন। রাসূল ﷺ মদীনায় হিজরত করার পর একদা সা'দ ওমরা করার উদ্দেশ্যে মক্কা এবং উমাইয়ার বাড়ীতে আবস্থান করলেন। সা'দ উমাইয়াকে নিয়ে দ্বিপ্রহরে কা'বা তাওয়াফ করার সময় আবু জেহেলের সাক্ষাৎ হয়।

তখন হযরত সা'দ এর সাথে আবু জেহেলের সাথে বাদানুবাদ হয়। এক পর্যায়ে সা'দ (রা.) আবু জেহেলকে উচ্চ কণ্ঠে হুমকি দিলে উমাইয়া তাঁকে বলল, হে সা'দ! এ উপত্যকার প্রধান সর্দার আবুল হাকামের (আবু জেহেল) সাথে এরূপ উচ্চস্বরে কথা বলিওনা। তখন সা'দ (রা.) বললেন, হে উমাইয়া! তুমি চূপ কর। আল্লাহর কসম, আমি রাসূলুল্লাহ ﷺ কে বলতে শুনেছি যে, তারা তোমার হত্যাকারী। উমাইয়া জিজ্ঞেস করল, মক্কার বুকে? সা'দ বললেন, তা জানিনা। উমাইয়া এতে অত্যন্ত ভীত ও সন্ত্রস্ত হয়ে পড়ল।

এরপর উমাইয়া বাড়ীতে গিয়ে তার স্ত্রীকে ডেকে বলল, হে উম্মে সফওয়ান! সা'দ আমার সম্পর্কে কি বলেছে জান? সে বলল, সা'দ তোমাকে কি বলেছে? উমাইয়া বলল, সে বলেছে যে, মুহাম্মদ নাকি তাদেরকে জানিয়েছে যে, তারা আমার হত্যাকারী। তখন আমি তাকে জিজ্ঞেস করলাম, তা কি মক্কায়? সে বলল, তা আমি জানিনা। এরপর উমাইয়া বলল, আল্লাহর কসম, আমি কখনো মক্কা থেকে বের হবোনা। কিন্তু বদর যুদ্ধের দিন সমাগত হলে আবু জেহেল সর্বস্তরের জনসাধারণকে সদলবলে যুদ্ধে বের হওয়ার আহ্বান জানিয়ে বলল, তোমরা তোমাদের কাফেলা রক্ষা করার জন্য অথসর হও। উমাইয়া মক্কা ছেড়ে বের হওয়াকে অপছন্দ করলে আবু জেহেল এসে তাকে বলল, হে আবু সফওয়ান! তুমি এ উপত্যকার অধিবাসীদের একজন নেতা। তাই লোকেরা যখন দেখবে তুমি যুদ্ধে যাচ্ছনা তখন তারাও তোমার সাথে থেকে যাবে। অবশেষে বাধ্য হয়ে যুদ্ধে যাওয়ার জন্য উত্তম উট

^{৬১}. ইমাম বুখারী, মুহাম্মদ ইবনে ইসমাইল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫২৫ হাদিস নং ৩৪৩৭

ক্রয় করে প্রস্তুতি নিল। এতে তার স্ত্রী বলল, হে আবু সফওয়ান! তোমায় মদীনাবাসী যা বলেছিলেন তা কি তুমি ভুলে গিয়েছ? সে বলল, না। আমি তাদের সাথে কিছুদূর যাবো মাত্র। অবশেষে রাসূল ﷺ'র ভবিষ্যৎবাণী মতে বদর যুদ্ধে আল্লাহর হুকুমে সে মারা গেল।^{৬২}

হাদিস অস্বীকারীর আগমন প্রসঙ্গে

ইমাম বায়হাকী (র.) হযরত মোকদাদ ইবনে মা'দী কারুবা (রা.) থেকে বর্ণনা করেন, নবী করিম ﷺ এরশাদ করেছেন, সাবধান! আমাকে কিতাব (কুরআন) দেওয়া হয়েছে এবং কিতাবের সাথে কিতাবের সাদৃশ্য (হাদিস) ও দেওয়া হয়েছে। অচিরেই এমন এক পেটুক বালিশে হেলান দিয়ে বসে বসে বলবে- তোমরা কুরআন কে আবশ্যিক করে নাও। কুরআন যা হালাল শুধু হালাল আর কুরআনে যা হারাম শুধু তাই হারাম। অর্থাৎ তারা হাদিসকে অস্বীকার করবে।

ইমাম আবু দউদ ও বায়হাকী (র.) হযরত আবু রাফে (রা.) থেকে বর্ণনা করেন, নবী করিম ﷺ এরশাদ করেন, তোমাদের মধ্যে এক ব্যক্তি ঠেস দিয়ে বসে থাকবে। তার কাছে যখন আমার কোন হুকুম-আহকাম (হাদিস) বর্ণনা করা হবে যাতে কোন কাজের আদেশ বা নিষেধ থাকবে। তখন সে তা শুনে বলবে, আমরা এগুলো জানিনা। কিতাবুল্লাহ-এ আমরা যা পাই শুধু তাই অনুসরণ করি।^{৬৩}

আশেকে রাসূল ﷺ'র আগমন

ইমাম হাকেম (র.) হযরত আবু হোরাইরা (রা.) থেকে বর্ণনা করেন, তিনি বলেন, রাসূল ﷺ এরশাদ করেন,

ان انا سأ من امتي ياتون بعدى بود احدهم الواشترى رؤيتي باهله وماله

অর্থাৎ- আমার ইন্তেকালের পরে এমন অনেক লোক আসবে যারা তাদের ধন-সম্পদ ও পরিবার-পরিজনের বিনিময়ে হলেও আমার সাক্ষাত ক্রয় করতে ভালবাসবে। অর্থাৎ তারা আমার এমন আশেক হবে তাদের জীবনে সবকিছুর বিনিময়ে আমার দীদার লাভ করতে চাইবে।^{৬৪}

কূফা ও বাসরা সম্পর্কে ভবিষ্যত বাণী

ইমাম আবু নঈম p হযরত আবু যর (রা.) থেকে বর্ণনা করেন, রাসূল ﷺ কূফাবাসী সম্পর্কে আলোচনা করে বলেন, কূফাবাসীদের উপর বড় বড় বিপদ আসবে। এরপর তিনি বসরাবাসী সম্পর্কে আলোচনা করে বলেন, সেখানে অনেক মসজিদ হবে আর মুয়াজ্জিনের

^{৬২} ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫৬৩ হাদিস নং ৩৬৬৫

^{৬৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২৫৩-৫৪

^{৬৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:২৫৫

বাঘের মাধ্যমে হেফায়ত

ওয়াকেদী ও আবু নঈম (র.) হযরত উরওয়াহ ইবনে যুবাইর (রা.) থেকে বর্ণনা করেন, নদ্বর ইবনে হারেস সর্বদা রাসূল ﷺ কে কষ্ট দিত ও বিরক্ত করত। একদা প্রচণ্ড গরমের মৌসুমে তিনি হায়তের (মল ত্যাগের) উদ্দেশ্যে “সানিয়াতুল হুজন” এর নিম্ন স্থানে তাশরীফ নেন। তাঁর স্বভাবই ছিল যে, হায়তের জন্যে তিনি বহুদূরে চলে যেতেন। নদ্বর তাঁকে দেখে চিন্তা করল যে, এরকম একাকী তাঁকে আর পাওয়া যাবে না। সুতরাং তাঁকে হত্যা করার এটাই সুবর্ণ সুযোগ।

এরপর নদ্বর তাঁর দিকে গেলে হঠাৎ ভীত-সম্বৃত হয়ে পিছনে ফিরে আসল। পথে আবু জেহেলের সাক্ষাৎ হলে যে বলল, কোথা থেকে আসতেছ? উত্তরে নদ্বর বলল, আমি মুহাম্মদের পিছু নিয়েছিলাম তাঁকে হত্যার উদ্দেশ্যে। কেননা তিন একাকী ছিলেন। কিন্তু হঠাৎ দেখলাম যে, ভয়ংকর বাঘ হা করে এসে আমার মাথায় দাড়া লো দাঁত দিয়ে আক্রমণের উপক্রম হয়েছে। আমি ঐ হিংস্র বাঘের ভয়ে ভীত হয়ে ফিরে আসলাম। আবু জেহেল বলল, এটা তাঁর একটা যাদু।^{১০}

সাফা-মারওয়া পাহাড় দ্বারা নিরাপত্তা

তাবরানী ইবনে মুনদাহ ও আবু নঈম (র.) কায়েস হযর এর সূত্রে বর্ণনা করেন, তিনি বলেন, হাকাম এর কন্যা বর্ণনা করেন, আমার দাদা হাকাম আমাকে বলেছেন যে, হে আমার কন্যা! আমি তোমাকে নিজের চোখে দেখা ঘটনা বর্ণনা করতেছি যে, একদিন আমরা সকলে মিলে প্রতিশ্রুতিবদ্ধ হলাম যে, রাসূল ﷺ কে ধরবো। তারপর আমরা এমন বিকট শব্দ শুনলাম যে, ভাবলাম এতে ‘তাহামা’ নামক পাহাড় চূর্ণ-বিচূর্ণ হয়ে পড়েছে। আর আমরা অজ্ঞান হয়ে গেলাম। রাসূল ﷺ নামায শেষ করে ঘরে ফিরে যাওয়া পর্যন্ত আমাদের হুঁশ ছিলনা। তারপর পরের রাতে আমরা পুনরায় ঐ কাজের জন্যে ওয়াদাবদ্ধ হলাম। যখন তিনি তাশরীফ আনেন তখন আমরা তাঁর দিকে গিয়ে দেখি সাফা ও মারওয়া উভয় পাহাড় এসে পরস্পর মিলে আমাদের এবং তাঁর মধ্যে আড়াল হয়ে গেল। খোদার শপথ! এবারেরও পরিকল্পনা ও ব্যর্থ হল এমনকি আল্লাহ তায়ালা আমাদেরকে ইসলাম গ্রহণের তাওফিক দান করেছেন এবং ইসলামে আসার অনুমতি প্রদান করেছেন।^{১১}

কুদরতী/ অদৃশ্য শক্তি দ্বারা হেফায়ত

ইমাম বায়হাকী (র.) রুকানা ইবনে আবদে ইয়াযিদ থেকে বর্ণনা করেন। রুকানা একজন বিশাল শক্তিদর লোক ছিলেন। তিনি বলেন, আমি এবং নবী করিম ﷺ আবু

^{১০}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়াদিল্লী, পৃ:১৭৮, ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১৫

^{১১}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১৫

তালেবের চারণ ভূমিতে বকরী চরাচ্ছিলাম। তিনি একদিন আমাকে বললেন, তুমি কি আমার সাথে কুস্তি লড়বে? আমি বললাম, আপনি কি আমার সাথে কুস্তি লড়তে চান? তিনি বললেন, হ্যাঁ। আমি বললাম কোন শর্তে? তিনি বললেন, এই বকরীগুলো থেকে একটি বকরীর শর্তে।

তারপর আমি তাঁর সাথে কুস্তি লড়লাম কিন্তু আমাকে পরাজিত করে দেন আর একটি বকরী আমার থেকে নিয়ে নিলেন। তিনি আবার জিজ্ঞেস করেন, দ্বিতীয় বার লড়বে? আমি রাজী হলাম। দ্বিতীয়বারও তিনি আমাকে পরাজিত করলেন এবং একটি বকরী নিয়ে নিলেন। আর আমি চারিদিকে দেখতে লাগলাম আমার পরাজিত হওয়া কেউ দেখছে কিনা? তিনি বললেন, তোমার কি হল যে, তুমি চতুর্দিকে দেখতেছ যে, আমি বললাম, অন্যান্য রাখালগণ আমাকে দেখছে কিনা দেখতেছি। কারণ তারা আমার এ দুর্বলতা ও অক্ষমতা দেখলে আমার উপর বাহাদুরী করা শুরু করবে অথচ আমি হলাম আমার সম্প্রদায়ের মধ্যে সবচেয়ে শক্তিশালী পলোয়ান।

তিনি পুনরায় জিজ্ঞেস করেন, তৃতীয়বার লড়বে? আমাকে পরাজিত করতে পারলে একটি বকরী পাবে। আমি বললাম, হ্যাঁ, লড়বো। এবারও তিনি আমাকে পরাজিত করলেন এবং আরো একটি বকরী নিয়ে নিলেন। আর আমি অত্যন্ত চিন্তিত ও মর্মান্বিত অবস্থায় বসে রইলাম। তিনি জিজ্ঞেস করলেন, রুকানা! তোমার কি হল? আমি বললাম, আমি আবেদে ইয়াযিদ'র নিকট যাচ্ছি। তাদের তিনটি বকরী আমি দিয়ে দিলাম। অথচ আমি মনে করতাম কুরাইশদের মধ্যে আমিই সবচেয়ে শক্তিশালী। তিনি আবার জিজ্ঞেস করলেন, চতুর্থবার লড়বে? আমি বললাম, তিনবার পরাজয় হওয়ার পর আর সাহস পাচ্ছি না। তিনি বললেন, তোমার বকরী তোমাকে ফেরৎ দেবো। তারপর তিনি আমার বকরী আমাকে ফেরৎ দিলেন। কিছুদিন পর তাঁর নবুয়ত প্রকাশ পেলে আমি তাঁর খেদমতে এসে ইসলাম গ্রহণ করলাম আর আমি বুঝতে পারলাম সেদিন তিনি আমাকে তাঁর স্বীয় শক্তি দ্বারা পরাজিত করেননি বরং অন্য কোন (খোদায়ী) শক্তি দিয়ে পরাজিত করেছেন।^{১২}

হাত তরবারীর সাথে আটকে যাওয়া

হযরত আবু নঈম (র.) হযরত আব্দুল্লাহ ইবনে আব্বাস (রা.) থেকে বর্ণনা করেন, আরবাদ ইবনে কায়েস ও আমের ইবনে তোফায়েল রাসূল ﷺ'র দরবারে এসেছিল। আমের বলল, আপনার পরে যদি আমাকে হুকুমতের দায়িত্ব প্রদান করেন তবে আমি মুসলমান হয়ে যাবো। রাসূল ﷺ এরশাদ করেন, হে আমের! এটা তুমি এবং তোমার কণ্ডমের জন্য নয়। সে বলল, আল্লাহর কসম, আমি আপনার বিরুদ্ধে মদীনা কে ঘোড়া ও লোকে লোকারণ্য করো দেবো। রাসূল ﷺ বললেন, আল্লাহ তোমাকে এ কাজ থেকে বিরত রাখুক।

অতঃপর তারা উভয় যখন বের হল তখন আমের আরবাদ কে বলল, আমি মুহাম্মদের সাথে আলাপে নিয়োজিত রেখে তাকে ভুলিয়ে রাখবো আর এ সুযোগে তুমি তরবারী মেরে

^{১২} . ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১৬

দিয়ে। আরবাদ বলল, ঠিক আছে তাই হবে। তারপর তারা উভয় পুনরায় ফিরে এসে আমের বলল, হে মুহাম্মদ! আসুন, আমার পাশে দাঁড়ান, আপনার সাথে কথা বলবো। তিনি তার সাথে দাঁড়ালেন আর আরবাদ মিয়ান থেকে তরবারী বের করতে হাত দিলে হাত তরবারীর সাথে আটকে যায়। ফলে শত চেষ্টা করেও হাতে তরবারী নিয়ে আঘাত করতে ব্যর্থ হল। তারপর তারা উভয় ফিরে যাওয়ার পথে 'রকম' নামক একটি কূপের নিকটে পৌঁছলে আল্লাহ তায়ালা আরবাদের উপর এমন বজ্রধ্বনি ও গর্জন শ্রেণণ করেন যাতে সে মারা যায় আর আমের এমনভাবে আহত হল যে সেও মারা গেল।^{১০} তখন আল্লাহ তায়ালা এই আয়াত নাযিল করেন- **شديد المحال الله يعلم ما تحمل كل انثى**। (সূরা রাদ ৮-১৩)

ছাগলের গোশত কথা বলা

আবু নঈম র হযরত আব্দুল্লাহ ইবনে আব্বাস (রা.) থেকে বর্ণিত, রাসূল **ﷺ** বদর যুদ্ধ থেকে ফেরার পথে রাস্তায় এক ইহুদী মহিলার সাক্ষাত হল যার মাথায় খাবার বর্তন ছিল। তাতে ভূনা ছাগলের মাংস ছিল। এ সময় রাসূল **ﷺ** ক্ষুধার্ত ছিলেন। মহিলা বলল আলহামদুলিল্লাহ, হে মুহাম্মদ! আমি মান্নত করেছেছি যে, আপনি যদি সহি সালামতে ফেরৎ আসেন তবে এই ছাগল যবেহ করে ভূনা করে আপনাকে খাওয়ানো।

অতঃপর আল্লাহ তায়ালা ঐ ছাগলের গোশতে বাক শক্তি দান করলেন ফলে সেই গোশত স্পষ্ট ভাষায় বলেছিল, হে মুহাম্মদ! **ﷺ** আপনি খাবেন না, আমি বিষ মিশ্রিত।^{১৪}

মাকড়সার খেদমত

হযরত ইবনে সা'দ (র.), হযরত ইবনে আব্বাস, আলী, আয়েশা বিনতে আবি বকর ও আয়েশা বিনতে কুদাম ও সুরাকাহ ইবনে জু'শাম (রা.) বর্ণনা করেন, রাসূল **ﷺ** ঘর থেকে বের হলেন অথচ কাফেররা তাঁর দরজায় বসে আছে। তিনি একমুষ্টি পাথর হাতে নিয়ে তাদের মাথার দিকে নিক্ষেপ করে সূরা ইয়াসিন তিলাওয়াত করতে করতে বেরিয়ে গেলেন। অর্থাৎ হযরতের রাতে রাসূল **ﷺ** কে হত্যার উদ্দেশ্যে রাতে তাঁর ঘরের দরজায় কাফেররা অপেক্ষমান ছিল। কিন্তু তিনি তাদের প্রতি একমুষ্টি পাথর নিক্ষেপ করে তাদের চোখের সম্মুখ দিয়ে চলে আসেন তারা তাঁকে দেখতে পায়নি। কেউ বলল, তোমরা কার অপেক্ষায় আছ? তারা বলল, মুহাম্মদের অপেক্ষায় আছি। সে বলল, খোদার কসম! তিনি তো তোমাদের থেকে চলে গিয়েছেন। তারা বলল, খোদার কসম, আমরা তো তাঁকে যেতে দেখিনি। অতঃপর তারা মুখ থেকে মাটি ঝাড়তে ঝাড়তে দাঁড়িয়ে গেল আর নবী করিম **ﷺ**

^{১০}. ইমাম সুহুতী, জালাল উদ্দিন সুহুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২৯ ও আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নতুন দিল্লি, পৃ:১৮১

^{১৪}. ইউসুফ নাবহানী (র.) (১৩৫০হি.), হুজ্জাতুল্লাহি আললা আলামীন, উর্দু, গুজরাট, খণ্ড:১ম পৃ:১১৮

ও হযরত আবু বকর (রা.) সত্তর পর্বতের দিকে চলে যান এবং পর্বতের একটি গুহায় প্রবেশ করেন। গুহায় মুখে মাকড়সা জাল বুনে দিল। (অপর বর্ণনা আছে কবুতরে ডিম দিয়েছিল।) কুরাইশরা তাঁকে অনেক তালাশ করতে করতে গুহার মুখে পৌঁছে গেল। তাদের কেউ বলল, গুহায় খুঁজে দেখ। অপরজন বলল, গুহার মুখে তো এমন পুরাতন মাকড়সার জাল যা মুহাম্মদের জন্মের পূর্বের। এই কথা বলে তার ফিরে গেল।^{৭৫}

ঘোড়াসহ মাটিতে ধ্বসে যাওয়া

ইমাম বুখারী ও ইমাম মুসলিম ৮ হযরত আবু বকর (রা.) থেকে বর্ণনা করেন, হযরতের সময় কুরাইশ আমাদের তালাশ করেও সুরাকা ইবনে মালিক ছাড়া কেউ আমাদের সন্ধান পায়নি। সে তার ঘোড়ার উপর আরোহণ ছিল। আমি বললাম, হে আল্লাহ'র রাসূল! এই অন্বেষণকারী আমাদের নিকটে পৌঁছে গেছে। তিনি বললেন, **لَا تَحْزَنَنَّ إِنَّ اللَّهَ مَعَنَا** অর্থ তুমি চিন্তা করোনা, নিশ্চয় আল্লাহ আমাদের সাথে আছেন।

যখন আমাদের ও তার মাঝে এক বা তিন তীর পরিমাণ দূরত্ব বাকী ছিল তখন রাসূল **اللَّهُمَّ اكْفِنَاهُ بِمَا شِئْتَ** তাঁকে বদদোয়া করে বলেন- অর্থ: হে আল্লাহ! আপনি যেভাবে চান তার অনিষ্ট থেকে আমাদের রক্ষা করুন। সাথে সাথে তার ঘোড়া তাকে নিয়ে পেট পর্যন্ত মাটিতে ধ্বসে গেল।

সুরাকা বলল, হে মুহাম্মদ! আমি বুঝেছি যে, এটা আপনার কাজ অর্থাৎ আপনার দোয়ার কারণেই আমার এই অবস্থা। সুতরাং আল্লাহর কাছে দোয়া করুন যেন এই বিপদ থেকে আমি মুক্তি পাই। খোদার শপথ! যারা আমার পেছনে আপনাকে খুঁজতে আসতেছে আমি তাদেরকে অন্ধ বানিয়ে দেবো অর্থাৎ তাদেরকে ফিরিয়ে দেবো। অতঃপর তিনি তার জন্য দোয়া করলেন ফলে সে ফিরে গেল।^{৭৬}

হযরত জিব্রীল (আ.) কর্তৃক সুরক্ষা

ওয়াকেরী ৮ মুহাম্মদ ইবনে যিয়াদ, যয়েদ ইবনে আবি এতাব থেকে অপর বর্ণনায় দ্বাহ্বাক ইবনে ওসমান ও আব্দুর রহমান ইবনে মুহাম্মদ ইবনে আবু (রা.) থেকে বর্ণনা করেন, রাসূল **اللَّهُمَّ اكْفِنَاهُ بِمَا شِئْتَ** অবগত হলেন যে, গাতফান গোত্রের বনী সা'লাবার লোকেরা 'যিআমর' নামক স্থানে একত্রিত হয়েছে। তাদের উদ্দেশ্য হল রাসূল **اللَّهُمَّ اكْفِنَاهُ بِمَا شِئْتَ** কে চতুর্দিক থেকে ঘিরে রাখা। তাদের সরদার হল দা'সুর ইবনে হারেস। রাসূল **اللَّهُمَّ اكْفِنَاهُ بِمَا شِئْتَ** এই খবর শুনে সাড়ে চারশ জন লোক নিয়ে সেদিকে রওয়ানা হলেন। তাদের সাথে ঘোড়াও ছিল। কাফেরের দল ভয়ে পাহাড়ের চূড়ায় আত্মগোপন করল। রাসূল **اللَّهُمَّ اكْفِنَاهُ بِمَا شِئْتَ** 'যিআমর' নামক স্থানে সৈন্য সহ অবতরণ করেন। এ সময় এখানে প্রচণ্ড বৃষ্টি হয়েছিল। রাসূল **اللَّهُمَّ اكْفِنَاهُ بِمَا شِئْتَ** হাযত সারতে গেলে বৃষ্টির

^{৭৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩০৪

^{৭৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩০৬

পানিতে তাঁর জামা ভিজ়ে গেল। তিনি উপত্যকার একটি গাছের নীচে গিয়ে জামা খুলে মুচড়িয়ে পানি ফেলে দিয়ে শুকানোর জন্য বিলিয়ে দেন আর গাছের নীচে শুয়ে পড়েন। গ্রাম্য শত্রুরা এ অবস্থা দেখে তাদের সরদারকে বলল, হে দা'সূর! তুমি আমাদের সরদার ও একজন বীর বাহাদুর ব্যক্তি। এ সময় তুমি মুহাম্মদের উপর বিজয় হতে পারবে। কেননা তিনি এখন তাঁর সঙ্গীদের থেকে দূরে একাকী অবস্থান করতেছেন।

দা'সূর একটি ধারালো উন্মুক্ত তরবারী নিয়ে হুযূর ﷺ'র সামনে আসল এবং বলল, হে মুহাম্মদ! তোমাকে আজ আমার হাত থেকে কে বাঁচাবে? তিনি সাহসীকতার সাথে উত্তর দিলেন, আল্লাহ আমাকে রক্ষা করবেন। হযরত জিব্রাইল (আ.) দা'সূর এর বক্ষে জোরে আঘাত করলেন ফলে তার হাত থেকে তরবারী পড়ে গেল। তখন রাসূল ﷺ এ তরবারী তুলে নেন এবং দা'সূরের মাথার উপর তরবারী ধরে বললেন, এখন তোমাকে আমার কাছ থেকে কে রক্ষা করবে? উত্তরে সে বলল, কেউ রক্ষা করতে পারবে না এই বলে সে কালিমা পড়ে মুসলমান হয়ে গেল। রাসূল ﷺ তার তরবারী তাকে দিয়ে দেন এবং একটু পিছে গিয়ে আবার সামনে এসে বলল, খোদার কসম! আপনি আমার থেকে অবশ্যই শ্রেষ্ঠ। রাসূল ﷺ বলেন, আমি তোমার চেয়ে শ্রেষ্ঠ হওয়ার অধিক হকদার।

দা'সূর তার সম্প্রদায়ের লোকের কাছে ফিরে গেলে তারা তাকে বলল, আফসোস! তুমি গিয়ে আক্রমণের জন্য প্রস্তুতি নিয়েছিলে কিন্তু তাঁর সাথে কিছু কথা বলে ফেরৎ এসেছ। অথচ তুমি ছিলে অস্ত্রধারী আর তিনি ছিলেন ঘুমন্ত। সে বলল, খোদার শপথ! আমার উদ্দেশ্য ও তাকে হত্যা করা ছিল কিন্তু যখন আমি তাঁর কাছে গেলাম হঠাৎ একজন গুত্র রঙের লম্বা লোক আমার দৃষ্টিগোচর হল। সে আমার বক্ষে সজোরে আঘাত করলে আমি নীচে পড়ে গেলাম। আমি জানতে পারলাম যে, তিনি একজন ফেরেস্তা আর আমি সাক্ষ্য দিলাম যে, মুহাম্মদ ﷺ আল্লাহর রাসূল। তখন সে তার সম্প্রদায়কে ইসলামের দিকে আহ্বান করতে লাগলেন।^{১৭} এই ঘটনার প্রতি ইঙ্গিত করে এই আয়াত নাযিল হয়,

﴿ يٰٓاَيُّهَا الَّذِيْنَ اٰمَنُوْا اذْكُرُوْا نِعْمَتَ اللّٰهِ عَلَيْكُمْ اِذْ هُوَ رَاٰكُمْ سٰكِنِيْنَ فَرَاٰكُمْ اَعْرَابًا ۗ وَكَوْنُوْا مِّنْ اٰمِنِيْنَ ۝۱۱﴾

অর্থ: হে মু'মিনগণ! তোমাদের প্রতি আল্লাহর অনুগ্রহ স্মরণ কর, যখন এক সম্প্রদায় তোমাদের দিকে স্বীয় হস্ত প্রসারিত করতে সচেষ্ট হয়েছিল, তখন তিনি তাদের হস্ত তোমাদের থেকে প্রতিহত করে দিলেন। (সূরা মায়োদাহ, আয়াত নং ১১)

কুদরতী নিরাপত্তা

ফেরেস্তা ছায়াদান:

ইবনে সা'দ ইবনে আসাকের (র.) থেকে বর্ণনা করেন, নবী করিম ﷺ ২৫ বছর বয়সে হযরত খাদীজা (রা.)'র মাল নিয়ে ব্যবসার উদ্দেশ্যে সিরিয়া যাত্রা করেন। সঙ্গে

^{১৭}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৪৬

খদীজা (রা.)'র গোলাম মায়সারাও ছিলেন। মায়সারা বলেন, যখন দুপুরে প্রচণ্ড গরম আরম্ভ হত তখন আমি দু'জন ফেরেস্টাকে নবী করিম ﷺ কে ছায়াদান করতে দেখতাম। সে এই দেখা ঘটনা সংরক্ষণ করে রেখেছে। সিরিয়া থেকে ফিরে এসে মক্কায় প্রবেশ করার সময় দুপুর বেলা প্রচণ্ড গরম ছিল। এ সময় হযরত খদীজা (রা.) স্বীয় বালাখানায় ছিলেন। তিনি রাসূল ﷺ কে দেখেন যে, তিনি স্বীয় উটে আরোহণ অবস্থায় আছেন আর দু'জন ফেরেস্টা তাঁর উপর ছায়াদান করছেন। তিনি আশে পাশের সকল মহিলাদেরকে এই দৃশ্য দেখান। ফলে সকলেই অবাক হয়ে গেল এবং এই ঘটনা হযরত খদীজা মায়সারাকে অবহিত করলে সে বলল, যখন থেকে আমরা মক্কা থেকে রওয়ানা হয়েছিলাম তখন থেকে আমি এই দৃশ্য দেখতেছি। তখন মায়সারা এই সফরে সংঘটিত অলৌকিক ঘটনাসমূহ তাঁকে অবহিত করেছে।^{৭৮}

শয়তান থেকে হেফাযত

ওয়াকেরদী ও আবু নঈম হযরত আতা'র সূত্রে বর্ণনা করেন, তিনি হযরত ইবনে আব্বাস (রা.) থেকে বর্ণনা করেন, তিনি বলেন, শয়তানরা ওহী'র কথা শুনতে পেতো। যখন আল্লাহ তায়ালা রাসূল ﷺ কে প্রেরণ করেন তখন থেকে শয়তান কে এ কাজ থেকে বিরত রাখা হয়েছে। সে তাদের নেতা ইবলিস কে এ ব্যাপারে অভিযোগ করলে ইবলিস বলল, নিশ্চয় কোন বড় ধরনের ঘটনা সংঘটিত হয়েছে যার ফলে এরূপ করা হচ্ছে। অভিশপ্ত ইবলিশ জবলে আবু কুবাইস নামক পাহাড়ে উঠে দেখল যে, রাসূল ﷺ মাকামে ইব্রাহীমের পেছনে নামাজ পড়তেছেন। সে বলল, আমি আসতেছি আর তাঁর গর্দান ভেঙ্গে দিচ্ছি।

অতএব সে যখন আসল হযরত জিব্রাঈল (আ.) তখন তাঁর পাশেই ছিলেন। হযরত জিব্রাঈল (আ.) অভিশপ্ত ইবলিসকে ঠুকা মেরে অমুক স্থানে নিক্ষেপ করেছেন। অপর বর্ণনায় আছে- হযরত জিব্রাঈল তাকে উরদুন নামক উপত্যকায় নিক্ষেপ করেছেন।^{৭৯}

মানুষের অনিষ্ট থেকে নিরাপদ থাকা

ইমাম তিরমিযি, বায়হাকী ও আবু নঈম (র.) হযরত আয়েশা (রা.) থেকে বর্ণনা করেন, তিনি বলেন, রাসূল ﷺ কে প্রথমে প্রথমে পাহারা দেওয়া হত। যখন **والله يعصمك من الناس** “আল্লাহ আপনাকে মানুষের অনিষ্ট থেকে নিরাপদ রাখবেন” আয়াত নাযিল হয় তখন তিনি তারু থেকে মাথা মোবারক বের করে পাহারাদারদের কে বললেন, তোমরা চলে যাও, স্বয়ং আল্লাহ তায়ালাই আমাকে হেফাযত করবেন।

ইমাম আহমদ, তাবরানী ও আবু নঈম (র.) জু'দাহ থেকে বর্ণিত, তিনি বলেন, আমি একদা নবী করিম ﷺ'র দরবারে আসলাম এ সময় তাঁর নিকট জনৈক ব্যক্তিকে আনা হল এবং বলা হল যে, এই লোকটি আপনাকে হত্যা করার ইচ্ছে করেছে। তখন রাসূলুল্লাহ ﷺ



^{৭৮} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:১৫৪

^{৭৯} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:১৮৭

তাকে বললেন, তুমি ভয় করো না, ভয় পেয়োনা, যদি তুমি হত্যার ইচ্ছেও কর তবুও আল্লাহ তোমাকে আমার উপর বল প্রয়োগের ক্ষমতা দিতেন না।^{৮০}


আবু জেহেলের অনিষ্ট থেকে সুরক্ষা

ইমাম মুসলিম (র.) হযরত আবু হুরাইরা (রা.) থেকে বর্ণনা করেন যে, আবু জেহেল একদা লোকের কাছে জিজ্ঞেস করল যে, মুহাম্মদ কি তোমাদের সম্মুখে চেহরা মাটিতে রাখে অর্থাৎ সিজদা করে? লোকেরা বলা, হ্যাঁ। তখন আবু জেহেল বলল, লাভও ওজ্জার কসম! যদি আমি তাঁকে এরূপ করতে দেখি তবে তার গর্দান গুড়িয়ে দেবো অথবা তার চেহরা খুলি-বালি মিশ্রণ করে দেবো।

অতঃপর যখন তিনি নামাজ পড়তে লাগলেন তখন আবু জেহেল তার অসৎ উদ্দেশ্য সাধনের জন্য আসল। এ সময় সেখানে উপস্থিত লোকেরা দেখল যে, আবু জেহেল উল্টো দিকে পালাতে লাগল এবং স্বীয় উভয় হাত দ্বারা নিজেকে রক্ষা করতেছে। তাকে এর কারণ সম্পর্কে জিজ্ঞেস করা হলে উত্তরে সে বলল, তখন আমার ও মুহাম্মদ'র মধ্যখানে একটি আগুনের গর্ত, ভয়ানক দৃশ্য ও কয়েকটি হাতের বাছ দেখেছি। নবী করিম  বললেন, যদি সে আমার নিকটে আসত তবে ফেরেশতা তার একেক অঙ্গ-প্রত্যঙ্গ ছিনিয়ে নিত। আর আল্লাহ তায়ালা  ان الانسان يطفىٰ كلا ان السور'র শেষ পর্যন্ত অবতীর্ণ করেন।^{৮১}

আবু জেহেল ভীত-সন্ত্রস্ত হয়ে গেল

হযরত আবু নঈম সালাম ইবনে মিসকীন থেকে বর্ণিত, তিনি বলেন, আবু ইয়াযিদ মদনী ও আবু কুয'আ বাহেলী বর্ণনা করেন, জনৈক ব্যক্তি আবু জেহেলের কাছে কর্জ পেতো। আবু জেহেল তা দিতে অস্বীকার করল। লোকেরা লোকটিকে বলল, আমরা তোমাকে এমন ব্যক্তির সংবাদ দেবো যিনি তোমার কর্জ উসূল করে দিতে পারবেন? সে বলল নিশ্চয় বল। তারা বলল, ইনি হলেন মুহাম্মদ ইবনে আব্দুল্লাহ। তাঁর কাছে যাও। অতঃপর লোকটি তাঁর কাছে আসল, তিনি তাকে নিয়ে আবু জেহেলের কাছে গিয়ে বললেন, তার হক তাকে দিয়ে দাও। আবু জেহেল বলল, আচ্ছা দিচ্ছি। সে ঘরের ভিতরে গিয়ে টাকা এনে কর্জ আদায় করে দিল।

এতে লোকেরা তাকে বলল, তুমি তো মুহাম্মদ  কে রীতিমত ভয় পেয়ে গিয়েছ। আবু জেহেল বলল, ঐ সত্তার শপথ! যার হাতে আমার প্রাণ, আমি তাঁর সাথে এমন কতিপয়

^{৮০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১০

^{৮১} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১১ ও আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়াদিল্লী, পৃ:১৮২

লোক দেখেছি যাদের কাছে চকচকে ধারালো তীর ছিল। যদি আমি লোকটির হক আদায় না করতাম তবে আমার ভয় হচ্ছিল যে, ঐ তীর দিয়ে আমার পেট বিদীর্ণ করা হত।^{৮২}

ইমাম বুখারী ও ইমাম মুসলিম (র.) হযরত জাবির ইবনে আব্দুল্লাহ (রা.) থেকে বর্ণনা করেন, তিনি বলেন নজদের দিকে সৈন্যদল সহ যাত্রাকালে রাসূল ﷺ'র সাথে আমিও ছিলাম। পথে তিনি এমন এক অধিক বৃক্ষ বিশিষ্ট উপত্যকায় যাত্রাবিরতি করলেন। লোকেরা কায়লুলা তথা দুপুরের বিশ্রাম নিতে বৃক্ষের ছায়ায় আশ্রয় নিল। রাসূল ﷺ ও একটি ববুল বৃক্ষের নীচে তাশরীফ নিয়ে স্বীয় তলোয়ার ঐ বৃক্ষে লটকিয়ে রেখে বিশ্রাম নিলেন। আমাদের চোখ লেগে আসল হঠাৎ রাসূল ﷺ'র আহ্বানের শব্দ শুনে আমরা তাঁর খেদমতে হাযির হলাম। সেখানে তাঁর সম্মুখে একজন গ্রাম্য ব্যক্তি বসা দেখলাম। তিনি বললেন, এই গ্রাম্য ব্যক্তি এসে আমার নিদ্রা অবস্থায় আমার তলোয়ার নিয়ে নিল। আমি চোখ খুলে দেখি তার হাতে এই তলোয়ার উন্মুক্ত। সে আমাকে বলল, আপনাকে আমার হাত থেকে কে রক্ষা করবে? আমি অনায়াসে/ নির্বিঘ্নে বললাম, আমার আল্লাহই আমাকে রক্ষা করবে। এই কথা বলার সাথে সাথে তার হাত হতে তলোয়ার পড়ে গেল আর সে ভয়ে ভীত-সম্ভ্রান্ত হয়ে বসে পড়ল, পরে রাসূল ﷺ তাকে ক্ষমা করে দেন।^{৮৩}

আবু জেহেল ভীত-সম্ভ্রান্ত হওয়া

আব্দুল্লাহ ইবনে আব্দুল মালিক ইবনে আবি সুফিয়ান সাকফী (র.) থেকে বর্ণিত, তিনি বলেন, ইরাশ গোত্রের জনৈক ব্যক্তি উট বিক্রি করতে এসে আবু জেহেলের কাছে বিক্রি করল। আবু জেহেল মূল্য পরিশোধ বাহানা করে বিলম্ব করতে লাগল। ঐ ব্যক্তি কুরাইশদের এক মজলিসে এসে উপস্থিত হল তখন নবী করিম ﷺ মসজিদে হারামের এক কোণায় অবস্থান করছিলেন। লোকটি উপস্থিত কুরাইশদের বলতে লাগল, তোমাদের মধ্যে কি এমন কেউ আছে যে, আবুল হাকাম ইবনে হেশাম (আবু জেহেল) থেকে আমার মূল্য আদায় করে দিতে পারবে? আমি একজন গরীব অসহায় মুসাফির। সে আমার হক দিচ্ছে না। মজলিসে উপস্থিত লোকেরা ঠাট্টা করে নবী করিম ﷺ'র দিকে ইঙ্গিত করে বলল, ঐ ব্যক্তিকে দেখতেছ? সেই আবু জেহেল থেকে তোমার হক আদায় করে দিতে পারবে। তার কাছে যাও।

লোকটি রাসূল ﷺ'র কাছে গিয়ে বলতে লাগল, হে আল্লাহর বান্দা! আবুল হাকাম ইবনে হেশাম আমার হক দিচ্ছেনা, আমি একজন গরীব অসহায় মুসাফির। আমি ঐ কণ্ডমের কাছে আমার হক আদায়ের ব্যাপারে সাহায্য প্রার্থনা করেছি কিন্তু তারা আপনার দিকেই ইঙ্গিত করেছে। অর্থাৎ আপনিই নাকি তার থেকে আমার হক উসূল করে দিতে পারবেন।

^{৮২}. ইমাম সুহুতী, জালাল উদ্দিন সুহুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২১২

^{৮৩}. ইউসুফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:১৯২

হে প্রভূ! আমাকে ক্ষমা করুন এবং আমাকে এমন ক্ষমতা দান করুন যা আমার পরে অন্য কেউ পাবে না। (সূরা সা'দ, আয়াত ৩৫) আমার মনে পড়লে আমি তাকে ছেড়ে দিই আর সে ব্যর্থ হয়ে পালিয়ে যায়।^{৮৫}

দোয়া কবুল হওয়া

তাৎক্ষণিক দোয়ার ফল:

ইমাম বায়হাকী (র.) হযরত আব্দুল্লাহ ইবনে মসউদ (রা.) থেকে বর্ণনা করে, তিনি বলেন, একদা রাসূল ﷺ'র নিকট একজন মেহেমান এসেছিলেন, তিনি তাঁর কোন এক স্ত্রীর কাছে কিছু খাবারের জন্য পাঠালেন। কিন্তু কারো কাছে কোন খাবার ছিল না। তখন তিনি দোয়া করলেন-

اللهم انى اسئلك من فضلك ورحمتك فانه لا يملكها الا انت

হে আল্লাহ আমি আপনার কাছে আপনার দয়া ও মেহেরবানী প্রার্থনা করছি। কারণ আপনি ছাড়া কেউ সক্ষম নয়। এই দোয়ার পর তাঁর কাছে ভূনা ছাগল হাদিয়া আসলে তিনি বলেন, هذه من فضل الله ونحن ننظر الرحمة ইহা আল্লাহর ফয়ল, আমরা এই রহমতের অপেক্ষায় ছিলাম।^{৮৬}

দোয়ায় রোগ মুক্তি

ইমাম হাকেম, বায়হাকী ও আবু নঈম (র.) হযরত আলী (রা.) থেকে বর্ণনা করেন, তিনি বলেন, আমি একবার অসুস্থ হলে রাসূল ﷺ আমাকে দেখতে আসলেন। আর আমি প্রার্থনা করতেছি যে, হে আল্লাহ! যদি আমার মৃত্যু আসন্ন হয় তবে আমাকে এই রোগ থেকে মুক্তি দিন আর যদি বিলম্ব হয় তবে আমাকে আরোগ্য দান করুন। আর যদি এই অসুস্থতা পরীক্ষা স্বরূপ হয় তবে আমাকে ধৈর্য ধারণ করার শক্তি দিন। তখন রাসূল ﷺ এই দোয়া করলেন, اللهم اشفه اللهم عافه হে আল্লাহ! তাকে শেফা ও সুস্থতা দান করুন। তারপর তিনি আমাকে বললেন, তুমি দাঁড়াও, সাথে সাথে আমি দাঁড়িয়ে গেলাম। এরপর থেকে আজ পর্যন্ত ঐ রোগ আর হয়নি।^{৮৭} (ইমাম হাকেম হাদিসটিকে বিশুদ্ধ বলেছেন)

হযরত সা'দ (রা.)'র জন্য দোয়া

ইমাম ইবনে আসাকের (র.) হযরত আবু বকর সিদ্দিক (রা.) থেকে বর্ণনা করেন, তিনি বলেন, আমি নবী করিম ﷺ কে হযরত সা'দ ইবনে আবি ওয়াক্কাস (রা.)'র জন্য এরূপ

^{৮৫}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়াদিঙ্গী, পৃ:৩৩০

^{৮৬}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২৭৯

^{৮৭}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২৭৯

দোয়া করতে শুনছি- اللهم سدد سهمه واجب دعوته وحببه হে আল্লাহ! আপনি সা'দের তীরকে সোজা রাখুন অর্থাৎ যেন লক্ষ্যবস্তু ভুল না হয়, তার দোয়া কবুল করুন আর তাকে আপনি ভালবাসুন।^{৮৫}

এরপর থেকে তিনি মুস্তাজাবুত দাওয়াত হিসেবে প্রসিদ্ধ লাভ করেছিলেন। তাঁর দোয়া কবুলের অনেক ঘটনা ইমাম সুয়ুতী (র.) এই হাদিসের পরে বর্ণনা করেছেন। কলেবর বৃদ্ধির ভয়ে তা উল্লেখ করা হলনা। -লেখক

হযরত আনাস (রা.)'র জন্য দোয়া

ইমাম বুখারী ও মুসলিম (র.) হযরত আনাস (রা.) থেকে বর্ণনা করেন, তিনি বলেন, নবী করিম ﷺ আমার জন্য এই বলে দোয়া করেন-

اللهم أكثر ما له وولده وبارك له فيما رزقته

হে আল্লাহ! আনাসের ধন-দৌলত, সম্ভান-সম্ভতিও বৃদ্ধি করুন আর তাঁর রিযিকে বরকত দান করুন।

হযরত আনাস (র.) বলেন, আমার অনেক ধন-সম্পদ, ছেলে ও নাতি মিলে প্রায় একশ। তিনি আরো বলেন, আমার কন্যা আমেনা বলেছে যে, বাসরায় হাজ্জাজের আগমনের পূর্বে পর্যন্ত আমার বংশের থেকে একশত উনত্রিশ জনকে দাফন করা হয়েছে।

ইমাম তিরমিযি ও বায়হাকী (র.) হযরত আবুল আলিয়া (রা.) থেকে বর্ণনা করেন, তিনি বলেন, হযরত আনাস (রা.)'র একটি বাগান ছিল- যা বছরে দু'বার ফল দিত আর তাতে মেশকের ন্যায় এক প্রকারের সুগন্ধি ছিল।

অপর বর্ণনায় আছে, রাসূল ﷺ তার দীর্ঘায়ুর জন্য দোয়া করেছিলেন ফলে তিনি ৯১হি. সনে নিরান্নবকই বছর বয়সে ইন্তেকাল করেন।^{৮৬}

দৃষ্টিশক্তি ফেরৎ

ইমাম বুখারী (তারীখ গ্রন্থে), ইমাম বায়হাকী ও আবু নঈম (র.) হযরত ওসমান ইবনে হানিফ (রা.) থেকে বর্ণনা করেন, একজন অন্ধ ব্যক্তি নবী করিম ﷺ'র নিকট এসে আরজ করল, আমার দৃষ্টিশক্তি ফেরৎ পাওয়ার জন্য আপনি আল্লাহর কাছে দোয়া করুন। তিনি বললেন, তুমি যদি চাও তবে পরকালের জন্য রেখে দাও আর এটাই হবে তোমার জন্য অধিক কল্যাণকর। আর যদি এঙ্কুনি চাও, তবে আমি আল্লাহর কাছে দোয়া করবো, সে

^{৮৫} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২৮০

^{৮৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২৮৬

বলল, আপনি দোয়া করুন। তিনি বললেন, অজু করে এসো। সে উত্তমভাবে অজু করে দু'রাকাত নামায পড়লে তাকে নিম্নোক্ত দোয়া শিখিয়ে দেন-

اللهم انى اسئلك واتوجه اليك بينك محمد صلى الله عليه وسلم نبى الرحمة يا محمد انى اتوجه بك الى ربي فى حاجتى هذه فيقضيها لى اللهم شفعه فى -

হে আল্লাহ! আমি আপনার কাছে প্রার্থনা করছি এবং আপনার রহমতের নবী মুহাম্মদ 'র উসিলায় আপনার শুভ দৃষ্টি কামনা করছি। হে মুহাম্মদ! আমি আপনার শুভ দৃষ্টি কামনা করছি। আমার প্রভুর ব্যাপারে আমার এই প্রয়োজনে সুতরাং যেন আমার দোয়া কবুল করা হয়। হে আল্লাহ! আপনি তার সুপারিশ আমার বেলায় কবুল করুন। লোকটি এরশাদ মোতাবেক দোয়া করলে তার দৃষ্টিশক্তি ফেরৎ পেল।^{৯০}

হযরত আবু হোরায়রা (রা.)'র মায়ের ইসলাম গ্রহণ

ইমাম মুসলিম মুসলিম শরীফে হযরত আবু হোরাইরা (রা.) থেকে বর্ণনা করেন, তিনি বলেন, পৃথিবীর প্রত্যেক মু'মিন নর-নারী আমাকে ভালবাসে। রাবী বলেন, আমি তাঁকে জিজ্ঞেস করলাম আপনি এটা কিভাবে বুঝলেন? তিনি বললেন, আমি সর্বদা আমার মাকে ইসলামের দাওয়াত দিতাম, কিন্তু তিনি গ্রহণ করতেন না। আমি রাসূলুল্লাহ 'কে আরজ করলাম, আপনি আমার মাকে ইসলাম গ্রহণের তাওফিক হওয়ার জন্য আল্লাহর দরবারে দোয়া করুন। তখন তিনি দোয়া করলেন। আমি ঘরে আসলে আমার মা তাওহীদ ও রেসালতের শাহাদত দেন অর্থাৎ তিনি ইসলাম কবুল করলেন।

আমি খুশী হয়ে পুণরায় নবী করিম 'র দরবারে এসে বললাম, ইয়া রাসূলুল্লাহ! আল্লাহ তায়ালা আপনার দোয়া কবুল করেছেন আর আবু হোরাইরা'র মাকে ইসলামের দিকে হেদায়েত করেছেন। এখন একটু দোয়া করুন আমাকে এবং আমার মাকে তাঁর বান্দাগণের অন্তরে যেন প্রিয় করে দেন আর তাঁর বান্দাগণের ভালবাসা যেন আমাদের অন্তরে প্রবেশ করে দেন। অতঃপর নবী করিম ' দোয়া করলেন,

اللهم حبب عبيدك هذا وامه الى عبادك المؤمنين وحببهم اليها

হে আল্লাহ! আমাকে, আবু হোরাইরা ও তার মাকে আপনার মু'মিন বান্দাগণের নিকট প্রিয় করে দিন আর ওরা দু'জনের অন্তরে ঈমানদারগণের ভালবাসা সৃষ্টি করে দিন।

আবু হোরাইরা (রা.) এই দোয়ার পর থেকে এমন কোন মু'মিন সম্পর্কে আমার জানা নেই যিনি আমাকে ভালবাসে না আমি তাকে ভালবাসি না।^{৯১}

রাসূল 'এর উসিলায় বৃষ্টি

^{৯০}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৩৪৬

^{৯১}. ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামিন, উর্দু, গুজরাট, খণ্ড:২য় পৃ:১৯৫

ইবনে আসাকের স্বীয় তারীখে জালহিমা ইবনে উরফুতা (রা.) বর্ণনা করেন, তিনি বলেন, আমি মক্কায় আগমণ করেছি এসময় মক্কায় অনাবৃষ্টির কারণে কুরাইশ লোকেরা বলতে লাগল, হে আবু তালেব! উপত্যকায় বড় দুর্ভিক্ষ চলছে, মানুষ অনাহারে মরে যাচ্ছে, আসুন বৃষ্টির জন্য দোয়া করি।

আবু তালেব বের হলেন, তার সাথে এমন একজন সুন্দর বালক ছিল যেন কাল মেঘ সরে সূর্য আলোকিত হল। তার চতুর্দিকে ছোট ছোট আরো বালক ছিল। আবু তালেব তাঁর হাত ধরে বায়তুল্লাহ'র সাথে ঠেস দিয়ে স্বীয় আঙ্গুল দিয়ে ঐ বালককে স্পর্শ করল। এ সময় আকাশে একটুকরা মেঘও ছিলনা। কিন্তু হঠাৎ চতুর্দিক থেকে মেঘ এসে গেল এবং ভারী বৃষ্টিপাত হল আর উপত্যকা পানিতে ভরে গেল। শহর-গ্রাম সতেজতা লাভ করল। এই ঘটনা সম্পর্কে আবু তালেব বলেন-

وابيض يستسقى الغمام بوجهه - شمال اليتامى عصمة للارامل

يلوذبه الهلاك من ال هاشم - فهم عنده في نعمة وفواضل

অর্থ: তাঁর চেহারার আলোতে মেঘও আলোকিত হয়। তিনি ইয়াতীমের আশ্রয়স্থল, বিধবাদের সংরক্ষক।

ধ্বংসের সময় কুরাইশগণ তাঁর উসিলা গ্রহণ করতেন এবং তাঁর থেকে নিয়ামত ও ফযিলত অর্জন করতেন।^{৯২}

শুধু সৈন্যদের উপর বৃষ্টিপাত হওয়া

ইবনে খুযাইমা, ইবনে হিব্বান, বায়হাকী ও আবু নঈম ρ হযরত ইবনে আব্বাস (রা.) থেকে বর্ণনা করেন, (হাকেম উহা বিশুদ্ধ বলেছেন) কেউ হযরত ওমর (রা.)কে বলল, আপনি আমাদেরকে 'সায়াত উসরাত' সম্পর্কে তথা ভীষণ কষ্টের সময় সম্পর্কে বলুন। হযরত ওমর (রা.) বলেন, আমরা প্রচণ্ড গরমের মৌসুমে তাবুক অভিযানে রওয়ানা হলাম। আমরা এমন এক জায়গায় অবতরণ করলাম যেখানে পিপাসায় এমন কাতর হলাম, মনে হল যেন আমার গর্দান ভেঙ্গে পড়বে। পরিস্থিতি এমন পর্যায়ে পৌঁছল যে, কেউ কেউ উট যবেহ করে উটের গোবর চিপে পান করে বাকীগুলো তাদের বক্ষে মালিশ করবে।

হযরত আবু বকর (রা.) আরজ করলেন, ইয়া রাসূলান্নাহ! আল্লাহ তায়াল আপনার দোয়ায় বারংবার কল্যাণ দান করেছেন। আল্লাহর জন্য দু'হাত তুললেন। তিনি হাত তখনো নামান নি আকাশে মেঘ আসল এবং বৃষ্টিপাত আরম্ভ হল। সৈন্যদের যেসব পাত্র ছিল তারা সব ভরে নিল। আমরা দেখলাম যে, শুধু সৈন্যদের উপরই বৃষ্টিপাত হয়েছে অন্য কোথাও নয়।^{৯৩}

^{৯২}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:১৪৬

^{৯৩}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৫৭

দোয়া কবুল হওয়া

বৃষ্টিপাত হওয়া:

হযরত আনাস (রা.) হতে বর্ণিত, তিনি বলেন, রাসূল ﷺ'র যুগে একবার মদীনাবাসী অনাবৃষ্টির দরুন দুর্ভিক্ষে পতিত হল। ঐ সময় কোন এক জুমার দিনে নবী করিম ﷺ খুত্বা দিচ্ছিলেন। তখন এক ব্যক্তি উঠে দাঁড়িয়ে বলল- ইয়া রাসূলুল্লাহ! অনাবৃষ্টির কারণে ঘোড়াগুলো ধ্বংস হয়ে গেল, বকরীগুলো নষ্ট হয়ে গেল। আল্লাহর দরবারে বৃষ্টির জন্য দোয়া করুন। রাসূল ﷺ তৎক্ষণাৎ দু'হাত তুলে দোয়া করলেন। হযরত আনাস (রা.) বলেন- তখন আকাশ আয়নার মত পরিষ্কার ছিল। অর্থাৎ মেঘের কোন চিহ্নই ছিলনা। হঠাৎ মেঘ সৃষ্টিকারী বাতাস বইতে শুরু করল এবং মেঘ ঘনিভূত হয়ে গেল। তারপর প্রবল বারিপাত শুরু হল যেন আকাশ তার দ্বার উন্মুক্ত করে দিল। আমরা (সালাত শেষে মসজিদ থেকে বের হয়ে) পানি ভেঙ্গে বাড়ী পৌঁছলাম। পরবর্তী শুক্তবার পর্যন্ত অনবরত বৃষ্টিপাত হল। ঐ শুক্তবার জুমার সময় ঐ ব্যক্তি বা অন্য কেউ দাঁড়িয়ে বলল, ইয়া রাসূলুল্লাহ! (অতিবৃষ্টির কারণে) বাড়ীঘর ধ্বংস হয়ে গেল। বৃষ্টি বন্ধের জন্য আল্লাহর দরবারে দোয়া করুন। তখন রাসূল ﷺ মুচকি হাসলেন এবং বললেন, হে আল্লাহ! আমাদের আশেপাশে বৃষ্টি হউক, আমাদের উপর নয়। হযরত আনাস (রা.) বলেন, তখন আমি দেখলাম, মদীনার আকাশ থেকে মেঘমালা চতুর্দিক সরে গেছে আর মদীনা যেন মেঘমুক্ত হয়ে মুকুটের ন্যায় শোভা পাচ্ছে।^{৯৪}

কতিপয় কাফেরের বিরুদ্ধে দোয়া

হযরত আব্দুল্লাহ (রা.) থেকে বর্ণিত, তিনি বলেন, নবী করিম ﷺ কাবার ছায়ায় নামাজ আদায় করছিলেন। তখন আবু জেহেল ও কুরাইশদের কিছু লোক পরামর্শ করে। সেই সময় মক্কার বাইরে একটি উট যবেহ হয়েছিল। কুরাইশরা লোক পাঠিয়ে সেখান থেকে নাড়ি-ভুড়ি এনে তারা তা নবী করিম ﷺ'র পিঠে ঢেলে দিল। তারপর ফাতিমা (রা.) এসে এটি তাঁর থেকে সরিয়ে দিলেন। এ সময় নবী ﷺ তাদের বিরুদ্ধে দোয়া করেন, ইয়া আল্লাহ! আপনি কুরাইশদের ধ্বংস করুন। ইয়া আল্লাহ! আপনি কুরাইশদের ধ্বংস করুন। ইয়া আল্লাহ! আপনি কুরাইশদের ধ্বংস করুন। আবু জেহেল, ইবনে হিশাম, উত্বা ইবনে রবীয়া, শায়বা ইবনে রবীয়া, ওয়ালিদ ইবনে ওত্বা, ইবাই ইবনে খালফ এবং উত্বা ইবনে আমি মুআহিত (এদেরকে ধ্বংস করুন)।

^{৯৪}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৬, হাদিস নং ৩৩২৯

বর্ণনাকারী আব্দুল্লাহ (রা.) বলেন, এরপর আমি তাদের সকলকে বদরের একটি পরিত্যাক্ত কুপে নিহত দেখেছি। আবু ইসহাক বলেন, আমি সপ্তম ব্যক্তির নাম ভুলে গিয়েছি। শূ'বা বলেন, ইমাইয়া অথবা উবাই। তবে সহীহ হল উমাইয়া।^{৯৫}

শেফা দান

আবু নঈম ও বায়হাকী ρ হযরত আনাস (রা.) থেকে বর্ণনা করেন, একদা আবু তালেব অসুস্থ হন। নবী করিম ﷺ তার সেবা করার জন্য তাশরীফ নিলেন। চাচা বললেন, হে ভাতিজা! যে তুমি প্রভু'র এবাদত কর তাঁর কাছে আমার সুস্থতার জন্য দোয়া কর। তিনি বললেন, ইয়া আল্লাহ! আমার চাচাকে শেফা দান করুন। সাথে সাথে আবু তালেব এমনভাবে সুস্থ হয়ে দাঁড়িয়ে যান যেন রশির বাঁধ খুলে দেয়া হল।

আবু তালেব বললেন, হে ভাতিজা! যে প্রভু'র তুমি এবাদত কর তিনি তোমার কথা কবুল করেন। তখন নবী করিম ﷺ বললেন, চাচা! আপনিও যদি আল্লাহর আনুগত্য হন তবে আপনার কথাও কবুল করবেন।^{৯৬}

হাত মোবারক উত্তোলনের সাথে সাথে বৃষ্টি

ইমাম ওয়াকেদীর সূত্রে আবু নঈম (র.) বর্ণনা করেন, সালমানের প্রতিনিধি দল আগমন করল দশম হিজরি শাওয়াল মাসে। নবী করিম ﷺ তাদেরকে তাদের দেশ সম্পর্কে জিজ্ঞেস করে বলেন, كيف البلاد عنكم তোমাদের শহরের কি অবস্থা? তারা বলল, অনাবৃষ্টির কারণে দুর্ভিক্ষ চলছে। আপনি আমাদের শহরে বৃষ্টিপাতের জন্য দোয়া করুন। তিনি দোয়া করলেন- اللهم اسقهم الغيث في بلادهم হে আল্লাহ! ওদের শহরে বৃষ্টি দান করুন।

তখন তারা বলল, হে আল্লাহর নবী! আপনি দোয়ার জন্য হাত তোলার সাথে সাথে প্রচুর বৃষ্টিপাত হয়েছে। একথা শুনে তিনি মুচকি হাসলেন এবং এভাবে উভয় হাত উত্তোলন করেন যাতে তাঁর উভয় বগলের গুত্রতা প্রকাশিত হয়েছিল।

ওরা আপন শহরে চলে গেল এবং সেখানে গিয়ে দেখে যে, যেদিন যে সময় তিনি দোয়া করেছিলেন ঠিক সেদিন সে সময় সেখানে বৃষ্টি হয়েছিল।^{৯৭}

^{৯৫}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৪১১ হাদিস নং ২৭৩৩

^{৯৬}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২০৭

^{৯৭}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৪৭

দোয়া কবুল হওয়া

আবু লাহাবের দৃঢ় বিশ্বাস:

ইমাম বায়হাকী ও আবু নঈম (র.) আবু আকবর থেকে বর্ণনা করেন যে, লাহাব ইবনে আবু লাহাব অর্থাৎ আবু লাহাবের পুত্র লাহাব নবী করিম ﷺ এর সাথে বেয়াদবী মূলক আচরণ করেছিল এবং তাঁকে মন্দ বলেছিল। নবী করিম ﷺ দোয়া করলেন اللهم سلط عليه كلبك অর্থাৎ হে আল্লাহ! তার উপর আপনার পক্ষ থেকে একটি কুকুর নিযুক্ত করে দিন।

বর্ণনাকারী বলেন, আবু লাহাব বাণিজ্যের উদ্দেশ্যে সিরিয়ায় কাপড় পাঠাত। সঙ্গে স্বীয় পুত্র, খাদেম ও অন্যান্য কর্মচারীদের প্রেরণ করত এবং সে তাদেরকে বলত- আমি আমার ছেলের ব্যাপারে মোহাম্মদ'র দোয়া'র ভয় পাচ্ছি। তারা তার পুত্রের হেফায়তের সংকল্প করল এবং তাকে যথাযথভাবে সংরক্ষণ করার প্রতিশ্রুতি দিল। তারা (কাফেলা) কোন এক মনষিলে পৌঁছলে আবু লাহাবের ছেলেকে তারা একটি দেয়ালের পাশে করে সরঞ্জাম ও কাপড়-চাদর দিয়ে তাকে ডেকে রাখল। এভাবে দীর্ঘ দিন তারা তাকে হেফায়ত করল। একদা হঠাৎ একটি হিংস্র প্রাণী এসে তাকে হত্যা করে চলে গেল। এ খবর আবু লাহাবের কাছে পৌঁছলে সে বলে উঠল- انى اخاف عليه دعوة محمد؟ অর্থাৎ আমি কি তোমাদেরকে বলিনি যে, আমি তার বেলায় মুহাম্মদ'র বদ দোয়া বাস্তবায়নের আশংকা করছি?

অপর বর্ণনায় আছে যে, আবু নঈম ও ইবনে আসাকের (র.) হযরত উরওয়া'র সূত্রে হেবার ইবনে আসওয়াদ থেকে বর্ণনা করেন, তিনি বলেন, আবু লাহাব ও তার পুত্র উত্বা সিরিয়ায় বাণিজ্যের উদ্দেশ্যে যাত্রা করার উদ্দেশ্যে মালামাল প্রস্তুত করল সাথে আমিও আমার মালামাল নিয়ে যাওয়ার মনস্থ করি। উত্বা বলল, আমি মুহাম্মদ'র কাছে গিয়ে তার প্রভু'র ব্যাপারে তাকে কষ্ট দেবো। হতভাগা উত্বা গেল এবং বলল- يا محمد هو يكفر بالذى اسألني عنك فانا قاتل قوسين اوادنى তার এই বেয়াদবী মূলক আচরণ শুনে বললেন, اللهم ابعث عليه كلباً من كلابك - হে আল্লাহ! আপনার কুকুর সমূহ থেকে একটি কুকুর তার উপর প্রেরণ করুন। তারপর সে ফিরে আসলে তার পিতা তাকে জিজ্ঞেস করল, তুমি মুহাম্মদ কে কি বলেছ আর তিনি তোমাকে কি বলেছেন? তখন সে তার পিতাকে রাসূল ﷺ বদ দোয়া'র কথা অবহিত করলে আবু লাহাব বলল, হে আমার প্রিয় বৎস খোদার কসম! মুহাম্মদ এর বদ দোয়া'র ব্যাপারে আমি তোমাকে নিরাপদ মনে করছি।

বর্ণনাকারী বলেন, আমরা সিরিয়ার উদ্দেশ্যে রওয়ানা হলাম এবং 'সুরাত' নামক স্থানে যাত্রা বিরতি করলাম। এই স্থানটি ছিল শহরের কেন্দ্রবিন্দু। আবু লাহাব আমাদেরকে বলল, নিশ্চয় তোমরা আমার বয়স ও অধিকার সম্পর্কে জ্ঞাত আছ। মুহাম্মদ আমার ছেলের বিরুদ্ধে বদ দোয়া করেছেন। আল্লাহর কসম! আমি তার ব্যাপারে নিরাপদ নই। সুতরাং তোমরা তোমাদের মালামাল (পার্শ্ববর্তী) এই গীর্জায় রাখ এবং এর উপর আমার ছেলের

জন্য চাদর বিছাও। তাকে মধ্যখানে রেখে তোমরা তার চতুর্দিকে চাদর বিছায়ে শুয়ে যাও। অতঃপর আমরা এরূপই করলাম। মালামালের উপর আবু লাহাবের ছেলে থাকল আমরা তার চারিদিকে ছিলাম। রাতের বেলায় একটি বাঘ এসে আমাদের সকলের দ্রাণ নিয়ে নিয়ে খুঁজতে লাগল কিন্তু তাকে পেলনা। হঠাৎ বাঘ লাপ দিয়ে মালামালের উপর উঠে উত্বা'র মুখের দ্রাণ নিল এবং তাকে দাঁতে কামড়ে ধরে চিড়ে ফেলে, মাথাকে চূর্ণ-বিচূর্ণ করে চলে গেল। এতে লাহাব বলল, *والله عرفت ما كان لينفلت من دعوة محمد* খোদার কসম! আমি জানতাম যে, মুহাম্মদ'র দোয়া বৃথা যাবে না।^{৯৮}

দুর্ভিক্ষের জন্য দোয়া

ইমাম বুখারী ও মুসলিম (র.) হযরত ইবনে মসউদ (রা.) থেকে বর্ণনা করেন, কুরাইশ যখন রাসূল ﷺ'র বিরোধিতাচরণে সীমালঙ্ঘন এবং ইসলাম গ্রহণে বিলম্ব করতে লাগল তখন তিনি তাদের জন্য এই দোয়া করেন- *اللهم اعني عليهم بسبع كسيع يوسف*

হে আল্লাহ! তাদের উপর এমন দুর্ভিক্ষ নাযিল কর যেভাবে ইউসুফ (আ.)'র যুগে হয়েছিল। এরপর তারা দুর্ভিক্ষে পতিত হল। দুর্ভিক্ষ তাদের সবকিছু শেষ করে দিল এমনকি মৃত জন্তু খাওয়ার উপক্রম হল। ক্ষুধার তাড়নায় অস্তির হয়ে তারা আকাশ ধূসর বর্ণের দেখছিল। অতঃপর তারা দোয়া করল যে, হে আমাদের প্রভূ! আমাদের উপর থেকে এই আযাব দূরীভূত করে দিন আমরা মু'মিন হবো।

রাসূল ﷺ কে বলা হল যে, যদি তাদের থেকে আযাব তুলে নেওয়া হয় তবে তারা পুণরায় পূর্বের অবস্থায় ফিরে যাবে। তারপর তাদের থেকে তুলে নেওয়া হলে তার পুণরায় পূর্বাবস্থায় ফিরে গেল অর্থাৎ কাফির হয়ে গেল। তখন পরবর্তীতে বদর যুদ্ধের দিন তাদের থেকে এর বদলা বা প্রতিশোধ নেওয়া হল।^{৯৯} এ ব্যাপারে আল্লাহ তায়ালা এরশাদ করেন-

يؤتاني السماء بدخان مبين الخ অর্থ: আপনি সেই দিনের অপেক্ষা করুন, যখন আকাশ ধূয়ায় ছেয়ে যাবে। যা মানুষকে ঘিরে ফেলবে। এটা যন্ত্রণাদায়ক শাস্তি। হে আমাদের পালন কর্তা! আমাদের উপর থেকে শাস্তি প্রত্যাহার করুন, আমরা বিশ্বাস স্থাপন করছি। তারা কি করে বুঝবে, অথচ তাদের কাছে এসেছিলেন স্পষ্ট বর্ণনাকারী রাসূল। অতঃপর তারা তাঁকে পৃষ্ঠপ্রদর্শন করে এবং বলে, সেতো উম্মাদ-শিখানো কথা বলে। আমি তোমাদের উপর থেকে আযাব কিছুটা প্রত্যাহার করব, কিন্তু তোমরা পুণরায় পূর্বাবস্থায় ফিরে যাবে। যেদিন আমি প্রবলভাবে ধৃত করব, সেদিন পরোপরি প্রতিশোধ গ্রহণ করবই। (সূরা দোখান, আয়াত ১০-১৬)

দোয়ায় বৃষ্টিপাত হওয়া:

ইবনে সা'দ ও আবু নঈম (র.) ওয়াকিদী (র.) থেকে বর্ণনা করেন, রাসূল ﷺ আবুক যুদ্ধ থেকে ফিরে আসার পর নবম হিজরিতে 'বনী মুররাহ' এর প্রতিনিধি দল তাঁর নিকট

^{৯৮} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২৪৪

^{৯৯} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:২৪৬

আগমন করেন। তিনি তাদের দেশ সম্পর্কে জিজ্ঞেস করলে তারা বলল, অনাবৃষ্টির কারণে আমাদের মূল ও নিখুঁত মাল সমূহ শেষ হয়ে গিয়েছে। আপনি আল্লাহর কাছে দোয়া করুন। তিনি এই বলে দোয়া করলেন, اللهم اسقهم الغيث হে আল্লাহ! তাদেরকে বৃষ্টি দিয়ে সতেজতা দান করুন।

এরপর তারা আপন এলাকায় চলে গেল। যখন তারা তাদের শহরে পৌঁছল তখন সেই দিন সেখানে বৃষ্টিপাত হয়েছিল। রাসূল (স.) যখন বিদায় হজ্জের প্রস্তুতি নিচ্ছিলেন তখন ওখানকার একজন ব্যক্তি এসে বলল, ইয়া রাসূলাল্লাহ! আমরা আমাদের শহরে গিয়ে দেখি যেদিন আপনি দোয়া করেছিলেন ঠিক সেদিন বৃষ্টিপাত হয়েছিল। আমরা ক্ষেতে পানি জমা করে রাখলাম। পরের দিন যাবৎ বৃষ্টিপাত হয়েছিল। ঘাস এমনভাবে জন্মাল ও বাড়ল যে, উট বসে বসে ঘাস খেত আর বকরীগুলো ঘরের আশে পাশে চরে পেট ভরে নিত এবং ঘরের পাশেই থেকে যেতো। একথা শুনে তিনি صنع ذلك الحمد لله الذی সমস্ত প্রশংসা ঐ আল্লাহর যিনি এরূপ করেছেন।^{১০০}

মদীনা শরীফকে মহামাবী মুক্ত করা

ইমাম বুখারী ও মুসলিম (র.) হযরত আয়েশা সিদ্দিকা (রা.) থেকে বর্ণনা করেন, নবী করিম ﷺ যখন মদীনা তাশরীফ নেন তখন মদীনা পৃথিবীর সবচেয়ে বেশী রোগের বিশেষতঃ জ্বর রোগের কেন্দ্র ছিল। তিনি দোয়া করলেন-

اللهم بارك لنا في صاعنا ومدنا وضحها لنا وانقل حماها الى الجحفة

হে আল্লাহ! যেভাবে আপনি আমাদেরকে মক্কা মুয়াজ্জমার ভালবাসা দান করেছেন সেভাবে মদীনা মুনাওয়ারা'র ভালবাসা দান করুন কিংবা মদীনার ভালবাসা মক্কার চেয়েও বেশী করে দিন। আমাদের জন্য সা' ও মুদ-এ বরকত দান করুন এবং আমাদের জন্য মদীনার আবহাওয়াকে স্বাস্থ্যকর করে দিন আর এখানকার জ্বর রোগকে 'জুহফা' নামক স্থানে স্থানান্তর করে দিন।

ইমাম বায়হাকী (র.) হিশাম ইবনে উরওয়া (রা.) থেকে বর্ণনা করেন, জাহেলী যুগে মদীনা মুনাওয়ারা রোগ-ব্যধির খ্যাতি ছিল। রাসূল ﷺ দোয়া করেন যেন রোগ-ব্যধি 'জুহফা' নামক স্থানে স্থানান্তর করে দেন। ফলে জুহফায় যেসব ছেলে জন্ম গ্রহণ করতো সাবালেগ হওয়ার পূর্বেই জ্বরে আক্রান্ত হয়ে দুর্বল হয়ে পড়তো।^{১০১}

হযরত ওমর (রা.)'র ইসলাম গ্রহণ

ইবনে সা'দ (র.) হযরত ওসমান ইবনে আরকাম (রা.) থেকে বর্ণনা করেন, নবী করিম ﷺ দোয়া করলেন- হে আল্লাহ! ওমর ইবনে খাতাব ও আমর ইবনে হিশাম এই দু'জন

^{১০০}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৪৪

^{১০১}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩১৯

থেকে যে আপনার কাছে প্রিয়, তাকে দিয়ে দ্বীনে ইসলামকে শক্তিশালী করুন। অতঃপর পরের দিন সকালে হযরত ওমর (রা.) ইসলাম গ্রহণ করেন।

হযরত আনাস (রা.) বলেন, তিনি বৃহস্পতিবার রাতে এই করেছিলেন, আর শুক্রেবার সকালে হযরত ওমর ইসলাম গ্রহণ করেন।^{১০২}

ফেরেশ্তা কর্তৃক সাহায্য

ইমাম মুসলিম ও বায়হাকী (র.) হযরত ইবনে আব্বাস (রা.) থেকে বর্ণনা করেন, হযরত ওমর (রা.) আমাকে বলেছেন যে, বদরের দিন রাসূল ﷺ মুশরিকদের দিকে তাকিয়ে দেখেন। তাদের সংখ্যা ছিল এক হাজার পঞ্চাশের তাঁর সাথী ছিলেন মাত্র তিনশ সতের জন।

রাসূল ﷺ কিবলামুখী হয়ে উভয় হাত কিবলার দিকে প্রসারিত করে স্বীয় প্রভুকে ডাকতে (দোয়া করতে) লাগলেন। এমনকি তাঁর কাঁধ মোবারক থেকে রুমাল পড়ে যায়। তাঁর অবস্থা দেখে হযরত আবু বকর (রা.) গিয়ে তাঁর রুমাল তুলে কাঁধের উপর রাখলেন এবং তাঁর পেছনে গিয়ে দাঁড়িয়ে বললেন, হে আল্লাহর নবী ﷺ! আপনি আপনার প্রভুকে শপথ দেওয়াই যথেষ্ট।^{১০৩} আপনার প্রভু আপনাকে যে প্রতিশ্রুতি দিয়েছেন তা অচিরেই পূর্ণ করবেন। তখন আল্লাহ তায়ালা এই আয়াত নাযিল করেন-

جَأْبَبٌ ۙ يُّبْبُ إِهْمَبُ ۙ يُّبْبُ إِهْمَبُ ۙ يُّبْبُ إِهْمَبُ ۙ

অর্থ: তোমরা যখন ফরিয়াদ করতে আরম্ভ করছিলে স্বীয় প্রভুর নিকট তখন তিনি তোমাদের ফরিয়াদের মঞ্জুরী দান করলেন যে, আমি তোমাদিগকে সাহায্য করবো ধারাবাহিকভাবে আগত হাজার ফেরেশ্তার মাধ্যমে। (সূরা আনফাল, আয়াত নং ৯)

শাহাদত লাভের জন্য দোয়া কামনা

ইমাম বায়হাকী (র.) ওয়াকেদী থেকে বর্ণনা করেন, খায়সামা আবি সা'দ ইবনে খায়সামা (রা.) থেকে বর্ণনা করেন, তিনি বলেন, বদর যুদ্ধে অংশগ্রহণের ইচ্ছে থাকা সত্ত্বেও আমাকে সুযোগ দেয়া হলনা। রাসূল ﷺ আমার ছেলেকে বদর যুদ্ধে অংশগ্রহণের জন্য সুযোগ দেওয়া হবে কিনা লটারী করা হল। লটারীতে তার নাম আসল। সে যুদ্ধে শরীক হল এবং শাহাদত বরণ করল। পিতা বলেন, আমি আজ রাত আমার ছেলেকে স্বপ্নে দেখেছি যে, সে অত্যন্ত সুন্দর আকৃতিতে আছে এবং জান্নাতের ফল বাগানে ও জান্নাতের নদ-নদীতে ভ্রমণরত আছে। সে আমাকে দেখে বলল, আপনি ও আমার সাথে চলে আসুন যে দু'জনেই একসাথে জান্নাতে বসবাস করি। আমার প্রভু আমার সাথে যেসব ওয়াদা করেছিলেন সবটুকু আমি সত্য পেয়েছি।

^{১০২} ইউসুফ নাবহানী (র.) (১৩৫০ হি), হুজ্জাতুল্লাহি আলাল আলামীন, উর্দু, গুজরাট, খণ্ড ২য়, পৃ. ১৭৯।

^{১০৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩২৯

হে আল্লাহর রাসূল! খোদার কসম, আমি জান্নাতে আমার ছেলের সহিত মিলিত হওয়ার প্রত্যাশা রাখি। সুতরাং আল্লাহর কাছে দোয়া করুন যেন তিনি আমাকে শাহাদত ও জান্নাতে তার সাথে মিলিত হওয়ার সুযোগ করে দেন।

অতঃপর রাসূল ﷺ তার জন্য দোয়া করেন এবং উছদ যুদ্ধে অংশগ্রহণ করে শাহাদত বরণ করেন।^{১০৪}

পথ ভুলে যাওয়া

ইমাম বায়হাকী (র.) হযরত জাবের ইবনে আব্দুল্লাহ (রা.) থেকে বর্ণনা করেন, রাসূল ﷺ উরাইনার বিশ্বাসঘাতক মুনাফিকদের খোঁজে লোক পাঠান এবং তাদের বিপক্ষে দোয়া করেন- **اللهم غم عليهم الطريق واجعلها عليهم اضيق من مسك جمل** হে আল্লাহ! তাদের রাস্তা ভুলিয়ে দাও এবং অতঃপর আল্লাহ তায়ালা তাদের পথ ভুলিয়ে দেন ফলে তার ধরা পড়ল এবং হুযূর ﷺ'র খেদমতে আনা হল। তাদের হাত, পা কাটা হল এবং চোখ তুলে ফেলা হল।^{১০৫}

বিচারকের যোগ্য বানানো

ইমাম বায়হাকী ও হাকেম (র.) হযরত আলী (রা.) থেকে বর্ণনা করেন, তিনি বলেন, রাসূল ﷺ আমাকে কাযী নিয়োগ দিয়ে ইয়েমেনে প্রেরণ করেন। আমি বললাম, ইয়া রাসূলাল্লাহ! আমি একজন যুবক। আপনি আমাকে বিচারক বানিয়ে পাঠাচ্ছেন অথচ আমার জানা নাই যে, বিচার কিভাবে করতে হয়?

তখন নবী করিম ﷺ স্বীয় হাত মোবারক আমার বক্ষে রেখে এই দোয়া করলেন- **اللهم اهد قلبه وثبت لسانه** হে আল্লাহ! তার অন্তরকে হেদায়েত দান করুন আর তার জিহ্বা কে সুদৃঢ় রাখুন। হযরত আলী (রা.) খোদার শপথ করে বলেন, দু'ব্যক্তির মধ্যে ফয়সালা করতে আমি কখনো সন্দেহ পোষণ করিনি।^{১০৬}

যুদ্ধ জয়ের দোয়া

ইমাম মুসলিম ও বায়হাকী (র.) হযরত ইবনে আব্বাস (রা.) থেকে বর্ণনা করেন, তিনি বলেন, হযরত ওমর (রা.) আমাকে বলেছেন, বদর যুদ্ধের দিন নবী করিম ﷺ মুশরিক সৈন্যদের এক হাজারের অধিক অথচ মুসলমানের সংখ্যা ছিল তিনশত উনিশ জন দেখে কেবল মুখী হয়ে হাত তুলে আল্লাহর দরবারে আকুতি-মিনতি করে দোয়া করতে লাগলেন। এমনকি তাঁর চাদর মোবারক কাঁধ থেকে পড়ে গেল। হযরত আবু বকর (রা.) চাদর মোবারক তুলে নিয়ে বললেন, হে আল্লাহর নবী! আপনি তো আল্লাহর দরবারে যথেষ্ট দোয়া

^{১০৪}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৫৯

^{১০৫}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৯৭



^{১০৬}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১২২

ও মিনতি করেছেন এই বলে তিনি তাঁর চাদর মোবারক কাঁধে তুলে দিয়ে তাঁকে বুকে জড়িয়ে ধরলেন।^{১০৭} তখন এই আয়াত নামিল হয়-

جَاءَ بِ بٍ بٍ بٍ بٍ بٍ بٍ بٍ بٍ بٍ بٍ بٍ

স্মরণ করুন, যখন তোমরা স্বীয় পালন কর্তার সাহায্য প্রার্থনা করছিলে, তখন তিনি তোমাদের প্রার্থনা কবুল করে বলেন, আমি একহাজার অনুসরণকারী ফেরেশতার দ্বারা তোমাদের সাহায্য করবো। (সূরা আনফাল, আয়াত নং ৯)

জ্বর থেকে মুক্তি পাওয়ার দোয়া


ইমাম বায়হাকী (র.) হযরত আনাস (রা.) থেকে বর্ণনা করেন, নবী করিম  হযরত আয়েশা সিদ্দিকা (রা.)^{১০৮}র কাছে তাম্বুরীফ নিলেন তখন হযরত আয়েশা সিদ্দিকা (রা.) জ্বরে আক্রান্ত ছিলেন এবং জ্বরকে মন্দ বলতেছেন। নবী করিম  এরশাদ করেন, জ্বরকে গালি দিওনা সে তো আদিষ্ট হয়েছে। হ্যাঁ, যদি তুমি চাও তবে তোমাকে এমন দোয়া শিখিয়ে দেবো তুমি এই দোয়া পড়লে আল্লাহ তোমার থেকে এই জ্বর দূরীভূত করে দেবেন। তিনি আরজ করলেন, আমাকে শিখিয়ে দিন। তখন তিনি বললেন- তুমি এই দোয়া পড়া,

اللهم ارحم جلدی الرقيق وعظمی الدقيق من شدة الحريق يا ام ملام ان كنت امتن بالله العظيم فلا تصدعي الرأس ولا تنتسي الفم ولا تأكلی اللحم ولا تشربي الدم ولا تحولی الى من اتخذ مع الله الها
اخر-

হে আল্লাহ! আমার হাঙ্কা-পাতলা চামড়া ও চিকন হাড়ি কে প্রচণ্ড জ্বরের জ্বালা ও ব্যাথা দয়া করে মুক্তি দান করুন। হে জ্বর! তুমি যদি মহান আল্লাহর উপর ঈমান রাখ তবে মাথায় ব্যাথা দিওনা, মুখে দুর্গন্ধ সৃষ্টি করোনা আর রক্ত ও মাংস পানাহার করোনা এবং তুমি মুশরিকদের কাছে চলে যাও।

হযরত আনাস (রা.) বলেন, হযরত আয়েশা (রা.) এই দোয়া পাঠ করলে তাঁর জ্বর চলে গেল।^{১০৮}

কর্জ পরিশোধের দোয়া

হযরত আয়েশা সিদ্দিকা (রা.) বর্ণনা করেন, তাঁর পিতা হযরত আবু বকর সিদ্দিক (রা.) তাঁর কাছে তাম্বুরীফ নিলেন এবং বললেন, আমি রাসূল  থেকে এমন দোয়া শুনেছি যদি কারো উপর পাহাড় পরিমাণ সোনা কর্জ থাকে আল্লাহ তায়ালা এই দোয়ার বরকতে ঐ কর্জ পরিশোধের ব্যবস্থা করে দেন। দোয়াটি নিম্নরূপ-

^{১০৭}. ইউসুফ নাবহানী (র.) (১৩৫০হি.), হজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:২০৪

^{১০৮}. ইউসুফ নাবহানী (র.) (১৩৫০হি.), হজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:২২৪

اللهم فارج اللهم كاشف الغم مجيب دعوة المضطرين رحمن الدنيا والاخرة ورحيمها انت

ترحمنى برحمة تغينى بها عن رحمة من سواك-

হে আল্লাহ! আপনিই দুশ্চিন্তা দূরকারী, কষ্ট নিরসনকারী, অসহায় লোকদের দোয়া কবুলকারী, ইহ ও পরকালের সবচেয়ে বড় মেহেরবান ও দয়ালু আমার উপর এমন দয়া করুন আপনার দয়া ব্যতীত অন্য কারো দয়ার প্রয়োজন যেন না হয়।

হযরত আবু বকর সিদ্দিক (রা.) বলেন, আমার উপর একজনের কিছু কর্জ ছিল যা আমার চিন্তার বড় কারণ ছিল। আমি এই দোয়া পাঠ করার ফলে অল্প দিনের মধ্যেই আল্লাহ আমাকে এমন সম্পদ দিলেন যা দিয়ে আমার কর্জ পরিশোধের ব্যবস্থা হয়ে গেল।

হযরত আয়েশা সিদ্দিক (রা.) বলেন, আমার উপর হযরত আসমা (রা.)'র কর্জ ছিল। আমি তাকে দেখলে লজ্জায় মুখে কাপড় দিয়ে চলতাম। আমি এই দোয়া পাঠ করলে বেশী দিন অতিক্রম হয়নি আল্লাহ আমাকে এমন রিযিক দান করেছেন যা ওয়ারিশ কিংবা সদকার সাথে কোন সম্পর্ক ছিলনা। আমি ঐ রিযিক থেকে কর্জ শোধ করে দিয়েছিলাম।^{১০৯}

স্বামী-স্ত্রীর মধ্যে ভালবাসা সৃষ্টি

হযরত জাবের (রা.) থেকে বর্ণিত, তিনি বলেন, নবী করিম ﷺ একদা মদীনার এমন এক বাজার দিয়ে গমন করছিলেন যেখানে আরবী-অনারবী একত্রিত হত। তাঁর সাথে হযরত ওমর (রা.) ও ছিলেন। একজন মহিলা সম্মুখ থেকে এসে আরজ করল ইয়া রাসূলুল্লাহ! আমি আমার ঘরে স্বামীর সাথে স্ত্রীর মত হয়ে থাকি এবং আমি একজন মুসলিম মহিলা। আমি শুধু ওটাই চাই যা সাধারণত একজন মহিলা চায়। অর্থাৎ আমি চাই যে, আমার স্বামী আমাকে ভালবাসুক এবং স্ত্রীর হক আদায় করুক। তিনি বললেন, তোমার স্বামীকে আমার কাছে নিয়ে এসো। মহিলা তার স্বামীকে আনলে তিনি তাকে বললেন, তোমার স্ত্রী কি বলতেছে? সে বলল- সেই আল্লাহর শপথ, যিনি আপনাকে সত্য সহকারে প্রেরণ করেছেন। তার সাথে সহবাস করে যে গোসল করেছি তার পানি এখনো মাথায় শুকায়নি। স্ত্রী বলল, ইয়া রাসূলুল্লাহ! মাসে মাত্র একবার। তিনি স্বামীকে জিজ্ঞেস করলেন, তুমি কি তোমার স্ত্রীকে ঘৃণা কর। সে বলল, হ্যাঁ, তখন নবী করিম ﷺ বললেন, তোমরা উভয়েই আপন আপন মাথা আমার নিকটে কর। তারা এরূপ করলে তিনি দোয়া করলেন:

اللهم الف بينهما وحبب احدهما الى الاخر

হে আল্লাহ! এরা উভয়ের মধ্যে ভালবাসা সৃষ্টি করে দিন এবং উভয়কে একে অপরের প্রতি অনুরক্ত করে দিন।

^{১০৯} . ইউসুফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:২২৫

এর কিছু দিন পর রাসূল ﷺ ওদের পাশ দিয়ে যাচ্ছিলেন। লোকটি ছিল চামার। তিনি তার স্ত্রীকে কাঁধে করে চামড়া নিয়ে স্বামীর নিকট যাচ্ছে দেখে বললেন, হে ওমর! ওটা কি সেই মহিলা যেই কিছু দিন পূর্বে তার স্বামীর বিরুদ্ধে অভিযোগ করেছিল? মহিলা তাঁর এই কথা শুনে কাঁধ থেকে চামড়া ফেলে দৌড়ে এসে তাঁর কদমে চুমু খেল। তিনি জিজ্ঞেস করলেন, তোমরা স্বামী-স্ত্রীর কি অবস্থা? সে শপথ করে বলল, এখন আমার কাছে আমার স্বামী পৃথিবীর সবচেয়ে প্রিয়। তখন তিনি বললেন, আমি সাক্ষ্য দিচ্ছি যে, আমি আল্লাহর রাসূল তখন হযরত ওমর (রা.)ও বলতে লাগলেন,

اللهم مشيع الجاعة ورافع الوضعة لانتجع فاطمة بنت محمد وانا اشهد انك رسول الله^{১১০}

ক্ষুধা নিবারণ

হযরত ইমরান ইবনে হোসাইন (রা.) থেকে বর্ণিত, তিনি বলেন, আমি নবী করিম ﷺ'র নিকট থাকতাম। একদিন হযরত ফাতেমা (রা.) তামারীফ এনেছেন। আমি দেখলাম তাঁর চেহারা বিন্দুমাত্র রক্ত নেই, ক্ষুধায় তাঁর চেহারা শূন্য হয়ে হলুদ বর্ণ হয়ে গিয়েছে। নবী করিম ﷺ তাঁকে দেখে কাছে ডেকে আনলেন। তিনি তাঁর সামনে দাঁড়ালে নবী করিম ﷺ তাঁর হাত মোবারক ফাতেমার বক্ষের উপরিভাগে যেখানে হার ঝুলে থাকে রাখলেন এবং আঙ্গুল মোবারক ছড়িয়ে দিয়ে দোয়া করলেন-

اللهم مشيع الجاعة ورافع الوضعة لانتجع فاطمة بنت محمد

হে আল্লাহ! হে ক্ষুধার্ত তৃণকারী, লাঞ্ছিতদের মর্যাদা প্রদানকারী! মুহাম্মদের কন্যা ফাতেমাকে ক্ষুধার্ত রাখোনা।

হযরত ইমরান (রা.) বলেন, আমি দেখলাম তাঁর হলুদ বর্ণের চেহারা রক্ত সঞ্চারিত হয়ে উজ্জ্বলবর্ণ ফুটে উঠল। কিছুদিন পর তাঁর সাথে সাক্ষাত হলে তখন তিনি বললেন, এরপর থেকে আমার কখনো ক্ষুধা লাগেনি।^{১১১}

ঘোড়ার পিঠে স্থির থাকা

হযরত জারীর ইবনে আব্দুল্লাহ বাজলী (রা.) থেকে বর্ণিত, তিনি বলেন, আমি ঘোড়ার পিঠে স্থির থাকতে পারতামনা। নবী করিম ﷺ এ ব্যাপারে বললে তিনি তাঁর হাত মোবারক আমার বক্ষে রাখলেন যার শীতল ছোঁয়া আমি অনুভব করেছি। তারপর বললেন,

اللهم تبتنه واجعله ها ديةً ا مهدياً
দিন। এরপর থেকে আমি কখনো ঘোড়া থেকে পড়িনি।^{১১২}

^{১১০}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ: ৪০৭

^{১১১}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ: ৪০৯

^{১১২}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ: ৪০২

রোগ আরোগ্য/মুক্তি

চক্ষু রোগ থেকে মুক্তিলাভ:

হযরত সাহল ইবনে সা'দ (রা.) থেকে বর্ণিত, রাসূল ﷺ বলেন, (খায়বর বিজয়ের পূর্ব দিন) আমি আগামীকাল এমন এক ব্যক্তিকে পতাকা দিবো যার হাতে আল্লাহ বিজয় দান করবেন। রাবী বলেন, তারা সবাই এই আশ্রহ নিয়ে রাত্রি যাপন করলেন যে, কাকে ঐ পতাকা দেয়া হবে? যখন সকাল হল তখন সকলেই রাসূল ﷺ এর নিকট গিয়ে হাযির হলেন। তাদের প্রত্যেকেই এই আশা পোষণ করেছিলেন যে, পতাকা তাকে দেয়া হবে। তারপর তিনি বললেন, আলী ইবনে আবু তালেব কোথায়? তারা বললেন, ইয়া রাসূলাল্লাহ! তিনি চক্ষু রোগে আক্রান্ত। তিনি বললেন, কাউকে পাঠিয়ে তাকে আমার কাছে নিয়ে এসো।

যখন তিনি এলেন, তখন রাসূল ﷺ তাঁর দু'চোখে থু থু মোবারক লাগিয়ে দিলেন এবং তাঁর জন্য দোয়াও করলেন। এতে তিনি এমন সুস্থ হয়ে গেলেন যেন তাঁর চোখে কোন রোগই ছিলনা।^{১১০}

বোবার মুখে বুলি ফোটানো

ইমাম বায়হাকী (র.) শিমার ইবনে আতীয়াহ থেকে বর্ণনা করেন, এক মহিলা তার এক যুবক সন্তান নিয়ে নবী করিম ﷺ'র নিকট এসে আরজ করল, আমার সন্তান জন্মের পর থেকে আজ পর্যন্ত কোন কথা বলেনি। অর্থাৎ সে বোবা। রাসূল ﷺ ঐ বোবা ছেলেকে জিজ্ঞেস করলেন, বল, আমি কে? সাথে সাথে স্পষ্ট ভাষায় সে বলল, আপনি আল্লাহর রাসূল।^{১১৪}

দৃষ্টিশক্তি ফেরৎ দান

ইমাম ইবনে আবি শাইবা, ইবনুস সকন, বঘভী, বায়হাকী, তাবরানী ও আবু নঈম র হযরত হাবীব ইবনে যুফাইক (রা.) থেকে বর্ণনা করেন, তিনি বলেন, তার চোখ ছিল সাদা এবং কিছুই দেখতে পেতনা। তার কাছে জিজ্ঞেস করলেন, তোমার দৃষ্টিশক্তি কিভাবে চলে গেল। সে বলল, একবার আমার পা সাপের ডিমে পড়েছিল ফলে তখন থেকে আমার দৃষ্টিশক্তি চলে যেতে লাগল।

তিনি তার উভয় চোখে কিছু পাঠ করে ফুঁ দিলেন। সাথে সাথে তার দৃষ্টিশক্তি ফেরৎ আসল। বর্ণনাকারী বলেন, যখন তার বয়স আশি বছর হল তখনও সে সুঁইয়ে সূতা প্রবেশ করতে পারতো অথচ তার চোখ দু'টি পূর্বের ন্যায় সাদা বর্ণেরই ছিল।^{১১৫}

^{১১০}. ইমাম বুখারী, মুহাম্মদ ইবনে ইসমাইল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫২৫ হাদিস নং ৩৪৩৬

^{১১৪}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৪

^{১১৫}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৫

পুড়ে যাওয়া হাত ভাল হওয়া

ইমাম বায়হাকী (র.) সাম্মাক ইবনে হারব (র.)'র সূত্রে হযরত মুহাম্মদ ইবনে হাতেব (রা.) থেকে বর্ণনা করেন, তিনি বলেন, আমার হাতে গরম ডেকচি পড়ে হাত পুড়ে গিয়েছিল। আমার মা আমাকে নবী করিম ﷺ'র নিকট নিয়ে যান। তিনি ঐ হাতের উপর থু থু নিক্ষেপ করে করে বলতে লাগলেন, اذهب اليباس رب الناس হে পরওয়ারদেগার! সমস্যা দূরীভূত করে দিন। অতঃপর আমি সম্পূর্ণ সুস্থ হয়ে উঠলাম।^{১১৬}

অনুরূপ ঘটনা একই বর্ণনাকারী থেকে ইমাম বুখারী (র.) (আত তারীখ গ্রন্থে) বর্ণনা করেছেন। -লেখক

ফোঁড়ার চিহ্ন পর্যন্ত না থাকা

ইমাম বুখারী র স্বীয় তারীখে, তাবরানী, ইবনুস সকন, ইবনে মুনদাহ ও বায়হাকী (র.) হযরত শুরাহবীল জু'ফী (রা.) থেকে বর্ণনা করেন, তিনি বলেন, আমি রাসূল ﷺ'র নিকট গিয়ে আরজ করলাম, আমার হাতের তালুতে ফোঁড়া উঠে ফুলে রয়েছে যার কারণে আমার খুবই কষ্ট হচ্ছে। আমি তলোয়ার কিংবা ঘোড়ার রশি ধরি তখন এই ব্যাথা আরো বেড়ে যায়। তিনি আমার হাতে ফুঁক দিলেন এবং তাঁর হাত মোবারক আমার ফোঁড়ায় রেখে মালিশ করেছেন। রাসূল ﷺ যখন হাত মোবারক তুলে নিলেন তখন আমার হাতে ফোঁড়ার কোন চিহ্নও ছিলনা।^{১১৭}

দাউদ রোগ ভাল হওয়া

ইবনে সা'দ, বায়হাকী ও আবু নঈম (র.) হযরত আবইয়ায ইবনে হাম্মাল (রা.) থেকে বর্ণনা করেন, তার মুখে দাউদ হয়েছিল ফলে তার মুখমন্ডল সাদা হয়ে গিয়েছিল। অপর এক বর্ণনায় আছে তার মুখের দাউদে তার নাক পর্যন্ত ছড়িয়ে পড়েছে। রাসূল ﷺ দোয়া করলেন এবং তার মুখে হাত মোবারক বুলিয়ে দেন। রাত অতিক্রম হতে পারেনি তার দাউদের চিহ্ন পর্যন্ত ছিলনা।^{১১৮}

ইমাম বায়হাকী (র.) হযরত হাবীব ইয়াসাফ (রা.) থেকে বর্ণনা করেন, তিনি বলেন, আমি রাসূল ﷺ'র সাথে এক যুদ্ধে অংশগ্রহণ করেছিলাম। আমার কাঁধে তরবারীর একটি আঘাত লাগল ফলে আমার হলে তিনি এই আঘাতে লালা মোবারক লাগিয়ে দিলেন। এতে আমার আহত স্থানে ভরে গেল এবং আমি ভাল হয়ে গেলাম। আর যে আমাকে আঘাত করেছিল তাকে আমি হত্যা করেছি।^{১১৯}

^{১১৬} ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৫

^{১১৭} ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৬

^{১১৮} ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৬

^{১১৯} ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৬

মাথার আঘাত থেকে আরোগ্য লাভ

ইমাম তাবরানী (র.) হযরত আব্দুল্লাহ ইবনে উনাইস (রা.) থেকে বর্ণনা করেন, তিনি বলেন, মুস্তানীর ইবনে রেযাম নামক এক ইহুদী আমার মাথার হাড়ি কিংবা মাথার খুলি কেটে মগজে আঘাত লেগেছিল। আমি নবী করিম ﷺ-র নিকট এসেছি। তিনি খুলে সেখানে ফুক দিলেন ফলে কোন কষ্টই আমি অনুভব করিনি।^{১২০}

চূড় হয়ে যাওয়া গোড়ালী মুহূর্তেই ভাল হওয়া

ইবনুস সকন ও আবু নঈম (র.) “আস সাহাবা” নামক গ্রন্থে হযরত মুয়াবিয়া ইবনে হাকাম (রা.) থেকে বর্ণনা করেন, তিনি বলেন, আমরা রাসূল ﷺ-র সাথে (খন্দক যুদ্ধে) ছিলাম। আমার ভাই আলী ইবনে হাকাম খন্দকের উপর থেকে তার ঘোড়া নিয়ে লাফিয়ে পার হওয়ার চেষ্টা করল কিন্তু সক্ষম হয়নি। ঘোড়া পড়ে গেল আর খন্দকের দেওয়ালে তার পায়ের গোড়ালী চূড় হয়ে গেল। আমরা তাকে ঘোড়ায় করে নবী করিম ﷺ-র কাছে নিয়ে গেলাম। তিনি তার গোড়ালীতে হাত মোবারক বুলিয়ে দিলেন। সে ঘোড়া থেকে নামার আগেই সম্পূর্ণ সুস্থ হয়ে গেল।^{১২১}

উট সুস্থ হওয়া

হযরত রফায়েস ইবনে রাফে (রা.) বর্ণনা করেন, আমি আমার ভাই খাল্লাদ ইবনে রাফে-র সাথে বদর যুদ্ধে একটি উটের উপর আরোহণ করেছিলাম। আমরা বদর ময়দানে পৌঁছলে আমাদের উট অসুস্থ হয়ে পড়ল। আমার ভাই মান্নত করেছিল যে, হে আল্লাহ! যদি এই যুদ্ধে আমরা বিজয় লাভ করি তবে মদীনায় গিয়ে আমরা এই উটকে কুরবানী দেবো। হঠাৎ করে নবী করিম ﷺ আমাদের পাশ দিয়ে যাচ্ছিলেন আর আমাদেরকে দেখে তিনি থামলেন। তিনি এসে পানি তলব করে অজু করেন এবং কুলি করেন। তারপর তিনি উটের মুখ খুলতে বললেন, আমরা মুখ খুললে তিনি উটের মুখে অজু-র ব্যবহৃত পানি প্রবেশ করিয়ে দেন। এরপর উটের মাথায়, গর্দানে, বক্ষে এবং লেজে পানি ছিটালেন আর আমাদেরকে আরোহণ করতে আদেশ দিলেন। আমরা উঠলে ঐ উট আমাদেরকে নিয়ে দ্রুত গতিতে দৌড়তে লাগল। আমরা বদর থেকে মদীনায় ফিরে আসলে আমার ভাই উট যবেহ করে গরীব মিসকীনদের মধ্যে বন্টন করে দিয়েছে।^{১২২}

^{১২০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৭

^{১২১} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৮

^{১২২} আব্দুর রহমান জামী (র.) (৮৯৮হি.), শাওয়াহেদুন নবয়ত, উর্দু, বেরেলী, পৃ:১২৪

মুখ ও মাথার ফুলা দূরীভূত হওয়া

ইমাম বায়হাকী (র.) হযরত আসমা বিনতে আবি বকর (রা.) থেকে বর্ণনা করেন, তার মুখে ও মাথায় ফুলা এসেছিল। রাসূল ﷺ স্বীয় হাত মোবারক মাথায় ও মুখে রেখে তিনবার এই দোয়া পাঠ করেন-

بِسْمِ اللَّهِ أَذْهَبَ عَنْهَا سُوءٌ وَفَحَشَهُ بِدَعْوَةِ نَبِيِّكَ الْمُبَارَكِ الْمَكِينِ عِنْدَكَ

হে আল্লাহ! তোমার নামের বরকতে ও তোমার সম্মানিত বরকত মস্তিত ও পবিত্র নবীর দোয়ার উসিলায় তার রোগ-ব্যাদি দূরীভূত করে দিন। এই দোয়ার বরকতে ফুলা ও ব্যাথা দূরীভূত হল।^{১২৩}

জ্বিনের কুপ্রভাব থেকে মুক্তি লাভ

ইমাম আহমদ, দারেমী, তাবরানী, বায়হাকী ও আবু নঈম (র.) ইবনে আব্বাস (রা.) থেকে বর্ণনা করেন, জটনৈক মহিলা তার সন্তান নিয়ে রাসূল ﷺ'র নিকট এসে বলল, ইয়া রাসূল্লাহ! আমার সন্তানকে জ্বিনে ধরেছে। আমাদের সকাল ও রাতের খাবারের সময় তার উপর জ্বিনের প্রভাব পড়ে। ফলে খাবারের স্বাদ চলে যায়। রাসূল ﷺ তাঁর হাত মোবারক দিয়ে তার বক্ষে মাসেহ করে দেন এবং তার জন্য দোয়া করলেন। সে বমি করে দিল এবং তার পেট থেকে হিংস্র জন্তুর বাচ্চার ন্যায় একটি কালো বস্তু বের হল। এরপর সে সম্পূর্ণ সুস্থ হয়ে গেল।^{১২৪}

দাঁতের ব্যাথা দূরীভূত হওয়া

ইমাম বায়হাকী, ইয়াযিদ ইবনে নূহ ইবনে যাকওয়ান (রা.) থেকে বর্ণনা করেন, আব্দুল্লাহ ইবনে রাওয়াহা (রা.) আরজ করলেন, ইয়া রাসূল্লাহ! আমার দাঁতের ব্যাথা আমাকে প্রচণ্ড কষ্ট দিচ্ছে। তিনি তাঁর হাত মোবারক তার ব্যাথায়ুক্ত চোয়ালে রেখে সাত বার এই দোয়া পাঠ করেন-

اللَّهُمَّ أَذْهَبْ عَنْهُ سُوءٌ مَا يَجِدُ وَفَشَهُ بِدَعْوَةِ نَبِيِّكَ الْمُبَارَكِ الْمَكِينِ عِنْدَكَ

হে আল্লাহ! আপনার কাছে সম্মানিত ও আপনার বরকত মস্তিত নবীর দোয়ার বরকতে তার ব্যাথা ও যাবতীয় অনিষ্ট তার থেকে দূরীভূত করে দাও। অতঃপর তিনি সেখান থেকে চলে আসার পূর্বেই আল্লাহ তায়ালা তাকে শেফা দান করেন।^{১২৫}

হাতের ব্যাথা দূরীভূত হওয়া

^{১২৩} ইমাম সুযূতী, জালাল উদ্দিন সুযূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৬

^{১২৪} ইমাম সুযূতী, জালাল উদ্দিন সুযূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৬

^{১২৫} ইমাম সুযূতী, জালাল উদ্দিন সুযূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৭

ইমাম তাবরানী (র.) হযরত জারহাদ (রা.) থেকে বর্ণনা করেন, তিনি বাম হাত দিয়ে খাবার খাচ্ছিলেন। নবী করিম ﷺ বললেন, তুমি ডান হাত দিয়ে খাবার খাও, তিনি উত্তরে বললেন, আমার ডান হাতে ব্যাথা। রাসূল (স.) তার হাতে ফুঁ দিয়ে ঝেড়ে দিলেন। ফলে মৃত্যু পর্যন্ত তার হাতে আর কোন ব্যাথা ছিলনা।^{১২৬}

হাত মোবারকের ছোঁয়ায় দূরীভূত হওয়া

মু'জাম গ্রন্থে আবুল কাসেম বগভী হযরত মুয়াবিয়া ইবনে হাকাম (রা.) থেকে বর্ণনা করেন, আমরা খন্দক যুদ্ধে নবী করিম ﷺ এর সাথে ছিলাম। আলী ইবনে হাকামের এক ভাইয়ের পায়ে খন্দকের একটি দেয়াল ভেঙ্গে পড়লে তার পায়ে আঘাত পেল। সে নবী করিম ﷺ এর কাছে আসলে তিনি বিসমিল্লাহ পড়ে স্বীয় হাত মোবারক তার পায়ে বুলিয়ে দেন। ফলে তার পায়ে কোন ব্যাথা ও আঘাতের চিহ্নও অবশিষ্ট থাকল না।^{১২৭}

পায়ের গোড়ালীর আঘাত ভাল হওয়া

ইমাম বুখারী (র.) হযরত বারা ইবনে আযেব (রা.) থেকে বর্ণনা করেন, হযরত আব্দুল্লাহ ইবনে আতিক (রা.) কাফের আবু রাফে কে হত্যা করে তার ঘর থেকে সিঁড়ি দিয়ে চলে আসার সময় মাটিতে পড়ে পায়ের গোড়ালী ভেঙ্গে গিয়েছিল। তিনি বলেন, আমি এ ব্যাপারে রাসূল ﷺ কে অবহিত করলে তিনি বললেন, তোমার পা লম্বা করে রাখ। আমি পা লম্বা করে রাখলে তিনি স্বীয় হাত মোবারক আমার পায়ের গোড়ালীতে বুলিয়ে দেন। সাথে সাথে গোড়ালী এমন ভাল হয়ে গেল যেন কোন আঘাতও লাগেনি এবং কোন ব্যাথাও ছিলনা।^{১২৮}

ফুঁক দিয়ে ক্ষত ভাল করা

হযরত মক্কী ইবনে ইব্রাহীম (র.) হযরত ইয়াযিদ ইবনে আবু উবাইদ (রা.) থেকে বর্ণনা করেন, তিনি বলেন, আমি হযরত সালমা ইবনে আকওয়া (রা.)'র পায়ের নলায় আঘাতের চিহ্ন দেখে তাঁকে জিজ্ঞাসা করলাম, হে আবু মুসলিম! এ আঘাতটি কিসের? তিনি বললেন, এটি খায়বার যুদ্ধে প্রাপ্ত আঘাত। যুদ্ধে আমি আঘাতপ্রাপ্ত হওয়ার পর লোকজন বলতে লাগল যে, সালমা মারা যাবে। অর্থাৎ আঘাতটি এত মারাত্মক ছিল যে, মারা যাওয়ার উপক্রম ছিল। এরপর আমি রাসূল ﷺ এর কাছে আসলাম। তিনি ক্ষতস্থানে তিনবার ফুঁ দিয়ে দেন। ফলে আজ পর্যন্ত আমি এতে কোন ব্যাথা অনুভব করিনি।^{১২৯}

^{১২৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৭

^{১২৭} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৭৭

^{১২৮} বুখারী, মুহাম্মদ ইবনে ইসমাইল বুখারী (র.) (২৫৬হি.), বুখারী শরীফ, আরবী, ইউপি, ইন্ডিয়া, পৃ:৫৭৭ (ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৯০

^{১২৯} ইমাম বুখারী, মুহাম্মদ ইবনে ইসমাইল বুখারী (র.) (২৫৬হি.), বুখারী শরীফ, আরবী, ইউপি, ইন্ডিয়া, পৃ:৬০৫ হাদিস নং ৩৮৯১

কুলির পানি দিয়ে রোগ মুক্তি

ইমাম আহমদ, ইবনে আবি শায়বা, বায়হাকী, তাবরানী ও আবু নঈম (র.) হযরত উম্মে যুনদুব (রা.) থেকে বর্ণনা করেন তিনি বলেন, আমি রাসূল ﷺ কে জামরায় আকাবার নিকট দেখেছি। তিনি সহ অন্যরা পাথর নিক্ষেপ করেন। তিনি সেখান থেকে চলে আসলে জনৈক মহিলা তার ছেলেকে নিয়ে তাঁর নিকট আসল, যাকে জ্বিনে পেয়েছে। মহিলা তার ছেলের অবস্থা বর্ণনা করলে তিনি পানি আনতে বললে পানি আনা হল। পানি হাতে নিয়ে কুলি করেন এবং ছেলের জন্য দোয়া করে বলেন, এই পানি ছেলেকে পান করাও আর গোসল দাও। উম্মে যুনদুব বলেন, আমি ঐ মহিলার পিছনে গিয়ে তাকে বললাম আমাকে একটু পানি দাও। সে আমার হাতে একটু পানি দিল। আমি আমার ছেলে আব্দুল্লাহ কে পান করলাম সে জিন্দা রইল, এভাবে রাসূল ﷺ'র বরকতে আমার ছেলে ও নব জীবন লাভ করল আর ঐ মহিলার ছেলেও সুস্থ হয়ে গেল। আবু নঈম (র.) বলেন, ঐ ছেলে বড় হয়ে অত্যন্ত বুদ্ধিমান ও জ্ঞানী হয়েছিল।^{১০০}

কাটা বাছ জোড়া লেগে গেল

বদর যুদ্ধে উমাইয়্যা ইবনে খলফ হযরত খুবাইব (রা.)'র উপর এমনভাবে আঘাত করল, তাঁর হাতের বাছ কাধ থেকে পৃথক হয়ে গেল। হযরত খুবাইব (রা.) উমাইয়্যা কে হত্যা করল। রাসূল ﷺ তার বাছকে স্বীয় হাত মোবরাক দিয়ে জোড়া লাগিয়ে দেন। আব্দুল্লাহ তায়ালা তাকে পরিপূর্ণ সুস্থ করে দেন।^{১০১}

চুল মোবারক মহৌষধ

রাসূল ﷺ ছদাইবিয়ায় চুল কাটালেন এবং সমস্ত চুল মোবারক একটি সবুজ বৃক্ষে নিক্ষেপ করলেন। উপস্থিত সকল সাহাবায়ে কিরাম ঐ বৃক্ষের নীচে একত্রিত হয়ে চুল মোবারক কাড়াকাড়ি করে নিয়ে নিলেন। হযরত উম্মে আন্নারাহ (রা.) বলেন, এ সময় আমি ও কয়েকখানা চুল মোবারক নিয়েছিলাম। রাসূল ﷺ'র ওফাতের পর কেউ অসুস্থ হলে আমি ঐ মোবারক চুলগুলো পানিতে ডুবিয়ে পানি রোগীকে পান করালে আব্দুল্লাহ তায়ালা তাকে সুস্থ করে দিতেন।^{১০২}

ফুঁক দিয়ে ব্যাথা উপশম

ইমাম বুখারী ρ ইয়াযিদ ইবনে আবি উবাইদ (রা.) থেকে বর্ণনা করেন, তিনি বলেন, আমি সালাম ইবনে আকওয়া (রা.)'র পায়ের গোড়ালীতে যখম দেখে তাকে জিজ্ঞেস করেছি এটা কিসের যখম? উত্তরে সে বলল, খায়বার যুদ্ধে এই আঘাত লেগেছিল। লোকেরা বলল,

^{১০০}. ইমাম সুযুতী, জালাল উদ্দিন সুযুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৬৪

^{১০১}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১২৮

^{১০২}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১৪৮

সালমা আঘাতপ্রাপ্ত হয়েছে। আমি রাসূল ﷺ'র খেদমতে হাযির হলে তিনি আমার আহত স্থানে তিনবার ফুঁ দিলেন। অতঃপর আজ পর্যন্ত ঐ স্থানে কোন ব্যাথা অনুভব করিনি।^{১৩০}

দোয়ার প্রভাবে ব্যাথা থেকে মুক্তি লাভ

ইমাম বায়হাকী, আবু নঈম (র.) হযরত ওসমান ইবনে আবিব আস (রা.) থেকে বর্ণনা করেন, আমি একদা নবী করিম ﷺ'র খেদমতে উপস্থিত হলাম। তখন আমার শরীরে প্রচণ্ড ব্যাথায় প্রাণ বেরিয়ে যাবার উপক্রম হয়েছিল। রাসূল ﷺ আমাকে বললেন, তোমার ডান হাত সাতবার ফিরিয়ে এই দোয়া পাঠ কর-

باسم الله اعوذ بعزة الله وقدرته من شر ما اجد

মহান আল্লাহর নামে, আল্লাহর ইজ্জত ও কুদরতের সদকায় আমার ব্যাথা থেকে আশ্রয় প্রার্থনা করছি।

অতঃপর আমি এরূপ করার সাথে সাথে আল্লাহ তায়ালা যাবতীয় দরদ ব্যাথা এমনভাবে দূরীভূত করে দেন যেন কোন ব্যাথাই ছিলনা। এরপর থেকে আমি সর্বদা নিজের পরিবার-পরিজন ও অন্যান্য লোকদেরকেও এই আমল করার উপদেশ দিই।^{১৩৪}

কাপড়ের টুকরা নিয়ে রোগ মুক্তি

হযরত সিনান ইবনে তালাক ইয়ামামী (রা.) বর্ণনা করেন, বনু হানিফ গোত্র হতে সর্বপ্রথম তিনি প্রতিনিধি হিসাবে রাসূল ﷺ'র খেদমতে হাযির হন। তিনি বলেন, আমি রাসূল ﷺ তাঁর মাথা মোবারক ধৌত করতে দেখেছি। তিনি আমাকে বললেন, হে ইয়ামামী ভাই! তোমার মাথা ধুয়ে নাও। তখন আমি রাসূল ﷺ'র বেচে যাওয়া পানি দিয়ে আমার মাথা ধুইলাম তারপর ইসলাম গ্রহণ করলাম। এরপর তিনি আমাকে এক টুকরা লিখিত কাগজ দিলেন। আমি বললাম, ইয়া রাসূল্লাহ! আমাকে আপনার জামার একটি টুকরা প্রদান করুন যা থেকে আমি বরকত হাসিল করবো।

অতঃপর তিনি আমাকে তাঁর জামার একটি টুকরা প্রদান করেন। মুহাম্মদ ইবনে জাবের (রা.) বলেন, এই জামার টুকরা আমার পিতার সাথে থাকতো। তিনি রোগীর শেফার জন্য ঐ জামার টুকরা ধুয়ে পানি পান করাতেন।^{১৩৫}

^{১৩০} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উদু, গুজরাট, খণ্ড:১ম পৃ:৬৮২

^{১৩৪} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উদু, গুজরাট, খণ্ড:১ম পৃ:৬৮৩

^{১৩৫} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উদু, গুজরাট, খণ্ড:১ম পৃ:৬৮৪

চুল মোবারক

চোখ উঠা রোগ ভাল হওয়া:

আব্দুল্লাহ ইবনে মাওহাব (র.) থেকে বর্ণিত, তিনি বলেন, আমাকে আমার পরিবারের লোকেরা এক পেয়ালা পানিসহ হযরত উম্মে সালামা (রা.) কাছে পাঠাল। উম্মে সালামা'র কাছে রক্ষিত একটি রূপার পানি ভর্তি পাত্র থেকে (ইউনুসের পুত্র) ইসরাঈল তিনটি আব্দুল দিয়ে কিছু পানি তুলে নিল। ঐ পাত্রের মধ্যে নবী করিম ﷺ'র কয়েকটি চুল মোবারক ছিল। কোন লোকের যদি চোখ লাগতো কিংবা অন্য কোন রোগ দেখা দিত, তবে উম্মে সালামা'র কাছ থেকে পানি আনার জন্য পাঠিয়ে দিত। আমি সে পাত্রের মধ্যে একবার লক্ষ্য করলাম, দেখলাম লাল রঙের কয়েকটি চুল আছে।^{১৩৬}

“নসীমুর রিয়াজ” নামক গ্রন্থে উল্লেখ করা হয়েছে যে, আদম ইবনে জাহের আলতীর নিকট রাসূল ﷺ চৌদ্দটি চুল মোবারক ছিল। তিনি হালাবের এক আমীর কে ঐ চুল মোবারক গুলো হাদিয়া দিলেন। ঐ আমীর আলতী সম্প্রদায় হযরত আলী (রা.)'র বংশ অনুসারীদেরকে ভালবাসতেন। হালাবের আমীর ঐ চুল মোবারক গুলোকে অত্যন্ত ভক্তির সাথে গ্রহণ করলেন এবং ইবনে জাহের কেও যথাযথ সম্মান করে পুরস্কৃত করলেন।

দীর্ঘদিন পরের ঘটনা। আমীদ/ আদম ইবনে জাহের আলতী ঐ আমীরের সাথে দেখা করতে আসলেন। কিন্তু আমীর তাঁর দিকে তাকিয়ে কথাও বললেন না। আলতী আমীরের রাগের কারণ জানতে চাইলে তিনি বললেন, আমি জানতে পেরেছি যে, তুমি আমাকে যে চুল দিয়েছ, আসলে তা রাসূলুল্লাহ'র নয়। তুমি আমার সাথে প্রতারণা করেছ। আলতী আমীরের মনের সন্দেহ দূর করার উদ্দেশ্যে বললেন, চুল মোবারকগুলো বের করে আনুন। অতঃপর আশুন প্রজ্জলিত করে চুল মোবারকগুলো তাতে নিক্ষেপ করা হল। কিন্তু আশুনে ঐ চুল মোবারক গুলোকে জ্বালাতে পারল না। বরং আশুনের ভেতর থেকে উক্ত চুল মোবারক গুলোর শোভা আরো বর্ধন হল। এ দৃশ্য দেখে আমীরের ভুল ভাঙ্গল এবং আলতীকে পূর্বাপেক্ষা আরো বেশী তাজীম ও সম্মান করে হাদিয়া ও তোহফা প্রদান করলেন।^{১৩৭}

ভাঙ্গা হাত ভাল হওয়া

একজন সাহাবী বর্ণনা করেন, একদা আমরা রাসূল ﷺ এর খেদমতে উপস্থিত হলাম। আমাদের সাথে একটি ছোট ছেলে ও ছিল। এক দিন পূর্বে তার হাত ভেঙ্গে গিয়েছিল এবং হাতে বেভিজ বাঁধা ছিল। রাসূল ﷺ তাকে ডেকে বেভিজ খুলে স্বীয় হাত মোবারক ভাঙ্গা হাতে মালিশ করলে তৎক্ষণাত সে হাত এমন ভাল হয়ে গেল। কোন হাত ভেঙ্গেছিল লোকেরা বুঝতেও পারতো না। এরপর খাবার আসলে সবাই মিলে খাবার খেল। ছেলেকে বলা হয়েছে এই বেভিজকে তোমার সাথে ঘরে নিয়ে যাও হয়তো কোন কাজে আসতে পারে।

^{১৩৬} ইমাম বুখারী, মুহাম্মদ ইবনে ইসমাঈল বুখারী (র.), (২৫৬হি.), সহীহ বুখারী শরীফ, আরবী, ইউপি, ইন্ডিয়া, খণ্ড:২য় পৃ:৮৭৫

^{১৩৭} মাওলানা মুহাম্মদ আব্দুল আজিজ, মোঘেবা'য়ে আযীয়া ও আউলিয়া কেরামের হাজার ঘটনা, বাংলা, পৃ:৬০

এই ছেলে যখন তার সম্প্রদায়ের কাছে ফিরে গেল তখন সেখানে একজন বৃদ্ধলোক ছিল যে এখনো ঈমান আনেনি। সে জিজ্ঞেস ছেলেকে জিজ্ঞেস করল, তোমার হাতের কি অবস্থা? সে পুরো ঘটনা বর্ণনা করলে সে বৃদ্ধ সাথে সাথে মুসলমান হয়ে গেল।^{১৩৮}

যেমন বলা তেমন হওয়া:

হযরত হুয়াইফা (রা.)'র সর্দি চলে যাওয়া:

হযরত আবু নঈম (র.) হযরত ইবনে ওমর (রা.) থেকে বর্ণনা করেন, আহযাবের যুদ্ধের রাতে নবী করিম ﷺ তিনবার বললেন, তোমাদের মধ্যে কে আছে যে (কাফের) সম্প্রদায়ের অবস্থা সম্পর্কে সংবাদ আনতে পারে? আল্লাহ তাকে জান্নাতে আমার সঙ্গী বানাবেন। কেউ উত্তর দিলনা। অতঃপর তিনি হযরত হুয়াইফা (রা.) কে ডাক দিলে তিনি উত্তর দিলেন। হুযুর তাকে জিজ্ঞেস করলেন, তুমি কেন একাজে সম্মত হচ্ছনা। হুয়াইফা (রা.) বলেন, সর্দির কারণে। হুযুর ﷺ বললেন, সর্দি তোমার কোন ক্ষতি করতে পারবে না, তুমি যাও।

হুয়াইফা (রা.) বলেন, আমার সর্দি চলে যেতে লাগল আর আমি গিয়ে সংবাদ নিয়ে আসলাম। হুয়াইফা (রা.) ফিরে আসার পর পূর্বের ন্যায় আবার সর্দি অনুভব করতে লাগলেন।^{১৩৯}

এক মুনাফিকের নেতার মৃত্যু

ইমাম মুসলিম (র.) হযরত জাবের (রা.) থেকে বর্ণনা করেন, নবী করিম ﷺ গযওয়ানে বনী মুস্তালিক থেকে ফেরার সময় মদীনার নিকটে আসলে এমন প্রচণ্ড বাতাস আরম্ভ হল যে, সওয়ার সওয়ারী থেকে পড়ে যাওয়ার উপক্রম হল। তখন তিনি বললেন, এই বাতাস মুনাফিকের মৃত্যুর জন্য প্রেরণ করা হয়েছে।

অতঃপর আমরা যখন মদীনা মুনাওয়ারায় পৌঁছলাম তখন দেখলাম যে, মুনাফিকদের একজন বড় নেতা মরে গিয়েছে।^{১৪০}

পানির গুণাবলী পরিবর্তন হওয়া

হযরত যুবাইর ইবনে বাক্কর (র.) মুহাম্মদ ইবনে ইব্রাহীম (রা.) থেকে বর্ণনা করেন, 'যী কারদ' যুদ্ধের সময় রাসূল ﷺ 'বীসান' নামক কূপের পাশ দিয়ে গমন করছিলেন। তিনি এই কূপ সম্পর্কে জানতে চাইলে বলা হল ইয়া রাসূলাল্লাহ ﷺ এই কূপের নাম 'বীসান' এবং এর পানি লবণাক্ত। তিনি বললেন, না, এর নাম 'নু'মান' আর এর পানি পবিত্র। নবী করিম ﷺ এই কূপের নাম পরিবর্তন করে দিলেন আর আল্লাহ তায়ালা এর

^{১৩৮}. আব্দুর রহমান জামী (র.) (৮৯৮হি.), শাওয়ালেহুদুন নবুয়ত, উর্দু, বেরলী, পৃ:২১২

^{১৩৯}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৮২

^{১৪০}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৯১

পানিকে পরিবর্তন করে দেন। পরে কূপটি হযরত তালহা (রা.) ক্রয় করে সদকা করে দেন।^{১৪১}

বায়তুল্লাহর চাবি আমার হাতে আসবে অথবা বায়তুল্লাহর চাবি হস্তগত হওয়া

হযরত ইবনে সা'দ হযরত ওসমান ইবনে তালহা (রা.) থেকে বর্ণনা করেন, তিনি বলেন রাসূল ﷺ হিজরতের পূর্বে মক্কা মুকাররমায় আমার সাথে সাক্ষাত হলে তিনি আমাকে ইসলামের দাওয়াত দেন। আমি বললাম, হে মুহাম্মদ! আপনি তো আশ্চর্য লোক। কিভাবে আশা করলেন আমি ইসলাম গ্রহণ করবো। অথচ আপনি নিজের সম্প্রদায়ের বিরোধীতা করতেছেন আর নতুন ধর্ম নিয়ে এসেছেন। আমরা জাহেলী যুগে সপ্তাহে দু'দিন সোম ও বৃহস্পতিবার বায়তুল্লাহ খুলে দিতাম।

একদিন তিনি এসে লোকদের সাথে বায়তুল্লাহ-এ প্রবেশের চেষ্টা করলে আমি তার সাথে কঠোর ব্যবহার করলাম এবং প্রবেশ করতে বাঁধা দিলাম। কিন্তু তিনি ধৈর্যের সাথে মেনে নিলেন আর আমাকে বললেন, হে ওসমান! নিশ্চয় অচিরেই তুমি দেখবে যে, বায়তুল্লাহর এই চাবি একদিন আমার হাতে। আর আমি যাকে ইচ্ছে তাকে দেবো। অতঃপর আমি বললাম, সে দিন কুরাইশ ধ্বংস ও লাঞ্ছিত হয়ে যাবে। তিনি বললে, না, বরং সেদিন কুরাইশ উপস্থিত থাকবে এবং সাম্মানিত হবে। একথা বলে তিনি বায়তুল্লাহ-এ প্রবেশ করেন। কিন্তু তাঁর কথা গুলো আমার অন্তরে স্থান করে নিল আর আমি নিশ্চিত হয়ে গেলাম যে, তিনি যেরূপ বললেচন সেরূপই হবে। আমি ইসলাম গ্রহণের ইচ্ছে পোষণ করলে আমার সম্প্রদায়ের লোকেরা আমাকে কঠোরভাবে হুমকি দিন।

অতঃপর মক্কা বিজয়ের দিন তিনি আমাকে বললেন, হে ওসমান! বায়তুল্লাহ'র চাবি নিয়ে এসো। আমি চাবি নিয়ে আসলে তিনি চাবি নিয়ে নেন। তারপর পুনরায় আমাকে দিয়ে বললেন, স্থায়ীভাবে এই চাবি নাও। অত্যচারী ব্যক্তি ছাড়া কেউ এই চাবি তোমার কাছ থেকে চিনিয়ে নিবেনা।

যখন আমি চাবি নিয়ে ফিরে যাচ্ছি তখন তিনি আমাকে ডাক দেন, আমি কাছে গেলে বলেন, সে কথা কি সত্য হয়নি যা আমি তোমাকে বলেছিলাম? তখন তিনি আমাকে হিজরতের পূর্বে মক্কায় যে কথা বলেছিলেন তা আমার স্মরণ পড়েছে। আর তা হল-

لعلك سترى هذا المفتاح يوماً بيدي أضعه حيث شئت

অর্থাৎ নিশ্চয় অচিরেই দেখবো যে, এই চাবি একদিন আমার হাতে আসবে। আমি যাকে ইচ্ছে তাকে তা দেবো। আমি বসলাম, হ্যাঁ, আমি সাক্ষ্য দিচ্ছি যে, নিশ্চয় আপনি আল্লাহর রাসূল।^{১৪২}

^{১৪১} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪১৬

^{১৪২} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৪২

ইবনে ইসহাক, হাকেম ও বায়হাকী (র.) ইবনে মসউদ (রা.) থেকে বর্ণনা করেন, তিনি বলেন, রাসূল ﷺ যখন তাবুক রওয়ানা হন তখন কয়েকজন পিছে রয়ে গেল। তারপর পিছনে পিছনে আবু যর (রা.) আসতেছেন। মুসলমানগণের মধ্য থেকে জনৈক মুসলমান দেখল এবং আরজ করল যে, ইয়া রাসূলান্নাহ! এই ব্যক্তি রাস্তা দিয়ে একাকী আসতেছে। রাসূল ﷺ বললেন, সে আবু যর হবে। সাহাবায়ে কিরাম ভাল করে দেখে বলল, খোদার শপথ, ইয়া রাসূলান্নাহ! আবু যরই আসতেছে।

তখন রাসূল ﷺ এরশাদ করেন,

يرحم الله اباذر يمشى وحده ويموت وحده ويبعث وحده

আল্লাহ তায়ালা আবু যরের উপর রহম (দয়া) করুন, সে একাকী চলে, একাকী নির্জনে ইস্তেকাল করবে এবং একাকীই জীবন-যাপন করবে, কিয়ামত দিবসে ও একাকী উঠবে।

কালের আবর্তনে তাকে বাধ্য হয়ে 'যবদাহ' নামক স্থানে হিজরত করতে হয়েছে এবং সেখানেই তিনি ইস্তেকাল করেন। তার কাছে তখন শুধু তার স্ত্রী ও গোলাম ছিল। জানাযা পড়ার মত লোক না থাকায় তার লাশ রাস্তার মাথায় রেখে দেওয়া হল। সামনের দিক থেকে একটি কাফেলা আসল যার মধ্যে হযরত ইবনে মসউদ (রা.)ও ছিলেন। তিনি জিজ্ঞেস করেন, এটা কি? বলা হল, এটা হযরত আবু যর গিফারী (রা.)'র লাশ। তখন ইবনে মসউদ (রা.) কেঁদে ফেললেন এবং বললেন, রাসূল ﷺ সত্য বলেছিলেন। এরপর তিনি সওয়ারী থেকে নেমে তাকে দাফন করেন।^{১৪০}

যেমন বলা তেমন হওয়া:

জাহান্নামী ব্যক্তি:

হযরত সাহল ইবনে সা'দ সায়েদী (রা.) থেকে বর্ণিত, তিনি বলেন, রাসূল ﷺ মুশরিকদের সাথে যুদ্ধরত এক ব্যক্তির দিকে তাকালেন। সে ব্যক্তি অন্যান্য লোকের চেয়ে ধনী ছিল। তিনি বললেন, কেউ যদি জাহান্নামী লোক দেখতে চায়, সে যেন এই লোকটিকে দেখে। একথা শুনে অবাক হয়ে এক ব্যক্তি তার পেছনে পেছনে যেতে লাগল। সে যুদ্ধ করতে করতে অবশেষে আহত হয়ে গেল। সে দ্রুত মৃত্যু কামনা করল আর নিজের তরবারীর অগ্রভাগ বুকে লাগিয়ে উপড় হয়ে সজোরে এমনভাবে চাপ দিল যে, তলোয়ারটি তার বক্ষস্থলে ভেদ করে পার্শ্বদেশ অতিক্রম করে গেল।

এরপর রাসূল ﷺ বললেন, কোন বান্দা এমন কাজ করে যায়, যে দেখে লোকেরা একে জান্নাতী লোকের কাজ মনে করো। কিন্তু বাস্তবে সে জাহান্নামবাসীদের অন্তর্ভুক্ত। আবার কোন বান্দা এমন কার করে যায়, যা মানুষের চোখে জাহান্নামীদের কাজ বলে মনে

^{১৪০}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৪৫৩

হয়, অথচ সে জান্নাতী লোকদের অন্তর্ভুক্ত। নিশ্চয় মানুষের যাবতীয় আমল তার শেষ পরিণামের উপর নির্ভরশীল।^{১৪৪}

কাফের হয়ে মৃত্যুবরণ করা

ইমাম বায়হাকী (র.) হযরত মাকসাম (র.) থেকে বর্ণনা করেন, উহুদ যুদ্ধে নবী করিম (স) এর দাঁত মোবারক যখন শহীদ হন তখন তিনি উতবা ইবনে আবি ওয়াক্কাস'র বিরুদ্ধে দোয়া করেন, اللهم لا يحل عليه الحول حتى يموت كافراً, অর্থ: হে আল্লাহ এক বছর অতিক্রম না হতেই যেন সে কাফের অবস্থায় মরে। তারপর এক বছর অতিক্রম হতে পারেনি সেই কাফের হয়ে মারা গিয়েছে।^{১৪৫}

রক্তপানে জান্নাতের সুসংবাদ প্রাপ্ত হওয়া

হযরত ইমাম বায়হাকী (র.) হযরত আমর ইবনে সায়েব (রা.) থেকে বর্ণনা করেন, উহুদ যুদ্ধের দিন যখন নবী করিম (স) আহত হলেন তখন আবু সাঈদ খুদুরী (রা.)'র পিতা হযরত মালেক (রা.) হযুর (স) এর আহত স্থানে থেকে রক্ত চূসে চূসে পরিষ্কার করেছিলেন। তাকে বলা হল তুমি মুখ থেকে রক্ত থু দিয়ে ফেলে দাও। তখন সে বলল, খোদার কসম! আমি রাসূলুল্লাহ (স) এর রক্ত মোবারক কখনো ফেলবোনা। এরপর তিনি যুদ্ধে লিপ্ত হলেন। রাসূল (স) এরশাদ করেন, কারো যদি জান্নাতী ব্যক্তি দেখতে ইচ্ছে হয় সে যেন মালেক কে দেখে। তারপর সে যুদ্ধ করতে করতে শাহাদত বরণ করেন।^{১৪৬}

কবরে লাশ গ্রহণ না করা

ইমাম বুখারী, মুসলিম, ইমাম আহমদ, বায়হাকী ও আবু নঈম (র.) হযরত আনাস (রা.) থেকে বর্ণনা করেন, জনৈক ব্যক্তি রাসূল (স) এর ওহী লিখত। সে তাঁর সামনে عليماً লিখতে আর তিনি তাকে বলতেন তুমি بصيراً লিখ। সে বলত, আপনি যেরূপ বলেছেন সে রূপই লিখতেছি। সে রাসূল (স) এর সামনে سمعاً بصيراً লিখতে পরে عليماً করে দিত। পরবর্তীতে এই ব্যক্তি মুরতাদ হয়ে মুশরিকদের সাথে মিলে গিয়েছিল আর বলেছিল, আমি মুহাম্মদের চেয়ে বড় জ্ঞানী। আমি যা চাইতাম তাই লিখে দিতাম।

লোকটি মারা গেলে রাসূল (স) এরশাদ করেন, মাটি তাকে গ্রহণ করবেনা। তাকে দাফন করা হলে মাটি তাকে গ্রহণ করেনি। হযরত আবু তালহা (রা.) বলেন, তাকে যেখানে দাফন করা হয়েছিল আমি সেখানে গিয়েছিলাম এবং দেখলাম সে কবরে মাটির বাইরে পড়ে

^{১৪৪} ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী ইউপি, ইন্ডিয়া, পৃ:৯৬১ হাদিস নং ৬০৪৯

^{১৪৫} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৬১

^{১৪৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৬১

ওমর (রা.)'র খেলাফতে ইস্তিকাল করেন এবং রমলা নামক স্থানে তাকে দাফন করা হয়।^{১৫১}

হযরত ওয়ায়েছ করণী (র.) পরিচয় প্রদান

ইমাম মুসলিম (র.) হযরত ওমর (রা.) থেকে বর্ণনা করেন, তিনি বলেন, রাসূল ﷺ আমাদেরকে বলেছেন, তোমাদের কাছে ইয়েমন থেকে একজন লোক আসবে। ইয়েমনে শুধু তার ছাড়া আর কেউ থাকবে না। তার শরীরে সাদা দাগ থাকবে। সে আল্লাহর কাছে তা দূরীভূত হওয়ার জন্য দোয়া করবে আর আল্লাহ তার দোয়ায় তা দূরীভূত করে দেবেন তবে এক দীনার পরিমাণ স্থানে সাদা দাগ থেকে যাবে। তার নাম হবে ওয়ায়েছ। যে ব্যক্তি তার সাক্ষাত পাবে সে যেন নিজের জন্য তাকে দিয়ে দোয়া করায় নেয়।^{১৫২}

বৃষ্টিতে কাপড় ভিজেনি: একজন সাহাবী বর্ণনা করেন, আমি মদীনায় এসে ইসলাম গ্রহণ করে নবী করিম ﷺ'র মজলিশে সর্বদা উপস্থিত থাকতাম। তিনি সন্ধ্যা ও এশা'র মধ্যবর্তী আমাদেরকে ইসলামের আদব ও নিয়মাবলী শিক্ষা দিতেন। এক রাতে প্রচণ্ড বজ্রপাত, প্রবলবেগে বাতাস প্রবাহিত এবং মুসলধারে বৃষ্টিপাত হচ্ছিল। উপস্থিত লোকেরা বলল, আমরা বাড়ীতে যাবো কিভাবে? তিনি বললেন, আমি তোমাদেরকে তোমাদের ঘড়ে এমন ভাবে পৌঁছিয়ে দেবো যাতে বৃষ্টি তোমাদের কষ্ট দেবেনা।

আমরা নামায শেষ করলে তিনি বললেন, উঠ, আমরা উঠে মসজিদের বাইরে আসলাম, দেখলাম, আকাশ খুবই অন্ধকার এবং প্রচণ্ড বৃষ্টিপাত হচ্ছে। তিনি আদেশ দিলেন, তোমরা সামনের দিকে অগ্রসর হও। আমরা প্রত্যেকেই আপন ঘরে পৌঁছে গেলাম কিন্তু কারো কাপড় পর্যন্ত ভিজেনি।^{১৫৩}

বাগানের ফলের পরিমাণ বলে দেওয়া

ইমাম মুসলিম (র.) আবু হুমাইদ (রা.) থেকে বর্ণনা করেন, তিনি বলেন, আমরা তাবুক অভিযানে নবী করিম ﷺ'র সাথে রওয়ানা হলাম। আমরা ওয়াদিনয়ে কুরায় এক মহিলার বাগানে পৌঁছলাম। রাসূল ﷺ বললেন, এই বাগানে কত ফল হবে তোমরা অনুমান কর। আমরা একেক জনে একেক রকম অনুমান করলাম কিন্তু রাসূল ﷺ'র অনুমানে দশ গুণক নির্ধারিত হল। তিনি মহিলাকে বললেন, ইনশাআল্লাহ, আমরা ফিরে আসা পর্যন্ত এর পরিমাণ মনে রাখবে।

তারপর সম্মুখে চললাম এবং তাবুকে পৌঁছলাম। রাসূল ﷺ বলেছেন, আজ রাতে প্রচণ্ড অন্ধকার ও প্রবল বেগে বাতাস প্রবাহিত হবে। তোমাদের কেউ তাতে দাঁড়াতে পারবে না। আর যাদের উট আছে তারা যেন উটকে শক্ত করে বেঁধে রাখে। অতঃপর তিনি যেরূপ

^{১৫১}. ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২১৮

^{১৫২}. ইমাম সুয়ুতী, জালাল উদ্দিন সুয়ুতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:২২০

^{১৫৩}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১৯৪

বলেছেন ঠিক সেরূপ হল। ঘন অন্ধকার প্রচণ্ড তুফান হল। এক ব্যক্তি দাঁড়ালে বাতাস তাকে উড়িয়ে নিয়ে 'তাই' পাহাড়ে ফেলে দিয়েছে।

অতঃপর আমরা তাবুক থেকে ফিরে আসার পথে আবার ওয়াদিয়ে কুরায় পৌঁছলে রাসূল ﷺ ঐ মহিলাকে বাগানের ফলের পরিমাণ সম্পর্কে জানতে চাইলে সে বলল, পূর্ণ দশ ওসকই হয়েছিল।^{১৫৪}

একাকী বের হতে নিষেধ করা

ইমাম বায়হাকী ও ইবনে ইসহাক (র.) হযরত সাহল ইবনে সা'দ (রা.) থেকে বর্ণনা করেন, তাবুক অভিযানে নবী করিম ﷺ যখন 'হাজার' নামক স্থানে অবস্থান করেন তখন বলেছিলেন, আজ রাতে তোমরা কেউ সঙ্গী ছাড়া একাকী বের হইও না। দু'ব্যক্তি ছাড়া সকলেই তাঁর পাক কথা আমল করেছে। দু'জন থেকে একজন প্রাকৃতিক প্রয়োজনে একা বের হয়েছে অপর ব্যক্তি উট খোঁজার জন্য বের হয়েছে।

অতঃপর সে প্রাকৃতিক প্রয়োজনে গিয়েছিল তাকে সেখানেই গলা টিপে দেওয়া হয়েছে আর যে উট খোঁজতে গিয়েছিল তাকে বাতাসে উড়ে নিয়ে 'তাই' নামক পাহাড়ে নিক্ষেপ করেছে। এ ব্যাপারে রাসূল ﷺ কে অবহিত করা হলে তিনি বলেন, আমি তোমাদেরকে সঙ্গী ছাড়া একাকী বের হতে নিষেধ করিনি? অতঃপর যাকে মলমূত্র ত্যাগের স্থানে গলা টিপে দেওয়া হয়েছিল তার জন্য দোয়া করলেন ফলে সে ভাল হয়ে গেল আর যে উট খোঁজার জন্য গিয়েছিল সে হযূর ﷺ'র কাছে ঐ সময় আসল যখন তিনি তাবুক থেকে ফিরে আসেন।^{১৫৫}

পা'দ্বয় বেকার হয়ে যাওয়া

ইমাম আবু দাউদ ও বায়হাকী (র.) গায়ওয়ান থেকে বর্ণনা করেন, সাহাবায়ে কিরাম তাবুকে অবতরণ করেন। তারা চলতে অক্ষম এক ব্যক্তিকে দেখল। তারা তার কাছে এর কারণ সম্পর্কে প্রশ্ন করলে সে বলল, রাসূল ﷺ তাবুকে একটি খেজুর বৃক্ষের পাশে অবতরণ করে সে দিক হয়ে নামাজ পড়তেছেন। আমি এবং একটি ছেলে দৌড়ে তাঁর সামনে আসলাম। আমি ঐ বৃক্ষ ও তাঁর মধ্যবর্তী স্থান দিয়ে চলে গেলাম। তখন রাসূল ﷺ বললেন, هذا قطع صلاتنا قطع الله اشركه فما قمت عليها الى يومى هذا। সে আমার নামায নষ্ট করে দিল, আল্লাহ তার নিশানও নষ্ট করে দিন। ফলে সেদিন থেকে আমি আমার পায়ে দাঁড়াতে পারি না।^{১৫৬}

^{১৫৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৫৮

^{১৫৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৫৯

^{১৫৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৬০

জ্বর হত্যাকারী

আবু নঈম (র.) হযরত ওয়াকেদী (র.) থেকে বর্ণনা করেন, আব্দুল্লাহ যুল জাদাইন (রা.) তাকে অভিযানে রাসূল ﷺ-র সাথে রওয়ানা হল। আব্দুল্লাহ রাসূল ﷺ-র কাছে আরজ করল, ইয়া রাসূলাল্লাহ! আমার জন্য শাহাদত বরণের দোয়া করুন। তিনি বললেন, হে আল্লাহ! তার রক্ত কাফেরদের জন্য হারাম করে দিন। তিনি আরো বললেন, তুমি আল্লাহর রাস্তায় বের হওয়ার সময় তোমাকে জ্বরে পেয়েছিল। সেই জ্বরই তোমাকে হত্যা করেছে, তুমি শহীদ। সাহাবায়ে কিরাম যখন তাকে অবতরণ করেন তখন কিছু দিন পর আব্দুল্লাহ ইন্তেকাল করেন।^{১৫৭}

নব্বই বছর বয়সেও দাঁত নড়েনি

ইবনে মুন্দাহ, ইবনুস সকন ও আবু নঈম (র.) বুজাইরাহ ইবনে বুজাইরা (রা.) থেকে বর্ণনা করেন, তিনি বলেন, রাসূল ﷺ খালেদ বিন ওয়ালিদ কে দুমাতুল জান্দালের খৃষ্টান বাদশা আকীদার'র বিরুদ্ধে অভিযানে পাঠালেন। সেই সৈন্যদলে আমিও ছিলাম। রাসূল ﷺ খালেদ কে বললেন, তোমরা তাকে গাভী শিকারে রত দেখবে। আমরা চাঁদনী রাতে রাসূল ﷺ যেভাবে বলেছিলেন ঠিক সেভাবেই পেলাম। আমরা তাকে ধ্রুফতার করে যখন হযর'র নিকট আনলাম তখন আমি কয়েকটি কবিতা আবৃত্তি করলাম। তন্মধ্যে একটি হল-

تبارك سائق البقرات النى + رأيت الله يهدى كل هاد

গাভীগুলোর চালক বরকত মঞ্জিত। আমি দেখছি আল্লাহ প্রত্যেক হাদী (গাভী চালক) কে পথ প্রদর্শন করেন। তখন নবী করিম ﷺ বললেন, لا يفضض الله فاك, আল্লাহ তোমার চেহারা নষ্ট করুক। অতএব বুজাইরার বয়স নব্বই বছর অতিক্রম করেছে কিন্তু একটি দাঁতও নড়েনি।^{১৫৮}

বৃক্ষের খেজুর বরকত

ইমাম বুখারী ও মুসলিম (র.) হযরত জাবের (রা.) থেকে বর্ণনা করেন, হযরত জাবের (রা.)'র পিতা ইন্তেকাল করলেন (ওহুদ যুদ্ধে)। তার উপর এক ইহুদীর ত্রিশ ওসক খেজুর বাণ রেখে যান। হযরত জাবের (রা.) ইহুদী থেকে কয়েক দিনের সুযোগ চাইলেন কিন্তু ইহুদী সুযোগ দিলনা। জাবের (রা.) রাসূল ﷺ-র কাছে আরজ করেন, আপনি একটু ইহুদীকে সুপারিশ করুন। তিনি ইহুদীকে বললেন, তোমার ঝনের বিনিময়ে গাছের খেজুরগুলো গ্রহণ কর কিন্তু সে অস্বীকার করল।

^{১৫৭} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৬১

^{১৫৮} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৬২

তখন তিনি খেজুর বৃক্ষের নিকট গিয়ে ঘুরে দেখেন এবং বললেন হে পাথর! গাছ থেকে খেজুর নামিয়ে ইহুদীর ঝণ শোধ করে দাও। এই বলে তিনি চলে গেলেন আর তিনি খেজুর নামিয়ে ত্রিশ ওসক ইহুদীকে দিলেন এবং নিজের জন্য আরো সত্তের ওসক খেজুর বেঁচে গেল। হযরত জাবের (রা.) এই ঘটনা হযরত ওমর (রা.) কে বর্ণনা করেছিলেন তখনই আমি বুঝে নিলাম যে, আল্লাহ তায়ালা ঐ খেজুরে বরকত দান করবেন। ইমাম বায়হাকী (র.) বলেন- সম্মিলিত পাওনাদারকে দেওয়ার পর এই ইহুদী পরে এসেছিল আর গাছে অবশিষ্ট থেকে পাওয়া খেজুর রাসূল ﷺ ইহুদীকে দিতে বলেছিলেন।^{১৫৯}

হযরত ওমর (রা.)'র খাবারে বরকত

হযরত দাকীর ইবনে সাঈদ (রা.) বর্ণনা করেন, তিনি বলেন, আমরা চারশ ব্যক্তি রাসূল ﷺ'র নিকট খাবারের জন্য আসছি। তিনি হযরত ওমর (রা.) কে বললেন, হে ওমর! তুমি তাদেরকে খাবার খাওয়াও এবং অতিরিক্ত কিছু দাও। তিনি আরজ করলেন, ইয়া রাসূল্লাহ! আমার কাছে তো মাত্র কয়েক সের খেজুর আছে যা আমার পরিবারের জন্য রেখেছি। হযরত আবু বকর সিদ্দিক (রা.) বললেন, হে ওমর! তুমি রাসূল ﷺ'র হুকুম শুন, আর বাস্তবায়ন কর। হযরত ওমর (রা.) বললেন, হযুরের আদেশ তো শিরোধার্য- এই বলে তিনি ঘরে গিয়ে চাবি নিয়ে দরজা খুলে সাবাইকে বললেন, তোমরা প্রবেশ কর। এতে সবাই ঘরে প্রবেশ করল আর আমি ছিলাম সবার পেছনে। হযরত ওমর (রা.) বললেন-

خذوا فاخذ كل رجل منهم ما احب ثم التفت اليه واني اخر القوم وكأنا لم نرأى ثمرة

তোমরা নাও, সুতরাং প্রত্যেকেই চাহিদা মোতাবেক খেল এবং নিয়ে নিল। আমি খাবারের দিকে তাকালাম, দেখলাম দস্তুরখানায় একটি খেজুরও কমেনি অথচ আমি ছিলাম সর্বশেষ খাবার গ্রহণকারী।^{১৬০}

হযরত আবু হোরাইরা (রা.) থেকে বর্ণিত, তিনি বলেন, আমি রাসূল্লাহ ﷺ কে বলতে শুনেছি যে, আমার উম্মত থেকে কিছুলোক দল বেঁধে বেহেশতে প্রবেশ করবে। আর তারা হবে সংখ্যায় সত্তর হাজার, তাদের চেহারাগুলো পূর্ণিমার চাঁদের আলোর ন্যায় উজ্জ্বল থাকবে। হযরত আবু হোরাইরা (রা.) বলেন, এতদশ্রবণে উক্বাশ ইবনে মিহসান আসাদী তাঁর গায়ের চাদর উঠাতে উঠাতে দাঁড়ালেন এবং বললেন, ইয়া রাসূল্লাহ আমার জন্য দোয়া করুন, আল্লাহ তায়ালা যেন আমাকে তাঁদের অন্তর্ভুক্ত করেন। রাসূল্লাহ ﷺ দোয়া করলেন, হে আল্লাহ! আপনি একে তাদের অন্তর্ভুক্ত করুন। এরপর আনসার সম্প্রদায়ের এক লোক দাঁড়িয়ে বলল, ইয়া রাসূল্লাহ! আল্লাহর নিকট দোয়া করুন, তিনি যেন আমাকে

^{১৫৯} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:২য় পৃ:৮৭)

^{১৬০} আবু নঈম ইস্পাহানী (র.) (১৩৫০হি.), দালায়েলুন নবুয়ত, উদু, দিল্লী, পৃ:৩৮২)

ও তাদের অন্তর্ভুক্ত করেন। নবী করিম ﷺ বললেন, উক্লাশা তো উক্ত দোয়ার ব্যাপারে তোমার চেয়ে অগ্রগামী হয়ে গিয়েছে।^{১৬১}

জান্নাতী পানি পান

ইবনে আসাকের (র.) ইবনে আব্বাস (রা.) থেকে বর্ণনা করেন, তিনি বলেন, হযরত আবু বকর (রা.) রাসূল ﷺ'র সাথে সত্তর গুহায় ছিলেন। হযরত আবু বকর (রা.)'র পানির পিপাসা লাগলে রাসূল ﷺ তাকে বললেন, اغار فاشرب অর্থ: গুহার সম্মুখ দিয়ে যাও আর পানি পান কর। আবু বকর (রা.) গুহার সম্মুখ দিকে গিয়ে তা থেকে পানি পান করেন। ঐ পানি মধুর চেয়ে মিষ্টি, দুধের চেয়ে শুভ্র ও মেশকের চেয়ে অধিক সুগন্ধি ছিল। এরপর আবু বকর (রা.) চলে আসেন। তখন রাসূল ﷺ এরশাদ করেন-

ان الله امر الملك الموكل بانهار الجنة ان خرق نهرًا من جنة الفردوس الى صدر الغار لتشرب

অর্থাৎ আল্লাহ তায়ালা জান্নাতের নহরের দায়িত্ববান ফেরেস্তাকে আদেশ দেন যেন জান্নাতুল ফেরদৌসের নহর কে গুহার সম্মুখ ভাগে প্রবাহিত করে দেন যাতে তুমি পানি পান করতে পার।^{১৬২}

মদীনার জ্বরে মৃত্যুবরণ করা

ইমাম বাইহাকী (র.) ইবনে ইসহাক থেকে বর্ণনা করেন, তিনি বলেন, বনু তাই গোত্রের প্রতিনিধি দল আসল। তাদের মধ্যে যয়েদ আল খায়েল নামক এক ব্যক্তি ছিল। তারা মুসলমান হল আর রাসূল ﷺ যয়েদ আল খায়েল এর নাম রাখলেন যয়েদ আল খায়ের। সে যখন স্বীয় কণ্ঠে ফিরে গেল তখন নবী করিম ﷺ বললেন- لم ينحو زيد من حمى المدينة যয়েদ মদীনার জ্বর থেকে বাঁচতে পারবে না। অতঃপর সে যখন নজদে পৌঁছেল তখন জ্বরে আক্রান্ত হল এবং সেখানে সে মৃত্যুবরণ করল।^{১৬৩}

সুস্থ হয়ে সৎলোক হয়ে শহীদ হওয়া

ইমাম বায়হাকী (র.) হযরত মুহাম্মদ বিন সীরীন (র.) থেকে বর্ণনা করেন, জনৈক মহিলা তার এক রুগ্ন ছেলেকে নিয়ে নবী করিম ﷺ'র দরবারে এসে বলল, এটি আমার ছেলে। তার এমন এমন রোগ-ব্যধি হয়েছে যার ফলে সে এখন এমন পর্যায়ে পৌঁছেছে যা আপনি দেখতেছেন। সুতরাং আপনি তার মৃত্যুর জন্য আল্লাহর কাছে দোয়া করুন। তিনি বললেন, আমি তার শেফা ও সুস্থতার জন্য আল্লাহর কাছে দোয়া করতেছি সে যেন ভাল

^{১৬১} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, উত্তিরা, খন্ড:২য় পৃ:৯৬৮, হাদিস নং ৬০৯৯

^{১৬২} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩০৭

^{১৬৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৪

হয়ে বড় হয়ে সৎ লোক হয়ে আল্লাহর রাস্তায় জিহাদ করে শাহাদত বরণ করে জান্নাতে প্রবেশ করতে পারে।^{১৬৪}

প্রচণ্ড শীতকালীন ভোরেও পাখা ব্যবহার

ইবনে আদী, বায়হাকী ও আবু নঈম (র.) হযরত বেলাল (রা.) থেকে বর্ণনা করেন, তিনি বলেন, আমি একদা শীতকালীন সকালে আযান দিলে করিম ﷺ ঘর থেকে বের হয়ে আসেন কিন্তু মসজিদে তখনো কেউ আসেনি। তিনি জিজ্ঞেস করলেন, বেলাল, লোকেরা কোথায়? আমি বললাম, প্রচণ্ড ঠাণ্ডার কারণে আসেনি। তখন তিনি দোয়া করলেন- اللهم البرد اذهب عنهم البرد হে আল্লাহ! ওদের থেকে শীত দূরীভূত করে দিন। হযরত বেলাল (রা.) বলেন, আমি তাদেরকে সকালে ভোর বেলায়ও পাখা ব্যবহার করতে দেখেছি।^{১৬৫}

হযরত সফীনা (রা.)'র নামকরণ

ইমাম আহমদ, ইবনে সা'দ, বায়হাকী ও আবু নঈম (র.) হযরত সফীনা (রা.) থেকে বর্ণনা করেন, একদা তাকে কেউ জিজ্ঞাসা করল যে, তোমার নাম কি? তিনি উত্তর দেন যে, রাসূলুল্লাহ ﷺ আমার নাম রাখেন সফীনা। জিজ্ঞেস করা হল এই নাম কেন রাখা হল। উত্তরে তিনি বলেন, একদা রাসূল ﷺ স্বীয় সাহাবীদের নিয়ে কোথাও তাশরীফ নিলেন। সাহাবাদের জিনিসপত্র ভারী হয়েছিল। তখন রাসূল ﷺ একটি চাদর বিছালেন এবং সকলেই তাদের মালপত্র তাতে রেখে আমার উপর তুলে দিলেন, আর রাসূল ﷺ বললেন- احمل فانما انت سفينة অর্থাৎ তুমি উঠাও, কেননা তুমি হলে সফীনা তথা নৌকা। সেদিন থেকে আমি সাতটি উঠের বোঝা বহন করলেও আমার ভারী হতো না।^{১৬৬}

হযরত আলী (রা.) বর্ণনা করেন, নবী করিম ﷺ আমাকে বললেন, আমার উটনীতে আরোহণ কর আর ইয়েমেনে যাও। যখন অমুক পাহাড় দিয়ে গমন করবে তখন লোকেরা তোমায় এস্তেকবালিয়া তথা তোমাকে স্বাগতম জানানোর উদ্দেশ্যে আসবে। সেখানে দাঁড়িয়ে বলবে, يا شجر رسول الله يقرءكم سلام، يا حجر يا مرر، হে পাথর, হে মাটির টিলা, হে বৃক্ষ রাসূলুল্লাহ তোমাদের সালাম দিয়েছেন। হযরত আলী (রা.) বলেন, যখন আমি ঐ পাহাড়ে পৌঁছি তখন দেখি লোকেরা আমার দিকে আসতে লাগল আর বলতে লাগল يا حجر يا مرر يا السلام মাটি থেকেও উচ্চস্বরে এরূপ শব্দ আসতে লাগল। এখানকার লোকেরা এই শব্দ শুনে সকলে মুসলমান হয়ে গেল।^{১৬৭}

^{১৬৪} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১১৭

^{১৬৫} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১২১

^{১৬৬} ইমাম সুয়ূতী, জালাল উদ্দিন সুয়ূতী (র.) (১১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১২১

^{১৬৭} আব্দুর রহমান জামী (র.) (৮৯৮হি.), শাওয়্যাহেদুন নবুয়ত, উর্দু, বেরেলী, পৃ:২০২

যেমন চাওয়া তেমন হওয়া:

ক্বিবলা পরিবর্তন:

ইবনে সা'দ (র.) হযরত ইবনে আব্বাস (রা.) থেকে বর্ণনা করেন, নবী করিম ﷺ মদীনায় হিজরত করে ষোল মাস পর্যন্ত বায়তুল মোকাদ্দেসের দিকে ফিরে নামায আদায় করেন। কিন্তু তাঁর আশা ছিল যে, বায়তুল্লাহকেই ক্বিবলা বানানো হোক। তিনি হযরত জিব্রাঈল (আ.) কে বললেন, আমার আকাঙ্ক্ষা যে, আল্লাহ যেন আমার ক্বিবলা ইহুদীদের ক্বিবলা থেকে ফিরিয়ে দেন। জিব্রাঈল (আ.) বললেন, আমিতো একজন বান্দাহ মাত্র। আপনিই আপনার প্রভুর কাছে প্রার্থনা করুন।

অতঃপর রাসূল ﷺ যখনই বায়তুল মোকাদ্দেসের দিকে ফিরে নামায আদায় করতেন তখন স্বীয় মাথা মোবারক আসমানের দিকে উঠাতেন।^{১৬৮} তারপর:

قد نرى تقلب وجهك في السماء فلنولينك قبلة ترضها

অর্থ: নিশ্চয়ই আমি আপনাকে বার বার আকাশের দিকে তাকাতে দেখি। অতএব, অবশ্যই আমি আপনাকে সে কেবলার দিকেই ঘুরিয়ে দেবো যাকে আপনি পছন্দ করেন। (সূরা বাকারা, আয়াত নং ১৪৫)

যতবার চাইতাম ততবার দিতে থাকতে

হযরত উসামা ইবনে যায়েদ (রা.) থেকে বর্ণিত, তিনি বলেন, আমরা বিদায় হজ্বের সময় হজ্বের উদ্দেশ্যে নবী করিম ﷺ র সাথে রওয়ানা হয়ে 'বতনে রুহা' নামক স্থানে পৌঁছলাম। তিনি দেখলেন যে, একজন মহিলা তাঁর দিকে আসতেছে। তিনি স্বীয় সওয়ালী থামালেন। মহিলা এসে বলল, ইয়া রাসূলাল্লাহ! এটা আমার সন্তান। সে জন্মলগ্ন থেকে অসুস্থ। তিনি ছেলেটি নিয়ে স্বীয় সওয়ালীতে বক্ষ মোবারকের সামনে বসিয়ে তার মুখে স্বীয় লালা মোবারক লাগিয়ে দিয়ে বললেন, اخرج يا عدو الله فاني رسول الله, হে আল্লাহর দুশমন। কেননা, আমি হলাম আল্লাহর রাসূল। এই বলে তিনি ছেলে মহিলাকে দিয়ে বললেন- চলে যাও আর কোন আশঙ্কা নেই।

হযরত উসামা (রা.) বলেন, রাসূল ﷺ হজ্ব সমাপন করে ফিরে আসার সময় 'বতনে রুহা' তে পৌঁছলে মহিলা পুণরায় একটি ভূনা বকরী নিয়ে আসল। তিনি আমাকে বললেন, আমাকে বকরীর সামনের পা দাও, আমি দিলাম। তিনি পুনরায় বলেন, আরেকটি দাও, আমি দিলাম। তিনি আবার বললেন, এর সামনের পা দাও। আমি আরজ করলাম, ইয়া রাসূলাল্লাহ! বকরীর তো দু'টি পা থাকে। আমি উভয় পা আপনাকে দিয়ে দিয়েছি। তখন তিনি বললেন, ما زالت تتولينني ذراعاً، যদি তুমি চূপ থাকতে তবে যতবার আমি চাইতাম ততবার তুমি দিতে থাকতে।

^{১৬৮} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩২২

এরপর তিনি আমাকে বললেন, দেখ, আশে-পাশে কোন বৃক্ষ বা পাথর দেখ কিনা? আমি আরজ করলাম, পরস্পর কাছাকাছি কয়েকটি খেজুর গাছ আর পাথরের টুকরা দেখতেছি। তিনি বললেন, তুমি বৃক্ষের কাছে গিয়ে বল। রাসূলুল্লাহ ﷺ আদেশ দিচ্ছেন যে, তাঁর প্রকৃতিক প্রয়োজন পূরণের জন্য তোমরা কাছাকাছি এসে একত্রিত হয়ে যাও। আর পাথরকেও অনুরূপ বল।

উসামা (রা.) বলেন, আমি ওগুলোর নিকটে গিয়ে অনুরূপ বললাম। খোদার শপথ, যিনি তাকে সত্য সহকারে প্রেরণ করেছেন, বৃক্ষ মাটি ছিঁড়ে চলতে লাগল এবং পরস্পর একস্থানে একত্রিত হয়ে গেল। আর দেখলাম পাথর নড়াচড়া করতে করতে ঐ বৃক্ষসমূহের পিছে এমনভাবে জমাট বেঁধে গেল যেন এগুলো গেঁথে দেওয়া হয়েছে। তিনি প্রয়োজন শেষ করে ফিরে এসে আমাকে বললেন, তুমি এগুলোকে বল, যেন তারা আপন জায়গায় চলে যায়। আমি গিয়ে বললাম,

ان رسول الله صلى الله عليه وسلم يأمركن ان ترجعن الى مواضعكن

অর্থ: রাসূল ﷺ তোমাদেরকে আদেশ দিচ্ছেন যে, তোমরা তোমাদের স্থানে চলে যাও। (অনুরূপ ঘটনা হযরত জাবের (রা.) থেকেও বর্ণিত আছে, লেখক)^{১৬৯}

প্রথম খণ্ড সমাপ্ত

বৃক্ষের আনুগত্য

ইমাম মুসলিম, বায়হাকী, আবু নঈম ρ হযরত জাবের ইবনে আব্দুল্লাহ (রা.) থেকে বর্ণনা করেন যে, আমরা রাসূল ﷺ 'র সাথে 'গযওয়াযে যাতির রিকা'র উদ্দেশ্যে রওয়ানা হলাম এবং একটি প্রশস্ত উপত্যকায় পৌঁছলাম। নবী করিম ﷺ প্রাকৃতিক প্রয়োজনে যান। আমি পানির পাত্র নিয়ে তাঁর পেছনে পেছনে গেলাম। তিনি কোন আড়াল পেলেন না। তবে উপত্যকার পাশে দু'টি বৃক্ষ দেখেন। তিনি একটি বৃক্ষের নিকটে গিয়ে বৃক্ষের ঢাল ধরে বললেন, انقيادى باذن الله فانقادت معه كالعير المخشوس،

অর্থ: আল্লাহর হুকুমে আমার আনুগত্য হয়ে যায়, সাথে সাথে বৃক্ষ নাকে রশি বাঁধা উটের ন্যায় পিছে পিছে চলতে লাগল। এরপর তিনি অপর বৃক্ষের নিকটে গিয়ে বৃক্ষের একটি শাখা ধরে বললেন, খোদার হুকুমে আমার আনুগত্য হও। ঐ বৃক্ষটিও তাঁর পিছু নিতে লাগল। এভাবে উভয় বৃক্ষকে একস্থানে এনে বললেন, আল্লাহর হুকুমে একত্রে মিলে যাও। তখন উভয় বৃক্ষ একসাথে মিলে গেল।

হযরত জাবের (রা.) বলেন, আমি বসে গেলাম আর মনে মনে চিন্তা করতে লাগলাম। হঠাৎ যখন আমার দৃষ্টি পড়ল দেখলাম রাসূল ﷺ তাশরীক আনতেছেন আর বৃক্ষ দু'টি পৃথক হয়ে আপন স্থানে গিয়ে দাঁড়িয়ে গেল। আমি দেখলাম যে, তিনি কিছুক্ষণ দাঁড়িয়ে থেকে স্বীয় মাথা মোবারক ডানে ও বামে ইশারা করলেন তারপর সামনের দিকে আসলেন। আমার সামনে এসে বললেন, হে জাবের! আমি যেখানে কিছুক্ষণ দাঁড়িয়েছিলাম তা তুমি দেখেছ? আমি বললাম, হ্যাঁ, তিনি বললেন, তুমি ঐ বৃক্ষ দু'টির নিকট গিয়ে প্রত্যেক থেকে একটি করে শাখা কেটে নিয়ে যেখানে আমি দাঁড়িয়েছিলাম সেখানে একটি তোমার ডান দিকে আপরটি বাম দিকে রাখবে।

হযরত জাবের (রা.) বলেন, আমি একটি পাথরকে ধরাল করে তা দিয়ে ঐ বৃক্ষ দু'টি থেকে দু'টি শাখা কেটে নিয়ে ঐ স্থানে গিয়ে একটি ডানদিকে একটি বাম দিকে ফেলে রেখে তার কাছে চলে আসলাম। তারপর জিজ্ঞেস করলাম, হে আল্লাহর রাসূল! আপনি যা বলেছেন তা করেছি কিন্তু এর কারণটি কি? তিনি বললেন, আমি এমন দু'টি কবরের পাশ দিয়ে যাচ্ছিলাম যে কবরদ্বয়ের মূর্দার উপর আঘাব হচ্ছে। আমি চাইলাম যে, আমার শাফায়তের দ্বারা তাদের কবর আঘাবে-হ্রাস হোক যেই পর্যন্ত শাখা দু'টি তাজা থাকবে।

তারপর আমরা সৈন্যদলে পৌঁছলে তিনি আমাকে বললেন, জাবের! সকলকে অজু করার ঘোষণা কর। আমি সকলকে অজু করার ঘোষণা করলাম। আমি বললাম ইয়া রাসূলাল্লাহ! কাফেলায় বিন্দুমাত্র পানিও নেই। জমৈক আনসারী ব্যক্তি ছিল যিনি রাসূল সাল্লাল্লাহু তায়ালা আলাইহি ওয়াসাল্লাম'র জন্য মশকে পানি ঠাণ্ডা করে রাখত। তিনি বলেন, ঐ আনসারীর কাছে গিয়ে দেখ মশকে সামান্য পানি আছে কিনা। আমি গিয়ে দেখলাম মশকের দুখে মাত্র ফোঁটা পানি আছে। যদি আমি মশককে কাত করি তবে মশকের শুকনো

অংশ ভিজে শেষ হয়ে যাবে। আমি হুজুরের খেদমতে এসে তাঁকে অবহিত করলাম। তিনি বললেন, ঐ মশক নিয়ে এসো। আমি মশক নিয়ে আসলাম। তিনি হাত মোবারক দিয়ে মশককে কয়েকটি চাপ দিয়ে আমাকে দিয়ে বললেন, জাবের, ঘোষণা কর যেন কাফেলার সবচেয়ে বড় পানির পাত্র নিয়ে আসা হয়। আমি উচ্চস্বরে বললে বড় পানির পাত্র নিয়ে আসা হয়। আমি উচ্চস্বরে বললে বড় পাত্র আনা হল। লোকেরা বহণ করে আনল। আমি উহা রাসূল ﷺ সামনে রাখলাম। হুযুর ﷺ উহাতে স্বীয় হাত মোবারক বুলিয়ে হাতের আঙ্গুল সমূহ প্রশস্ত করে স্বীয় হাত মোবারক পাত্রের মুখে রাখলেন আর এরশাদ করলেন, হে জাবের! এই মশক নিয়ে বিসমিল্লাহ বলে আমার হাতের উপর ঢাল। আমি বিসমিল্লাহ বলে ঐ পানি তার হাত মোবারককে ঢেলে দিলাম। অতঃপর দেখলাম তাঁর আঙ্গুল মোবারকের মাঝখান থেকে পানির ঝর্ণা প্রবাহিত হতে লাগল। এমনকি পানির বেগে পাত্র ঘুরে গেল এবং পানি পূর্ণ হয়ে গেল।



তারপর বললেন, হে জাবের! ঘোষণা কর- যার পানির প্রয়োজন সে যেন এসে পানি নিয়ে যায়। তখন সাহাবীগণ এসে পানি নিয়ে যান এবং সবাই পরিতৃপ্ত হলেন। এরপর তিনি স্বীয় হাত মোবারক পাত্র থেকে তুলে নিলে পাত্র পানিতে পূর্ণ ছিল।

সাহাবায়ে কিরাম তাঁর কাছে ক্ষুধার অভিযোগ করলে তিনি বলেন, অচিরেই আল্লাহ তোমাদের খাবারের ব্যবস্থা করবেন। অতঃপর আমরা একটি নদীর তীরে আসলে নদী একটি মাছ আমাদের উদ্দেশ্যে তীরে নিক্ষেপ করল। আমরা নদীর তীরে আগুন জ্বালিয়ে মাছ রান্না ও ভূনা করে খেয়েছি। হযরত জাবের (রা.) এটা কত বড় মাছ ছিল তার বর্ণনা দিতে গিয়ে বলেন, আমি এবং অমুক অমুক মোট পাঁচ জন ব্যক্তি ঐ মাছের চোখের খোসায় ঢুকে গেলাম আমাদের কাউকে দেখা যাচ্ছিলনা তারপর আমরা বেরিয়ে আসলাম। তারপর আমরা ঐ মাছের পাশের একটি হাড়ি নিয়ে ধনুকের ন্যায় বাঁকা করে রেখেছি আর কাফেলার সবচেয়ে লম্বা ব্যক্তি সবচেয়ে বড় উট্টু উটের উপর আরোহন করেছিল তাকে ডাকা হল। সে ঐ উট্টু ঘোড়ায় সওয়ার হয়ে ঐ মাছের হাড়িডর নীচ দিয়ে মাথা ঝুকানো ব্যতীত অনায়েসে চলে গেলে।^{১৭০}


বৃক্ষের শাহাদাত বা সাক্ষ্য

ইমাম আবু নঈম (র.) থেকে বর্ণনা করেন, জনৈক গ্রাম্য ব্যক্তি নবী করিম সাল্লাল্লাহু তায়াল্লা আলাইহি ওয়াসাল্লাম'র দরবারে এসে বলল, ইয়া রাসূলান্নাহ! আমি আপনার দরবারে মুসলমান হয়ে এসেছি। আমি সাক্ষ্য দিচ্ছি যে, আল্লাহ ছাড়া কোন মা'বুদ নাই, আর আপনি আল্লাহর বান্দা ও তাঁর রাসূল। আমার মনে চচ্ছে যে, আপনি ঐ সুজলা-সুফলা বৃক্ষটিকে আহ্বান করুন যেন আপনার কাছে এসে যায়। তিনি বৃক্ষকে ডাক দিলে বৃক্ষ প্রথমে ডানে ঝুঁকে পড়ে ফলে ডান দিকের শিকড় মাটি থেকে পৃথক হয়ে গেল। দ্বিতীয়বার বাম দিকে ঝুঁকে পড়ে পলে বাম দিকের শিকড় মাটি থেকে উঠে যায়। তারপর বৃক্ষটি সোজা


^{১৭০} ইমাম সুহুতী, জালাল উদ্দিন সুহুতী (র:) (৯১১হি.), আল খাসায়েসুল কুবরা, আরবী, বৈরুত, খন্ড ১ম, পৃ:৩৭১

হয়ে দাঁড়িয়ে নবী করিম সাল্লাল্লাহু তায়ালা আলাইহি ওয়াসাল্লাম'র নিকট এসে গেল। নবী করিম  বললেন, *بما تشهدين يا شجرة* হে বৃক্ষ! তুমি কি সাক্ষ্য দিবে? তখন বৃক্ষ বলল- *اشهد ان لا اله الا الله وانك رسول الله* আমি সাক্ষ্য দিচ্ছি যে, আল্লাহ ছাড়া কোন মা'বুদ নাই, আর আপনি আল্লাহর রাসূল। রাসূল  বললেন, তুমি সত্য বলেছ। গ্রাম্য লোকটি বলল, ইয়ারাসূলাল্লাহ! আপনি বৃক্ষটিকে তার স্থানে চলে যেতে বলুন। তিনি বললেন, তুমি তোমার স্থানে চলে যাও এবং যেরকম ছিলে সেরকম হয়ে যাও। সাথে সাথে বৃক্ষ চলে গেল এবং শিকড়ের উপর শক্ত হয়ে গেল। তখন গ্রাম্য লোকটি বলল, আমি আমার পরিবারে যাচ্ছি, তাদের এই অলৌকিক মু'জিযা শুনিয়ে তাদেরকে মুসলমান বানিয়ে নিয়ে আসতেছে।^{১৯১}

খেজুর কাণ্ডের কান্না

হযরত জাবির ইবনে আব্দুল্লাহ (রা.) হতে বর্ণিত, নবী করিম সাল্লাল্লাহু তায়ালা আলাইহি ওয়াসাল্লাম একটি বৃক্ষের উপর কিংবা খেজুর বৃক্ষের কাণ্ডের উপর হেলান দিয়ে মসজিদে নববীতে শূক্রবারে জুমা'র খুতবা প্রদানের জন্য দাঁড়াতে। তখন একজন আনসারী মহিলা অথবা একজন পুরুষ বলল, ইয়া রাসূলাল্লাহ! আপনার জন্য একটি মিম্বর তৈরী করে দেবো কি? রাসূল  বললেন, তোমাদের ইচ্ছে হলে দিতে পার। অতঃপর তারা একটি কাঠের মিম্বর তৈরী করে দিলেন।

যখন শূক্রবার এল রাসূল সাল্লাল্লাহু তায়ালা আলাইহি ওয়াসাল্লাম মিম্বরে আসন গ্রহণ করলেন খুতবা দেওয়ার জন্য। তখন শিশুর ন্যায় চিৎকার করে কাঁদতে লাগল। রাসূল সাল্লাল্লাহু তায়ালা আলাইহি ওয়াসাল্লাম মিম্বর থেকে নেমে এসে উহাকে জড়িয়ে ধরলেন। কিন্তু কাণ্ডটি আবেগ আপ্ত কঠে শিশুর মত আরো ফুঁফিয়ে ফুঁফিয়ে কাঁদতে লাগল। রাবী বলেন, কাণ্ডটি এজন্য কাঁদছিল যেহেতু সে খুতবা কালে অনেক যিকর শুনতে পেত।^{১৯২}

ইমাম দারেমী (র.) হযরত বারিদাহ (রা.) থেকে বর্ণনা করেন, রাসূল সাল্লাল্লাহু তায়ালা আলাইহি ওয়াসাল্লাম মিম্বর থেকে নেমে এসে ঐ কাণ্ডের উপর হাত রেখে শান্তনা স্বরূপ বললেন, হে কাণ্ড! যদি তুমি চাও তবে তোমাকে ঐ স্থানে বপন করে দেবো যেখানে তুমি ছিলে। আর যদি ভাল মনে কর তবে তোমাকে জান্নাতে বপন করে দেবো যাতে তুমি জান্নাতের নদী-নালা থেকে তরুতাজা হবে এবং উন্নত মানের ফল দেবে যা জান্নাতবাসী আল্লাহর প্রিয়জনরা খাবে। তখন রাসূল  শুনছেন যে, সে বলল, আমি পছন্দ করেছি। নবী সাল্লাল্লাহু তায়ালা আলাইহি ওয়াসাল্লাম জিজ্ঞেস করেন, কি পছন্দ করেছ? উত্তরে বলল, আমি জান্নাতী বৃক্ষ হতে চাই। এ জাতীয় রেওয়াজে তাবরানী এবং ইবনে আবি শাইবা, দারেমী ও আবু নঈম হযরত আবু সাঈদ খুদুরী (রা.) থেকে রেওয়াজে করেন।^{১৯৩}

^{১৯১} ইমাম সুযুতী, জালাজ উদ্দিন সুযুতী (র.) (৯১১ হি.), আল খাসায়েসুল কুবরা, আরবী, বৈকুত, খন্ড ২য় পৃ:৫৯

^{১৯২} ইমাম বুখারী, মুহাম্মদ ইবনে ইসমাঈল (র.) (২৫৬ হি.), সহীহ বুখারী শরীফ, আরবী, ইউপি, ইতিহাস, পৃ: ৫০৬, হাদিস নং ৩৩৩১

^{১৯৩} ইউসুফ নাবহানী (র.) (১৩৫০ হি.) হুজ্জাতুল্লাহি আলিলা আলামীন, উর্দু, গুজরাট, পৃ: ৭১৫

ইমাম তাজ উদ্দিন সুবকী (র.) বলেন, খেজুর বৃক্ষের কাণ্ড রাসূল সাল্লাল্লাহু তায়ালা আলাইহি ওয়াসাল্লাম'র বিরহে ক্রন্দন করার হাদিস মুতাওয়াতি'র পর্যায়ে পৌঁছেছে। প্রায় বিশজন সাহাবী ঐ ঘটনা বর্ণনা করেন। আর এ ঘটনার অধিকাংশ সনদ বিশ্বুদ্ধ। সুতরাং তা অকাট্য ও সন্দেহাতীত।^{১৯৪}

আল্লামা জামী (র.) শাওয়াহেদুন নবুয়ত গ্রন্থে এই ঘটনা বর্ণনা করার পর একটি কবিতা উল্লেখ করেন-

أستن حنانه درمجر رسول ☆ نالدى زديجوارباب غمولى

রাসূল সাল্লাল্লাহু তায়ালা আলাইহি ওয়াসাল্লাম এর বিরহে উন্তুনে হান্নানাহ (জড়পদার্থ হয়েও) জ্ঞানীদের ন্যায় কান্না করেছিল।^{১৯৫}

ইবনে আবি শায়বা, আবু ইয়লা, দারেমী ও বায়হাকী হযরত আ'মশ, আবু সুফিয়ান ও আনাস (রা.) থেকে বর্ণনা করেন যে, হযরত জিব্রাঈল (আ.) নবী করিম সাল্লাল্লাহু তায়ালা আলাইহি ওয়াসাল্লাম'র নিকট আসলেন তখন তিনি মক্কার বাইরে ছিলেন। মক্কা বাসীরা তাঁকে রক্তাক্ত করে দেয়। জিব্রাঈল (আ.) জিজ্ঞেস করলেন কি হয়েছে আপনার? তিনি বললেন, তারা আমাকে রক্তাক্ত করে দিল আর আমার বিরুদ্ধে একরূপ-সেরূপ বলতেছেন।

জিব্রাঈল (আ.) বললেন, আপনি যে, সত্য নবী এ ব্যাপারে কোন নিদর্শন দেখতে চান? তিনি উত্তর দিলেন, হ্যাঁ, জিব্রাঈল (আ.) বললেন, ঐ বৃক্ষকে আহ্বান করুন। তিনি ওটাকে আহ্বান করা মাত্র তা মাটি ছিড়ে এসে তাঁর সামনে দণ্ডায়মান। জিব্রাঈল (আ.) বললেন ওটাকে পুনরায় চলে যেতে বলেন। তিনি বৃক্ষকে বললেন, তুমি আপন স্থানে চলে যাও। সাথে সাথে বৃক্ষ আপন জায়গায় চলে গেল। তখন রাসূল সাল্লাল্লাহু তায়ালা আলাইহি ওয়াসাল্লাম বললেন, এতটুকুই আমার জন্য যথেষ্ট।^{১৯৬}

মাটি থেকে পানি প্রবাহিত করা

ইবনে সা'দ হযরত আমর ইবনে সাঈদ (রা.) থেকে বর্ণনা করেন, হযরত আবু তালেব বলেন, একদা আমি আমার ভাতিজা তথা নবী করিম সাল্লাল্লাহু তায়ালা আলাইহি ওয়াসাল্লাম'র সাথে 'যুল মাজাস' নামক স্থানে ছিলাম। আমার প্রচণ্ড পানির পিপাসা হল। আমি তাঁর কাছে এ ব্যাপারে অভিযোগ পেশ করলাম। আমি বললাম, হে ভাতিজা! আমি পিপাসার্ত। তবে আমার করুণ অবস্থা তাঁকে বলিনি। কারণ আমি দেখতেছি যে, আফসোস করা ছাড়া তাঁর কাছে আর কিছু নেই।

তারপর তিনি সওয়ামী থেকে নামলেন এবং বললেন, হে চাচা! আপনি কি পিপাসার্ত? আমি বললাম হ্যাঁ। তখন তিনি নিজের পেছনের দিকে মাটির দিকে একটু ঝুঁকে তাকালেন।

^{১৯৪}. প্রাগুক্ত, পৃ: ৭১৪

^{১৯৫}. আল্লামা জামী (র.) (৮৯৮ হি.) শাওয়াহেদুন নবুয়ত, উর্দু, বেরেলী, পৃ: ১৬১

^{১৯৬}. সুয়ূতী, জালাল উদ্দিন সুয়ূতী (র.) (৯১১ হি.), আল খাসায়েসুল কুবরা, আরবী, বৈরুত, খন্ড: ১ পৃ: ২০২

হঠাৎ আমি সেখানে পানি দেখলাম। তিনি বললেন, চাচা! পানি পান করুন। আবু তালেব বলেন, আমি পানি পান করলাম।^{১৭৭}

বৃক্ষ ভাগ হয়ে চলে আসা

আরবের বিখ্যাত শক্তিদর পলোয়ান রুকানাকে নবী করিম সাল্লাল্লাহু তায়ালা আলাইহি ওয়াসাল্লাম তিন তিনবার পরাজিত করে তিনটি বকরী গ্রহণের পর বললেন, হে রুকানা! তোমার বকরীর কোন প্রয়োজন নেই আমার। বরং আমি তোমাকে ইসলামের দাওয়াত দিচ্ছি, তুমি ইসলাম গ্রহণ কর। কেননা তুমি দোষখে যাও তা আমি চাইনা। যদি তুমি ইসলাম গ্রহণ কর তবে নিরাপদে থাকবে। রুকানা বলল, যতক্ষণ না আপনি কোন নিদর্শন দেখাবেন ততক্ষণ আমি ইসলাম গ্রহণ করবো না। রাসূল বললেন, তোমার উপর আমি আল্লাহ তায়ালাকে সাক্ষী করছি যে, যদি আল্লাহ আমার দোয়ায় কোন নিদর্শন তোমাকে দেখায় তবে আমি তোমাকে যেদিকে আহ্বান করি তুমি তা কবুল করবে? সে বলল, হ্যাঁ, অবশ্যই কবুল করবো। তাঁর নিকটেই শাখা-প্রশাখা বিশিষ্ট তরু-তাজা একটি বৃক্ষ ছিল। তিনি ঐ বৃক্ষের দিকে ইশারা করেন এবং বললেন, আল্লাহর হুকুমে আমার সামনে চলে এসো। সাথে সাথে বৃক্ষ দু'ভাগে ভাগ হয়ে অর্ধেক স্বীয় শাখা-প্রশাখা ও তাজা পাতাসহ তাঁর ও রুকানার সামনে এসে দণ্ডায়মান। এ দৃশ্য দেখে সে রাসূল কে বলল, আপনি তো আমাকে মস্তবড় আযাব কাণ্ড দেখালেন। সে বলল, আপনি আবার হুকুম করুন যেন বৃক্ষ আপন জায়গায় চলে যায়। তিনি বললেন, হে রুকানা! তোমার উপর আমি আল্লাহ তায়ালাকে সাক্ষী করছি, যদি আমি তাঁর কাছে দোয়া করি এই বৃক্ষ চলে যেতে এবং বৃক্ষ যদি আপন স্থানে চলে যায় তবে কি তুমি তোমাকে যে দিকে আহ্বান করি তুমি কবুল করবে? উত্তরে সে বলল, অবশ্যই কবুল করবো। এই কথা বলার সাথে সাথে বৃক্ষ স্বীয় শাখা ও পাতাসহ চলে গিয়ে স্বীয় অপর অংশের সাথে মিলে গেল। তারপর তিনি তাকে বললেন, মুসলমান হয়ে যাও তবে নিরাপদে থাকবে।

রুকানা বলল, এত বড় আশ্চর্য ঘটনা দেখে ইসলাম গ্রহণ করতে আর কোন বাঁধা রইলনা তবে আমি ভাবনায় পড়েছি যে, শহরের নারীরা বলবে যে, আমি মুহাম্মদ সাল্লাল্লাহু তায়ালা আলাইহি ওয়াসাল্লাম'র ভয়ে ইসলাম গ্রহণ করছি। শহরের নারী-পুরুষ সবাই জানে যে, এই পর্যন্ত কেউ আমার বাহু মাটিতে লাগাতে পারেনি এবং জীবনে কোন দিন আমার মনে কারো ভীতি সঞ্চার করেনি। সুতরাং আপনি শর্ত মোতাবেক বকরী নিয়ে নিন। আমি ইসলাম গ্রহণ করবো না। তখন রাসূল সাল্লাল্লাহু তায়ালা আলাইহি ওয়াসাল্লাম বললেন, তুমি ইসলাম গ্রহণ না করলে তোমার বকরীর আমার কোন প্রয়োজন নেই।^{১৭৮}

বৃক্ষ আদেশ পালন করা

^{১৭৭} সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:২০৭

^{১৭৮} সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:২১৭ ও আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, গৃ:৩৫৫

আবু নঈম (র.) হযরত আলকামার সূত্রে হযরত আব্দুল্লাহ ইবনে মাসউদ (রা.) থেকে বর্ণনা করেন, তিনি বলেন, আমরা খায়বার যুদ্ধে রাসূল সাল্লাল্লাহু তায়ালা আলাইহি ওয়াসাল্লাম'র সাথে ছিলাম। তিনি হাযত পূরণের মনস্থ করলে আমাকে বললেন, হে আব্দুল্লাহ! দেখ, পর্দা করার জন্য কিছু আছে কিনা? আমি দেখলাম একটি বৃক্ষ রয়েছে এবং নবী করিম ﷺ কে এই বৃক্ষ সম্পর্কে অবহিত করলাম। তিনি আবার বললেন, দেখ, আর কিছু আছে কিনা, আমি দেখলাম যে, প্রথম বৃক্ষের বহু দূরে আর একটি বৃক্ষ রয়েছে। এটির ব্যাপারেও তাঁকে অবহিত করলাম। তিনি বললেন, তুমি ঐ বৃক্ষ দু'টিকে বল- রাসূল সাল্লাল্লাহু তায়ালা আলাইহি ওয়াসাল্লাম তোমাদেরকে আদেশ দিচ্ছেন যে, তোমরা একত্রে মিলে যাও। আমি বৃক্ষ দুটি একরূপ বলার সাথে সাথে বৃক্ষ দু'টি পরস্পর মিলে গেল।

তারপর তিনি এসে হাযত সেরে যখন দাড়ালেন তখন বৃক্ষ দু'টি আপন স্থানে চলে গেল।^{১৭৯}

বৃক্ষের শাখা দৌড়ে আসা

ইমাম আহমদ ইবনে হাম্বল ও ইমাম বুখারীর (র.) (তরীখ এছহে), ইমাম দারেমী, তিরমিযি ও হামেম (র.) (তারা এটাকে বিশুদ্ধ বলেছেন), ইমাম বায়হাকী, আবু ইয়াল্লা ও ইবনে সা'দ (র.) হযরত ইবনে আব্বাস (রা.) থেকে বর্ণনা করেন, তিনি বলেন, নবী আমের ইবনে সা'সা' গোত্রের এক গ্রাম্য ব্যক্তি নবী করিম ﷺ'র দরবারে আগমন করে বলল, আমি কিভাবে বুঝাবো যে, আপনি আল্লাহর রাসূল? তিনি বললেন, আমি যদি এই বৃক্ষের শাখাটিকে ডেকে আনি তবে তুমি মানবে? সেই বলল, হ্যাঁ, মানবো। অতঃপর বৃক্ষের শাখাটিকে আহ্বান করলে শাখা বৃক্ষ থেকে নেমে মাটিতে পড়ে দৌড়ে এসে গেল।

ইমাম আবু নঈম (র.)'র বর্ণনা আছে যে, ঐ শাখা এসে তাঁকে সিজদা করে সামনে দাঁড়িয়ে গেল। তিনি শাখাকে বললেন, ارجع الى مكانك তুমি তোমার স্থানে ফিরে যাও। সে তার স্থানে ফিরে গেল আর গ্রাম্য ব্যক্তি এই মু'জিযা দেখে কালিমা পড়ে মুসলমান হয়ে গেল।^{১৮০} ইমাম সুয়ুতী, জালাজ উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড: ২য় পৃ: ৬০

বৃক্ষ নবুয়তের সাক্ষ্য দেওয়া

হযরত আব্দুল্লাহ ইবনে ওমর (রা.) থেকে বর্ণিত, তিনি বলেন, আমরা এক সফরে রাসূল ﷺ'র সাথে ছিলাম। এক গ্রাম্য ব্যক্তি আসল, সে কাছে আসলে তিনি তাকে বললেন, কোথায় যাবার ইচ্ছে? সে বলল, আমার পরিবারে। তিনি জিজ্ঞেস করলেন, তোমার কোন কল্যাণের ইচ্ছে আছে? সে বলল, কি কল্যাণ? তিনি বললেন, তুমি সক্ষ্য দাও যাও, আল্লাহ ছাড়া কোন মা'বুদ নাই, তিনি একক, তাঁর কোন অংশীদার নেই। আর আমি তাঁর বান্দা ও তাঁর রাসূল। লোকটি বলল, আপনি যা বলছেন তা যে সত্য কে সাক্ষী হবে? তিনি

^{১৭৯} সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড: ১ম পৃ: ৪২২
^{১৮০}

বললেন, এই বৃক্ষ সাক্ষী। তখন তিনি বৃক্ষকে ডাকলেন (বৃক্ষটি উপত্যকার পাশে ছিল) বৃক্ষটি মাটি ছিড়ে তাঁর নিকট চলে আসে। তিনি বৃক্ষ থেকে তিনবার সাক্ষ তলব করেন। বৃক্ষ প্রতিবার রাসূল ﷺ যা বলেছেন তাঁর পক্ষে সাক্ষ্য দিয়েছে। এরপর বৃক্ষ আপন স্থানে চলে গেল আর গ্রাম্য ব্যক্তি বলল, আমার সম্প্রদায়ের লোকেরা আমার কথা মানলে আমি তাদেরকে সঙ্গে নিয়ে আসবো অন্যথায় আমি একা এসে আপনার সঙ্গে থেকে যাবো।^{১৮১}

পাথর তাসবীহ পড়া

ইমাম বায্বার, তাবরানী (আওসাত গ্রন্থে), আবু নঈম ও বায়হাকী (র.) হযরত আবু যর গিফারী (র.) থেকে বর্ণনা করেন, তিনি বলেন, একদা নবী করিম ﷺ একাকী বসে আছেন। আমি এসে তাঁর পাশে বসলাম। এরপর হযরত আবু বকর (রা.) এসে সালাম করে বসে গেলেন। এরপর হযরত ওমর (রা.), হযরত ওসমান (রা.) এসেছেন। এ সময় রাসূল ﷺ'র সামনে সাতটি কঙ্কর ছিল। তিনি ঐগুলো নিয়ে হাতের তালুতে রাখলে ঐগুলো তাসবীহ পড়া আরম্ভ করল। এমন কি মধু পোকের ন্যায় ঐগুলো থেকে গুনগুন তাসবীহর আওয়াজ শুনতে পাই। তিনি ঐগুলো রেখে দিলে আওয়াজ বন্ধ হয়ে যায়।

তারপর আবার ঐগুলো নিয়ে হযরত আবু বকর (রা.)'র হাতে রাখলে সেখানেও মধু পোকের শব্দের ন্যায় তাসবীহর আওয়াজ শুনেনি। তারপর রেখে দিলে আওয়াজ বন্ধ হয়ে যায়। এভাবে হযরত ওমর ও হযরত ওসমান (রা.)'র হাতে ঐ পাথর গুলো আনুরূপভাবে তাসবীহ পাঠ করে এবং এই আওয়াজ মধুপোকের আওয়াজের মতো আমি নিজে শুনেনি। তখন নবী করিম ﷺ এরশাদ করেন-

هذه خلافة نوة^{১৮২}

হযরত আনাস (রা.) থেকেও অনুরূপ হাদিস বর্ণিত আছে।

প্লেটের খাবার তাসবীহ পড়া

হযরত আনাস (রা.) থেকে বর্ণিত, তিনি বলেন, রাসূল ﷺ'র কাছে 'সারিদ' নামক খাবার আনা হলে তিনি বলেন, ان هذا الطعام يسبح এই খাবার তাসবীহ পড়তেছে। উপস্থিত লোকেরা বলল, ইয়া রাসূলান্নাহ! আপনি কি এদের তাসবীহ বুঝতেছেন? তিনি বললেন, হ্যাঁ। তখন তিনি এক ব্যক্তিকে বললেন, এই প্লেটটি এই ব্যক্তির নিকটে করে দাও। প্লেট তার কাছে আনা হলে সেই বলল, হ্যাঁ, ইয়া রাসূলান্নাহ, এই খাবার তাসবীহ পাঠ করতেছে। তারপর অপর আরো দুই ব্যক্তির নিকটে করা হলে তার উভয়ে অনুরূপ বলল। তখন তিনি ঐ খাবার প্লেট নিয়ে রেখে দিলেন। উপস্থিত এক ব্যক্তি বলল, ইয়া রাসূলান্নাহ! এই প্লেট যদি সকলের নিকট আসত কতইনা ভাল হত। তখন রাসূল ﷺ বললেন, এই প্লেট যদি

^{১৮১} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড: ২য় পৃ:৬০

^{১৮২} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১২৪

কারো নিকটে গিয়ে চুপ হয়ে যেতো তাহলে লোকেরা বলত যে, তার গুনাহের কারণে এরূপ হয়েছে।^{১৮৩}

শুকনো বৃক্ষে ফল

একদিন রাসূল ﷺ হযরত আবু বকর, ওমর ও আলী (রা.)সহ আবুল হায়শাম ইবনে তাহাইয়ান (রা.)'র ঘরে তাশরীফ নিলে সে তাদেরকে স্বাগতম জানিয়ে বলল, মারহাবা ইয়া রাসূলান্নাহ ও সাহাবায়ে কিরাম আমার প্রাণের চাহিদা ছিল যে, আপনি সাহাবাগণকে নিয়ে আমার ঘরে তাশরীফ আনবেন। আমার যা কিছু ছিল তা আমি প্রতিবেশীদের মধ্যে বন্টন করে দিয়েছি। তিনি বললেন, তুমি খুবই ভাল করেছ। হযরত জিব্রাইল আমাকে প্রতিবেশীর হক সম্পর্কে এত বেশী তাগীদ দিতেন প্রতিবেশীকে ওয়ারিশের হকদার বানিয়ে দেওয়ার আশংকা করেছিলাম।

তারপর তিনি চোখ তুলে দেখেন আবুল হায়শামের ঘরের এক কোণায় একটি খেজুর বৃক্ষ আছে। তিনি তাকে বললেন, তোমার অনুমতি পেলে আমরা এই বৃক্ষ থেকে খেজুর খেতে পারি, সে বলল, দীর্ঘ দিন থেকে এই বৃক্ষে ফল আসেনি এখন আপনার ইচ্ছে। তিনি বললেন, আল্লাহ বরকত দান করবেন। এরপর হযরত আলী (রা.) কে হুকুম করলেন, একটি পানির পেয়লা নিয়ে এসো। যখন পানি আনা হল তখন তিনি সামান্য পানি দিয়ে কুলি করে ঐ বৃক্ষের দিকে নিক্ষেপ করলেন। সাথে সাথে ঐ খেজুর বৃক্ষে খেজুরের থোবা ঝুলতে লাগল যাতে অনেক বড় বড় খেজুর ছিল। তিনি বললেন, এগুলো জান্নাতের বাগানের খেজুর যা কিয়ামত দিবসে তোমরা পাবে। এগুলো এমন নিয়ামত কিয়ামত দিবসে হিসাব হবে।^{১৮৪}

দেয়ালে আমীন বলা

ইমাম বায়হাকী ও আবু নঈম (র.) আবু উসাইদ সায়েদী (রা.) থেকে বর্ণনা করেন, তিনি বলেন, রাসূল সাল্লাল্লাহু তায়ালা আলাইহি ওয়াসাল্লাম হযরত আব্বাস (রা.) কে বললেন, আগামীকাল সকাল বেলা আপনি ও আপন সন্তানরা আমি না আসা পর্যন্ত ঘরে থাকবেন। কেননা আপনাদের সাথে আমার কাজ আছে।

পরের দিন সকালে তিনি সেখানে গিয়ে বললেন, তোমরা সবাই কাছাকাছি হয়ে যাও। তারা কাছাকাছি এসে দাঁড়ালে তিনি তাদের উপর স্বীয় চাদর দিয়ে এই দোয়া করেন, *يارب*

هذه هي عمى وضو أبى وهو لاء اهل بيتى فاسترهم من النار كسترى اياهم يلماتى هذه আমার চাচা; আমার পিতার মতো। আর এরা আমার পরিবার, আপনি তাদেরকে জাহান্নাম থেকে ডেকে রাখুন যেভাবে আমি আমার চাদর দিয়ে তাদেরকে ডেকে রেখেছি। তখন রাসূল

^{১৮৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈকৃত, খন্ড:২য়, পৃ:১২৫

^{১৮৪} আব্দুল রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১৯৫

সাল্লাল্লাহু তায়ালা আলাইহি ওয়াসাল্লাম'র এই দোয়ায় দরজার চৌকট ও দেওয়ালে আমীন, আমীন, আমীন বলেছিল।^{১৮৫}

উহুদ পাহাড়ের আনুগত্য

ইমাম বুখারী ও মুসলিম (র.) হযরত আনাস (রা.) থেকে বর্ণনা করেন, তিনি বলেন, নবী করিম ﷺ উহুদ পাহাড় কিংবা হেরা পর্বতে আরোহণ করেন। এ সময় তাঁর সাথে হযরত আবু বকর, ওমর এবং ওসমান (রা.) ও ছিলেন। পাহাড় তাদেরকে নিয়ে হরকত করলে তিনি পা মোবারক দ্বারা পাহাড়ে আঘাত করলেন এবং বললেন, খাম, তোমার উপর একজন নবী, একজন সিদ্দীক ও দু'জন শহীদ বিদ্যমান। (সাথে সাথে পাহাড় স্থীর হয়ে গেল)।^{১৮৬}

মিস্বর নড়াচড়া করা

ইমাম আহমদ, মুসলিম, নাসায়ী ও ইবনে মাজাহ (র.) হযরত আব্দুল্লাহ ইবনে ওমর (রা.) থেকে বর্ণিত, তিনি বলেন, আমি নবী করিম সাল্লাল্লাহু তায়ালা আলাইহি ওয়াসাল্লাম কে মিস্বরে দাঁড়িয়ে বলতে শুনেছি, তিনি বলেন, জাব্বার (আল্লাহ) আসমান ও জমিকে হাতে নিয়ে বলবেন- আমিই হলাম জাব্বার, আমি ব্যতিত যারা জাব্বার ও অহংকারী আছ তোমরা কোথায়? নবী করিম সাল্লাল্লাহু তায়ালা আলাইহি ওয়াসাল্লাম এ কথা বলার সময় ডানে ও বামে ঝুঁকে ছিলেন। ইবনে ওমর (রা.) বলেন, আমি দেখলাম যে, মিস্বরের নীচের অংশ এমনভাবে নড়তে লাগল, আমি ভাবলাম মিস্বর রাসূল সাল্লাল্লাহু তায়ালা আলাইহি ওয়াসাল্লাম কে ফেলে দেবে কিনা।^{১৮৭}

বৃক্ষের শাখা আলো দেওয়া

ইমাম আবু নঈম (র.) হযরত আবু সাঈদ খুদরী (রা.) থেকে বর্ণনা করেন, তিনি বলেন, একদা বর্ষা রাতে রাসূল সাল্লাল্লাহু তায়ালা আলাইহি ওয়াসাল্লাম এশা'র নামাযের জন্য বাইরে তাশরীফ নিলে একটি আলো প্রকাশিত হল। এতে তিনি হযরত কাতাদাহ ইবনে নোমান (রা.) দেখতে পান। তিনি তাকে বললেন, হে কাতাদাহ! তুমি নামায শেষে আমি আদেশ না দেওয়া পর্যন্ত আপন স্থানে অবস্থান করবে। তিনি নামায শেষ করে হযরত কাতাদাহ (রা.)কে একটি গাছের ডাল দিয়ে বললেন, يضى لك امامك عشراً وخلفك عشراً এটা ধর। এটি তোমার দশ কদম আগেও দশ কদম পিছে তোমাকে আলো দিবে।

কুলির পানি থেকে ফলজ বৃক্ষ

^{১৮৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১২৮

^{১৮৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১২৯

^{১৮৭} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১২৯

আল্লামা যমখাশরী “রবীউল আবরার” নামক গ্রন্থে হযরত উম্মে মা’বাদ (রা.)’র খালত বোন হিন্দ থেকে বর্ণনা করেন, তিনি বলেন, নবী করিম সাল্লাল্লাহু তায়ালা আলাইহি ওয়াসাল্লাম আমার তাঁবুতে আরাম করেছিলেন। ঘুম থেকে উঠে তিনি পানি তলব করলেন। পানি দিয়ে তিনি হাত ধুয়ে এবং কুলি করে কুলির পানি তাঁবুর পাশেই একটি বৃক্ষের শিকড়ে নিক্ষেপ করলেন। সকালে উঠে আমরা দেখি সেখানে একটি তরু-তাজা বৃক্ষ উঠে ফলে ভারে নুয়ে পড়েছে এবং পাকা ফলের সুগন্ধি বের হচ্ছে। এই বৃক্ষের ফল মধুর চেয়েও মিষ্টি ছিল। কোন ক্ষুধার্ত লোকে খেলে পরিতৃপ্ত হয়ে যেতো। কোন পিপাসার্ত লোকে খেলে তৃষ্ণা মিটে যেতো এবং কোন অসুস্থ লোকে খেলে সুস্থ হয়ে যেতো। কোন ছাগল কিংবা ভেড়ায় ঐ বৃক্ষের পাতা খেলে দুধে স্তন পূর্ণ হয়ে যেতো। আমরা ঐ বৃক্ষের নাম রেখেছি মোবারাকাহ। লোকেরা দূর-দূরান্ত থেকে আমাদের কাছে বিভিন্ন প্রকারের রোগীদের নিয়ে এসে ঐ বৃক্ষের ফল খেয়ে শেফা লাভ করত।

একদিন আমরা দেখলাম যে, ঐ বৃক্ষের সব পাতা শুকিয়ে মাটিতে পড়ে গেল। এতে আমরা খুবই দুঃখিত হলাম, পরে রাসূল সাল্লাল্লাহু তায়ালা আলাইহি ওয়াসাল্লাম’র ইস্তে কালের সংবাদ পেলাম। এর ত্রিশ বছর পর আমরা দেখলাম ঐ বৃক্ষের শাখা-প্রশাখায় পর্যন্ত শুধু কাঁটা আর কাঁটা এবং ফল ঝড়ে পড়েছে। ঐ দিনই আমরা হযরত আলী (রা.)’র শাহাদতের সংবাদ পেয়েছে। এরপর থেকে ঐ বৃক্ষ আর ফল ধরেনা তবে আমরা ঐ বৃক্ষের পাতা থেকে উপকৃত হচ্ছি। একদিন উঠে দেখি ঐ বৃক্ষ থেকে রক্ত প্রবাহিত হচ্ছে এবং পাতাগুলো মরে শুকিয়ে গিয়েছে। আমরা অত্যন্ত চিন্তিত হয়ে পড়লাম। এ সময় আমরা হযরত হোসাইন (রা.)’র শাহাদতের সংবাদ পাই। এরপর ঐ বৃক্ষ মরে শুকিয়ে মাটিতে পড়ে গিয়েছিল।^{১৮৮}

কূপের পানি বৃদ্ধি

বনী সাদের একটি দল নবী করিম সাল্লাল্লাহু তায়ালা আলাইহি ওয়াসাল্লাম’র খেদমতে হাযির হয়ে আবেদন করল, ইয়া রাসূলাল্লাহ! আমরা আমাদের পরিবার-পরিজনকে এমন এক কূপের পাশে রেখে এসেছি যে কূপে পানি নিতান্ত কম, যা আমাদের জন্য মোটেও যথেষ্ট নয়। আমরা চাই যেন আপনার দোয়ায় এর পানি বৃদ্ধি পায় আর এর দ্বারা আমাদের মান-সম্মান বেড়ে যাবে এবং আমাদের বিরুদ্ধবাদীদের প্রতি আমাদের মুখাপেক্ষী হতে হবেনা।

রাসূল সাল্লাল্লাহু তায়ালা আলাইহি ওয়াসাল্লাম একজনকে কিছু পাথর আনতে বললে সে তিনটি পাথর নিয়ে আসল। তিনি ঐ পাথরগুলো হাতে নিয়ে একটু নাড়াচাড়া করে ঐ ব্যক্তিকে পাথরগুলো দিয়ে বললেন, যাও, আল্লাহর নাম নিয়ে এই পাথরগুলো একটি একটি করে কূপে নিক্ষেপ করবে। সে গিয়ে এরূপ করলে কূপের পানি এমনভাবে বৃদ্ধি পেল তারা

^{১৮৮}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১১৭

তাদের দুশমনদের উপর প্রাধান্যতা বিস্তার করতে সক্ষম হল এবং তাই মুতাওয়াল্লী হয়ে গেল।^{১৮৯}

মেঘে ছায়া দান

ইবনে আবি শায়বা, ইমাম তিরমিযি, বায়হাকী, আবু নঈম এবং খারায়েতী হযরত আবু মুছা আশআরী (রা.) থেকে বর্ণনা করেন, আবু তালেব কুরাইশের কতিপয় মুরুব্বীকে নিয়ে সিরিয়া ভ্রমণে বের হলেন সঙ্গে নবী করিম ﷺ ও ছিলেন। কাফেলা যখন (বাহিরা) রাহেবের নিকটে পৌঁছে তখন তারা সওয়ালী থেকে অবতরণ করে যাত্রা বিরতি করল। রাহেব কাছে আসলেন। অথচ ইতিপূর্বে কত কাফেলা আসা-যাওয়া করেছে কিন্তু রাহেব কোন দিন তাদের কাছে আসতেন না এবং তাদের প্রতি দৃষ্টিপাত ও করতেন না। রাহেব এসে কাফেলার ভিতরে ঘুরে ঘুরে কি যেন খুঁজছেন। অতঃপর রাসূল সাল্লাল্লাহু তায়ালা আলাইহি ওয়াসাল্লাম'র হাত ধরে বলতেছেন- ইনি সায়্যিদিল আলামীন, ইনি সমগ্র পৃথিবীবাসীর রাসূল, তাকেই আল্লাহ তায়ালা রাহমাতুল্লিল আলামীন বানিয়ে প্রেরণ করেছেন।

কুরাইশী মুরুব্বীরা বলল- আপনি কিভাবে বুঝলেন? তিনি বললেন, যখন আপনারা এই জনপদ দিয়ে যাচ্ছিলেন তখন প্রত্যেক বৃক্ষ ও পাথর সিজদা করতেছিল। অতচ বৃক্ষ ও পাথর নবী ছাড়া অন্য কাউকে সিজদা করেনা। আমি তাঁকে দু'কাঁধের মধ্যবর্তী কোমল স্থানে আপেলের ন্যায় দেখতে মহরে নবুয়ত দ্বারা চিনে ফেলেছি।

তারপর রাহেব চলে গিয়ে সকলের জন্য খাবার তৈরী করেন আনেন। তখন তিনি কাফেলার উট চরাতে গিয়েছিলেন। রাহেব বললেন, তাঁকে ডাক। যখন তিনি আসলেন তখন এক খন্ড মেঘ তাঁকে ছায়া দিচ্ছিল। রাহেব বলল- দেখ, তাঁকে মেঘে ছায়া দিচ্ছে। তিনি আসার পূর্ব থেকে লোকেরা গাছের ছায়ায় ছিল। তিনি আসা মাত্র গাছের ছায়া অন্যদের উপর থেকে সরে তাঁর দিকে ঝুঁকে পড়েছে।

রাহেব দাঁড়িয়ে তাদেরকে কসম করে বললেন, আপনারা তাঁকে নিয়ে রোমে যাবেন না। কেননা সেখানের অধিবাসীরা তাঁকে চিনে ফেলবে আর তাঁকে হত্যা করে ফেলবে। তিনি অন্য দিকে ফিরে দেখেন- নয়জন রোমবাসী আসতেছে। তিনি তাদেরকে জিজ্ঞেস করলেন, তোমরা কেন এসেছ? উত্তরে তারা বলল, আমরা সেই নবীর খোঁজে (হত্যার উদ্দেশ্যে) বের হয়েছি যিনি এই শহরে প্রকাশ হবেন। আর সবদিকে আমরা তাঁর খোঁজে লোক পাঠানো হয়েছে। রাহেব তাদেরকে বললেন, তোমাদের কি ধারণা যে, আল্লাহ যদি কোন কিছু করার ইচ্ছে পোষণ করেন তবে কি কোন মানুষ তা রোধ করতে পারবে? তারা বলল, না। ঐ রোমবাসীরা রাহেবের হাতে বাইয়াত গ্রহণ করল এবং তার কাছে রয়ে গেল। ইমাম তিরমিযি হাদিসটিকে 'হাসন' এবং হাকেম 'সহীহ' বলেছেন।^{১৯০}

^{১৮৯}. আব্দুল রহমান জামী (র.) (৮৮৯হি.), শাওয়ালেদুন নবুয়ত, উর্দু, বেরেলী, পৃ:১৭৪

^{১৯০}. সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১৪০

লাঠির ইঙ্গিতে মুর্তি ভেঙ্গে যাওয়া

ইমাম বায়হাকী ও আবু নঈম (র.) আন্দুল্লাহ ইবনে দীনার এর সূত্রে হযরত আন্দুল্লাহ ইবনে ওমর (রা.) থেকে বর্ণনা করেন, নবী করিম সাল্লাল্লাহু তায়ালা আলাইহি ওয়াসাল্লাম যখন মক্কা বিজয়ের দিন বায়তুল্লাহ এ প্রবেশ করলেন তখন সেখানে তিনশত ঘাটটি মুর্তি পেলেন, তিনি প্রত্যেক মুর্তির দিকে লাঠি দিয়ে ইশারা করতেন আর বলতেন,

جَاءَ الْحَقُّ وَوَلَّى بَاطِلٌ إِنَّ الْبَاطِلَ كَانَ هُوتًا

অর্থ: সত্য এসেছে এবং মিথ্যা বিলুপ্ত হয়েছে। নিশ্চয় মিথ্যা বিলুপ্ত হওয়ারই ছিল। (সূরা বনী ইস্রাঈল, আয়াত-৮১) তখন যেই মুর্তির দিকেই ইশারা করতেন সাথে সাথে লাঠি লাগানো ব্যতিত মুর্তি আপনা-আপনি বেঙ্গে পড়তো।^{১৯১}

পবিত্র গোড়ালীর আঘাতে পানি প্রবাহিত হওয়া

ইবনে সা'দ ও ইবনে আসাকের (র.) হযরত আমর ইবনে শোয়াইব (রা.) থেকে বর্ণনা করেন, হযরত আবু তালেব বর্ণনা করেন, একদা (নবুয়ত প্রকাশের পূর্বে) আমি আমার ভাতিজা মুহাম্মদের সাথে চলার পথে 'যিল মাজায়' নামক স্থানে পৌঁছলে আমার প্রচণ্ড তৃষ্ণা লাগল, আমি তাঁকে বললাম, ভাতিজা! আমার পিপাসা লেগেছে। তিনি মাটিতে স্বীয় পায়ের গোড়ালী (মুড়ি) দিয়ে আঘাত করা মাত্র মাটি থেকে পানি প্রবাহিত হতে লাগল। তারপর বললেন, চাচাজান! পানি পান করুন। তখন আমি পানি করে তৃষ্ণা নিবারণ করলাম।^{১৯২}

পর্বত ও বৃক্ষে সালাম দেওয়া

হযরত আলী (রা.) থেকে বর্ণিত, তিনি বলেন, আমি মক্কায় নবী করিম সাল্লাল্লাহু তায়ালা আলাইহি ওয়াসাল্লাম'র সাথে থাকতাম। একবার রাসূল সাল্লাল্লাহু তায়ালা আলাইহি ওয়াসাল্লাম'র সাথে মক্কার পাহাড় ও বৃক্ষসমূহের পাশ দিয়ে যাচ্ছিলাম। فلم يَمُرْ بِشَجَرٍ اللهُ تখন যেসব পাহাড় ও বৃক্ষের পাশ দিয়ে যাওয়ার সময় প্রত্যেক পাহাড় ও বৃক্ষ 'আসসালামু আলাইকা ইয়া রাসূলান্নাহ' বলে সালাম করত।^{১৯৩}

পাথরে সালাম দেওয়া

হযরত জাবির ইবনে সামুরাহ (রা.) থেকে বর্ণিত, নবী করিম সাল্লাল্লাহু তায়ালা আলাইহি ওয়াসাল্লাম এরশাদ করেন,

ان بمكة لحجرًا كان يسلم على ليالي؛ معشت إلى لأعرفه إذا مررت عليه

^{১৯১} সুহূতী, জালাল উদ্দিন সুহূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৩৭

^{১৯২} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:২য় পৃ:২৮৯

^{১৯৩} আবু নঈম ইস্পাহানী (র.) (৪৩০হি.), দালায়েলুল নবুয়ত, উর্দু, দিল্লী, পৃ:৩৪৯

মক্কায় একটি পাথর ছিল। যে রাতে আমার নবুয়ত প্রকাশ হয়েছিল সে রাত থেকে ঐ পাথর আমাকে সালাম করত। আজো যদি আমি তার পাশ দায়ে যাই তবে তাকে আমি চিনবো।^{১৯৪}

লাঠি অন্ধকে আলো দেওয়া

হযরত সাইমুন ইবনে যায়েদ ইবনে আবি আবস (রা.) থেকে বর্ণিত, তিনি বলেন, রাসূল সাল্লাল্লাহু তায়ালা আলাইহি ওয়াসাল্লাম হযরত আবি আবস ইবনে জাবর (রা.)কে তার দৃষ্টিশক্তি হারানোর পর একটি লাঠি প্রদান করেন এবং বললেন এটা দ্বারা আলো গ্রহণ কর। অতঃপর সেই প্রদত্ত লাঠি তাকে আলো প্রদান করত।^{১৯৫}

মেঘে ছায়াদান

ইবনে সা'দ, আবু নঈম, ইবনে আসাকের ও ইবনে তাররাহ (র.) হযরত আতা ইবনে আবি রাবাহ (র.) থেকে বর্ণনা করেন, হযরত ইবনে আব্বাস (রা.) বলেন, হযরত হালিমা (রা.) রাসূল সাল্লাল্লাহু তায়ালা আলাইহি ওয়াসাল্লাম তাঁর দুধুবোন সীমা'র সাথে দুপুরে পশু পালের দিকে বেরিয়ে গেলেন। হযরত হালিমা (রা.) তাঁকে খুঁজতে তাঁর বোনের সাথে পেলেন। হালিমা সীমাকে জিজ্ঞেস করলেন, এই গরমে তুমি তাঁকে কেন এনেছ? তাঁর বোন সীমা বলল,

يا امه ما وجد اخي حراً رأيت غمامة تظل عليه اذا وقف وفتت واذا سار سارت حتى انتهى الى

هذا الموضع

হে মা! আমার ভাইয়ের মোটেও গরম লাগেনি। এক মেঘে তাঁকে ছায়া দান করতে দেখেছি। যখন সে দাঁড়িয়ে গেলে মেঘও দাঁড়িয়ে যেতো, সে চললে মেঘও চলতো এভাবে এই জায়গায় পর্যন্ত পৌঁছেছি। একথা শুনে হযরত হালিমা (রা.) তাকে জিজ্ঞেস করলেন, এটা কি সত্য? সে বলল, খোদার কসম, সত্য।^{১৯৬}

পশু পাখির আনুগত্য: হরিণীর প্রতিশ্রুতি

হযরত ইমাম তাবরানী (আল কবীর গ্রন্থে) ও আবু নঈম (র.) হযরত উম্মে সালামা (রা.) থেকে বর্ণনা করেন, তিনি বলেন, একদা রাসূল সাল্লাল্লাহু তায়ালা আলাইহি ওয়াসাল্লাম এক উন্মুক্ত ময়দানে দিয়ে তাশরীফ নিচ্ছিলেন। সেখানে ইয়া রাসূলান্নাহ! বলে একটি আওয়াজ শুনে তিনি ফিরে দেখেন কেউ নেই। পুনরায় দেখলে দেখতে পেলেন যে, একটি হরিণী বাঁধা রয়েছে। সে বলল, ইয়া রাসূলান্নাহ! একটু এদিকে আসুন। তিনি হরিণীর কাছে গিয়ে জিজ্ঞেস করেন কি প্রয়োজন? হরিণী বলল, ঐ পাহাড়ে আমার দু'টি বাচ্চা আছে। আপনি আমাকে খুলে দিন যাতে আমি বাচ্চাদেরকে দুধ পান করায় আসতে পারি। তিনি

^{১৯৪}. আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ:৩৫৭

^{১৯৫}. ড. মুস্তফা মুরাদ, মুজিবাতুন রাসূল সাল্লাল্লাহু তায়ালা আলাইহি ওয়াসাল্লাম আরবী, কায়রো, মিশর, পৃ:৭৮

^{১৯৬}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:১০০

জিঞ্জেস করলেন, তুমি দুধ পান করায় আবার ফিরে আসবে? উত্তরে বলল, যদি আমি ফিরে না আসি তবে আল্লাহ যেন আমাকে দশ মাস গর্ভীতা উটনীর ন্যায় শান্তি দেন।

তখন তিনি হরিণীকে ছেড়ে দিলে সে গিয়ে তার বাচ্চাছয়কে দুধ পান করায় ফিরে আসে আর তিনি হরিণীকে বেঁধে রাখেন। এ সময় শিকারী গ্রাম্য ব্যক্তিটি ঘুমিয়ে ছিল। সে ঘুম থেকে উঠে জিঞ্জেস করল, ইয়া রাসূলুল্লাহ! আপনার কি কোন কিছু প্রয়োজন হবে? তিনি বললেন, হ্যাঁ, প্রয়োজন হল তুমি এই হরিণীকে মুক্ত করে দাও। তখন সে হরিণীকে আযাদ করে দিল আর হরিণী দৌড়ে যেতে যেতে বলতে লাগল- *اشهد ان لا اله الا الله واشهد انك رسول الله*^{১৯৭}

অদৃশ্যের সংবাদ/ পশু-পাখির আনুগত্য

বনের বাঘ ও রাসূল সাল্লাল্লাহু তায়ালা আলাইহি ওয়াসাল্লাম'র ইলমে গায়েব বিশ্বাস করে: ইবনে আদী ও ইমাম বায়হাকী (র.) হযরত আব্দুল্লাহ ইবনে ওমর (রা.) থেকে বর্ণিত, তিনি বলেন, একদা এক রাখাল তার বকরীগুলোর হেফাজতে রত থাকা অবস্থায় একটি বাঘ এসে বকরী তুলে নিয়ে যেতে লাগলে রাখাল দৌড়ে গিয়ে বকরীকে বাঘের মুখ থেকে কেড়ে নিল। তখন বাঘ স্পষ্ট ভাষায় বলল, তুমি কি খোদাকে ভয় করোনা? আমার রিযিক কেন চিনিয়ে নিচ্ছ যা আল্লাহ আমাকে দান করেছেন। রাখাল বলল, কি আশ্চর্য! বাঘও কথা বলতেছে। তখন রাখালের কথা শুনে বাঘ বলল, এর চেয়েও আশ্চর্যের বিষয় হল নাখলা স্থানে রাসূলে খোদা সাল্লাল্লাহু তায়ালা আলাইহি ওয়াসাল্লাম লোকদেরকে পূর্ববর্তী ও পরবর্তীর সংবাদ শুনান।

বাঘের মুখে একথা শুনে রাখাল রাসূল সাল্লাল্লাহু তায়ালা আলাইহি ওয়াসাল্লাম'র কাছে এসে আদ্যপান্ত ঘটনা বর্ণনা করে মুসলমান হয়ে যায়।^{১৯৮}

বাঘের আবেদন

ইবনে সা'দ ও আবু নঈম (র.) হযরত মুত্তালিব ইবনে আব্দুল্লাহ থেকে বর্ণিত, একদা নবী করিম সাল্লাল্লাহু তায়ালা আলাইহি ওয়াসাল্লাম সাহাবীদের নিয়ে মদীনায়ে ছিলেন। হঠাৎ একটি বাঘ এসে তাঁর সামনে দণ্ডায়মান হয়ে আবেদনের সুরে কথা বলা আরম্ভ করল। রাসূল সাল্লাল্লাহু তায়ালা আলাইহি ওয়াসাল্লাম উপস্থিত লোকদেরকে বললেন, তোমাদের কাছে বাঘদের পক্ষ থেকে এই বাঘটি প্রতিনিধি হিসেবে এসেছে। তোমরা চাইলে ওদের জন্য কিছু খাবার নির্ধারিত করে দাও, যাতে তারা তা সীমালঙ্ঘন করতে না পারে। আর যদি চাও তবে যেভাবে আছে সেভাবেই চলবে। তবে তোমরা সর্বদা শঙ্খিত থাকবে- কখন সে এটা ওটা নিয়ে যাবে আর সেটিই তার রিযিক হবে।

^{১৯৭} . ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১০১ ও আয়াস (র.) (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খন্ড:১ম পৃ:২০৬

^{১৯৮} . ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১০৩

সাহাবায়ে কিরাম বললেন, আমরা নিজেরাই অভাবী সুতরাং এদেরকে কিছু দিতে আমাদের সম্মতি নেই। এতে তিনি তিন আঙ্গুলের ইঙ্গিতে বাঘকে ইশারা করে বললেন, তুমি ওদের বকরীকে চিনিয়ে নিতে থাক। সাথে সাথে বাঘ ফিরে, মাথা নেড়ে নেড়ে দূরে চলে গেল।^{১৯৯}

জঙ্গলী জন্তুর আদব

ইমাম আহমদ, আবু ইয়ালা, বাস্ফার, তাবরানী (আল আওসাত গ্রন্থে), বায়হাকী, আবু নঈম, দারে দুত্বী ও ইবনে আসাকের (র.) হযরত আয়েশা সিদ্দিকা (রা.) থেকে বর্ণিত, তিনি বলেন, আলে রাসূল সাল্লাল্লাহু তায়ালা আলাইহি ওয়াসাল্লাম'র নিকট একটি জঙ্গলী জন্তু ছিল। রাসূল সাল্লাল্লাহু তায়ালা আলাইহি ওয়াসাল্লাম বাইরে কোথাও তশরীফ নিলে সেটি খেলতে খেলতে বাইরে চলে যেতো পুণরায় চলে আসতো। আর যখন তিনি চলে আসতেন সেটি ঘরে এসে বসে থাকতো। তিনি যতক্ষণ ঘরে থাকতেন ততক্ষণ কোন নড়াচড়া করতেনা।^{২০০}

রাসূল সাল্লাল্লাহু তায়ালা আলাইহি ওয়াসাল্লাম'র প্রতি গাধার ভালবাসা

ইবনে আসাকের (র.) আবু মনযুর (র.) থেকে বর্ণনা করেন, খায়বর বিজয়ের সময় রাসূল সাল্লাল্লাহু তায়ালা আলাইহি ওয়াসাল্লাম এর ভাগে একটি কাল রঙ্গের গাধা এসেছিল। তিনি ঐ গাধার সাথে কথা বললেন। তিনি এর কাছে জিজ্ঞেস করলেন, তোমার নাম কি? গাধা বলল, আমার নাম ইয়াযিদ ইবনে শিহাব। আমার পূর্বপুরুষের বংশ থেকে আন্বাহ তায়ালা ষাটটি গাধা সৃষ্টি করেছেন। এদের সবার উপর আশ্বিয়ায়ে কিরাম আরোহণ করেছেন। আমার আশা যে, আপনি আমার উপর আরোহণ করবেন। কেননা, বর্তমানে আমার পূর্বপুরুষের বংশে আমি ছাড়া আর কোন গাধা জীবিত নেই আর আশ্বিয়ায়ে কেলামের মধ্যে আপনি ছাড়া আর কেউ বেঁচে নেই।

আমি এক ইহুদীর মালিকানাধীন ছিলাম। সে আমার উপর আরোহণ করতে চাইলে আমি ধাক্কা দিয়ে তাকে ফেলে দিতাম। সে আমার পিটে ও পেটে হাত মারতো। অর্থাৎ রাসূল সাল্লাল্লাহু তায়ালা আলাইহি ওয়াসাল্লাম কে তার পিটে বসাবে বলে ঐ ইহুদীক বসতে দেয়নি।

রাসূল সাল্লাল্লাহু তায়ালা আলাইহি ওয়াসাল্লাম খুশী হয়ে তার নাম রাখেন 'ইয়াকুব'। এই গাধা রাসূল সাল্লাল্লাহু তায়ালা আলাইহি ওয়াসাল্লাম'র এতই অনুগত ছিল যে, তিনি ঐ গাধার মাধ্যমে কাউকে ডাকতে পাঠালে সে গিয়ে ঐ ব্যক্তির ঘরে গিয়ে মাথা দিয়ে দরজায়

^{১৯৯}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১০৪

^{২০০}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১০৫

নাড়া দিত আর ঘরের মালিককে ইশারা করে বুঝিয়ে দিত যে, তাকে রাসূল সাল্লাল্লাহু তায়ালা আলাইহি ওয়াসাল্লাম ডাকতেছেন।

নবী করিম সাল্লাল্লাহু তায়ালা আলাইহি ওয়াসাল্লাম ইত্তেকাল করলে এই ইয়াকুব আবুল হায়শাম ইবনে নাহিয়্যান এর কূপে গিয়ে রাসূল সাল্লাল্লাহু তায়ালা আলাইহি ওয়াসাল্লাম'র ওফাতের বিরহে ও দুঃখে কূপে পড়ে আত্মহত্যা করল।^{২০১}

পশু-পাখির আনুগত্য: উটের ফরিয়াদ

হযরত জাবের (রা.) থেকে বর্ণিত, তিনি বলেন, আমরা গযওয়ায়ে যাতির রেকা থেকে ফেরৎ আসার পথে 'হাররাহ' নামক স্থানের নীচ এলাকায় পৌঁছি তখন সম্মুখ থেকে একটি উট দৌড়তে দৌড়তে এসে রাসূল সাল্লাল্লাহু তায়ালা আলাইহি ওয়াসাল্লাম দভায়মান হল। হযরত সাল্লাল্লাহু তায়ালা আলাইহি ওয়াসাল্লাম আমাদেরকে বললেন, *اتدرون ما قال هذا الجمل*

তোমরা কি বুঝেছ, এই উট কি বলেছে? এই উট তার মালিকের বিপক্ষে আমার কাছে সাহায্য প্রার্থনা করতেছে। এর মালিক কয়েক বছর যাবৎ এর দ্বারা ক্ষেতের কাজ নিয়েছে। এখন সে তাকে যবেহ করার ইচ্ছে করেছে। জাবের! তুমি গিয়ে এর মালিকের কাছে তাকে আমার কাছে নিয়ে এসো। জাবের বলেন, আমি বললাম, আমি তো এর মালিককে চিনি না। তিনি বললেন, এই উট তোমাকে এর মালিকের কাছে নিয়ে যাবে।

হযরত জাবের (রা.) বলেন, ঐ উট আমার সামনে সামনে দ্রুত বেগে চলতে চলতে আমাকে নিয়ে তার মালিকের সামনে গিয়ে দাঁড়ান। আমি এর মালিককে রাসূল সাল্লাল্লাহু তায়ালা আলাইহি ওয়াসাল্লাম'র কাছে নিয়ে আসলাম। এই গযওয়ায় এমন এমন আশ্চর্য জনক মু'জিয়া রসূল সাল্লাল্লাহু তায়ালা আলাইহি ওয়াসাল্লাম থেকে সংঘটিত হয়েছিল যার ফলে হযরত জাবের (রা.) বলেন- এই গযওয়াকে গযওয়াতুল আযাজীব তথা আশ্চর্য গযওয়া বলা হত।^{২০২}

ইমাম বুখারী ও মুসলিম (র.) হযরত জাবের (রা.) থেকে বর্ণনা করেন, আমি জিহাদের উদ্দেশ্যে রাসূল সাল্লাল্লাহু তায়ালা আলাইহি ওয়াসাল্লাম'র সাথে রওয়ানা হলাম। পথে আমার উট পিছে পড়ে গেল ফলে আমি কাফেলা থেকে পিছে পড়ে রইলাম। রাসূল সাল্লাল্লাহু তায়ালা আলাইহি ওয়াসাল্লাম এসে আমার অবস্থা সম্পর্কে আমাকে জিজ্ঞেস করেন। আমি বললাম, আমার উট অলস হয়ে আমাকে পিছে ফেলে দিল। রাসূল সাল্লাল্লাহু তায়ালা আলাইহি ওয়াসাল্লাম স্বীয় লাঠি দিয়ে উটকে মৃদু প্রহার করে বললেন, তুমি আরোহণ কর।

^{২০১}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী বৈরুত, খন্ড:২য় পৃ:১০৭ ও কাযী আযায (র.) (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খন্ড:১ম পৃ:২০৬

^{২০২}. সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৩৭৩

সুতরাং আমি আরেহণ করলাম। এরপর উট এত দ্রুতগামী হল যে, রাসূল সাল্লাল্লাহু তায়ালা আলাইহি ওয়াসাল্লাম'র আগে চলে যাওয়া থেকে বিরত রাখার জন্য বাঁধা দিতাম।^{২০০}

ছাগল আপন মালিকের কাছে চলে যাওয়া

ইমাম বায়হাকী (র.) হযরত মুছা ইবনে উকবা ও হযরত উরওয়াহ (রা.) থেকে অপর এক সূত্রে হযরত জাবের ইবনে আব্দুল্লাহ (রা.) থেকে বর্ণনা করেন, খায়বার এর সৈন্যদল একজন রাখাল হাবশী গোলাম কে ধরে নবী করিম সাল্লাল্লাহু তায়ালা আলাইহি ওয়াসাল্লাম'র খেদমতে নিয়ে আসেন। সে এসে বলল, আমি যদি মুসলমান হই তবে আমি কি লাভ করবো? নবী করিম সাল্লাল্লাহু তায়ালা আলাইহি ওয়াসাল্লাম বললেন, জান্নাত লাভ করবে। সে বলল, ঠিক আছে আমি মুসলমান হলাম তবে আমার এতগুলো ছাগলের কি হবে? এগুলো হল আমানত। কারো একটি কারো দু'টি আবার কারো আরো বেশী। অর্থাৎ এগুলোকে কিভাবে মালিকের কাছে পৌঁছাবো। নবী করিম সাল্লাল্লাহু তায়ালা আলাইহি ওয়াসাল্লাম বললেন, তুমি এক মুষ্টি কংকর নিয়ে ঐগুলোর মুখে নিক্ষেপ কর। সবগুলো আপন আপন মালিকের কাছে পৌঁছে যাবে। সে এক মুষ্টি কংকর নিয়ে ছাগল পালের দিকে নিক্ষেপ করলে ছাগল পালের প্রত্যেকটি ছাগল দৌড়ে দৌড়ে আপন মালিকের কাছে পৌঁছে গেল। তারপর ঐ গোলাম যুদ্ধে অংশ গ্রহণ করে শাহাদত বরণ করল অথচ সে আব্দাহর সামনে একটি সিজদা দেয়নি কিন্তু রাসূল সাল্লাল্লাহু তায়ালা আলাইহি ওয়াসাল্লাম তাকে জান্নাতের সুসংবাদ দেন এবং বলেন, তার কাছে জান্নাতের হ্রদের মধ্যে থেকে দু'টি হর বিবি হিসেবে দেখেছি।^{২০৪}

মালিকের বিরুদ্ধে উটের অভিযোগ

ইমাম আহমদ, বায়হাকী ও আবু নঈম (র.) হযরত ইয়ালা ইবনে মুররাহ (রা.) থেকে বর্ণনা করেন, তিনি বলেন, আমি রাসূল সাল্লাল্লাহু তায়ালা আলাইহি ওয়াসাল্লাম থেকে তিনটি মু'জিয়া দেখেছি। একদা আমরা রাসূল সাল্লাল্লাহু তায়ালা আলাইহি ওয়াসাল্লাম'র সাথে সফরে এমন একটি উটের পাশ দিয়ে যাচ্ছিলাম যাকে দিয়ে পানি উঠানো হত। উট তাঁকে দেখে গর্দান মাটিতে রেখে তার মালিকের বিরুদ্ধে অভিযোগ দায়ের করল। নবী করিম তার মালিককে ডাকালেন এবং বললেন, এই উট দিয়ে বেশী কাজ করায় অল্প খাবার দেওয়ার অভিযোগ করেছে। সুতরাং তুমি তার প্রতি দয়া কর। একথা বলে তিনি চলে গেলেন। অতঃপর আমরা আরেক মনষিলে গিয়ে থামলাম। সেখানে নবী করিম সাল্লাল্লাহু তায়ালা আলাইহি ওয়াসাল্লাম এক স্থানে নিদ্রা যাপন করলেন। ইত্যবসরে একটি বৃক্ষ মাটি ফেটে এসে তাঁকে ছায়াদান করল। তিনি জাগ্রত হলে বৃক্ষ পূর্ণরায় আপন জায়গায় চলে গেল। আমি তাঁকে এ ব্যাপারে বললে তিনি বলেন, বৃক্ষটি আমাকে সালাম করার জন্য আব্দাহর কাছে প্রার্থনা করলে, আব্দাহ তা মঞ্জুর করেন।^{২০৫}

^{২০০}. সুয়ুতী, জালাল উদ্দিন সুয়ুতী, (র.) (৯১১হি.), আল খাসায়েসুল কুবরা, আরবী, বৈকুত, খন্ড:১ম পৃ:৩৭৪

^{২০৪}. সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:১ম পৃ:৪১৯

^{২০৫}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:২য় পৃ:৬৩

অবাধ্য উট বাধ্য হয়ে গেল

ইমাম বায়হাকী (র.) হযরত জাবের (রা.) থেকে বর্ণনা করেন, বনী সালমার এক ব্যক্তির পানি তোলার উট বদ মেযাজী হয়ে তার উপর আক্রমণ করল এবং পানি তোলা বন্ধ করে দিল। ফলে বাগান শুকিয়ে গেল। সে উট সম্পর্কে নবী করিম সাল্লাল্লাহু তায়ালা আলাইহি ওয়াসাল্লাম কে অভিযোগ করলে তিনি খেজুর বাগানের দরজা পর্যন্ত চলে যান। কেউ তাঁকে বলল, ইয়া রাসূলান্নাহ! আপনি বাগানে প্রবেশ করবে না। কেননা, আমরা ঐ পাগল উট আপনাকে আক্রমণ করার ভয় করছি। তিনি বললেন, তোমরা বাগানে প্রবেশ কর, ভয়ের কিছুই নেই।

উট রাসূল সাল্লাল্লাহু তায়ালা আলাইহি ওয়াসাল্লাম কে দেখামাত্র স্বীয় মাথা নিচু করে চলে এসে তাঁর সামনে দাঁড়িয়ে গেল এবং তাঁকে সিজদা করল। তখন তিনি বললেন, তোমরা উট নিয়ে যাও আর রশি লাগিয়ে দাও।^{২০৬}

উটে সিজদা করা

ইমাম তাবরানী ও আবু নঈম ρ হযরত ইয়ালা ইবনে মুররাহ (রা.) থেকে বর্ণনা করেন, তিনি বলেন, একদিন নবী করিম সাল্লাল্লাহু তায়ালা আলাইহি ওয়াসাল্লাম বের হলেন একটি উঠ চিৎকার করতে করতে এসে তাঁকে সিজদা করল। তখন উপস্থিত মুসলমানগণ বলল, نحن احق ان نسجد للنبي صلى الله عليه وسلم। তখন তিনি বললেন, لو كنت امر احلًا ان يسجد لغير الله لامرت المرأة ان تسجد لزوجها। আল্লাহকে ছাড়া যদি কাউকে সিজদা করতে আমি আদেশ দিতাম তবে স্ত্রীদেরকে তাদের স্বামীকে সিজদা করতে আদেশ দিতাম।

তোমরা বুঝেছ এই উট কি বলতেছে? সে বলতেছে- আমি আমার মালিকের চল্লিশ বছর খেদমত করেছি। এখন যখন বৃদ্ধ হয়ে পড়েছি তখন আমাকে খাবার কমিয়ে দিল আর কাজ বেশী নেয়া আরম্ভ করে দিল। এখন বিবাহ উপলক্ষে আমাকে যবেহ করে দিতে চাচ্ছে।

তিনি একজন উঠের মালিকের কাছে পাঠিয়ে ঘটনার সত্যতা যাচাই করলে তারা বলল, খোদার কসম, ইয়া রাসূলান্নাহ! ঘটনা সত্য। তিনি বললেন, আমি চাই যে, তোমরা উঠকে আমার কাছে রেখে যাও।^{২০৭}

উটের অভিযোগ

ইমাম আবু নঈম ρ হযরত আনাস (রা.) থেকে বর্ণনা করেন, এক আনসারী ব্যক্তির উঠ আবাধ্য হয়ে উত্তেজিত হলে সে নবী করিম সাল্লাল্লাহু তায়ালা আলাইহি ওয়াসাল্লাম কে বলল, ইয়া রাসূলান্নাহ! আমার উঠ আবাধ্য হয়ে জমি শেষ প্রান্তে গিয়ে উত্তেজিত হয়ে

^{২০৬}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৯৪

^{২০৭}. ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৯৬

আছে। আর ভয়ে আমি তার কাছে যেতে সাহস পাচ্ছি না। তখন তিনি উঠের নিকটে গেলে উঠ তাঁকে দেখে গর্দান মাটিতে রেখে কি যেন বলতে বলতে রাসূল সাল্লাল্লাহু তায়ালা আলাইহি ওয়াসাল্লাম সামনে এসে বসে গেল এবং উঠের চোখ দিয়ে অশ্রু প্রবাহিত হতে লাগল। তিনি আনসারীকে বললেন, হে অমুক! আমি দেখতেছি যে, তোমার উঠ তোমার বিরুদ্ধে অভিযোগ করছে। তুমি তার উপর ইহসান কর। মালিক রশি নিয়ে এসে উঠের মাথা দিয়ে গলায় বেঁধে নিল।^{২০৮}

অলস গাধী সরস হওয়া

হযরত হালিমা সা'দিয়া (রা.) বলেন, আমি যখন শিশু মুহাম্মদ কে নিয়ে বাড়ী ফিরে যাচ্ছি তখন আমি আমার গাধীর উপর আরোহণ করলাম আর মুহাম্মদ সাল্লাল্লাহু তায়ালা আলাইহি ওয়াসাল্লাম কে আমার সামনে বসালাম। আমি দেখলাম যে, গাধী তিনবার বায়তুল্লাহর দিকে সিজদা করে মাথা তুলে এমন দ্রুত বেগে চলা আরম্ভ করল সব সওয়ারীদের আগে চলে গেল আর অন্যান্য সওয়ারীগুলো পিছনে পড়ে রইল। আমার সাথীরা বলতে লাগল হে হালিমা তোমার সওয়ারীর লাগাম নিয়ন্ত্রণ কর। এটা কি সেই সওয়ারী যেটি শত চেষ্টার পরও আত্মসর হত না? আমি নিশ্চিত হলাম যে, এ সব কিছু এই বাচ্চার বরকতেই হচ্ছে।^{২০৯}

নবী করিম সাল্লাল্লাহু তায়ালা আলাইহি ওয়াসাল্লাম উভয় জগতে সমগ্র সৃষ্টির ভাষা, কথা, আবেদন নিবেদন বুঝতে সক্ষম ছিলেন। এটা আল্লাহর পক্ষ থেকে তাঁর উপর বিশেষ দয়া ও মর্যাদা। যেহেতু তিনি সমগ্র সৃষ্টির প্রতি প্রেরিত সেহেতু আল্লাহ তায়ালা তাঁকে সব ভাষার জ্ঞান দান করেছেন। পবিত্র কুরআনে আল্লাহ তায়ালা এরশাদ করেন, وما ارسلنا من رسول الا بلسان قومه

অর্থ আমি প্রত্যেক রাসূল কে তাঁর সম্প্রদায়ের ভাষা জ্ঞান দিয়ে পাঠিয়েছে। সুতরাং এটি তাঁর একটি বড় মু'জিযা।^{২১০}

গুই সাপের সাক্ষ্য

ইমাম তাবরানী (আওসাত ও সগীর গ্রন্থে), ইবনে আদী, হাকেম (আল মু'জিয়াত গ্রন্থে), ইমাম বায়হাকী ও ইবনে আসাকের (র.) হযরত ওমর (রা.) থেকে বর্ণিত, একদা রাসূল সাল্লাল্লাহু তায়ালা আলাইহি ওয়াসাল্লাম আপনজনদের এক অনুষ্ঠানে বসে আছেন। বনী সুলাইম গোত্রের এক গ্রাম্য ব্যক্তি এসেছে। সে একটি গুই সাপ শিকার করেছিল সঙ্গে সেটিও ছিল। সে বলল, লাত-ওজ্জার শপথ, এই গুই সাপ আপনার উপর ঈমান না আনা পর্যন্ত আমিও ঈমান আনবো না। তিনি গুই সাপকে সম্বোধন করে বললেন, হে গুই সাপ!

^{২০৮}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈকৃত, খন্ড:২য় পৃ:৯৬

^{২০৯}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:৬২

^{২১০}. ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:২য় পৃ:৩৩০

আমি কে? এই গুই সাপ এমন সুস্পষ্ট আরবী ভাষায় উত্তর দিল যে, সমস্ত লোক শুনছিল এবং বুঝেছিল। সে বলল, লাব্বায়েক ওয়া সা'দায়ক ইয়া রাসূলান্নাহ! তিনি এর কাছে জিজ্ঞেস করলেন, তুমি কার ইবাদত কর? সে বলল, الذى فى السماء عرشه وفى الارض سلطانه- আমি ঐ সত্ত্বার ইবাদত করি যার আরশ আকাশে, যার ক্ষমতা পৃথিবীতে, যার রাস্তা সমুদ্রে, যার রহমত জান্নাতে ও যার শাস্তি জাহান্নামে। তারপর তিনি জিজ্ঞেস করলেন, আমি কে? সে বলল, انت رسول رب العالمين- আমি সমগ্র পৃথিবীর পালন কর্তার রাসূল, সর্বশেষ নবী। যারা আপনাকে বিশ্বাস করেছে তারা সফলকাম হয়েছে আর যারা আপনাকে মিথ্যা প্রতিপন্ন করেছে তারা ক্ষতিগ্রস্ত হয়েছে। একথা শুনে গ্রাম্য লোকটি মুসলমান হয়ে গেল।^{২১১}

চিল পাখির খেদমত

ইমাম বায়হাকী ও আবু নঈম (র.) হযরত ইবনে আব্বাস (রা.) থেকে বর্ণনা করেন, তিনি বলেন, রাসূল সাল্লাল্লাহু তায়ালা আলাইহি ওয়াসাল্লাম প্রাকৃতিক প্রয়োজনের ইচ্ছে করলে তিনি লোকালয় থেকে বহুদূরে চলে যেতেন। একদা তিনি এই উদ্দেশ্যে তাশরীফ নিলেন আমি তাঁর পেছনে পেছনে গেলাম। তিনি একটি বৃক্ষের নীচে বসে গেলেন। তিনি তাঁর মোজা খুলে ফেললেন। তারপর একটি মোজা পরিধান করলেন এমন সময় একটি পাখি এসে দ্বিতীয় মোজাটি ছোঁ মেরে নিয়ে গেল আর উড়ে উপরে উঠে মোজাকে নাড়া দিয়ে মোজা থেকে একটি বিযাক্ত চামড়া পাল্টানো কালো সাপ ফেলল। তখন নবী করিম সাল্লাল্লাহু তায়ালা আলাইহি ওয়াসাল্লাম এরশাদ করেন- هذه كرامة اكرمتى الله بها- এটি এমন কারামত যদ্বারা আল্লাহ আমাকে সম্মানিত করেছেন।^{২১২}

অলস গাধা দ্রুতগামী হওয়া

হযরত ইবনে সা'দ (র.) হযরত ইসহাক ইবনে আব্দুল্লাহ ইবনে আবু তালহা (রা.) থেকে বর্ণনা করেন, তিনি বলেন, রাসূল সাল্লাল্লাহু তায়ালা আলাইহি ওয়াসাল্লাম সা'দ (রা.)'র সাথে সাক্ষাত করেন এবং তার কাছে দুপুরে কায়লুলা (বিশ্রাম) করেন। রোদ একটু ঠাণ্ডা হলে একজন গ্রাম্য ব্যক্তি দুর্বল, অলস ও ধীরগতি সম্পন্ন একটি গাধা আনল যার উপর তুলার তৈরী কাপড় ছিলানো ছিল। তিনি এর উপর আরোহণ করে ঘরে পৌঁছে গাধাটি পুণরায় ফেরৎ দেন।

^{২১১}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী বৈরুত, খন্ড: ২য় পৃ: ১০৭ ও কাবী আয়ায (র.) (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খন্ড: ১ম পৃ: ২০৩

^{২১২}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, বৈরুত, খন্ড: ২য় পৃ: ১০৮

এরপর থেকে গাধাটি এমন দ্রুতগামী ও শক্তিশালী হয়ে গেল যে, কোন সওয়ারীই তার এত দ্রুত বেগে চলতে পারে না।^{২১০}

কাথী আয়ায (র.) শেফা শরীফে বর্ণনা করেন, নবী করিম সাল্লাল্লাহু তায়ালা আলাইহি ওয়াসাল্লাম এক সফরে নামাযের জন্য মনযিল করলেন এবং নিজের ঘোড়াকে ছেড়ে দিয়ে বললেন, যতক্ষণ আমরা নামায শেষ করবোনা ততক্ষণ নড়াচড়া করবে না, আল্লাহ তোমার মধ্যে বরকত দান করবেন। অতঃপর তিনি নামায আদায় করলেন কিন্তু ততক্ষণ পর্যন্ত ঘোড়া তার শরীরের কোন অংশ পর্যন্ত নড়াচড়া করেনি। এতে বুঝা যায় যে, অবোধ জন্তু তাঁর কথা বুঝে এবং তাঁর আনুগত্য করে।^{২১৪}

খচর নবীর কথা বুঝা

ইমাম বগতী, বায়হাকী, আবু নঈম ও ইবনে আসাকের (র.) হযরত শায়বা ইবনে ওসমান হাজ্জারী (রা.) থেকে বর্ণনা করেন, রাসূল সাল্লাল্লাহু তায়ালা আলাইহি ওয়াসাল্লাম হযরত আব্বাস (রা.) কে বললেন, মাটি থেকে কিছু কংকর নিয়ে আমাকে দাও। আল্লাহ তায়ালা তাঁর এই কথা তাঁর খচরের বোধগম্য করে দেন। খচর নীচ হয়ে এমনভাবে বসে গেল তার পেট মাটিতে লেগে গেল। তখন তিনি নিজেই কয়েকটি কংকর তুলে নিয়ে দুশমনের দিকে নিক্ষেপ করেন আর বলেন, *شاهت الوجوه حم لا ينصرون*^{২১৫}

হযরত আনাস ইবনে মালেক (রা.) থেকে বর্ণিত, তিনি বলেন, নবী করিম সাল্লাল্লাহু তায়ালা আলাইহি ওয়াসাল্লাম একটি বাগানে তাশরীফ নিলেন সাথে আবু বকর, ওমর ও আরো কয়েকজন আনসারী সাহাবী ছিলেন। বাগানে কতগুলো ছাগল ছিল। ছাগল দল তাঁকে দেখা মাত্র তাঁর সামনে এসে সিঁজদাবনত হয়ে গেল। হযরত আবু বকর সিদ্দিক (রা.) এটা দেখে বলেন, ইয়া রাসূলান্না! এই ছাগল দলের চেয়ে আপনাকে সিঁজদা করার আমরাই বেশী হকদার।

তিনি এরশাদ করলেন, আমার উম্মতের জন্য এরূপ সিঁজদা করা জায়েয নেই। পরস্পর পরস্পরকে সিঁজদা করা যদি বৈধ হত তবে আমি স্বামীকে সিঁজদা করতে স্ত্রীকে আদেশ দিতাম।^{২১৬}

একজনের খাবার চল্লিশজনে খাওয়া

ইবনে ইসহাক ও বায়হাকী (র.) হযরত আলী (রা.) থেকে বর্ণনা করেন, যে সময় নবী করিম সাল্লাল্লাহু তায়ালা আলাইহি ওয়াসাল্লাম'র উপর *وانزرتك الاقربين* (অর্থ- হে নবী!

^{২১০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১০৬

^{২১৪} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:১ম পৃ:৭৩১

^{২১৫} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:১ম পৃ:৭৩১

^{২১৬} আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, নয়্যা দিল্লী, পৃ:৩৪২

আপনার কবিলার নিকটতম ব্যক্তিদেবকে জাহান্নামের ভয় প্রদর্শন করুন) আয়াত নাযিল হয় তখন তিনি বললেন, হে আলী! একটি ছাগলের পায়া এবং এক সা' খাদ্য বস্ত্র নিয়ে খাবার তৈরী কর এবং এক পেয়ালা দুধ ও তৈরী রাখ। তারপর বনী আব্দুল মোত্তালেবের লোকদের একত্রিত কর।

হযরত আলী (রা.) বলেন, আমি তাঁর কথা মতে সব কিছু তৈরী করেছি, বনী আব্দুল মোত্তালেবের প্রায় চল্লিশ জন লোক এসেছে। তাদের মধ্যে হযরতের চাচা আবু তালেব, হামযা, আব্বাস ও আবু লাহাবও ছিল। আমি খাবারের পেয়ালা তাদের সামনে নিলাম। রাসূল সাল্লাল্লাহু তায়ালা আলাইহি ওয়াসাল্লাম প্রথমে ঐ পেয়ালা থেকে লম্বা এক টুকরা গোশত নিয়ে দাঁত মোবারক দিয়ে ছিড়ে পেয়ালার চতুর্দিকে ঢেলে দিলেন। তারপর উপস্থিত সকলকে বললেন, তোমরা বিসমিল্লাহ বলে খাও। তখন সকলেই পরিতৃপ্ত হয়ে আহার করলেন আর আমরা শুধু পেয়ালায় আব্দুলের চাপ দেখতেছি মাত্র কিন্তু সব খাবার রয়ে গেল। অথচ খোদার কসম খাবার মাত্র একজনের পরিমাণ মত ছিল। তারপর বললেন, হে আলী! সবাইকে দুধ পান করাও। সে পেয়ালায় দুধ ছিল আমি তা নিয়ে তাদের সকলকে দুধ পান করলাম। সবাই তৃপ্ত হল। খোদার কসম! আমাদের মধ্যে একজন যদি তা পান করত তবে শেষ হয়ে যেতো। এরপর রাসূল সাল্লাল্লাহু তায়ালা আলাইহি ওয়াসাল্লাম যখন তাদের সাথে (কুরআনের সম্পর্কে কিংবা হেদায়েত সম্পর্কে) কথা বলতে চেয়েছেন তখন আবু লাহাব সর্বাত্মে বলে উঠল হে লোকেরা তোমাদের সঙ্গী তোমাদের উপর যাদু করেছে। একথা শুনে সবাই বিচ্ছিন্ন হয়ে চলে গেল। রাসূল সাল্লাল্লাহু তায়ালা আলাইহি ওয়াসাল্লাম তাদের সাথে আর কোন কথা বলার সুযোগ পেলেন না।

পরের দিন ও নবী করিম সাল্লাল্লাহু তায়ালা আলাইহি ওয়াসাল্লাম বললেন, হে আলী! গতকালের ন্যায় খানা-পিনা তৈরী কর। আমি তৈরী করলাম আর লোকদের একত্রিত করলাম। রাসূল সাল্লাল্লাহু তায়ালা আলাইহি ওয়াসাল্লাম প্রথম দিন যে রকম খাবার খাওয়িয়েছিলেন আজকেও অনুরূপ খাওয়ালেন এবং তারা সকলেই পরিতৃপ্ত হলো। তারপর তিনি বললেন, হে বনী আব্দুল মোত্তালেব! আমি আরবের কোন যুবককে জানি না, যে স্বীয় সম্প্রদায়ের কাছে আমার চেয়ে উত্তম নিয়ে এসেছে। আমি তোমাদের কাছে দুনিয়া-আখেরাতের বিষয় নিয়ে এসেছি।^{১১৭}

এক সা যব এক হাজার লোকের পরিতৃপ্ত খাবার

হযরত জাবের ইবনে আব্দুল্লাহ (রা.) থেকে বর্ণিত, তিনি বলেন, যখন খন্দকের যুদ্ধে পরিখা খনন করা হচ্ছিল তখন আমি নবী সাল্লাল্লাহু তায়ালা আলাইহি ওয়াসাল্লাম কে ভীষণ ক্ষুধার্ত অবস্থায় দেখতে পেলাম। তখন আমি আমার স্ত্রীর কাছে ফিরে গিয়ে জিজ্ঞেস করলাম, তোমার কাছে খাবার বস্ত্র কিছু আছে কি? আমি রাসূলুল্লাহ সাল্লাল্লাহু তায়ালা আলাইহি ওয়াসাল্লাম কে দারুণ ক্ষুধার্ত দেখেছি। একথা শুনে তিনি একটি চামড়ার পাত্র এনে তা থেকে এক সা পরিমাণ যব বের করে দিলেন। আমাদের গৃহপালিত একটি বকরীর

^{১১৭}. সুহুতী, জালালা উদ্দিন সুহুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:২০৫

বাচ্চা ছিল। আমি সেটি যবেহ করলাম এবং গোশ্ত কেটে কেটে ডেকচিতে ভরলাম। আর আমার স্ত্রী যব পিষে দিল। আমি আমার কাজ শেষ করার সাথে সাথে সেও তার কাজ শেষ করল। এরপর আমি রাসূলুল্লাহ সাল্লাল্লাহু তায়ালা আলাইহি ওয়াসাল্লাম'র কাছে (তাঁকে ডেকে আনার জন্য) যাচ্ছিলাম। আমার স্ত্রী বলল, আমাকে রাসূলুল্লাহ ও তাঁর সাহাবীদের নিকট লজ্জিত করবেন না। (অর্থাৎ- খাবার অল্প তাই সবাইকে নয় বরং কয়েকজনকে ডেকে আনবেন।)

এরপর আমি রাসূলুল্লাহ সাল্লাল্লাহু তায়ালা আলাইহি ওয়াসাল্লাম'র নিকট গিয়ে চুপে চুপে বললাম, ইয়া রাসূলুল্লাহ! আমরা আমাদের একটি বকরীর বাচ্চা যবেহ করেছি এবং আমাদের ঘরে এক সা যব ছিল। তা আমার স্ত্রী পিষে রেখেছে। আপনি আরো কয়েকজন নিয়ে সাথে আসুন। তখন নবী করিম সাল্লাল্লাহু তায়ালা আলাইহি ওয়াসাল্লাম উচ্চস্বরে সবাইকে বললেন, হে পরিখা খননকারীগণ! জাবের খানার ব্যবস্থা করেছে। এসো, তোমরা ডেকচি নামাবে না এবং খামির থেকে রুটিও তৈরী করবে না। আমি বাড়ীতে আসলাম এবং রাসূলুল্লাহ সাল্লাল্লাহু তায়ালা আলাইহি ওয়াসাল্লাম সাহাবায়ে কেলামসহ তাশরীফ আনলেন। এরপর আমি আমার স্ত্রীর নিকট আসলে সে বলল, তোমার মজল করুন। তুমি একি করলে? এতগুলো লোক নিয়ে আসলে? অথচ খাদ্য একেবারে অল্প। আমি বললাম, তুমি যা বলেছ আমি তাই করেছি।

এরপর সে রাসূলুল্লাহর সামনে আটার খামির বের করে দিলে তিনি তাতে মুখের লালা মোবারক মিশিয়ে দিলেন এবং বরকতের জন্য দোয়া করলেন। এরপর তিনি ডেকচির দিকে এগিয়ে গিয়ে তাতে মুখের লালা মোবারক মিশিয়ে বরকতের জন্য দোয়া করলেন। তারপর বললেন, হে জাবের! রুটি প্রস্তুতকারিনীকে ডাক। সে আমার পাশে বসে রুটি প্রস্তুত করুক এবং ডেকচি থেকে পেয়ালা ভরে গোশ্ত পরিবেশন করুক। তবে চুলা থেকে ডেকচি নামাবে না। তাঁরা আশুস্তক সাহাবায়ে কিরামের সংখ্যা ছিল এক হাজার। আমি আল্লাহর কসম করে বলছি, তাঁরা সকলেই তৃপ্তি সহকারে খেয়ে অবশিষ্ট খাদ্য রেখে চলে গেলেন। অথচ আমাদের ডেকচি পূর্বের ন্যায় তখনও টগবগ করছিল এবং আমাদের আটার খামির থেকেও পূর্বের মত রুটি তৈরী হচ্ছিল।^{২১৮}

তাবুকে কূপে পানি পূর্ণ হয়ে গেল

ইমাম বায়হাকী ও আবু নঈম (র.) হযরত উরওয়া (রা.) থেকে বর্ণনা করেন, নবী করিম সাল্লাল্লাহু তায়ালা আলাইহি ওয়াসাল্লাম যে সময় তাবুকে অবস্থান করছিলেন তখন সেখানে পানির সন্ধান ছিল। তিনি হাতে এক ক্রোশ পানি নিয়ে কুলি করে কুলির পানি একটি কূপে নিক্ষেপ করলেন। ফলে কূপে পানি ফুলে উঠে উপর অংশ পর্যন্ত পূর্ণ হয়ে গেল এবং এখনো পর্যন্ত এরূপই রয়েছে।^{২১৯}

^{২১৮} ইমাম বুখারী, মুহাম্মদ ইবনে ইসমাঈল (র.) (২৫৬হি.), বুখারী শরীফ, আরবী, ইউপি, ইন্ডিয়া, পৃ:৫৮৮

^{২১৯} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈকুণ্ঠ, খণ্ড:১ম পৃ:৪৫৩

সংগ্রহীত সামান্য খাবারে অভাবনীয় বরকত হওয়া

ইমাম মুসলিম (র.) হযরত আবু হুরাইরা (রা.) থেকে বর্ণনা করেন, নবী করিম যখন তারুকে পৌঁছেন তখন সাহাবায়ে কিরাম ক্ষুধায় দুর্বল হয়ে পড়েছিল। তারা আরজ করল, ইয়া রাসূলান্নাহ! আপনি অনুমতি দিলে আমরা আমাদের উট যবেহ করে খেয়ে শক্তি অর্জন করতে পারি। হযরত ওমর (রা.) আরজ করলেন, ইয়া রাসূলান্নাহ! যদি আপনি এরূপ করেন তবে সওয়ারী কমে যাবে। বরং আপনি যদি অবশিষ্ট খাবার সংগ্রহ করে আদ্বাহর দরবারে বরকতের জন্য দোয়া করুন। আশা করি আদ্বাহ তায়ালা এতে বরকত দেবেন।

রাসূল সাল্লাল্লাহু তায়ালা আলাইহি ওয়াসাল্লাম বলেছেন সুন্দর পরামর্শ। তিনি চামড়ার একটি দস্তুরখানা নিয়ে বিছায়ে দিলেন। তারপর তাদের অতিরিক্ত পাথের নিয়ে আসতে ঘোষণা দেন। অতঃপর কেউ এক মুষ্টি খাবার, কেউ একমুষ্টি খেজুর, আর কেউ এক টুকরা রুটি নিয়ে আসতে আসতে দস্তুরখানায় কিছু খাবার বস্তু সংগ্রহ হল। এরপর তিনি বরকতের জন্য দোয়া করলেন এবং সাহাবায়ে কিরামকে বললেন, তোমরা আপন আপন পাত্র ভরে নাও। ফলে সৈন্যদের মধ্যে এমন কারো পাত্র ছিলনা যা ভরে নেয়নি এবং সবাই পরিভৃষ্ট হয়ে খেয়ে নিয়েছিলেন এরপরও খাবার রয়ে গেল। তারপর রাসূল সাল্লাল্লাহু তায়ালা আলাইহি ওয়াসাল্লাম এরশাদ করেন, আমি সাক্ষ্য দিচ্ছি যে, আদ্বাহ ছাড়া কোন মাবুদ নেই, আর আমি আদ্বাহর রাসূল। এই কালিমা নিয়ে সন্দেহ ব্যতীত যে ব্যক্তি আদ্বাহর সাথে মিলবে তাকে জান্নাতে প্রবেশে বাঁধা দেওয়া হবে না।^{২২০}

অল্পতে বরকত হওয়া

খালি কুপ পানিতে পূর্ণ হওয়া:

হযরত বারা ইবনে আযিব (রা.) হতে বর্ণিত, তিনি বলেন- হৃদয়বিয়ায় আমরা নবী করিম সাল্লাল্লাহু তায়ালা আলাইহি ওয়াসাল্লাম'র সাথে চৌদ্দশ লোক ছিলাম। হৃদয়বিয়া একটি কুপ, আমরা তা হতে সব পানি এমনভাবে উঠিয়ে নিলাম যে, তাতে একফোঁটা পানিও বাকী থাকল না। নবী সাল্লাল্লাহু তায়ালা আলাইহি ওয়াসাল্লাম কূপের কিনারায় বসে সামান্য পানি আনার জন্য আদেশ করলেন। সামান্য আনীত পানি কুলি করে ঐ পানি কূপে নিক্ষেপ করলেন। আমরা কিছুক্ষণ অপেক্ষা করলাম। তখন কূপটি পানিতে ভরে গেল। আমরা পান করে ভৃষ্টি লাভ করলাম, আমাদের উটগুলোও পানি পানে ভৃষ্টি হল।^{২২১}

অল্প খাবার অনেকজনে খাওয়া

হযরত আনাস (রা.) থেকে বর্ণিত, তিনি বলেন, হযরত আবু তালহা (রা.) তদীয় (পত্নী) উম্মে সুলাইম কে বললেন, আমি নবী করিম সাল্লাল্লাহু তায়ালা আলাইহি ওয়াসাল্লাম

^{২২০} ইমাম সুযূতী, জালাল উদ্দিন সুযূতী (র.) (৯১১হি.), আল খাসায়েসুল কুবরা, আরবী, বৈকৃত, খন্ড: ১ম পৃ: ৪৫৪

^{২২১} ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী ইউপি, ইন্ডিয়া, পৃ: ৫০৫, হাদীস নং ৩৩২৪

এর কঠিন স্বর দুর্বল শুনেনি। আমি তাঁর মধ্যে ক্ষুধা বুঝতে পেয়েছি। তোমার নিকট কোন খাবার আছে কি? তিনি বললেন, হ্যাঁ আছে। এই বলে তিনি কয়েকটা যবের রুটি বের করলেন। তারপর তার একখানা ওড়না বের করে এর কিয়দংশ দিয়ে রুটিগুলো মুড়ে আমার হাতে গোপন করে রেখে দিলেন ও ওড়নার অপর অংশ আমার শরীর জড়িয়ে দিলেন এবং আমাকে নবী সাল্লাল্লাহু তায়ালা আলাইহি ওয়াসাল্লাম'র খেদমতে পাঠালেন।

রাবী আলম (রা.) বলেন, আমি তাঁর নিকট গেলাম। ঐ সময় তিনি কতিপয় লোকসহ মসজিদে অবস্থান করছিলেন। আমি গিয়ে তাঁদের সম্মুখে দাঁড়িলাম। নবী সাল্লাল্লাহু তায়ালা আলাইহি ওয়াসাল্লাম আমাকে দেখে বললেন, তোমাকে আবু তালহা পাঠিয়েছে? আমি বললাম, জি হ্যাঁ। নবী সাল্লাল্লাহু তায়ালা আলাইহি ওয়াসাল্লাম বললেন, খাওয়ার দাওয়াত দিয়ে পাঠিয়েছে? আমি বললাম, জি হ্যাঁ। তখন নবী সাল্লাল্লাহু তায়ালা আলাইহি ওয়াসাল্লাম সঙ্গীদেরকে বললেন, চল, আবু তালহা আমাদেরকে দাওয়াত করেছে। আনাস (রা.) বলেন- আমি তাঁদের আগেই চলে গিয়ে আবু তালহা (রা.) কে নবী সাল্লাল্লাহু তায়ালা আলাইহি ওয়াসাল্লাম'র আগমন বার্তা শুনলাম। ইহা শুনে আবু তালহা বলেন, হে উম্মে সুলাইম! নবী সাল্লাল্লাহু তায়ালা আলাইহি ওয়াসাল্লাম তাঁর সঙ্গী-সাথীদের নিয়ে আসছেন। তাঁদেরকে খাওয়ানোর মত কিছুই আমাদের কাছে নেই? উম্মে সুলাইম (রা.) বললেন, আল্লাহ ও তাঁর রাসূলই ভাল জানেন।

আবু তালহা (রা.) তাঁদেরকে অভ্যর্থনা জানানোর জন্য বাড়ী হতে কিছু দূর অগ্রসর হলেন এবং রাসূল সাল্লাল্লাহু তায়ালা আলাইহি ওয়াসাল্লাম'র সাক্ষাত করলেন। রাসূল সাল্লাল্লাহু তায়ালা আলাইহি ওয়াসাল্লাম তাকে নিয়ে তার ঘরে আসলেন। আর বললেন, হে উম্মে সুলাইম! তোমার নিকট যা কিছু আছে তা নিয়ে এসো। তিনি যবের ঐ রুটিগুলো হাযির করলেন এবং তাঁর নির্দেশে রুটিগুলো টুকরো টুকরো করা হল। উম্মে সুলাইম ঘিয়ের পাত্র ঝেড়ে মুছে সামান্য ঘি বের করে তা তরকারী স্বরূপ পেশ করলেন। এরপর রাসূল সাল্লাল্লাহু তায়ালা আলাইহি ওয়াসাল্লাম কিছু পাঠ করে তাতে ফুঁ দিলেন। তারপর দশজনকে খাওয়ার জন্য নিয়ে আসতে বললেন। তাঁরা দশজন আসলেন এবং রুটি খেয়ে পরিতৃপ্ত হয়ে বেরিয়ে গেলেন। তারপর আরো দশজনকে আসার কথা বলা হল। তাঁরা আসলেন এবং তৃপ্তসহকারে রুটি খেয়ে বেরিয়ে গেলেন। আবার আরো দশজনকে আসতে বলা হল। তাঁরাও আসলেন এবং পেট ভরে খেয়ে নিলেন। অনুরূপভাবে সমেবত সকলেই রুটি খেয়ে পরিতৃপ্ত হলেন। তারা সর্বমোট সত্তর বা আশিজন ছিলেন।^{২২২}

পাওনাদারের প্রাপ্য শোধ

হযরত জাবির (রা.) থেকে বর্ণিত, তাঁর পিতা (আব্দুল্লাহ (রা.) ওহুদ যুদ্ধে) ঋণ রেখে শাহাদত বরণ করেন। তিনি বলেন, তখন আমি নবী করিম সাল্লাল্লাহু তায়ালা আলাইহি ওয়াসাল্লাম'র দরবারে উপস্থিত হয়ে বললাম, আমার পিতা অনেক ঋণ রেখে গেছেন।

^{২২২} ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৫, হাদিস নং ৩৩২৫

আমার নিকট বাগানের উৎপন্ন কিছু খেজুর ব্যতীত অন্য কোন সম্পদ নেই। কয়েক বছরের উৎপাদিত খেজুর একত্রিত করলেও এদ্বারা তাঁর ঋণ শোধ হবে না। আপনি দয়া করে আমার সাথে চলুন, যাতে (আপনাকে দেখে) পাওনাদারগণ আমার প্রতি কঠোর মনোভাব গ্রহণ না করে।

নবী সাল্লাল্লাহু তায়ালা আলাইহি ওয়াসাল্লাম তাঁর সাথে গেলেন এবং খেজুরের একটি স্তূপের চারদিকে ঘুরে দোয়া করলেন। এরপর অন্য স্তূপের নিকটে গিয়ে বসে পড়লেন এবং জাবির (রা.) কে বললেন, খেজুর বের করে দিতে থাক। অতঃপর সকল পাওনাদের প্রাপ্য শোধ করে দিলেন অথচ পাওনাদারদের যা দিলেন তার সমপরিমাণ রয়ে গেল।^{২২০}

রাসূল সাল্লাল্লাহু তায়ালা আলাইহি ওয়াসাল্লাম'র বরকতে পরিতৃপ্ত হওয়া

ইবনে সা'দ আবু নঈম ও ইবনে আসাকের হযরত আতা (র.) থেকে তিনি হযরত ইবনে আব্বাস ও মুজাহিদসহ আরো অনেক থেকে বর্ণনা করেন, যখন আবু তালেব এর পরিবারের সদস্যরা একত্রে বসে কিংবা একা একা রাসূল সাল্লাল্লাহু তায়ালা আলাইহি ওয়াসাল্লাম ব্যতীত খাবার খেতেন তখন তাদের পেট ভরে খাওয়া হতনা অর্থাৎ পরিতৃপ্ত হতনা। কিন্তু যখন রাসূল সাল্লাল্লাহু তায়ালা আলাইহি ওয়াসাল্লাম সহ খেতে বসতেন তখন সবাই পরিতৃপ্ত হতো।

অতঃপর সকাল সন্ধ্যা যখন খাওয়ার সময় হত তখন আবু তালেব পরিবারের সদস্যদের বলত থাম, আমার পুত্র আসুক। তারপর তিনি যখন আসতেন তখন তাঁর সাথে খাবার খেলে সবাই পরিতৃপ্ত হয়ে খেতেন এবং আরো খাবার থেকে যেতো। আর তিনি খাবারে শরীক না হলে সবাই ক্ষুধার্ত থেকে যেতো।

যদি ঘরে দুধ থাকে তাহলে চাচা প্রথমে তাঁকে পান করাতেন পরে সবাই তা থেকে পান করতো এতে সবাই পরিতৃপ্ত হয়ে যেতো। পক্ষান্তরে দুধের পেয়ালা তাঁকে না দিয়ে অন্য কেউ পান করতো তখন একজনই তা পান করে ফেলতো। এতে চাচা তাঁকে বলতেন- তুমি বড়ই বরকত মন্ডিত। সব ছেলেরা সকালে চোখে ময়লা নিয়ে ঘুম থেকে উঠে কিন্তু তিনি সম্পূর্ণ পরিষ্কার-পরিচ্ছন্ন ও মাথায় তেল, চোখে সুরমা লাগানো অবস্থায় ঘুম থেকে উঠতেন।^{২২৪}

এক দেরহামের খাবার সকল আহলে বাইতের যথেষ্ট হওয়া

^{২২০} ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:৫০৫, হাদিস নং-৩৩২৭

^{২২৪} সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১৪০

ইবনে সা'দ (র.) হযরত আলী (রা.) থেকে বর্ণনা করেন, তিনি বলেন, এক রাতে (খাবার না থাকার কারণে) আমরা খাবার না খেয়ে ঘুমুলাম, সকালে উঠে আমি তালাশ করে একটি দেহরহাম পেলাম যা দিয়ে কিছু খাবার ও গোশত কিনে আনলাম এবং ফাতেমাকে দিলাম। তিনি রুচি ও সাহন তৈরী করে বললেন, আমার পিতাকেও ডাকলে ভাল হত। আমি তাঁকে ডাকতে গেলাম তখন তিনি আল্লাহর কাছে ক্ষুধা থেকে আশ্রয় প্রার্থনা করতেছেন। আমি বললাম, ইয়া রাসূলুল্লাহ! আমাদের ঘরে খাবার আছে, আপনি তাশরীফ আনুন। রাসূল সাল্লাল্লাহু তায়ালা আলাইহি ওয়াসাল্লাম যখন আসেন তখন ডেকচিতে খাবার ফুটতেছে। তিনি বললেন, আয়েশার জন্য খাবার তুলে পৃথক করে রাখ। সুতরাং আয়েশার জন্য এক বাটি নিয়ে পৃথকভাবে রাখা হল। তারপর বললেন, হাফসা'র জন্য তুলে রাখ, হাফসার জন্য ও এক বাটি তুলে রাখা হল। এভাবে হযরত ফাতেমা (রা.) রাসূল সাল্লাল্লাহু তায়ালা আলাইহি ওয়াসাল্লাম'র নয়জন স্ত্রীর জন্য পাত্রভরে পৃথক পৃথক করে রেখে দিলেন।

এরপর তিনি বললেন, তোমারা স্বামী ও তোমার পিতার জন্য রেখে দাও এবং তোমার জন্যও রাখ আর খাও। হযরত ফাতেমা (রা.) বলেন, সকলের জন্য খাবার তুলে রাখার পর ডেকচি খুলে দেখি ডেকচির উপরিভাগ পর্যন্ত ভর্তি ছিল আর আমরা আল্লাহর ইচ্ছে মোতাবেক খেয়েছি।^{২২৫}

ত্রিশ সা' যব দিয়ে সপরিবারে ছয়মাস খাওয়া

ইমাম হাকেম ও বায়হাকী (র.) হযরত নওফল ইবনে হারেস (রা.) থেকে বর্ণনা করেন, তার বিয়ের জন্য রাসূল সাল্লাল্লাহু তায়ালা আলাইহি ওয়াসাল্লাম'র নিকট সাহায্য প্রার্থনা করলে তিনি তাকে ত্রিশ সা' যব দান করেন। নওফল বলেন আমরা ঐ যব ছয়মাস পর্যন্ত খেয়েছিলাম। তারপর পাল্লা দিয়ে মেপে দেখি সামান্য পরিমাণ রয়েছে মাত্র। আমি এই ঘটনা রাসূল সাল্লাল্লাহু তায়ালা আলাইহি ওয়াসাল্লাম কে বললে তিনি বলেন, যদি তুমি মেপে না দেখতে তবে সারা জীবন খেতে পারতে।^{২২৬}

খালি পাত্র পূর্ণ ভর্তি হওয়া

হযরত আনাস (রা.)'র আন্মা হযরত উম্মে সুলাইম (রা.) রাসূল সাল্লাল্লাহু তায়ালা আলাইহি ওয়াসাল্লাম'র খেদমতে এক বাটি ঘি হাদিয়া পাঠালেন। তিনি ঘি নিয়ে খালি বাটি পাঠিয়ে দেন। অপর এক মহিলা উম্মে সুলাইম (রা.)'র কাছে সামান্য ঘি চাইলে তিনি তাকে বললেন, সমস্ত ঘি রাসূল সাল্লাল্লাহু তায়ালা আলাইহি ওয়াসাল্লাম কে দিয়ে ফেলেছি আমাদের কাছে আর ঘি নেই। মহিলা বলল, একটু দেখুন না, বাটিতে সামান্য রয়ে গেছে কিনা।

উম্মে সুলাইম তার মেয়েকে বললেন, বাটিটি দেক সামান্য ঘি আছে কিনা। মেয়ে গিয়ে দেখে বাটিতে ঘি পূর্ণ। উম্মে সুলাইম (রা.) রাসূল সাল্লাল্লাহু তায়ালা আলাইহি ওয়াসাল্লাম'র দরবারে এসে বললেন, ইয়া রাসূলুল্লাহ! আপনি আমার ঘি গ্রহণ করেন নি কেন? তিনি

^{২২৫} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:২য় পৃ:৮১

^{২২৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:২য় পৃ:৮৬

বললেন, কেন, আমি তো পুরো বাটি খালি করে দিয়েছি। উম্মে সুলাইম (রা.) বললেন, সেই খোদার কসম, যিনি আপনাকে সত্য রাসূল হিসেবে প্রেরণ করেছেন, সেই খালি বাটির মুখ পর্যন্ত যি পূর্ণ হয়ে আছে। তিনি মুচকী হেসে বললেন, সেগুলো ব্যবহার করতে থাকো আর বাটি সেই স্থান থেকে সরাবে না।^{২২৭}

খালি ঘি'র বাটি থেকে সারা জীবন খাওয়া

হযরত উম্মে শুরাইক (রা.) একদা তার দাসীর মারফত একবাটি ঘি রাসূল সাল্লাল্লাহু তায়ালা আলাইহি ওয়াসাল্লাম'র খেদমতে প্রেরণ করলেন। তিনি ঘি নিয়ে খালি বাটি পাঠিয়ে দেন এবং দাসীকে বললেন এটি নিয়ে লটকিয়ে রাখবে আর মুখ বন্ধ করবেনা। দ্বিতীয় দিন উম্মে শুরাইক (রা.) ঐ বাটি দেখেন যে, বাটি ঘিয়ে ভর্তি। তিনি দাসীকে ডেকে বকা দিয়ে বলেন, তোমাকে বলেছি ঘি রাসূল সাল্লাল্লাহু তায়ালা আলাইহি ওয়াসাল্লাম'র কাছে নিয়ে যেতে। তুমি নাওনি কেন? সে শপথ করে আমাকে দিয়ে দিয়েছেন আর আমি উহাকে উল্টিয়ে দেখেছি এক ফোঁটা ঘিও ছিলনা। তবে তিনি বলেছিলেন উহাকে লটকিয়ে রাখতে আর মুখ বন্ধ না করতে।

উম্মে শুরাইক (রা.) সারা জীবন ঐ বাটি থেকে ঘি খেয়েছিলেন। একদা বাহাউরজন্য ব্যক্তি ঐ বাটি থেকে ঘি খেয়েছিল কিন্তু এতে পিন্দুমাত্রও কমেনি।^{২২৮}

মাত্র সাতটি খেজুর থেকে অগণিত খেজুর হওয়া

ইমাম ওয়াকেরী, আবু নঈম ও ইবনে আসাকের (র.) হযরত আরবায় ইবনে সারিয়্যা (রা.) থেকে বর্ণনা করেন, তিনি বলেন, আমরা রাসূল সাল্লাল্লাহু তায়ালা আলাইহি ওয়াসাল্লাম'র সাথে তাবুক যুদ্ধে ছিলাম। একরাতে তিনি হযরত বেলাল (রা.) কে জিজ্ঞেস করেন, রাতে খাবারের জন্য কিছু আছে? হযরত বেলাল (রা.) খোদার কসম করে বলেন, আমরা আমাদের থলে বেড়ে ফেলেছি। অর্থাৎ- আমাদের কাছে খাওয়ার কিছুই নেই। তিনি হযরত বেলাল (রা.) কে বললেন, দেখ হয়তো পেয়ে যাবে।

অতঃপর হযরত বেলাল (রা.) একেকটি থলে নিয়ে জাড়তে লাগলেন। কোনটি থেকে একটি, কোনটি থেকে দু'টি খেজুর পড়েছে। এভাবে আমি হযরত বেলাল (রা.)'র হাতে সাতটি খেজুর দেখেছি। তিনি একটি বড় থলে নিয়ে সেখানে খেজুরগুলো রাখলেন। এরপর তিনি থলের ভিতরে খেজুরে হাত মোবারক রেখে বললেন, বিসমিল্লাহ খাও। আমরা তিন জন খেয়েছি। আমি খাওয়ার সময় গণনা করেছি মোট চয়ান্নটি খেজুর গুনেছি আর দানাগুলো আমার অপর হাতে ছিল। আমার অপর দুই সান্থীও অনুরূপ করেছিল এমনকি আমরা তৃপ্ত হয়ে হাত তুলে নিলাম। দেখলাম সাতটি খেজুর যেভাবে ছিল সেভাবে রয়েছে। তারপর বললেন, **يا هه ببال ارفعها فانه لا ياكل منها احد الا نهل منها شبعاً** বোলাল! এই খেজুরগুলো তুলে নাও। এগুলো থেকে যেই খাবে সেই পরিতৃপ্ত হবে।

^{২২৭}. আব্দুর রহমান জামী (র.) (৮৯৮ হি.), শাওয়াহেদুন নবুয়ত, উর্দু, বেরেলী, পৃ: ২২৭

^{২২৮}. আব্দুল রহমান জামী (র.) (৮৯৮ হি.), শাওয়াহেদুন নবুয়ত, উর্দু, বেরেলী, পৃ: ২২৮

পরের দিন তিনি বেলালকে ডেকে বললেন, খেজুরগুলো নিয়ে এসো। খেজুর আনলে তিনি তাতে হাত মোবারক খেজুরের উপর রেখে বললেন, বিসমিল্লাহ, খাও। আমরা খেলাম এবং তৃপ্ত হলাম আর আমরা মোট দশজন ছিলাম। আমরা তৃপ্ত হয়ে হাত উঠিয়ে নিলাম কিন্তু পূর্বের ন্যায় অবশিষ্ট রয়েছে। রাসূল সাল্লাল্লাহু তায়ালা আলাইহি ওয়াসাল্লাম এরশাদ করেন, আমি আমার রবকে যদি লজ্জা না করতাম তবে আমাদের পরবর্তীতে আগত লোকেরাও মদীনা মুনাওয়ারা পৌঁছা পর্যন্ত খেতে পারতাম। তারপর খেজুরগুলো এক বালককে দিয়ে দেন সে দাতে চিবুতে চিবুতে চলে গেল।^{২২৯}

আঙ্গুল মোবারক থেকে নির্গত পানি ত্রিশ হাজার লোক ও

চব্বিশ হাজার উট-গোড়া পানি পান করা:

ইমাম ওয়াকেদী ও আবু নঈম (র.) হযরত আবু কাতাদাহ (রা.) থেকে বর্ণনা করেন, তিনি বলেন, আমরা রাসূল সাল্লাল্লাহু তায়ালা আলাইহি ওয়াসাল্লাম'র সাথে সৈন্যগণসহ যুদ্ধে (তাবুক) যাচ্ছি। সৈন্যরা এমন পিপাসার্ত হল যে, সৈন্য, ঘোড়া ও উটের গর্দান ভেঙ্গে যাওয়ার উপক্রম হল। তিনি সামান্য পানি ভর্তি একটি লোটা আনালেন এবং এতে তিনি আঙ্গুল মোবারক রাখেন। তখন তাঁর আঙ্গুল মোবারকের মধ্যবর্তী স্থান থেকে পানি প্রবাহিত হতে লাগল। এমনভাবে প্রবাহিত হল সবাই পানি পান করে তৃপ্ত হল। তারা তাদের ঘোড়া ও উট গুলোকেও পানি পান করালো। এ সময় তাদের সাথে বার হাজার উট, বার হাজার ঘোড়া ও ত্রিশ হাজার লোক ছিল।^{২৩০}

তিনটি ডিম সকলে পরিতৃপ্ত হয়ে গেল

ইমাম ওয়াকেদী ও আবু নঈম (র.) হযরত জাবের (রা.) থেকে বর্ণনা করেন, যে সময় নবী করিম সাল্লাল্লাহু তায়ালা আলাইহি ওয়াসাল্লাম 'গযওয়ায়ে যাতুর রিকা' এ যাত্রা করার মনস্থ করেন তখন আলবা ইবনে যিয়াদ হারেসী তিনটি উট পাখর ডিম নিয়ে রাসূল সাল্লাল্লাহু তায়ালা আলাইহি ওয়াসাল্লাম'র কাছে এসে আরজ করেন, ইয়া রাসূলাল্লাহ! এই ডিমগুলো আমি উট পাখির বাসায় পেয়েছি। তিনি বললেন, জাবের! ডিমগুলো নিয়ে রান্না করে আন। অতঃপর আমি গিয়ে রান্না করে একটি বড় পেয়ালা করে নিয়ে আসলাম আর রুটি তালাশ করতে লাগলাম।

নবী করিম সাল্লাল্লাহু তায়ালা আলাইহি ওয়াসাল্লাম ও তাঁর সাহাবায়ে কিরাম রুটি ছাড়া ঐ ডিম খাওয়া আরম্ভ করে দেন। প্রথমে তিনি পরিতৃপ্ত হলেন কিন্তু ডিম পূর্ণই রয়ে গেল।

^{২২৯} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী বৈরুত, খন্ড:১ম পৃ:৪৫৫

^{২৩০} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৫৬

তারপর দাঁড়িয়ে গেলেন তারপর ঐ ডিম থেকে তাঁর সকল সাহাবায়ে কিরাম খেলেন। এরপর আমরা ঠাণ্ডা হয়ে রওয়ানা হলাম।^{২০১}

এক বাটি খাবার খন্দক যুদ্ধের সকল মুজাহিদের জন্য যথেষ্ট হওয়া

ওয়াকেদী ও ইবনে আসাকের (র.) হযরত আব্দুল্লাহ ইবনে মুগীস (রা.) থেকে বর্ণনা করেন, উম্মে আমের রাসূল সাল্লাল্লাহু তায়ালা আলাইহি ওয়াসাল্লাম'র কাছে একটি বাটি পাঠালেন যেখানে খেজুর, ঘি ও পানির দ্বারা তৈরী খাবার ছিল। এ সময় তিনি প্রয়োজন পরিমাণ খাওয়ার পর রাসূল সাল্লাল্লাহু তায়ালা আলাইহি ওয়াসাল্লাম তাবুর বাইরে তাশরীফ নিয়ে গেলেন। তাঁর আহ্বানকারী উপস্থিত সকলকে সন্ধান খাবার খাওয়ার জন্য ডাকলে খন্দক যুদ্ধে উপস্থিত সকল মুজাহিদ পরিতৃপ্ত হয়ে খাবার গ্রহণ করলেন অথচ খাবার প্রথমে যতটুকু ছিল তখনও ততটুকু রয়েছে।^{২০২}

কয়েকটি খেজুর সকলের জন্য যথেষ্ট

ইমাম বায়হাকী ও আবু নঈম (র.) হযরত নোমান ইবনে বশীর (রা.)'র বোন বর্ণনা করেন, তার বোন বলেন, খন্দকের যুদ্ধের সময় আমার মা আমার কাপড়ের আঁচলে কয়েকটি খেজুর দিয়ে আমাকে আমার পিতা ও মামার নিকট পাঠালেন। তখন তারা খন্দক খননে লিপ্ত ছিলেন। আমি নবী করিম সাল্লাল্লাহু তায়ালা আলাইহি ওয়াসাল্লাম'র পাশ দিয়ে যাওয়ার সময় তিনি আমাকে ডাক দিলে আমি তাঁর কাছে গেলাম। তিনি আমার আঁচল থেকে খেজুরগুলো নিয়ে নিলেন। খেজুর পরিমাণে এত কম ছিল যে, তাতে তাঁর হাত মোবারকও ভরেনি।

তিনি একটি কাপড় বিছায়ে সেখানে খেজুরগুলো ছেড়ে দিলেন ফলে খেজুর কাপড়ের চতুর্দিকে ছড়িয়ে পড়ল। তারপর তিনি খন্দক খননকারী সকলকে আদেশ দিলেন যে, তোমরা একত্রিত হয়ে খেজুর খেয়ে যাও। তারা এসে খেজুর খেতে লাগল আর খেজুর বাড়তে লাগল। এভাবে সবাই খেজুর তৃপ্ত হয়ে খাওয়ার পরও কাপড়ের কোনায় খেজুর পড়ে রইল।^{২০৩}

আল্লাহর পক্ষ থেকে রিযিক

হযরত জাবের (রা.) হতে বর্ণিত, একদা নবী করিম সাল্লাল্লাহু তায়ালা আলাইহি ওয়াসাল্লাম কয়েকদিন যাবৎ খাবার খায়নি এমনকি ক্ষুধার্ত থাকা কষ্টদায়ক হয়ে পড়ল। তিনি হযরত ফাতেমা (রা.)'র কাছে এসে বললেন, হে ফাতেমা! তোমার কাছে কিছু আছে? তিনি বললেন, না। যখন তিনি চলে গেলেন তখন তার এক প্রতিবেশী মহিলা দু'টি চাপাতি রুটি ও এক টুকরা গোশত পাঠালেন। হযরত ফাতেমা (রা.) এ গুলোকে একটি পেয়ালায় ঢেকে রেখে রাসূল সাল্লাল্লাহু তায়ালা আলাইহি ওয়াসাল্লাম ডেকে পাঠান। তিনি আসলেন এবং

^{২০১}. সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৭৫

^{২০২}. সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৭৭

^{২০৩}. সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৮০

বললেন, আল্লাহ তায়ালা নিশ্চয় কিছু দিয়েছেন। ঠিক কাছে নিয়ে এসো। ঐ পেয়ালা আনা হলে তিনি ঢাকনি খুলে দেখেন পেয়ালা রুটি ও গোশত ভর্তি। হযরত ফাতেমা (রা.) দেখে অবাক হয়ে গেলেন, আর বুঝে নিলেন নিশ্চয় আল্লাহর পক্ষ থেকে বরকত হয়েছে। তখন নবী করিম সাল্লাল্লাহু তায়ালা আলাইহি ওয়াসাল্লাম বললেন- هه من اين لللهذا يا بُنَيَّةُ يا ابنت هو من عند يا ابنت هو من عند

হে আমার পিতা! এগুলো আল্লাহর পক্ষ থেকে। নিশ্চয় তিনি যাকে ইচ্ছে অগণিত রিযিক দান করেন। (সূরা আলে ইমরান আয়াত নং ৩৭) অতঃপর নবী সাল্লাল্লাহু তায়ালা আলাইহি ওয়াসাল্লাম এরশাদ করেন- আলহামদুলিল্লাহ, হে আমার প্রিয় কন্যা! আল্লাহ তায়ালা তোমাকে বনী ইস্রাইলের মহিলাদের সর্দার তথা হযরত মরিয়ম (আ.)'র সাদৃশ্য করেছেন। তারও একরূপ আল্লাহর পক্ষ থেকে রিযিক আসত। তাকেও যখন জিজ্ঞেস করা হত এগুলো কোথা হতে আসে? সেও অনুরূপ উত্তর দিত। তারপর তিনি হযরত আলী (রা.) ডাকলেন এবং তিনি, আলী, ফাতেমা, হাসান-হোসাইন সহ সকল বিবিগণ সহ পরিবারের সবাই তৃপ্ত হয়ে খাবার খেলেন আর পেয়ালা পূর্বের ন্যায় ভর্তি হয়ে গেল। হযরত ফাতেমা (রা.) ঐ অবশিষ্ট খাবার প্রতিবেশীগণের নিকট পাঠালেন। আল্লাহ তায়ালা ঐ খাবারে অনেক বরকত ও প্রচুর কল্যাণ দান করেছেন।^{২০৪}

একটি থলে থেকে দু'শ ওসক খেজুর খাওয়া

হযরত আবু হুরাইরা (রা.) থেকে বর্ণিত, তিনি বলেন, ইসলাম গ্রহণের পর আমার উপর তিনটি বড় মুসিবত অবতীর্ণ হয়। একটি নবী করিম সাল্লাল্লাহু তায়ালা আলাইহি ওয়াসাল্লাম'র ওফাত, দ্বিতীয়টি হল হযরত ওসমান (রা.)'র শাহাদত আর তৃতীয়টি হল সফরে খাবার রাখার থলে হারিয়ে যাওয়া। লোকেরা বলল, থলের ঘটনা কি? হযরত আবু হুরাইরা (রা.) বলেন, আমরা নবী করিম সাল্লাল্লাহু তায়ালা আলাইহি ওয়াসাল্লাম'র সাথে সফরে ছিলাম। তিনি আমাকে জিজ্ঞেস করেন তোমার কাছে কি খাবার কিছু আছে? আমি বললাম, থলের মধ্যে সামান্য খেজুর আছে। তিনি বললেন, নিয়ে এসো। আমি থলে থেকে খেজুর বের করে তাঁর কাছে আনলাম। তিনি উহা স্পর্শ করে এগুলোর জন্য দোয়া করেন আর বললেন দশজন করে করে ডাক। এভাবে দশজন করে এসে পুরো সৈন্যবাহিনী তৃপ্ত হয়ে খাওয়ার পর থলের মধ্যে খেজুর অবশিষ্ট হয়ে গেল।

তিনি বললেন, হে আবু হুরাইরা! যখনই থলে থেকে কিছু নিতে চাইবে এতে হাত প্রবেশ করে খেজুর নিবে তবে কখনো থলে ঝেড়ে ফেলবেনা। ঐ থলে থেকে আমি রাসূল সাল্লাল্লাহু তায়ালা আলাইহি ওয়াসাল্লাম হযরত আবু বকর, ওমর এবং হযরত ওসমান (রা.)'র শাসনামল পর্যন্ত খেয়েছিলাম। যখন হযরত ওসমান (রা.) যখন শাহাদাত বরণ

^{২০৪}. ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:২য় পৃ:৮২

করেন তখন আমার ঘরের জিনিসপত্র লুট করা হয়েছিল আর এসময় ঐ বরকতের থলেটিও নিয়ে গিয়েছিল। আমি উহা থেকে দু'শ ওসক খোরমা খেয়েছি।^{২০৫}

দুধে বরকত

হযরত আবু হুরাইরা (রা.) বলতেন- আল্লাহর কসম! যিনি ছাড়া আর কোন মারুদ নেই, আমি ক্ষুধার জ্বালায় আমার পেটকে মাটিতে রেখে উপুড় হয়ে পড়ে থাকতাম। আর কোন সময় ক্ষুধার জ্বালায় আমার পেটে পাথর বেঁধে রাখতাম। একদিন আমি ক্ষুধার যন্ত্রণায় বাধ্য হয়ে নবী সাল্লাল্লাহু তায়ালা আলাইহি ওয়াসাল্লাম ও সাহাবীগণের বের হওয়ার পথে বসে থাকলাম। আবু বকর যেতে লাগলে আমি কুরআনের একটি আয়াত সম্পর্কে প্রশ্ন করলাম। তাঁকে প্রশ্ন করার উদ্দেশ্য হল আমার ক্ষুধার্ত অবস্থা বুঝতে পেরে আমাকে পরিতৃপ্ত করে কিছু খাওয়াবেন। কিন্তু তিনি চলে গেলেন, কিছুই করলেন না। কিছুক্ষণ পর ওমর (রা.) যাচ্ছিলেন। আমি তাঁকে কুরআনের একটি আয়াত সম্পর্কে প্রশ্ন করলাম। এতেও আমার উদ্দেশ্য ছিল তিনি আমাকে পরিতৃপ্ত করে খাওয়াবেন। কিন্তু তিনি চলে গেলেন। আমার কোন ব্যবস্থা করলেন না। তার পরক্ষণে আবুল কাসিম সাল্লাল্লাহু তায়ালা আলাইহি ওয়াসাল্লাম যাচ্ছিলেন। তিনি আমাকে দেখেই মুস্কি হাসলেন এবং আমার মনের অন্তিরতা আমার চেহেরার অবস্থা থেকে তিনি আঁচ করতে পারলেন। তারপর বললেন, হে আবু হোরাইরা! আমি বললাম, ইয়া রাসূলাল্লাহ! আমি হাযির আছি। তিনি বললেন, তুমি আমার সঙ্গে চল। এ বলে তিনি চললেন, আমিও তাঁর অনুসরণ করলাম। তিনি ঘরে প্রবেশের অনুমতি চাইলেন এবং আমাকেও প্রবেশের অনুমতি দিলেন। তিনি ঘরে প্রবেশ করে একটি পেয়ালার মধ্যে সামান্য পরিমাণ দুধ পেলেন। তিনি জিজ্ঞেস করলেন, এ দুধ কোথা থেকে এসেছে? তাঁরা বললেন, এটা আপনাকে অমুক পুরুষ অথবা অমুক মহিলা হাদিয়া দিয়েছেন। তখন তিনি বললেন, হে আবু হুরাইরা! তুমি সুফফাবাসীদেরকে আমার কাছে ডেকে নিয়ে এসো। রাবী বলেন, সুফফাবাসীরা ইসলামের মেহমান ছিলেন। তাদের কোন পরিবার ছিলনা এবং তাদের কোন সম্পদও ছিল না। আর কারো উপর নির্ভরশীল হওয়ারও সুযোগ ছিলনা, যখন কোন সাদকা আসত তখন তিনি তা তাদের কাছে পাঠিয়ে দিতেন। তিনি এর থেকে কিছুই গ্রহণ করতেন না। আর কোন হাদিয়া আসলে তার কিছু অংশ তাদেরকে দিয়ে দিতেন এবং এর থেকে নিজেও কিছু রাখতেন। এর মধ্যে তাদেরকে শরীক করতেন। (আবু হুরাইরা (রা.) এ আদেশ শুনে আমি হতাশ হলাম। মনে মনে ভাবলাম যে, এ সামান্য দুধ দ্বারা সুফফাবাসীদের কি হবে? এ সামান্য দুধ আমার জন্যই যথেষ্ট হতো। এটা পান করে আমি শরীরে কিছুটা শক্তি পেতাম।

এরপর যখন তারা এসে গেলেন, তখন তিনি আমাকে নির্দেশ দিলেন যে, আমিই যেন তা তাদেরকে দেই, আর আমার আশা রইলনা যে, এ দুধ থেকে আমি কিছু পাবো। কিন্তু আল্লাহ ও তার রাসূলেন নির্দেশ না মেনে কোন উপায় নেই। তাই তাঁদের কাছে গিয়ে তাঁদেরকে ডেকে আনলাম। তাঁরা এসে ভেতরে প্রবেশের অনুমতি চাইলে তিনি তাদেরকে

অনুমতি দিলেন। তাঁরা এসে ঘরে আসন গ্রহণ করলেন। তিনি বললেন, হে আবু হুরাইরা! তুমি পেয়ালাটি নিয়ে তাদেরকে দাও। আমি পেয়ালা নিয়ে একজনকে দিলাম। তিনি পরিতৃপ্ত হয়ে পান করে পেয়ালাটি আমাকে দিয়ে দিলেন। আমি আর একজনকে দিলাম। তিনিও পরিতৃপ্ত হয়ে পান করে পেয়ালাটি আমাকে ফিরিয়ে দিলেন। এমনভাবে সকলকে দিতে দিতে নবী সাল্লাল্লাহু তায়ালা আলাইহি ওয়াসাল্লাম পর্যন্ত পৌঁছলাম। তাঁরা সবাই তৃপ্ত হয়েছিলেন। তারপর তিনি পেয়ালাটি হাতে নিয়ে আমার দিকে তাকিয়ে মুচুকি হেসে বললেন, এখন শুধু আমি আর তুমি আছি। আমি বললাম, আপনি ঠিক বলছেন ইয়া রাসূলান্নাহ। তিনি বললেন, এখন তুমি বসে পান কর। তখন আমি বসে কিছু পান করলাম। তিনি বললেন, তুমি আরো পান কর। আমি আরো পান করলাম। তিনি বার বার আমাকে পান করার নির্দেশ দিতে লাগলেন। এমনকি আমি বলতে বাধ্য হলাম যে, আর পারছি না। যে সত্তা আপনাকে সত্য ধর্মসহ পাঠিয়েছেন, তাঁর কসম আর পান করার মত পেটে জায়গা নেই। তিনি বললেন, তাহলে আমাকে দাও। আমি পেয়ালাটি তাঁকে দিলে তিনি আলহামদুলিল্লাহ ও বিসমিল্লাহ বলে বাকীটা পান করলেন।^{২৩৬}

তীর গেড়ে কূপের পানি বৃদ্ধি

ইমাম বুখারী (র.) বুখারী শরীফে হযরত মিসওয়াল ইবনে মা খারমা (রা.) থেকে বর্ণনা করেন, রাসূল সাল্লাল্লাহু তায়ালা আলাইহি ওয়াসাল্লাম হৃদয়বিয়ার একটি অল্প পানি ওয়ালা কূপের পাশে অবতরণ করেন। তখন সাহাবায়ে কিরাম তা থেকে সামান্য সামান্য পানি নিতে নিতে অল্পক্ষণের মধ্যেই কূপের পানি শেষ হয়ে গেল। তারা তাঁর কাছে পানির অভাবের ও পিপাসার কথা অবহিত করলে তিনি একটি তীর বের করেন এবং সেটিকে কূপে গেড়ে দিতে আদেশ করেন। তীর কূপে গেড়ে দিলে সেই তীরের বরকতে কূপে পানি বৃদ্ধি হয়ে উপছে পড়তে লাগল। সবাই পরিতৃপ্ত হয়ে প্রত্যাভর্তন করল। এসময় সাহাবায়ে কিরামের সংখ্যা ছিল প্রায় দেড়হাজার।^{২৩৭}

দু'জনের খাবার একশ আশি জনে খাওয়া

হযরত আবু আইয়ুব আনসারী (রা.) থেকে বর্ণিত, তিনি বলেন, নবী করিম সাল্লাল্লাহু তায়ালা আলাইহি ওয়াসাল্লাম যখন হযরত করে মদীনায়ে তাশরীফ আনেন তখন আমি তাঁর ও হযরত আবু বকর (রা.)'র জন্য শুধু দু'জনের পরিমাণ খাবার তৈরী করেছি। আমি খাবার এনে সামনে রাখলে তিনি বললেন যাও, মদীনার বিশিষ্ট সম্মানিত ব্যক্তিবর্গ গণকে ডেকে নিয়ে এসো। কথাটি আমার কাছে বড় ভারী মনে হল। কেননা আমার কাছে এর বেশী খাবার ছিল না। তিনি আবার বললেন, যাও, ত্রিশজন মদীনার সম্মানিত ব্যক্তি ডেকে নিয়ে এসো। আমি গিয়ে ডেকে নিয়ে আসলাম, তারা আসলে তিনি বললেন, খাও, তারা খাওয়া

^{২৩৬} ইমাম বুখারী, মুহাম্মদ ইবনে ইসমাইল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৯৫৫, হাদিস নং-৬০০৮

^{২৩৭} ইউসূফ নাবহানী (র.) (১৩৫০হি.), হুজ্জাতুল্লাহি আলামীন, উর্দু, গুজরাট, খন্ড:২য় প:২৭১

আরম্ভ করল এমনকি সবাই তৃপ্ত হয়ে খেল। তারপর তারা সাক্ষ্য দিল যে, আপনি আল্লাহর সত্য রাসূল এবং যাবার পূর্বে তার তাঁর হাতে ইসলামের উপর বাইয়াত গ্রহণ করল।

তিনি আবার বললেন, যাও, আরো মদীনার ষাটজন নেতৃবৃন্দ ডেকে নিয়ে এসো। আবু আইয়ুব (রা.) বলেন, ত্রিশের পরিবর্তে ষাটজনের কথা শুনে আমি দ্বিগুণ চিন্তিত হয়ে পড়লাম, তারপরও ডেকে আনলাম। তিনি তাদেরকে বললেন, ভাই! তৃপ্ত হয়ে খেয়ে নাও। তারাও তৃপ্ত হয়ে খেল এবং সাক্ষ্য দিল যে, আপনি আল্লাহর রাসূল। আর যাবার আগে তারাও তাঁর হাতে বাইয়াত গ্রহণ করল।

এরপর তিনি পুণরায় বললেন, তুমি গিয়ে আরো নব্বইজন মদীনাবাসী ডেকে নিয়ে এসো। এখন ত্রিশ ও ষাটের স্থলে নব্বই জনের কথা শুনে প্রথম দুই বারের চেয়ে কয়েকগুণ বেশী ভয় অনুভব করছি। কিন্তু তাদেরকেও ডেকে আনলে তারাও তৃপ্ত হয়ে খেল এবং সাক্ষ্য দিল যে, আপনি আল্লাহর সত্য রাসূল। তারাও নবী করিম সাল্লাল্লাহু তায়ালা আলাইহি ওয়াসাল্লাম'র হাতে বাইয়াত গ্রহণ করে চলে গেল। আবু আইয়ুব (রা.) বলেন সেদিন আমার দু'জনের খাবার একশ আশিজন লোকে খেয়েছিল এবং তারা সবাই ছিল আনসার।^{২৩৮}

আবু সুফিয়ানের মনের কথা জানা

হযরত ইবনে সা'দ, বায়হাকী ও ইবনে আসাকের (র.) হযরত আবু ইসহাক সুবাইদী (রা.) থেকে বর্ণনা করেন, আবু সুফিয়ান ইবনে হারাব মক্কা বিজয়ের পর বসে বসে মনে মনে বলতেছে যে, যদি মুহাম্মদের বিপক্ষে একটি বড় দল কে প্রস্তুত করতে পারতাম। ইত্যবসরে রাসূল সাল্লাল্লাহু তায়ালা আলাইহি ওয়াসাল্লাম এসে তার দু'কাধের মধ্যবর্তী স্থানে হাত রেখে বললেন, যদি তুমি এরূপও করতে তবুও আল্লাহ তায়ালা তোমাকে লাঞ্চিত করতেন। তখন আবু সুফিয়ান মাথা তুলে দেখল রাসূল সাল্লাল্লাহু তায়ালা আলাইহি ওয়াসাল্লাম তার মাথার সামনে দন্ডায়মান। আবু সুফিয়ান আরজ করল, এই সময় আপনার নবী হওয়ার বিষয়টি আমার ইয়াকীন ছিলনা, তাই আমার মনে এইসব কথা সৃষ্টি হচ্ছে।

অন্য বর্ণনা আছে আবু সুফিয়ান রাসূল সাল্লাল্লাহু তায়ালা আলাইহি ওয়াসাল্লাম'র বিরুদ্ধে মনে মনে দ্বিতীয়বার যুদ্ধ করার চিন্তা করছিল, এমন সময় হঠাৎ রাসূল সাল্লাল্লাহু তায়ালা আলাইহি ওয়াসাল্লাম এসে তার বক্ষে খাপ্পর দিয়ে বললেন, এতেও আল্লাহ তায়ালা তোমাকে লাঞ্চিত করতেন। তখন আবু সুফিয়ান বলল, *أتوب الى الله واستغفر الله مما تفوهت به*, আমি মনে মনে যেসব কথা বলেছি সেগুলো তো আল্লাহর কাছে তাওবা ও মাগফিরাত কামনা করছি।^{২৩৯}

স্বামী-স্ত্রীর গোপন কথা জানা

^{২৩৮}. আবু নঈম ইস্পাহানী (র.) (১৩৫০হি.), দালায়েলুন নবুয়ত, উর্দু, দিল্লী, পৃ:৩৮২ ও ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৮০

^{২৩৯}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৪১

ইমাম বায়হাকী, আবু নঈম ও ইবনে আসাকের (র.) হযরত সাঈদ ইবনে মুসায়্যিব (রা.) থেকে বর্ণনা করেন, তিনি বলেন, যেই রাতে সাহাবায়ে কিরাম মক্কায় প্রবেশ করেছিলেন সেটি মক্কা বিজয়ের রাত ছিল। সেই রাতে তারা সকাল পর্যন্ত তাকবীর, তাহলীল, বায়তুল্লাহর তাওয়াফে ব্যস্ত ছিলেন। আবু সুফিয়ান তার স্ত্রী হিন্দাকে বলল- দেখতেছ ইহা আল্লাহর পক্ষ থেকে হচ্ছে।

অতঃপর সকাল হলে আবু সুফিয়ান রাসূল সাল্লাল্লাহু তায়ালা আলাইহি ওয়াসাল্লাম'র খেদমতে আসলে তিনি তাকে বললেন, الله نعم هو من الله اذ قال لهذ امترين هذا من الله نعم هو من الله - তুমি বলেছিলে হিন্দাকে ইহা আল্লাহর পক্ষ থেকে হচ্ছে, হ্যাঁ, ইহা আল্লাহর পক্ষ থেকেই হচ্ছে। তখন আবু সুফিয়ান বলল, الله ورسوله والله ماسمع قولي هذا احد من الناس الا الله, اشهد انك عبر الله ورسوله والله ماسمع قولي هذا احد من الناس الا الله - অর্থাৎ- আমি সাক্ষ্য দিচ্ছি যে, আপনি আল্লাহর বান্দা ও তাঁর রাসূল। খোদার কসম, আমার এই কথা আল্লাহ ও হিন্দা ছাড়া অন্য কেউ শুনেনি।^{২৪০}

মনের কথা জানা

স্বামী-স্ত্রীর গোপনীয়তা প্রকাশ:

হযরত উকাইলী ও ইবনে আসাকের (র.) হযরত ওহাব ইবনে মুনাব্বাহ (রা.) দূর সূত্রে হযরত আব্দুল্লাহ ইবনে আব্বাস (রা.) থেকে বর্ণনা করেন, তিনি বলেন, রাসূল সাল্লাল্লাহু তায়ালা আলাইহি ওয়াসাল্লাম বায়তুল্লাহ তাওয়াফ করার প্রাক্কালে আবু সুফিয়ানের সাক্ষাত মিলে। তিনি তাকে বললেন- يا ابا سفيان هل كان بينك وبين هند كذا وكذا হে আবু সুফিয়ান! তোমার আর হিন্দা'র মধ্যে এরূপ এরূপ কথা হয়েছে? তখন আবু সুফিয়ান মনে মনে বলতে লাগল নিশ্চয় হিন্দা আমার গোপন কথা ফাঁস করে দিয়েছে আমি তাকে এর শাস্তি স্বরূপ এরূপ করবো।

রাসূল ﷺ তাওয়াফ থেকে অবসর নিলে আবার আবু সুফিয়ানের সাথে সাক্ষাত হল। তখন তাকে বলল, لا تكلم هند فانها لم تفش من سرك شيئاً, هه আবু সুফিয়ান! হিন্দাকে কিছু বলোনা, কেননা সে তোমার গোপনীয়তা ফাঁস করেনি। তখন আবু সুফিয়ান বলল, اشهد انك رسول الله আমি সাক্ষ্য দিচ্ছি যে, আপনি আল্লাহর রাসূল।^{২৪১}

ইবনে সা'দ ইবনে আসাকের ও হারেস ইবনে আবু উসামা স্বীয় মসনদে হযরত আব্দুল্লাহ ইবনে আবি বকর ইবনে হাযম (রা.) থেকে বর্ণনা করেন, তিনি বলেন, নবী করিম

^{২৪০}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৪১

^{২৪১}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৪৪১



বের হলেন আর আবু সফিয়ান মসজিদে বসা ছিল। সে মনে মনে বলতেছিল যে, আমার বুঝে আসতেছেনা যে, মুহাম্মদ কিসের কারণে আমাদের উপর বিজয় লাভ করলো?

অতঃপর নবী করিম ﷺ তার নিকটে এসে তার বক্ষে হাত মেরে বললেন, بالله يغلبك আল্লাহর সাহায্যেই তোমার উপর বিজয় দান করেছে। তখন আবু সুফিয়ান বলল, আমি সাক্ষ্য দিচ্ছি যে, আপনি আল্লাহর রাসূল।^{২৪২}

আগমনের উদ্দেশ্য বলে দেওয়া

ইমাম বায়হাকী ও আবু নঈম (র.) হযরত আনাস (রা.) থেকে বর্ণনা করেন, তিনি বলেন, আমি রাসূল ﷺ'র সাথে মসজিদে খাইফে বসে ছিলাম। তখনি রাসূল ﷺ'র নিকট একজন আনসারী ও একজন সাক্ষী এসে আরজ করল যে, ইয়া রাসূলাল্লাহ! আমরা আপনার কাছে এসেছি। তিনি বললেন, তোমরা যদি চাও তবে আমি তোমাদেরকে বলে দেবো তোমরা কি প্রশ্ন করতে এসেছো। আর যদি চাও তবে তোমরা প্রশ্ন করতে থাক আর আমি উত্তর দিতে থাকবো। তারা বলল, বরং আপনিই বলুন, ইয়া রাসূলাল্লাহ! যাতে আমাদের ঈমান মজবুত হয়।

তখন রাসূল ﷺ সাক্ষী ব্যক্তিকে বললেন, তুমি এজন্য এসেছো যে, তোমার রাতের নামায, রুকু ও সিজদা এবং স্বীয় রোযা ও নাপাকীয় গোসল সম্পর্কে আমার কাছে জিজ্ঞেস করতে এসেছো। তারপর আনসারীকে বললেন, তুমি এসেছো তুমি তোমার ঘর থেকে বায়তুল্লাহর দিকে বের হলে কিভাবে আরাফাহ ময়দানে অবস্থান করবে। কিভাবে মাথা মুন্ডাবে, কিভাবে তাওয়াফ করবে আর কিভাবে পাখর নিক্ষেপ করবে ইত্যাদি বিষয়ে জানার জন্য। একথা শুনে তারা উভয় আরজ করল, খোদার কসম, আমরা নিশ্চিত এই মাসয়ালাগুলো আপনার থেকে জেনে নেওয়ার জন্য এসেছি।^{২৪৩}

মনের কথা জানা: বিলম্বে ফিরে আসার কারণ জানা

হযরত ওসমান (রা.)'র মাওলা থেকে বর্ণিত, তিনি বলেন, রাসূল ﷺ হযরত ওসমান (রা.)'র নিকট কিছু হাদিয়া পাঠিয়েছেন। যে ব্যক্তি হাদিয়া নিয়ে এসেছে সে ফিরে যেতে একটু বিলম্ব করলে নবী করিম ﷺ তাকে বললেন, তুমি কেন দেরী করেছ আমি বলবো? তুমি একবার ওসমানের দিকে তাকাচ্ছিলে আরেকবার রোকেয়ার দিকে তাকাচ্ছিলে আর মনে মনে ভাবতেছিলে তারা উভয়ের মধ্যে কে অধিক সুন্দর। সে বলল, ঠিক বলেছেন, এ কারণেই আমার বিলম্ব হয়েছিল।^{২৪৪}

আহলে কিতাবীদের আগমনের উদ্দেশ্য জানা:

^{২৪২} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৪১

^{২৪৩} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৬৫ ও আব্দুর রহমান জামী (র.) (৮৯৮হি.), শাওয়াহেদুন নব্বয়ত, উর্দু বেরেলী, পৃ:২২১

^{২৪৪} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৮০

হযরত উতবাহ ইবনে আমের জুহানী (রা.) বলেন, একদিন আমি রাসূল ﷺ'র মজলিস থেকে বের হয়ে চলে যাচ্ছিলাম। পথে কয়েকজন আহলে কিতাবের সাথে সাক্ষাত হল যারা কিতাব নিয়ে আসতেছে। তারা আমাকে বলল, আমাদের জন্য একটু অনুমতি নাও, যাতে আমরা তাঁর সাথে সাক্ষাত করতে পারি। আমি ফিরে গিয়ে তাঁকে বললাম। তিনি বললেন, তাদের সাথে আমার কি প্রয়োজন। তারা আমার কাছে এমন বিষয়ে প্রশ্ন করবে যার সাথে আমার কোন সম্পর্ক নেই। আমিতো একজন আল্লাহর বান্দা। তিনি যতক্ষণ আমাকে অবহিত না করেন ততক্ষণ আমি জানিনা।

তারপর তিনি পানি আনতে বললেন, পানি দিয়ে অজু করে তিনি দু'রাকাত নামায আদায় করেন। তখন তাঁর মুখমন্ডল দিয়ে আনন্দের চিহ্ন পরিস্ফুটিত হচ্ছিল। তিনি বললেন, যাও তাদেরকে এবং সকল সাহাবাকে ডেকে নিয়ে এসো। সাবাই ভিতরে আসলে তিনি বললেন, তোমরা কি চাও, তোমরা কি কি প্রশ্ন করতে এসেছ এবং তার উত্তর কি তা আমি উত্তর দেবো যা তোমাদের গ্রন্থে লিখিত আছে? তারা বলল, হ্যাঁ, ঐ সব প্রশ্ন বলুন যা আমরা জিজ্ঞেস করতে এসেছি। তিনি বললেন, তোমরা ইফ্ফান্দর'র ঘটনা জানতে এসেছো আর আমি তোমাদেরকে ঐসব উত্তর দেবো যা তোমাদের গ্রন্থে লিখা আছে। তখন তিনি ইফ্ফান্দর'র পুরো কাহিনী বর্ণনা করে শুনালেন। তারা সকলেই স্বীকার করল যে, সত্যিই আমাদের কিতাবেও অনুরূপ বর্ণনা বিদ্যমান।^{২৪৫}

মৃতকে জীবিত করা

রাসূল ﷺ'র পিতা-মাতার ইসলাম গ্রহণ:

হযরত আয়েশা (রা.) থেকে বর্ণিত, তিনি বলেন, রাসূল ﷺ'র বিদায় হজ্জে আমাদেরকে হজ্ব করিয়েছিলেন এবং তিনি আমাকে নিয়ে 'উকবা'তুল হাজুন' নামক স্থানে গমণ করলেন। এ সময় তিনি ক্রন্দনরত ও পেরেশান ছিলেন। কিন্তু ফিরে আসার সময় উৎফুল্ল মুচ্চিক হাসছিলেন। আমি তাঁকে এর কারণ জিজ্ঞেস করলে তিনি বললেন,

ذهبت الى قبلي فسألت الله ان يحييها فامت بي وردها الله

অর্থাৎ- আমি আমার মায়ের কবরে গিয়ে আল্লাহর কাছে প্রার্থনা করলাম যে, মা জীবিত হয়ে আমার উপর ঈমান আনেন। (আল্লাহ তায়ালা আমার দোয়া কবুল করেন। তিনি তাকে জীবিত করে দেন এবং আমার উপর ঈমান আনেন) অতঃপর পুনরায় আল্লাহ তাকে পূর্বাবস্থায় ফেরৎ দেন।^{২৪৬}

হাড়িড থেকে ছাগল জীবিত করা

ইমাম আবু নঈম (র.) হযরত আব্দুর রহমান ইবনে কা'ব ইবনে মালেক (রা.) থেকে বর্ণনা করেন, তিনি বলেন, হযরত জাবের (রা.) নবী করিম ﷺ'র কাছে এসে দেখেন যে,

^{২৪৫} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:২২৩

^{২৪৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খন্ড:২য় পৃ:৬৬

তাঁর চেহারা মোবারক (ক্ষুধায়) কিছুটা পরিবর্তন হয়ে গেল। তিনি ঘরে এসে স্ত্রীকে বললেন, আমার মনে রাসূল ﷺ প্রচণ্ড ক্ষুধা পেয়েছে যার ফলে তাঁর নুরানী চেহারা মোবারক পরিবর্তন হয়ে গিয়েছে। স্ত্রী বলল, আমাদের কাছে তো কিছুই নেই তবে এ বকরীও অতিরিক্ত সামান্য খাবার। অতঃপর বকরী যবেহ করা হল। সামান্য যব ছিল তা পিসে রুটি তৈরী করল এবং গোশত রান্না করে এক বড় পেয়লা শরীফ তৈরী করে তাঁর খেদমতে নিয়ে আসলেন, তিনি বললেন, হে জাবের! তোমার সম্প্রদায়ের লোকদের আমার কাছে ডেকে নিয়ে এসো। তিনি বলেন, আমি সাবাইকে ডেকে নিয়ে আসলাম। একদল যেতো গিয়ে তৃপ্ত হয়ে খেয়ে আসত আবার আর একদল যেতো তারাও তৃপ্ত হয়ে খেয়ে আসতো। এভাবে সবাই পরিতৃপ্ত হয়ে খেয়েছে কিন্তু পেয়লায় তাই রয়ে গেল যা প্রথমে ছিল। তিনি খাবার গ্রহণকারী লোকদের বলেছিলেন, তোমরা খাবার খাও তবে হাড়িড ভেঙ্গে ফেলবেনা। তারপর তিনি হাড়িডগুলো একত্রিত করে ঐগুলোর উপর হাত মোবারক রেখে কিছু পাঠ করলেন যা আমি শুনিনি। হঠাৎ বকরী কান ঝাড়তে ঝাড়তে দাঁড়িয়ে গেল। তখন তিনি আমাকে বললেন- **خذ شاتك** তোমার বকরী নাও। তারপর আমি বকরী নিয়ে ঘরে গেলে স্ত্রী জিজ্ঞেস করল এটা আবার কোন বকরী? আমি বললাম, এটি সেই বকরী যেটি আমরা যবেহ করেছিলাম। রাসূল ﷺ আল্লাহর কাছে দোয়া করলেন ফলে এই বকরী আমাদের জন্য জীবিত হয়ে গেল। আমার স্ত্রী বলল, আমি সাক্ষ্য দিচ্ছি যে, তিনি আল্লাহর রাসূল।^{২৪৭}

হযরত জাবির (রা.)'র মৃত দুই ছেলে জীবিত হওয়া:

হযরত জাবির ইবনে আব্দুল্লাহ (রা.) বর্ণনা করেন, রাসূল ﷺ'র অভ্যাস ছিল যে, কেউ দাওয়াত দিলে তিনি তা প্রত্যাক্ষান করতেন না। একদা হযরত জাবির (রা.) তাঁকে দাওয়াত দেন। তিনি বলেন, অমুক দিন আসবো। নির্দিষ্ট দিনে তিনি জাবিরের ঘরে তাশরীফ নিলেন। রাসূল ﷺ কে তার ঘরে দেখে এতই খুশী হল যে, ঘরে গোলাপজল ছিটায় আনন্দ উৎফুল্ল মনে তাঁর কাছে এসে অভ্যর্থনা জানিয়ে ঘরে নিয়ে যায়। হযরত জাবির (রা.) যিয়াফতের জন্য ছাগল যবেহ করে রান্নার ব্যবস্থা করতে লাগল। তার দু'জন সন্তান ছিল। বড় ছেলে ছোট ছেলেকে বলল, আমাদের পিতা আমাদের ছাগল কিভাবে যবেহ করেছে তোমাকে বলবো? সে ছোট ভাইকে মাটিতে শুয়াইয়ে গালায় চুরি চালিয়ে অজ্ঞতা বশত যবেহ করে দিল। হযরত জাবির (রা.)'র স্ত্রী যখন দেখল দৌড়ে আসলে বড় ছেলে ভয়ে ঘরের ছাদে উঠে গেল। মাকে তার দিকে আসতে দেখে ভয়ে ছেলে ঘরের ছাদ থেকে পড়ে মৃত্যুবরণ করল। এই ধৈর্যশীল মহিলা রাসূল ﷺ'র মেহেমানদারীতে ব্যাঘাত হবার ভয়ে এই হৃদয় বিদারক ঘটনায় বিন্দুমাত্র কান্না-কাটি করেনি বরং ধৈর্যধারণ করে। ছেলের উপর একটি চাদর দিয়ে ঢেকে রেখে এই সংবাদ প্রকাশ হতে দেয়নি। মা যদিও

^{২৪৭} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১১২ ও আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ:৫৪৯

রাসূল ﷺ খেদমতের স্বার্থে বাহ্যিকভাবে উৎফুল্ল ছিল কিন্তু মনে মনে সন্তানের মৃত্যুতে শোকাহত। এমন কি স্বামী হযরত জাবির (রা.) কেও এ সংবাদ দেয়নি।

খানা রান্না করে রাসূল ﷺ'র সামনে পেশ করা হলে হযরত জিব্রাঈল (আ.) অবতরণ করে বললেন, আল্লাহ তায়ালা বলেছেন, যেন জাবিরকে বলা হয় তার সন্তান দু'টি নিয়ে আসতে আর আপনার সাথে খাবার খেতে। রাসূল ﷺ জাবিরকে বললেন, তোমার সন্তান দু'টি কোথায়? তাদের নিয়ে এসো। আমি তাদের নিয়ে খাবার খাবো। জাবির তাড়াতাড়ি ভিতরে গিয়ে স্ত্রীকে বলল, সন্তানেরা কোথায়? স্ত্রী বলল, তারা এখন হয়তো কোথাও বাইরে গিয়েছে। জাবির (রা.) এসে তাঁকে অবহিত করল যে, এই মুহূর্তে তারা ঘরে নেই। আপনি খাবার গ্রহণ করুন। নবী করিম ﷺ বললেন, আল্লাহ তায়ালা আদেশ যেন তাদের নিয়ে খাবার গ্রহণ করা হয়।

হযরত জাবির (রা.) স্ত্রীর কাছে দ্বিতীয়বার জিজ্ঞেস করলে তখন স্ত্রী কেঁদে উঠে দুই সন্তানের উপর থেকে চাদর তুলে সমস্ত ঘটনা বলে দিল। উভয়ে কাঁদতে কাঁদতে তাঁর কদমেপাকে পড়ে গেল এবং সমস্ত ঘরে কান্নার রোল পড়ে গেল। হযরত জিব্রাঈল (আ.) এসে বললেন, ইয়া রাসূলান্নাহ! আপনি এই বাচ্চাদের লাশের সামনে দাঁড়িয়ে দোয়া করুন, জীবনদাতা আল্লাহ, তিনি সেখানে গিয়ে দোয়া করলে আল্লাহর হুকুমে তারা জীবিত হয়ে গেল।^{২৪৮}

কবর থেকে জীবিত করা

ইমাম বায়হাকী দালায়েল গ্রন্থে লিখেন- রাসূল ﷺ জৈনিক ব্যক্তিকে ইসলামের দাওয়াত দিলে সে বলল, আমি আপনার উপর ঈমান আনবোনা যতক্ষণ না আপনি আমার মেয়ে জীবিত করে দেবেন। তিনি বললেন, আমাকে তার কবর দেখাও। তখন সে তাঁকে তার মেয়ের কবর দেখালে তিনি বললেন, হে অমুক মহিলা! মেয়ে কবর থেকে উত্তর দিল লাক্বায়েখ ওয়া সা'দায়েখ ইয়া রাসূলান্নাহ। তিনি মেয়েকে জিজ্ঞেস করলেন, তুমি কি পৃথিবীতে ফিরে আসতে চাও? সে উত্তর দিল না, ইয়া রাসূলান্নাহ। আমি আল্লাহ তায়ালা কে আমার পিতা-মাতা থেকে উত্তম ও দয়াবান পেয়েছি এবং ইহকাল থেকে পরকালকে উত্তম দেখেছি।^{২৪৯}

কবর থেকে উঠে আসা:

কাযী আয়ায (র.) শাফা শরীফে হযরত হাসান বসরী (র.) থেকে বর্ণনা করেন, একজন ব্যক্তি রাসূল ﷺ'র দরবারে এসে বলল, আমি আমার মেয়েকে অমুক উপত্যকায় কবর দিয়ে এসেছি। তিনি লোকটির সাথে ঐ উপত্যকায় তাশরীফ নিয়ে যান এবং সেই মেয়েকে নাম ধরে ডাকলেন- হে অমুক! আল্লাহর হুকুমে জীবিত হয়ে যাও। সে লাক্বায়েক ওয়া

^{২৪৮} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১৪৩

^{২৪৯} ইউসূফ নাবহানী (র.) (১৩৫০হি.), হুজ্বাতুল্লাহিল আলাল আলামীন, উর্দু, গুজরাট, খন্ড:১ম পৃ:৬৭৫ ও কাযী আয়ায (র.) (৪৭৬-৫৪৪হি.) শেফা শরীফ, আরবী, মাকতাবাতুস সাফা, কায়রো, মিশর, খন্ড:১ম পৃ:২০৯

সা'দায়েখ বলতে বলতে কবর থেকে বের হয়ে আসল। তিনি সেই মেয়েকে বললেন, তোমার পিতা-মাতা ইসলাম গ্রহণ করেছে যদি তুমি চাও তবে তোমাকে তাদের কাছে পাঠিয়ে দেবো। মেয়ে উত্তরে বলল, তাদের আর প্রয়োজন নাই। আমি আল্লাহ তায়ালাকে তাদের চেয়ে উত্তম পেয়েছি।^{২৫০}

কবরে অক্ষত থাকা

নবীগণের শরীর খাওয়া মাটির উপর হারাম:

ইমাম ইবনে মাজাহ ও আবু নঈম (র.) হযরত আউস ইবনে আউস সকফী (রা.) থেকে তিনি নবী করিম ﷺ থেকে বর্ণনা করেন, তিনি বলেন, তোমাদের দিন সমূহের মধ্যে জুমা'র দিন হল সর্বশ্রেষ্ঠ সুতরাং এই দিন তোমরা আমার উপর বেশী করে দুরূদ শরীফ পাঠ কর। তোমাদের দুরূদ আমার কাছে পেশ করা হবে। তারা আরজ করল, হে আল্লাহর রাসূল! কিভাবে আপনার নিকট পেশ করা হবে? অর্থাৎ- আপনার শরীর মোবারক কি অক্ষত অবস্থায় বহাল থাকবে? উত্তরে তিনি বলেন, ان الله حرم على الارض ان تأكل اجساد الانبياء

আম্বিয়ায়ে কিরামের শরীর মোবারক খাওয়া আল্লাহ তায়ালা মাটির উপর হারাম করে দিয়েছেন।^{২৫১}

হযরত যুবাইর ইবনে বাক্কর (র.) (আখবারে মদীনা গ্রন্থে) হযরত হাসান (রা.) থেকে বর্ণনা করেন, তিনি বলেন, রাসূল ﷺ এরশাদ করেন যিনি রুছল কুদুস তথা হযরত জিব্রাইল (আ.)'র সাথে কথা বলবে মাটি তাঁর মাংস ভক্ষণ করতে অনুমতি প্রাপ্ত হয়নি।^{২৫২}

রাসূল (স.) কবরে জীবিত

ইমাম ইস্পাহানী (র.) আত্ তারগীব গ্রন্থে হযরত আবু হোরায়রা (রা.) থেকে বর্ণনা করেন, তিনি বলেন, রাসূল ﷺ এরশাদ করেন, যে ব্যক্তি আমার কবরে পাশে দাঁড়িয়ে আমার দুরূদ পাঠ করে আমি তার দুরূদ শুনি, আর যে ব্যক্তি দূর থেকে আমার উপর দুরূদ প্রেরণ করে তা আমার কাছে পাঠানো হয়।^{২৫৩}

দুরূদ প্রেরণের জন্য ফেরেস্টা নিয়োগ

ইমাম ইস্পাহানী (র.) হযরত আনাস (রা.) থেকে বর্ণনা করেন, তিনি বলেন, নবী করিম ﷺ এরশাদ করেন, যে ব্যক্তি আমার উপর জুমার দিনে ও রাতে একশ বার দুরূদ শরীফ পাঠ করবে আল্লাহ তায়ালা তার একশটি প্রয়োজন পূর্ণ করে দিবেন। তন্মধ্যে সত্তরটি হবে পরকালের আর বাকী ত্রিশটি হবে ইহকালের প্রয়োজন।

^{২৫০}. ইউসূফ নাবহানী (র.) (১৩৫০হি.), হুজ্জাতুল্লাহিল আলাল আলামীন, উর্দু, গুজরাট, খন্ড:১ম পৃ:৬৭৫

^{২৫১}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৮৯

^{২৫২}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৮৯

^{২৫৩}. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৮৯

আল্লাহ তায়ালা এই জন্য একজন ফেরেশতা নিয়োগ দিয়েছেন, যিনি এই দরুদ শরীফ নিয়ে আমার কবরে এমনভাবে প্রবেশ করে যেমন তোমাদের নিকট কেউ হাদিয়া-উপটৌকন নিয়ে আসে। তিনি আরো বলেন, ان علمي بعد نوتي كعلمي في الحياة

নিশ্চয় আমার ইস্তেকালের পরেও আমার ইলম সেই রকমই আছে যেই রকম জীবদ্দশায় ছিল।^{২৫৪}

উম্মতের দরুদ-সালাম রাসূল ﷺ'র উপর পেশ করা হয়

ইবনে রাহওয়াইয়া (র.) হযরত ইবনে আব্বাস (রা.) থেকে বর্ণনা করেন, তিনি বলেন, ليس احد من امة محمد صلى الله عليه وسلم يصلي او يسلم عليه الا بلغه يصلي عليك فلان ويسلم عليك فلان -

অর্থাৎ- রাসূল ﷺ'র যেকোন উম্মত তাঁকে দরুদ কিংবা সালাম পেশ করে তা তাঁর কাছে এই বলে পাঠানো হয় যে, ইয়া রাসূল্লাহ! অমুক ব্যক্তি আপনার উপর দরুদ পাঠ করেছে, অমুক ব্যক্তি আপনাকে সালাম দিয়েছে।^{২৫৫}

কবর শরীফ থেকে আযানের ধ্বনি

ইমাম আবু নঈম (র.) হযরত সাঈদ বিন মুসায়্যিব (র.) থেকে বর্ণনা করেন, তিনি বলেন, আমি গরমকালে রাতের বেলায় মসজিদে নববী শরীফে আসতাম আর আমি ছাড়া মসজিদে কেউ ছিলনা। নামাযের সময় হলে আমি কবর শরীফ থেকে আযান শুনতাম।

অপর বর্ণনায় তিনি বলেন, আমি গ্রীষ্মকালে রাসূল ﷺ'র কবর থেকে সর্বদা আযান ও ইকামত শুনতাম।^{২৫৬}

কবর শরীফ থেকে ক্ষমার ঘোষণা:

হযরত আলী (রা.) বলেন, আমরা রাসূল ﷺ'কে দাফন করার পর একজন গ্রাম্য ব্যক্তি এসে তাঁর কবরের মাটিতে পড়ে মাথায় মাটি লাগিয়ে কেঁদে কেঁদে বলতে লাগল, ইয়া রাসূল্লাহ! আপনি আদেশ করেছেন আর আমরা শুনছি। আপনি কুরআনে করিম আল্লাহ থেকে শিখেছেন আর আমরা আপনার কাছ থেকে শিখেছি। আল্লাহ তায়ালা বলেছেন-

وَلَوْ أَنَّهُمْ إِذْ ظَلَمُوا أَنفُسَهُمْ جَاءُوكَ فَاسْتَغْفَرُوا لَكُمْ فَاسْتَغْفَرْنَا لَهُمْ وَأَوْصَيْنَاهُمُ لَعُنَّا لَهُمْ لَئِن لَّمْ تَتُوبَا إِلَىٰ نَحْنُمَا فَسُيَّرْنَا بِكُمُ الْمُجْرِمِينَ

তারা যদি নিজেদের আত্মার উপর জুলুম করে হে নবী! আপনার দরবারে আসত অতঃপর তারা আল্লাহর কাছে মাগফিরাত কামনা করত আর রাসূল তাদের মাগফিরাতের

^{২৫৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৯০

^{২৫৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৯০

^{২৫৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৪৯০

সুপারিশ করতেন তবে অবশ্যই তারা আল্লাহকে অধিক তাওবা কবুলকারী দয়ালু পেতো।
(সূরা নিসা, আয়াত নং ৬৪)

আমি আমার আত্মার উপর জুলুম করেছি এবং আপনার দরবারে উপস্থিত হয়েছি যেন আপনি আমার জন্য মাগফিরাত তলব করেন। এই বলে লোকটি কান্না করতে লাগলে এই সময় কবর শরীফ থেকে আওয়াজ আসল তোমাকে ক্ষমা করা হয়েছে।^{২৫৭}

মৃতের সাথে কথা বলা

হযরত ওবাইদ ইবনে মরযুক (রা.) থেকে বর্ণিত, তিনি বলেন, মদীনা মুনাওয়রায় একজন মহিলা ছিল যেই মসজিদ ঝাড়ু দিত। সেই মহিলা মারা গেল। সেই মহিলা সম্পর্কে তিনি অবহিত ছিলেন না। একদা তিনি সেই মহিলার কবরের পাশ দিয়ে যাওয়ার সময় জিজ্ঞেস করেন, এটি কার কবর? উপস্থিত লোকেরা বলল, এটি উম্মে মেহজানের কবর। তিনি বললেন, এটি কি সেই মহিলার কবর, যেই মসজিদ ঝাড়ু দিত? লোকেরা বলল, হ্যাঁ। তখন তিনি সকলকে নিয়ে কাতার বন্দি হয়ে ঐ মহিলার নামাযে জানাযা আদায় করলেন।

তারপর তিনি কবরস্থ সেই মহিলাকে জিজ্ঞেস করলেন? **ای العمل وحدت افضل** তুমি কবরে কোন আমলটি উত্তম পেয়েছ? লোকেরা তাঁকে জিজ্ঞেস করল, হে আল্লাহর রাসূল! এই মহিলা কি শুনতেছে? তিনি বললেন **ما انتم باسم منها فذكر انها اجابت** তোমরা (জীবিতরা) এর চেয়ে (মৃতদের) বেশী শুনতে পাওনা। মহিলাটি কবর থেকে তাঁর প্রশ্নের উত্তর দিল।^{২৫৮}

রাসূল চাইলে মৃতকে জীবিত করতে পারেন

হযরত আবু নঈম (র.) হযরত যমরাহ (রা.) থেকে বর্ণনা করেন, তিনি বলেন, জনৈক ব্যক্তির নিকট কিছু বকরী ছিল। সে যখন দুধদোহন করত তখন সে দুধের পেয়ালার সাথে নবী করিম **ﷺ** এর কাছে আসতো। কিছুদিন সে দুধ নিয়ে আসেনি। তার পিতা এসে তাঁকে জানাল যে, সে মৃত্যুবরণ করেছে। তখন নবী **ﷺ** তাকে বললেন, তুমি কি চাও, আমি আল্লাহর কাছে দোয়া করি যেন তোমার ছেলে জীবিত হয়ে যায় নাকি ধৈর্যধারণ করবে আর কিয়ামত দিবসে তোমার ছেলে তোমাকে হাত ধরে জান্নাতে নিয়ে যাবে? আর সেদিন বেহেস্তের সেই দরজা দিয়ে প্রবেশ করবে। সেই বলল, ইয়া রাসূল্লাহ! আমার জন্য কে এরূপ করবে? উত্তরে তিনি বললেন, তোমার জন্য তোমার ছেলে করবে আর প্রত্যেক মু'মিনের ছেলে পিতার জন্য এরূপ করবে।^{২৫৯}

ভূনা ছাগল দাঁড়িয়ে কথা বলা

^{২৫৭}. আব্দুর রহমান জামী (র.) (৮৯৮ হি.), শাওয়াহেদুন নবুয়ত, উর্দু, বেরেলী, পৃ: ১৮৯

^{২৫৮}. ইমাম সুযুতী, জালাল উদ্দিন সুযুতী (র.) (৯১১ হি.), আল খাসায়েসুল কুবরা, আরবী, বৈরুত, খন্ড: ২য় পৃ: ১১২

^{২৫৯}. ইমাম সুযুতী, জালাল উদ্দিন সুযুতী (র.) (৯১১ হি.), আল খাসায়েসুল কুবরা, আরবী, বৈরুত, খন্ড: ২য় পৃ: ১১৩

হযরত ইবনে আব্বাস (রা.) বর্ণনা করেন, নবী করিম ﷺ এরশাদ করেন আমি যুদ্ধ থেকে মদীনায ফেরার পথে আমার প্রচণ্ড ক্ষুধা পেয়েছিল। ইত্যবসরে একজন ইহুদী মহিলা সম্মুখ থেকে আমার সাক্ষাত হল। তার মাথায় বড় একটি খালি যাতে ভূনা ছাগলের বাচ্চা ছিল এবং হাতে সামান্য চিনিও ছিল। সে বলতে লাগল, মহান আল্লাহর প্রসংশা যিনি আপনাকে নিরাপদে মদীনায পৌঁছে দেন। আল্লাহর জন্য আমি মানত করেছি যে, আপনি নিরাপদে ফিরে আসেন তবে আমি এই ছাগল যবেহ করে ভুনে আপনাকে খাওয়ানো।

فاستنطق الله الجدى فاستوى ثُمَا على أربع فوائم فقال يا محمد لا تأكلنى فانى مسموم
তায়লা ছাগলকে বাক শক্তি দান করলেন আর সেই ভূনা ছাগল চার পায়ে দাঁড়িয়ে বলতে লাগল, হে মুহাম্মদ! অমাকে খাবেন না, কেননা আমি বিষমিশ্রিত।^{২৬০}

বিষপানে ক্ষতি না হওয়া

হযরত আবু হুরাইরা (রা.) থেকে বর্ণিত, যখন খায়বার বিজয় হয় তখন ইহুদীদের পক্ষ থেকে একটি বকরী রাসূল ﷺ কে হাদিয়া দেওয়া হয়। সেই বকরীটি বিষ মিশানো ছিল। (বুখারী শরীফ)

এই হাদিসের ব্যাখ্যায় ইমাম কাসতুলানী (র.) বলেন, খায়বার যুদ্ধে যখন ইহুদীদের জন্য মুসলমানদের অনুগত্য স্বীকার ব্যতীত অন্য কোন পথ বাকী রইলনা তখন তারা ঘৃণ্য ষড়যন্ত্রে লিপ্ত হয়। ইহুদী হারিসের কন্যা ও সালাম ইবনে মুশকিমের স্ত্রী যয়নাব একটি বকরীর গোশতে বিষ মিশিয়ে তা রাসূল ﷺ'র জন্য হাদিয়া পাঠালো। রাসূলুল্লাহ ﷺ বকরীটির গোশত খেলেও বিষ তাঁর কোন ক্ষতি করতে পারেনি বটে, কিন্তু তাঁর সাহাবী বারাবা ইবনে মা'রুর (রা.) বিষক্রিয়ার ফলে শহীদ হন। ষড়যন্ত্রকারী ধরা পড়ার পর প্রথমে তাকে মাফ করে দেওয়া হয়েছিল, কিন্তু পরবর্তীতে যখন বারাবা (রা.) বিষক্রিয়ায় শহীদ হন তখন 'কিসাস' হিসেবে তাকে হত্যা করা হয়। তবে হযরত মা'মার (রা.) বলেন, ঐ মহিলা পরে ইসলাম গ্রহণ করেছিল বিধায় তাকে ক্ষমা করে দেওয়া হয়েছিল।^{২৬১}

হযরত আবু সাঈদ খুদরী (রা.) বর্ণনা করেন, এক ইহুদী মহিলা ভূনা ছাগল নিয়ে নবী করিম ﷺ'র জন্য হাদিয়া আনে। সাহাবীগণ খেতে চাইলে নবী করিম ﷺ বললেন, থাম, مسمومة এই ছাগলের এবং অঙ্গ আমাকে সংবাদ প্রদান করেছে যে, আমি বিষ মিশ্রিত।

তখন নবী করিম ﷺ ঐ মহিলাকে ডেকে পাঠান এবং খাবারে বিষ মিশানোর কারণ জিজ্ঞেস করা হলে সে বলল, যদি আপনি মিথ্যাবাদী হন তবে লোকদেরকে আপনার থেকে মুক্তি দেবো আর যদি সত্যবাদী হন তবে আল্লাহ আপনাকে অবশ্যই অবহিত করবেন। তখন

^{২৬০}. আবু নঈম ইস্পাহানী (র.) (৪৩০ হি.), দালায়েলুন নবুয়ত, উর্দু, দিল্লী, পৃ: ১৭৩

^{২৬১}. বুখারী শরীফের প্রান্ত টীকা, পৃ: ৬১০, টীকা নং ২

দূরবস্ত্র দৃশ্যমান হওয়া

রাসূল ﷺ'র দৃষ্টিশক্তি:

হযরত সওবান (রা.) থেকে বর্ণিত, তিনি বলেন, রাসূল ﷺ এরশাদ করেন- ان الله زوى لى الارض فرأيت مشارقتها ومغاربها দিয়েছেন। ফলে আমি পৃথিবীর পূর্ব ও পশ্চিম প্রান্ত পর্যন্ত দেখি।^{২৬৫}

মুল্লা আলী কারী (র.) (১০১৪হি.) তাঁর মিশকাত শরীফের প্রসিদ্ধ ব্যাখ্যা গ্রন্থ আল মিরকাত-এ উপরিউক্ত হাদিসের ব্যাখ্যায় বলেন,

حاصله انه طوى له الارض وجعلها مجموعة كهيئة كفّ في مرآة نظره-

মোদ্দা কথা হল, আল্লাহ তায়ালা নবী করিম ﷺ'র জন্য পৃথিবীকে সংকুচিত করে দেন। আর সমগ্র পৃথিবীকে এমনভাবে তাঁর চোখের সামনে এনে দেন যেন হাতের তালু। অর্থাৎ হাতের তালু যেমন চোখের সামনে সম্পূর্ণ দৃশ্যমান অনুরূপ তাঁর চোখের সামনে সমগ্র পৃথিবী দৃশ্যমান।^{২৬৬}

মদীনা থেকে সিরিয়ার শাহী মহল দৃশ্যমান

ইমাম বায়হাকী ও আবু নঈম (র. হযরত বারা ইবনে আযিব (রা.) থেকে বর্ণনা করেন। খন্দক খননের সময় একাংশে আমাদের সামনে একটি শক্ত পাথর ছিল, যাতে কোদাল অকৃতকার্য হল। অর্থাৎ কোদাল দ্বারা কাটা যাচ্ছে না। এ ব্যাপারে আমরা নবী করিম ﷺ কে অবহিত করলাম। তিনি ঐ পাথরটি দেখে একটি কোদাল হাতে নিয়ে বিস্মিল্লাহ পড়ে একটি আঘাত করলেন। ফলে পাথরের একতৃতীয়াংশ ভেঙ্গে যায়। তখন তিনি বললেন, আল্লাহ্ আকবর! আমাকে সিরিয়ার চাবিকাটি দেওয়া হয়েছে। খোদার শপথ! আমি এখন থেকে সিরিয়ার লাল বর্ণের শাহী মহল দেখতেছি।

অতঃপর তিনি দ্বিতীয় আঘাত করলে পাথরের দুই তৃতীয়াংশ ভেঙ্গে গেল। তখন তিনি বললেন, আল্লাহ্ আকবর! আমি মাদায়েনের শূত্র মহল দেখতে পাচ্ছি। তারপর তিনি তৃতীয়বার আঘাত করলে পাথরের বাকী অংশ ও ভেঙ্গে গেল। তখন তিনি বললেন, আল্লাহ্ আকবর, আমাকে ইয়েমেনের চাবিকাটি অর্পন করা হয়েছে। খোদার কসম, আমি এই মুহূর্তে এখন থেকে 'সানয়া' নামক স্থানের মহলের দরজা সমূহ অবলোকন করতেছি।^{২৬৭}

ইমাম মুসলিম ও বায়হাকী (র.) হযরত আনাস (রা.) থেকে বর্ণনা করেন, তিনি বলেন, একদিন আমরা রাসূল ﷺ'র সাথে নামাযের প্রস্তুতি নিচ্ছিলাম। তখন তিনি বললেন, হে লোক সকল! আমি তোমাদের সামনে ইমাম হিসেবে থাকি। তোমরা রুকু-সিজদায় আমার

^{২৬৫} ইমাম মুসলিম (র.) (২৬১হি.), মুসলিম শরীফ, সূত্র, মিশকাত শরীফ, আরবী, পৃ:৫১২

^{২৬৬} মিশকাত শরীফের প্রান্ত টীকা, পৃ:৫১২

^{২৬৭} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৩৭৮

আগে যেওনা এবং আমার আগে তোমাদের মাথা রুকু-সিজদা থেকে উঠাবেনা। فاني اراكم
 কেননা আমি তোমাদেরকে সামনে-পেছনে উভয় দিক থেকে দেখি। من اماحى ومن خلفى
 খোদার শপথ, আমি যা দেখছি তা যদি তোমরা দেখতে তবে তোমরা لضحكتم قليلا ولبكيتم
 হাসতে কম আর কাঁদতে বেশী। সাহাবায়ে কিরাম আরজ করল, ইয়া রাসূলান্নাহ!
 আপনি কি দেখেছেন? উত্তরে তিনি বলেন- رائيت الجنة والنار আমি জান্নাত ও জাহান্নাম
 দেখছি। সুতরাং তিনি নামাযে তাঁর পেছনের কাতারের মুসল্লিদেরকেও দেখতেন যেভাবে
 সামনে দেখতেন।^{২৬৮}

জান্নাতী মহল দর্শন

হযরত আনাস (রা.) থেকে বর্ণিত, তিনি বলেন, রাসূল ﷺ বললেন, আমি জান্নাতে
 প্রবেশ করলাম। আমার সামনে একটি মহল দেখতে পেলাম। আমি জিজ্ঞেস করলাম এই
 মহল কার জন্য? ফেরিস্তারা বলল, এটি হযরত ওমর ইবনে খাত্তাব (রা.)'র জন্য। হে ওমর!
 আমি ঐ মহলে শুধু তোমার গায়রত তথা ব্যক্তিত্বের কারণে প্রবেশ করিনি।

বর্ণনাকারী হযরত আবু বকর ইবনে আইয়্যাশ (র.) বলেন, আমি হযরত হুমাইদ
 (র.)'র কাছে জিজ্ঞেস করলাম, তিনি ঐ মহল ঘুমুে দেখেছেন নাকি জাগ্রত অবস্থায়
 দেখেছেন? তিনি বললেন, না, বরং তিনি জাগ্রত অবস্থায় দেখেছিলেন।^{২৬৯}

বস্তুর পরিবর্তন

হযরত সালেম ইবনে জা'দ (রা.) থেকে বর্ণিত, রাসূল ﷺ দু'জন ব্যক্তি কোন কাজে
 পাঠালে তারা আরজ করল ইয়া রাসূলান্নাহ! আমাদের কাছে পথের কোন পাথের নেই।
 রাসূল ﷺ এরশাদ করলেন- তোমাদের পানির মশক আমার কাছে নিয়ে এসো। তারা তা
 আনলে তিনি ঐ মশকে পানি ভরতে আদেশ দিলেন এবং তার মুখ বন্ধ করে দিয়ে তাদেরকে
 বললেন, এই পানির মশক নিয়ে যাও। যখন তোমরা অমুক স্থানে পৌঁছবে তখন আল্লাহ
 তায়লা তোমাদেরকে রিযিক দান করবেন।

অতঃপর তার দু'জন রওয়ানা হয়ে যেই স্থানের কথা নবী করিম ﷺ বলেছিলেন সেই
 স্থানে পৌঁছল তখন তারা মশকের মুখ খুললে সেখানে দুধ ও মাখন দেখতে পেল। তারা তা
 পেট ভরে আহাৰ করল।^{২৭০}

পানির উপর চলা: পাথর পানিতে ভাসা

^{২৬৮} ড. মুস্তফা মুরাদ, মু'জিযাতুর রাসূল (স.), আরবী, কায়রো, মিশর, পৃ:১৪৪

^{২৬৯} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১৫১

^{২৭০} ইউসূফ নবাহানী (র.) (১৩৫০হি.), হুজ্জাতুল্লাহি আল্লাল আলামীন, উর্দু, গুজরাট, খন্ড:২য় পৃ:২৫৩

ইমাম ফখর উদ্দিন রাযী ρ স্বীয় বিখ্যাত তাফসীর, তাফসীরে কবীর-এ বর্ণনা করেন, আল্লাহ তায়ালা হযরত নূহ (আ.)এর চিশ্তিকে পানিতে ডুবতে দেননি বরং পানিতে ভাসিয়ে রাখেন। পক্ষান্তরে আমাদের রাসূল (স.)কে এর চেয়েও বড় মু'জিযা দান করেন।

একদা নবী করিম ﷺ পানির পাশে অবস্থান করছিলেন। সেখানে ইকরামা ইবনে আবু জেহেল উপস্থিত ছিল। সে বলল- হে মুহাম্মাদ! যদি আপনি রাসূল হওয়ার দাবীতে সত্যবাদী হন তবে পানির অপর পাশে বিদ্যমান ঐ পাথরকে আপনার দিকে আহ্বান করুন যাতে পানিতে না ডুবে ভাসতে ভাসতে আপনার কাছে চলে আসে। অতঃপর তিনি পাথরকে ইশারা করা মাত্র পাথর আপন স্থান থেকে পানির উপর ভাসতে ভাসতে নবীর কদমে পাকে এসে রেসালাতের সাক্ষ্য দেয়।^{২৭১}

জান্নাতী রিযিক

ইমাম আহমদ, দারেমী, নাসায়ী, হাকেম (তিনি এ হাদিসখানা বিগ্ধক বলেছেন) বায্যার, আবু ইয়াল্লা ও তাবরানী হযরত সালমা ইবনে নুফাইল (রা.) থেকে বর্ণনা করেন, তিনি বলেন, আমরা নবী করিম ﷺ 'র পাশে বসা ছিলাম। হঠাৎ কেউ জিজ্ঞেস করল, ইয়া রাসূলাল্লাহ! আপনার জন্য কি আসমান থেকে অন্য রেওয়াজে আছে জান্নাত থেকে খাবার আসে? তিনি বললেন, হ্যাঁ। জিজ্ঞেস করল, কিসে করে আসে? তিনি বললেন, 'মিসখানান' (পানি গরম করার পাত্র) করে। সে জিজ্ঞেস করল, তাতে আপনার কিছু খাবার অবশিষ্ট ছিল? তিনি বললেন, হ্যাঁ। সে বলল, ঐগুলো কোথায়? তিনি বললেন- ঐ আসমানে উঠিয়ে নেয়া হয়েছে।^{২৭২}

হযরত ইবনে আব্বাস (রা.) থেকে বর্ণিত, তিনি বলেন, হযরত জিব্রাঈল (আ.) রাসূল ﷺ 'র নিকট এসে বলেন, আপনার প্রভু আপনাকে সালাম দিয়েছেন আর আমাকে দিয়ে আপনার জন্য আঙ্গুরের খোসা প্রেরণ করেন। তিনি আঙ্গুরের খোসা নিয়ে নিলেন।^{২৭৩}

গায়েবী রিযিক

হযরত নাফে (রা.) থেকে বর্ণিত, তিনি বলেন, একদা আমরা নবী করিম ﷺ 'র সাথে প্রায় চারশ সাহাবী সফর সঙ্গী ছিলাম। আমরা এমন এক জায়গায় মনযিল করলাম যেখানে পানির নাম নিশানাও ছিলনা। এই জায়গায় অবতরণ করা সকলের মনপুত হলনা। নবী করিম (স.) কে অবতরণ করতে দেখে আমরাও অবতরণ করলাম।

হঠাৎ করে লোহার ন্যায় মজবুত শিং বিশিষ্ট একটি ছাগল নবী করিম ﷺ নিকটে এসে গেল। তিনি ঐ ছাগল থেকে দুধ দোহন করে সকল সৈন্যদের তৃপ্ত সহকারে পান করান এবং নিজেও পান করেন, তারপর বলেন- **يا نافع املكها وما اراك تملكها**

^{২৭১} আল্লামা ইউসুফ নাবহানী (র.) (১৩৫০হি.), হুজ্জাতুল্লাহি আল্লালা আলামীন, উর্দু, পৃ:৪৯

^{২৭২} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৯২

^{২৭৩} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:৯৩

হে নাফে! তুমি এটাকে সামলে রাখ তবে আমি জানি যে, তুমি এটাকে সামলাতে পারবে না। রাসূল ﷺ এই মন্তব্য শুনে আমি একটি বড় পেরেক মাটিতে ভালভাবে গেড়ে শক্ত রশি ছাগলের গলায় বেঁধে পেরেকের সাথে বেঁধে দিলাম। ইত্যবসরে রাসূল ﷺ নিন্দ্রা যাপন করলেন এবং লোকেরাও ঘুমিয়ে পড়ল আর আমি ও ঘুমিয়ে পড়লাম। আমি জাগ্রত হয়ে দেখি রশি খুলে পড়ে রইল আর ছাগল অদৃশ্য। নবী করিম (স.)'র নিকট এসে এ সম্পর্কে তাঁকে অবহিত করলে তিনি আমাকে বললেন, হে নাফে! আমি তোমাকে বলেছিলাম না, তুমি ওটাকে সংরক্ষণ করতে পারবেনা। তিনি বললেন, ان الذى جاء بها هو الذى ذهب
 ۞ নিশ্চয় যিনি উহাকে এনেছিলেন তিনিই নিয়ে গেলেন।^{২৯৪}

শরীর মোবারক সুগন্ধি

ইমাম বায়হাকী ও ইবনে আসাকের (র.) হযরত ওয়ায়েল ইবনে হুজর (রা.) থেকে বর্ণনা করেন, তিনি বলেন, আমি নবী করিম ﷺ'র সাথে মোসাফাহা করলে কিংবা আমার শরীরের কোন অংশ তাঁর শরীর মোবারকের কোন অংশের সাথে স্পর্শ করলে তিন দিন পর্যন্ত আমি সুগন্ধি অনুভব করতাম।^{২৯৫}

ইমাম আহমদ (র.) হযরত ওয়ায়েল হুজর (রা.) থেকে বর্ণনা করেন, নবী করিম ﷺ একটি কুপ থেকে পানি লোটার কুলি করে লোটার পানি সেই কুপে ঢেলে দেন ফলে ঐ কুপ থেকে কস্তুরীর ন্যায় সুগন্ধি উঠতো।^{২৯৬}

ইমাম মুসলিম, হযরত আনাস (রা.) থেকে বর্ণনা করেন, তিনি বলেন,

ما شمعت عنبراً قط ولا مسكاً ولا شيئاً اطيب من ريح رسول الله صلى الله عليه وسلم

আমি রাসূল ﷺ'র ন্যায় সুগন্ধি আশ্বর, মিশক ও অন্য কোন বস্তুর মধ্যে অনুভব করিনি।^{২৯৭}

ছায়া বিহীন কায়া

হযরত হাকীম তিরমিযি (র.) হযরত যাকওয়ান (রা.) থেকে বর্ণনা করেন, সূর্য্যের আলো কিংবা চাঁদের কিরণে নবী করিম ﷺ'র ছায়া দেখা যেতো না। ইবনে সাবআ (র.) বলেন, ইহা তাঁর বিশেষ বৈশিষ্ট্য। তার কারণ হলো তিনি হলেন নূর। তিনি সূর্য্য ও চাঁদের আলোতে বের হলে তাঁর ছায়া পরিলক্ষিত হতোনা।^{২৯৮}

^{২৯৪} আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ:৩৮২

^{২৯৫} ইউসুফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:১ম পৃ:৭০২

^{২৯৬} প্রাণ্ডক্ত, পৃ:৭০৩

^{২৯৭} ইমাম মুসলিম (র.) (২৫১হি.), সূত্র, গোলাম রাসূল সাদ্দী; শরহে সহীহ মুসলিম, উর্দু, খন্ড:৬ পৃ:৭৮০

^{২৯৮} ইউসুফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:২য় পৃ:৩৮০

কাযী আয়ায (র.) শেফা শরীফে বর্ণনা করেন, নবী করিম ﷺ'র শরীর মোবারকে মাছি বসতেনা। ইবনে সাবআ (র.) বলেন, নবী করিম ﷺ'র কাপড়ে ও কখনো মাছি বসেনি কোন ভোমরা (كهملا) তাঁকে কোনদিন কষ্ট দেয়নি।^{২৭৯}

ঘাম মোবারক সুগন্ধি

হযরত আনাস (রা.) থেকে বর্ণিত, তিনি বলেন, নবী করিম ﷺ হযরত উম্মে সুলাইম (রা.)'র ঘরে তাশরীফ নিতেন। তিনি তাঁর জন্য চামড়ার চাটাই বিছিয়ে দিতেন। রাসূল ﷺ তাতে আরাম করতেন। তিনি উঠে গেলে উম্মে সুলাম (রা.) ঐ চাটাই থেকে তাঁর ঘাম মোবারক নিয়ে আতর দানীতে সংগ্রহ করে রাখতেন। (তিরমিযি ও ইবনে মাজাহ)

ইমাম বুখারী (র.) তাঁর প্রসিদ্ধ কিতাব তারীখে বুখারীতে হযরত জাবের (রা.) থেকে বর্ণনা করেন, তিনি বলেন, নবী করিম ﷺ'র কিছু অসাধারণ ও দূর্লভ বৈশিষ্ট্য ছিল। যেমন, তিনি যেই রাস্তা দিয়ে গমণ করতেন লোকেরা বুঝতে পারত যে, তিনি এই পথ দিয়ে গমণ করেছিলেন। কেননা, তাঁর শরীর মোবারকের সুগন্ধিযুক্ত ঘাম মোবারক পুরো রাস্তাকে সুগন্ধি করে দিত যা অনেক্ষণ পর্যন্ত বিদ্যমান থাকত।^{২৮০}

ইমাম মুসলিম (র.) হযরত আনাস (রা.) থেকে বর্ণনা করেন, তিনি বলেন, নবী করিম ﷺ আমাদের ঘরে তাশরীফ আনেন এবং দুপুরে বিশ্রাম নিলেন। যখন তাঁর শরীর থেকে ঘাম বের হচ্ছিল। তিনি জাখত হয়ে আমার মা কে বললেন, উম্মে সুলাইম! তুমি কি করতেছ? তিনি আরজ করলেন, হযরত নবী করিম ﷺ'র ঘাম মোবারক নিচ্ছি যা আমরা সুগন্ধির জন্য ব্যবহার করবো। কেননা, এই ঘাম মোবারক সব সুগন্ধি থেকে উত্তম সুগন্ধি।^{২৮১}

ঘাম মোবারকের সুগন্ধি সমগ্র মদীনা ছড়িয়ে পড়া

হযরত আবু ইয়লা ও তাবরানী (র.) হযরত আবু হুরাইরা (রা.) থেকে বর্ণনা করেন, তিনি বলেন, জনৈক ব্যক্তি নবী করিম ﷺ'র খেদমতে হাযির হয়ে আরজ করল, ইয়া রাসূলান্নাহ! আমি আমার মেয়েকে বিবাহ দিয়েছি। আমি আশা করছি যেন আপনি আমাকে সাহায্য করবেন। এ সময় তাঁর কাছে দেওয়ার মত কিছুই ছিলনা, তিনি তাকে বললেন, তুমি একটি শিশি ও একটি কাঠের কাটি নিয়ে এসো। সে উভয়টি নিয়ে আসলে তিনি স্বীয় উভয় হাত মুছে ঘাম মোবারক নিয়ে শিশির ভর্তি করে দিয়ে বললেন, নাও। আর তোমার মেয়েকে বলবে, এই শিশিরে ডুবিয়ে সুগন্ধি হিসেবে যেন ব্যবহার করা হয়। সেই মেয়ে এই ঘাম

^{২৭৯} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:২য় পৃ:৩৮০

^{২৮০} আবু নঈম ইস্পাহানী (র.) (৪৩০হি.), দালায়েলুন নরয়ত, উর্দু, দিল্লী, পৃ:৩৯২ ও কাযী আয়ায (র.)

(৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খন্ড:১ম পৃ:৫৩

^{২৮১} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, পাকিস্তান, খন্ড:২য় পৃ:৩৭৮, কাযী আয়ায (৪৭৬-৫৪৪হি.), শেফা শরীফ, আরবী, মাকতাবাতুস সাফা, কায়রো, মিশর, খন্ড:১ম পৃ:৫৩

মোবারক ব্যবহার করলে সমগ্র মদীনাবাসীরা এর সুগন্ধি অনুভব করেছিল। এ কারণে লোকেরা তার ঘরকে بيت المطينين তথা “সুগন্ধিযুক্তদের ঘর” বলা হত।^{২৮২}

গোলাপ ফুলের সুগন্ধির উৎস

কোন কোন হাদিসে এসেছে যে, গোলাপ ফুলের সুগন্ধি রাসূল ﷺ'র ঘাম মোবারক থেকে সৃষ্টি হয়েছে। হাদিসে এরূপ আছে যে, নবী করিম ﷺ বলেন, আমি মে'রাজ থেকে ফিরে আসার পর আমার শরীরের এক ফোঁটা ঘাম মাটিতে পড়েছিল তা থেকে গোলাপ ফুল জন্ম হয়। যে আমার সুগন্ধি পেতে চায়, সে যেন গোলাপ ফুলের সুগন্ধি নেয়।^{২৮৩}

শরীর মোবারক শীতল ও সুগন্ধি ছিল

ইমাম মুসলিম (র.) হযরত জাবের ইবনে সামুরাহ (রা.) থেকে বর্ণনা করেন, তিনি বলেন, আমি রাসূল ﷺ'র সাথে যোহরের নামায আদায় করি। তিনি নামায শেষে তাঁর ঘরের দিকে গেলে আমিও তাঁর সাথে গেলাম। সামনে থেকে কয়েকজন ছোট বালক আসল। তিনি তাদের প্রত্যেকের মুকেল উপর হাত বুলিয়ে দেন এবং আমার মুখেও হাত বুলিয়ে দেন। আমি তাঁর হাত মোবারকের ঠাণ্ডা ছোঁয়া এবং সুগন্ধি এমনভাবে অনুভব করেছি যেন كانما اخرجها من جؤنة عطار তিনি তাঁর হাত মোবারক আতর বিক্রিকারীর আতরের বোতল থেকে বের করেছেন।^{২৮৪}

শরীর মোবারক মেশক আন্ধর থেকেও বেশী সুগন্ধি

ইমাম মুসলিম (র.) হযরত আনাস (রা.) থেকে বর্ণনা করেন, তিনি বলেন, রাসূল ﷺ'র শরীরের রঙ ছিল শুভ্র ও উজ্জ্বল, তাঁর ঘামের ফোঁটা মুতির ন্যায় আলোক উজ্জ্বল ছিল। তিনি যখন চলতেন সামনের দিকে কিঞ্চিৎ ঝুঁকে চলতেন। আমি কোন রেশমী কাপড়কে রাসূল ﷺ'র চেয়ে বেশী নরম ও মুলায়েম পাইনি এবং কোন মেশকে আন্ধরকেও তাঁর (শরীর মোবারকের) চেয়ে বেশী সুগন্ধি পাইনি।^{২৮৫}

চেহারা মোবারক

ইবনে আসাকের (র.) হযরত আয়েশা (রা.) থেকে বর্ণনা করেন, তিনি বলেন, আমি সাহুরীর সময় সেলাই করতেছি। আমার হাত হতে সুই পড়ে গেলে অনেক খুঁজেছি কিন্তু পাইনি। এ সময় রাসূল ﷺ প্রবেশ করেন- فتبت الابريرة بشعاع نور وجهه- তাঁর চেহারার মোবারকের নুরানী আলোতে সুই পেয়ে গেলাম। আমি তাঁকে এ সংবাদ দিলে তিনি বললেন,

^{২৮২} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, পাকিস্তান, খণ্ড:২য় পৃ:৩৭৯

^{২৮৩} আব্দুল হক মুহাদ্দিস দেহলভী (র.) (১০৫২হি.), মাদারেরজুন নবুয়ত, ফার্সী, খণ্ড:১ম পৃ:৩০

^{২৮৪} ইমাম মুসলিম (র.) (২৬১হি.), মুসলিম শরীফ, সূত্র, গোলাম রাসূল সাদ্দী, শরহে সহীহ মুসলিম, উর্দু, খণ্ড:৬ষ্ঠ পৃ:৭৮০

^{২৮৫} ইমাম মুসলিম (র.) (২৬১হি.), মুসলিম শরীফ, সূত্র, গোলাম রাসূল সাদ্দী, শরহে সহীহ মুসলিম, উর্দু, গুজরাট, পাকিস্তান, খণ্ড:৪ পৃ:৭৮১

হে হুমাইরা! هجرى من النظر الى وجهي
বঞ্চিত তাদের জন্য আফসোস- কথাটি তিনি তিনবার বলেছিলেন।^{২৮৬}

ইমাম তিরমিযি (র.) হযরত আবু হোরাইরা (রা.) থেকে বর্ণনা করেন, তিনি বলেন,

ما رأيت شيئاً أحسن من رسول الله صلى الله عليه وسلم كأن الشمس تجرى في وجهه -

আমি রাসূল ﷺ-র চেয়ে অধিক সুন্দর কোন কিছু দেখিনি, যেন সূর্য তাঁর চেহারা মোবারকে নেমে এসেছে।^{২৮৭}

ইমাম তিরমিযি ও দারেমী (র.) হযরত জাবের ইবনে সামুরাহ (রা.) থেকে বর্ণনা করেন, তিনি বলেন, আমি একবার চাঁদনী রাতে নবী করিম ﷺ কে দেখলাম তিনি লাল বর্ণের চাদর পরিহিত ছিলেন। আমি একবার তাঁর দিকে দেখি একবার চাঁদের দিকে দেখি।
من القمر فا ذاهو احسن عندى من القمر
অতঃপর আমি তাঁকে চাঁদের চেয়েও বেশী সুন্দর পেয়েছি।^{২৮৮}

আওয়াজ মোবারক

ইমাম বায়হাকী ও আবু নঈম (র.) হযরত বারা (রা.) থেকে বর্ণনা করেন, তিনি বলেন,

خطبتنا رسول الله صلى الله عليه وسلم حتى اسمع العواقر في خدورهن -

অর্থ- রাসূল (স.) আমাদেরকে ভাষণ দিলেন। তাঁর আওয়াজ পর্দার আড়ালের মহিলারা পর্দার ভিতর থেকেও শুনছিলেন।^{২৮৯}

ইমাম বায়হাকী ও আবু নঈম (র.) হযরত আয়েশা (রা.) থেকে বর্ণনা করেন, এক জুমার দিন নবী করিম ﷺ মিসরে বসে লোকদেরকে বললেন, তোমরা বসে যাও। আব্দুল্লাহ ইবনে রাওয়াহা (রা.) ও এই আওয়াজ শুনছিলেন অথচ এ সময় তিনি বনী গনমে। অতঃপর তিনি সেখানেই বসে গেলেন।^{২৯০}

ইবনে ও আবু নঈম (র.) আব্দুর ইবনে মুয়ায (রা.) থেকে বর্ণনা করেন, তিনি বলেন, রাসূল ﷺ আমাদেরকে মীনায় ভাষণ দিচ্ছিলেন। তখন আমাদের প্রবণ শক্তি বৃদ্ধি হয়ে গেল। আমরা তাঁর ভাষণ নিজেদের ঘরে বসে শুনছি।^{২৯১}

ইবনে মাজাহ ও বায়হাকী (র.) হযরত উম্মে হানী (রা.) থেকে বর্ণনা করেন, রাসূল ﷺ-র রাতের বেলায় কাঁবার ভিতরের কেঁরাত আমরা নিজেদের ঘরের মধ্যেও শুনতে

^{২৮৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১০৭

^{২৮৭} ইমাম তিরমিযি (র.) (২৭৯হি.), তিরমিযি শরীফ, সূত্র, মিশকাত শরীফ, আরবী, পৃ:১৫৮

^{২৮৮} শেখ আলি উদ্দিন মুহাম্মদ ইবনে আব্দুল্লাহ (র.) (৭৪০হি.), মিশকাত শরীফ, আরবী, পৃ: ১৫৭

^{২৮৯} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১১০

^{২৯০} প্রাপ্ত

^{২৯১} প্রাপ্ত

পেতাম। كنا نسمع قراءة النبي صلى الله عليه وسلم في جوف في الليل عند الكعبة وانا على عريشى^{২৯২}

লালা মোবারক মহৌষধ

হযরত আবু বারা (রা.) নবী করিম ﷺ'র খেদমতে দু'টি ঘোড়া ও দু'টি উট উপটোকন হিসেবে প্রেরণ করে। তিনি বললেন, আমি যদি মুশরিকদের হাদিয়া গ্রহণ করতাম তবে আবু বারা'র হাদিয়াও কবুল করতাম। লোকেরা আবেদন করল, হযর! আবু বারা অসুস্থ। সে সুস্থতার জন্য এই তোহফা আপনার খেদমতে পাঠিয়েছে।

তিনি মাটির একটি টিলা তুলে নিয়ে তাতে স্বীয় মুখের লালা মোবারক লাগিয়ে বললেন, এটাকে পানিতে মিশিয়ে তাকে পান করাও। যখন এরূপ করা হয়েছে তখন আল্লাহ তায়ালা তাকে শেফা দান করেন।^{২৯৩}

লালা মোবারকের মু'জিয়া

শরীরের কাটা অংশ জোড়া লাগানো:

ইবনে ইসহাক ও বায়হাকী (র.) স্বীয় সূত্রে খুবাইব ইবনে আব্দুর রহমান থেকে বর্ণনা করেন, তিনি বলেন, আমার দাদা খুবাইব বদরের যুদ্ধে তরবারীর আঘাতে শরীরের একটি অংশ কেটে একদিকে ঝুলে পড়ল। রাসূল ﷺ এর উপর লালা মোবারক লাগিয়ে দিয়ে শরীরের অপর অংশের অঙ্গের সাথে মিলিয়ে দেন। এতে কাটা অংশ শরীরের মতোই হয়ে গেল আর আঘাতের কোন চিহ্নই ছিলনা।^{২৯৪}

ঝুলে পড়া চোখ পুনঃস্থাপন

হযরত আবু নঈম (র.) আব্দুল্লাহ ইবনে আবি সা'সা' (রা.) সূত্রে বর্ণনা করেন, আবু সাঈদ খুদরী (রা.) থেকে তিনি তাঁর ভাই কাতাদাহ ইবনে নোমান (রা.) থেকে বর্ণনা করেন। তিনি বলেন, আমার উভয় চোখে বদরের দিন আঘাত লেগেছে ফলে উভয় চোখ বের হয়ে আমার দু'চোয়ালের উপর এসে পড়েছে। আমি ঐ চোখ দু'টি নিয়ে রাসূল ﷺ'র নিকট আসলাম। তিনি উভয় চোখ আপনস্থানে লাগিয়ে দিয়ে স্বীয় মুখের লালা মোবারক লাগিয়ে দেন ফলে চোখ দু'টি সুস্থ হয়ে চমকতে লাগল।^{২৯৫}

শয়তানের অনিষ্ট থেকে রক্ষা

ইমাম বায্যার, তাবরানী আওসাত গ্রন্থে ও আবু নঈম (র.) হযরত জাবের (রা.) থেকে বর্ণনা করেন, তিনি বলেন, আমরা রাসূল ﷺ'র সাথে গযওয়ালে যাতির রেকা এর উদ্দেশ্যে

^{২৯২} প্রাগুক্ত

^{২৯৩} আব্দুর রহমান জামী (র.) (৮৯৮হি.), শাওয়াহেদুন নবুয়ত, উদু, বেরেলী, পৃ:১৩৭

^{২৯৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৩৩৬

^{২৯৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৩৩৮

রওয়ানা হয়ে “হারবাহ ওয়াকাম” নামক স্থানে পৌঁছলাম। সেখানে একজন গ্রাম্য মহিলা তার সন্তানসহ এসে বলল, হে আল্লাহর রাসূল! এ আমার সন্তান। সে আমার অবাধ্য হয়ে পড়েছে। তার উপর শয়তান প্রভাব বিস্তার করেছে। তিনি সে সন্তানের মুখ খুলে তাতে লালা মোবারক নিক্ষেপ করেন এবং তিন বার বললেন, الله احسن عدو الله انا رسول الله - লাঞ্ছিত হও হে আল্লাহর দুশমন, আমি আল্লাহর রাসূল।

তারপর তিনি মহিলাকে বললেন, তুমি তোমার সন্তানকে নিয়ে যাও তাকে যে কষ্ট দিত সে আর তার কাছে কখনো আসবে না। যখন আমরা গযওয়া থেকে ফেরৎ আসতেছি তখন ঐ মহিলা আবার আসল। রাসূল তার কাছে তার ছেলের খবর নিলে মহিলা বলল, পূর্বে যে আসত এখন সে আর আসেনা।^{২৯৬}

মুখের যখম ভাল হওয়া

ইবনে সা'দ হযরত আব্দুল্লাহ ইবনে আবু কাতাদাহ (রা.) থেকে তিনি তাঁর পিতা আবু কাতাদাহ (রা.) থেকে বর্ণনা করেন, গযওয়ায়ে “যী করদ” এর দিন রাসূল আমাকে পেয়ে আমার দিকে তাকিয়ে বলেন, اللهم بارك له في شغره ويشوره, হে আল্লাহ! তার চুলে ও চামড়ায় বরকত দান করুন। তিনি আরো বললেন, তোমার চেহরার কল্যাণ হোক, মুসআদাহ কে হত্যা করেছে? আমি বললাম, জী, হ্যাঁ। তিনি বললেন, তোমার চেহরায় কি হয়েছে? আমি বললাম তীর লেগেছে। তিনি বললেন আমার কাছে এসো, আমি তাঁর কাছে গেলে তিনি ক্ষত স্থানে স্নীয় লালা মোবারক লাগিয়ে দেন। ফলে এমন সুস্থ হয়ে গেলাম যেন আমার কোন আঘাতই লাগেনি এবং এতে কোন পুঁজও সৃষ্টি হয়নি। আবু সন্তর বছর বয়সে ইস্তেকাল করেছিলেন অথচ তাকে দেখলে মনে হত যেন পনের বছরের যুবক।^{২৯৭}

জান্নাতীদের দর্শন করা

ইমাম বায়হাকী ও আবু নঈম (র.) হযরত উরওয়াহ ও হযরত মুছা ইবনে উকবা (রা.)'র সূত্রে হযরত ইবনে শিহাব থেকে বর্ণনা করেন, তিন বলেন, রাসূল হযরত আব্দুল্লাহ ইবনে রাওয়াহা (রা.)কে ত্রিশটি সওয়ারীসহ ইয়াসির ইবনে রিয়াম ইহুদীর বিরুদ্ধে যুদ্ধের উদ্দেশ্যে পাঠান। এই দলে হযরত আব্দুল্লাহ ইবনে উনাইস আব্দুল্লাহ ইবনে আনীস (রা.) ও ছিলেন। ইয়াসির ইহুদী আব্দুল্লাহ ইবনে উনাইস এর চেহরায় এমন আঘাত করল যে, তাঁর মাথার মগজে পর্যন্ত পৌঁছেছে। হযরত আব্দুল্লাহ ইবনে উনাইস (রা.) রাসূল 'র খেদমতে আসলে তিনি তার আহত স্থানে লালা মোবারক লাগিয়ে দেন।

অতঃপর আব্দুল্লাহ ইবনে উনাইস (রা.)'র ইস্তেকাল পর্যন্ত ঐ আহত স্থানে থেকে কখনো রক্তও পড়েনি এবং কোন প্রকারের ব্যাথা অনুভব করেনি।^{২৯৮}

^{২৯৬} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৩৭৩

^{২৯৭} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪১৬

^{২৯৮} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪২৭

রাসূল ﷺ'র সাথে সম্পর্কই মর্যাদার মানদণ্ড

হযরত ইবনে সা'দ (র.) মুহাম্মদ ইবনে ওমর ইবনে আলী (রা.) থেকে বর্ণনা করেন, তিনি বলেন, রাসূল ﷺ এরশাদ করেন, আমি হযরত জা'ফর (রা.)কে ফেরেশতার আকৃতিতে জান্নাতে উড়তে দেখেছি আর তার পাখার সম্মুখ ভাগ হতে রক্তের ফোঁটা বাড়তেছিল এবং হযরত য়ায়েদ ইবনে হারেসা (রা.)কে জা'ফরের চেয়ে কম মর্যাদায় দেখেছি। (তারা উভয় মুতা যুদ্ধে শহীদ হন।) তখন আমি বললাম, আমি য়ায়েদকে জাফরের চেয়ে কম মর্যাদাবান মনে করিনা। এখানে তার মর্যাদা কম হলো কেন? হযরত জিব্রাঈল (আ.) এসে উত্তর দেন যে, فقال ان زينا ليس بدون جعفر ولكنا فضلنا جعفر لقرايته منك - হযরত য়ায়েদ হযরত জা'ফরের চেয়ে মর্যাদয় কম নয় তবে আমরা হযরত জা'ফর (রা.) কে আপনার নিকটতম আত্মীয়তার কারণে শ্রেষ্ঠত্ব দান করেছি।^{২৯৯}

লালা মোবারক মহাঔষধ

ইবনে আসাকের হযরত আব্দুর রহমান ইবনে আযহার (রা.) থেকে বর্ণনা করেন, হুনাইনের যুদ্ধের দিন হযরত খালেদ বিন ওয়ালিদ (রা.) আহত হন। রাসূল ﷺ তার আহতস্থানে স্বীয় লালা মোবারক লাগিয়ে দিলে খালেদ পূর্ণ আরোগ্য লাভ করেন।^{৩০০}

মিষ্টি ভাষী হওয়া

ইমাম তাবরানী (র.) হযরত আবু উমামা বাহেলী (রা.) থেকে বর্ণনা করেন, তিনি বলেন, জনৈক মহিলা পুরুষদের সাথে খারাপ ব্যবহার করত অর্থাৎ তার মুখের ব্যবহার খুবই খারাপ ও অশালীন ছিল। একদা সে রাসূল ﷺ'র পাশ দিয়ে যাচ্ছিল আর রাসূল ﷺ সারিদ আহার করছিলেন। মহিলা তাঁর থেকে সারিদ খুজলে তিনি তাকে তা দিলেন। মহিলা বলল, আমাকে আপনার মুখের ভিতর থেকে দিন। অতঃপর তিনি তাঁর মুখের ভিতর থেকে দিলে সে খেয়ে ফেলল। এরপর তার মধ্যে এমন লজ্জা প্রাধান্য পেলো যে, সে মৃত্যুপর্যন্ত কখনো কারো সাথে অশ্লীল আচরণ ও ব্যবহার করেনি।^{৩০১}

মাথা ও পায়ের আঘাত ভাল হওয়া

ইমাম বায়হাকী (র.) ইসহাক (র.)'র সনদে বর্ণনা করেন, হযরত হারেস বিন আউস (র.) কা'ব ইবনে আশরাফ ইহুদীকে হত্যা করীদের একজন। কারো তরবারীর আঘাতে তার মাথা ও পায়ের আঘাত পেয়েছিল। সঙ্গীরা তাকে নিয়ে নবী করিম ﷺ'র খেদমতে নিয়ে

^{২৯৯} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৩০

^{৩০০} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:৪৫০

^{৩০১} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:২য় পৃ:১২২

আসল। তিনি তার আহতস্থানে লালা মোবারক লাগিয়ে দেওয়ার সাথে সাথে সম্পূর্ণ সুস্থ হয়ে যায়।^{৩০২}

লালা মোবারক উত্তম খাদ্য ও পানীয়

একদা দুধপানকারী একটা ছোট ছেলেকে রাসূল ﷺ'র খেদমতে আন হল, তিনি তাঁর লালা মোবারক তার মুখে দিলে সে এমন তৃপ্ত হল যে, সারাদিন সে দুধ পান করেনি।

একদিন হযরত ইমাম হাসান (রা.) প্রচণ্ড পিপাসার্ত ছিলেন। তখন নবী করিম ﷺ স্নায় জ্বিহবা মোবারক তার মুখে রাখলে সে তাঁর জ্বিহবা মোবারক চূসে। এসে সে সারাদিন তৃপ্ত ছিল, দুধপানের প্রয়োজন হয়নি।^{৩০৩}

পোড়া হাত ভাল হওয়া

ইমাম বুখারী তারীখ গ্রন্থে বর্ণনা করেন, মুহাম্মদ ইবনে হাতেব (রা.) বর্ণনা করেন, আমার উম্মে জামিল আমাকে বলেছেন যে, আমি তোমাকে হাবশা থেকে নিয়ে মদীনায়া আগমণ করি। একরাতে আমি মদীনা শরীফে চুলায় ডেক্‌চি তুলে রান্না করতেছি। লাকড়ি শেষ হয়ে গেলে আমি লাকড়ি আনতে গেলে তুমি ডেক্‌চিতে হাত দিলে ডেক্‌চি উল্টে তোমার বাহুতে পড়ে হাত পুড়ে গিয়েছিল। আমি তোমাকে নবী করিম ﷺ কাছে নিয়ে গেলে তিনি তোমার বাহুতে লালা মোবারক লাগিয়ে দিতে দিতে এই দোয়া পাঠ করলেন-
اذهب البأس رب الناس اشف انت لشفافي لا شفاء الا شفائك شفاء لا يغادر سقماً তখন আমি তাঁর সম্মুখ থেকে এখনো উঠিনি তোমার হাত ভাল হয়ে গিয়েছে।^{৩০৪}

ইমাম বায়হাকী ও আবু নঈম (র.) রাসূল ﷺ'র আযাদকৃত দাসী রাজিনা থেকে বর্ণনা করেন, রাসূল ﷺ আশুরার দিন নিজের ও হযরত ফাতেমা (রা.)'র দুধপানকারী শিশুদেরকে ডেকে তাদের মুখে থু থু দিতেন। তারপর তাদের মা দেরকে বলতেন, لا ترضعنهم الى الليل فكان ريقه يجزيهم আজ রাত পর্যন্ত এদেরকে দুধ পান করাইওনা, কেননা তাঁর লালা মোবারক তাদের পানাহরের জন্য যথেষ্ট হয়ে যেতো।^{৩০৫}

ইমাম তাবরানী ও ইবনে আসাকের (র.) হযরত আবু হোরায়রা (রা.) থেকে বর্ণনা করেন, তিনি বলেন, আমরা রাসূল ﷺ'র সাথে এক সফরে বের হলাম। পথে হযরত হাসান ও হোসাইন (রা.)'র ক্রন্দনের আওয়াজ আসল। তারা উভয়ই তাদের মা হযরত ফাতেমা (রা.)'র কাছে নবী করিম (স.) দ্রুত তাঁর কাছে গিয়ে বললেন, আমার সন্তানদের কি হয়েছে, তারা কাঁদতেছে কেন? ফাতেমা (রা.) বলেন, পিপাসা লেগেছে তাই কাঁদতেছে।

^{৩০২} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:১ম পৃ:৬৮১

^{৩০৩} শাহ আব্দুল হক মুহাদ্দিস দেহলভী (র.) (১০৫২হি.), মাদারেলজুন নবুয়ত, ফার্সী, খন্ড:১ম পৃ:১১ ও জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১০৬

^{৩০৪} ইউসূফ নাবহানী (র.), হুজ্জাতুল্লাহি আলাল আলামীন, উর্দু, গুজরাট, খন্ড:১ম পৃ:৬৮৬

^{৩০৫} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১০৫

তিনি পানি তালাশ করলেন কিন্তু এক ফোঁটাও পাওয়া যায়নি। তখন তিনি হযরত ফাতেমা (রা.) কে বললেন, তাদের একজনকে আমাকে দাও। তিনি (ফাতেমা) পর্দার আড়াল থেকে একজনকে দিলে রাসূল ﷺ তাঁর বক্ষে লাগালেন আর উচ্চস্বরে কাঁদতে লাগল। তারপর তিনি তাঁর জিহ্বা মোবারক তার মুখে রাখলে সে চুসতে লাগল আর ক্রন্দন বন্ধ করে চুপ হয়ে গেল। এভাবে অপরজনও কাঁদতে লাগলে, তাকেও অনুরূপ করলে সেও ক্রন্দন বন্ধ করে চুপ হয়ে গেল। এভাবে উভয় ছেলে চুপ হয়ে গেল আর তাদের ক্রন্দনের শব্দ শুনা যায়নি।^{৩০৬}

চোখ মোবারক

عن عائشة رضى الله عنها كان رسول الله صلى الله عليه وسلم يرى في الظلماء كما يرى في الضوء

হযরত আয়েশা সিদ্দিকা (রা.) থেকে বর্ণিত, রাসূল ﷺ আলোতে যেরূপ দেখতেন অনুরূপ ঘোর অন্ধকারেও দেখতেন। (বায়হাকী)

ইমাম বুখারী ও ইমাম মুসলিম (র.) হযরত আবু হোরাইরা (রা.) থেকে বর্ণনা করেন-
ان رسول الله صلى الله عليه وسلم قال هل ترون قبلى ههنا فوالله ما يخفى على ركو عكم ولاسجد
وكم الى لأراكم وراء ظهري (متفق عليه)

রাসূল ﷺ এরশাদ করেন, তোমরা মনে কর আমি শুধু সামনের দিকটা দেখি? খোদার শপথ তোমাদের রুকু, সিঁজদা আমার অগোচরে নয়। আমি তোমাদেরকে আমার পিঠের তথা পিছনে দিক দিয়েও দেখি। (বুখারী মুসলীম)^{৩০৭}

عن ابن عباس قال كان رسول الله صلى الله عليه وسلم يرى بالليل في الظلمة كما يرى يانهار
من الضوء-

হযরত আব্দুল্লাহ ইবনে আব্বাস (রা.) থেকে বর্ণিত, তিনি বলেন, রাসূল ﷺ দিনের আলোয় যেভাবে দেখতেন রাতের অন্ধকারেও অনুরূপ দেখতেন।^{৩০৮}

হযরত আনাস ও আবু হোরাইরা (রা.) থেকে বর্ণিত, নবী করিম ﷺ নামাযে দণ্ডায়মান হলে বলতেন, তোমরা কাতার সোজা কর এবং সবাই সমান হয়ে দাঁড়াও। কেননা, আমি তোমাদেরকে পেছন থেকেও দেখি যেভাবে সামনে থেকে দেখি।^{৩০৯}

^{৩০৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খন্ড:১ম পৃ:১০৬

^{৩০৭} (ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খন্ড:২য় পৃ:৩৬৯

^{৩০৮} (বায়হাকী) (ড. মুত্তাফা মুরাদ, মু'জিয়াতুর রাসূল (স.), আরবী, কায়রো, মিশর, পৃ:১৪৪)

^{৩০৯} আবু নঈম ইস্পাহানী (র.) (৪৩০হি.), দালায়েলুন নবয়ত, উর্দু, দিল্লী, পৃ: ৩৯০

হযরত আবু হোরাইরা (রা.) থেকে বর্ণিত, তিনি বলেন, রাসূল ﷺ আমাদেরকে যোহরের নামায পড়ালেন। একেবারে শেষ কাতারে একজন মুসল্লী নামাযে খারাপ কিছু করল। রাসূল ﷺ সালাম ফিরিয়ে তাকে ডাক দিয়ে বললেন, হে অমুক ব্যক্তি! তুমি কি আল্লাহ কে ভয় করনা, তুমি কিভাবে নামায পড়তেছ তা দেখবোনা? انکم ترون انه يخفى على التومرا মনে কর যে, তোমাদের আমল আমার অগোচরে থাকে। খোদার শপথ, আমি সামনে যেভাবে দেখি পিছনেও অনুরূপ দেখি।^{১১০}

নবী ﷺ'র দৃষ্টিশক্তি ও শ্রবণ শক্তি

ইমাম তিরমিধি, ইবনে মাজাহ ও আবু নঈম (র.) হযরত আবু যর গিফারী (রা.) থেকে বর্ণনা করেন, তিনি বলেন, রাসূল ﷺ এরশাদ করেন, আমি যা দেখতে পাই তোমরা তা দেখনা। আমি যা শুনতে পাই তোমরা শুননা। আসমান গুড় গুড় আওয়াজ দিচ্ছে আর এরূপ করাই উচিত। আসমানে চার আঙ্গুল পরিমাণ জায়গা খালি নাই যেখানে ফেরেস্তাগণ আল্লাহর উদ্দেশ্যে সিজদারত নেই। অর্থাৎ পুরো আসমানে পেরেস্তাগণ সিজদায় নিয়োজিত আছেন।

আবু নঈম (র.) হযরত হাকীম ইবনে হাযাম (রা.) থেকে বর্ণনা করেন, তিনি বলেন, একদা আমরা সাহাবায়ে কেলাম নবী করিম ﷺ'র সাথে ছিলাম। হঠাৎ করে তিনি সাহাবাগণকে বললেন, ? تسمعون ما اسمع আমি যা শুনতে পাচ্ছি তোমরা কি শুনতেছ? তারা বলল, না আমরা কিছুই শুনতে পাচ্ছি। তিনি বলেন- انى لاسمع اطيط السماء وماتلام ان تظ اماми শুনতেছি, আসমান গুড় গুড় করে শব্দ করতেছে এরূপ করাই উচিত। সেখানে এক বিগত পরিমাণ জায়গাও খালি নেই যেখানে ফেরেস্তাগণ সিজদা কিংবা দণ্ডায়মান অবস্থায় নেই।^{১১১}

কবর আযাব শ্রবণ

ইমাম মুসলিম (র.) হযরত য়ায়েদ ইবনে সাবিত (রা.) থেকে বর্ণনা করেন, তিনি বলেন, নবী করিম ﷺ খচরে আরোহণ করে বনী নাজ্জারের বাগান দিয়ে যাচ্ছিলেন। আমরা তাঁর সাথে ছিলাম। হঠাৎ খচর থেমে গিয়ে গতি পরিবর্তন করল এমনভাবে তাঁকে পিট থেকে ফেলে দেওয়ার উপক্রম হল। তিনি সেখানে চার, পাঁচ কিংবা ছয়টি কবর দেখতে পেলেন। তিনি জানতে চাইলেন যে, এই কবর বাসীদেরকে কেউ চিনে কিনা? জনৈক ব্যক্তি বলল, আমি এদেরকে চিনি। তিনি জিজ্ঞেস করলেন এরা কখন মৃত্যুবরণ করেছে? লোকটি বলল, তারা শিরীক অবস্থায় মারা গিয়েছে।

^{১১০} ইমাম আহমদ ইবনে হাম্বল (র.) (২৪১হি.) সূত্র, মিশকাত শরীফ, আরবী, পৃ:৭৭

^{১১১} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খঃ:১ম পৃ:১১৩

তখন তিনি বললেন, তারা আপন আপন কবরে আঘাবে লিগু যদি তোমাদেরকে দাফন করা না হত তবে আমি আল্লাহর কাছে দোয়া করতাম যেন আল্লাহ তায়ালা তোমাদেরকেও কবর আঘাবের শব্দ শুনান যা আমি শুনতেছি।^{৩১২}

ইমাম হাকেম (র.) হযরত আনাস (রা.) থেকে বর্ণনা করেন, তিনি বলেন, রাসূল ﷺ ও হযরত বেলাল (রা.) জান্নাতুল বাকী দিয়ে যাচ্ছিলেন। তখন তিনি হযরত বেলাল (রা.) কে জিজ্ঞেস করেন- يا بلال هل تسمع ما اسمع؟ হে বেলাল! আমি যা শুনতেছি তুমি কি শুনতেছ? বেলাল আরজ করলেন, না, ইয়া রাসূলান্নাহ। তিনি বললেন, তুমি কি এই কবরবাসীর আওয়াজ শুনতে পাচ্ছনা যাদেরকে আঘাব দেওয়া হচ্ছে।^{৩১৩}

মু'মিনের সাথে জান্নাতী হ্রের বিবাহ

ইমাম ইম্পাহানী (র.) (আততারগীব গ্রন্থে) হযরত জাবির ইবনে আব্দুল্লাহ (রা.) থেকে বর্ণনা করেন, তিনি বলেন, আমরা রাসূল ﷺ'র সাথে বের হলাম এবং একটি উন্মুক্ত ময়দান অতিক্রম করছিলাম। আমরা দেখলাম যে, একজন আরোহী আমাদের দিকে আসতেছে। তিনি তাকে জিজ্ঞেস করলেন, তুমি কোথা থেকে আসতেছ? সে বলল, আমার সম্পদ, সন্তান ও কাবীলা থেকে। তিনি জিজ্ঞেস করলেন, কোথায় যাওয়ার ইচ্ছে করেছ? সে বলল, রাসূল ﷺ'র কাছে যাচ্ছি। তিনি বললেন, তুমি পৌঁছে গিয়েছ।

তিনি তাকে ইসলাম শিক্ষা দিলেন, সে মুসলমান হল। তার উটের পা ইঁদুরের গর্তে পড়ে মাটিতে পড়ে গেল ফলে সে উট থেকে পড়ে মৃত্যুবরণ করল। রাসূল ﷺ বললেন, আমি দেখলাম যে দু'জন ফেরেশতা তার মুখে জান্নাতের ফল দিচ্ছে।

ইবনে আসাকের (র.) হযরত ইবনে মসউদ (রা.) থেকে অনুরূপ হাদিস বর্ণনা করেন, তবে ঐ হাদিসে এতটুকু বাড়তি আছে। নবী করিম ﷺ তার কবরে নামলেন এবং দীর্ঘক্ষণ অবস্থান করার পর বেরিয়ে এসে বললেন, তার কবরে বড় বড় চোখ বিশিষ্ট জান্নাতী হ্র অবতরন করল আর প্রত্যেকেই আরজ করল- ইয়া রাসূলান্নাহ! আমাদেরকে তার সাথে বিবাহ দেন। অর্থাৎ আমাদেরকে তার স্ত্রী বানিয়ে দিন। আমি তন্মধ্যে সত্তরজন হ্রকে তার সাথে বিবাহ করিয়ে দিলাম।

এই হাদিস দ্বারা প্রমাণিত হল যে, রাসূল ﷺ'র ইখতিয়ার আছে যে, তিনি চাইলে যে কোন মু'মিনের সাথে যে কোন হ্রকে বিবাহ দিতে পারেন যেভাবে দুনিয়ার যে কোন মহিলাকে যে কারো সাথে বিবাহ দেওয়ার অধিকার রাখেন।^{৩১৪}

রক্ত মোবারক পবিত্র

^{৩১২} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৪৮

^{৩১৩} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৪৯

^{৩১৪} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৫০

হযরত আব্দুল্লাহ ইবনে যুবাইর (রা.) থেকে বর্ণিত, তিনি নবী করিম ﷺ-র খেদমতে হাযির হল। এ সময় তিনি সিঙ্গা লাগিয়েছিল। তিনি আমাকে বললেন, হে আব্দুল্লাহ! এই রক্ত গুলো এমন জায়গায় ফেলে এসো, যেখানে কেউ দেখবে না। আব্দুল্লাহ রক্ত নিয়ে গিয়ে তা পান করে চলে আসল। তিনি জিজ্ঞেস করলেন, আব্দুল্লাহ! রক্ত কি করেছ? সে উত্তর দিল ইয়া রাসূলান্নাহ! আমি এমন গোপন স্থানে ঢেলে দিয়েছি যেখানে সর্বদা মানুষের অগোচরে থাকবে। তিনি বললেন, সম্ভবত তুমি তা পান করেছ। সে বলল, হ্যাঁ। অনেকেই মনে করত আব্দুল্লাহ (রা.) শক্তিশালী হওয়া ঐ রক্ত মোবারকের বরকতেই হয়েছিল।^{৩১৫}

পেশাব মোবারক পানে দোষখ হারাম

ইমাম তাবরানী ও বায়হাকী (র.) বিশুদ্ধ সনদে হযরত হাকীমাহ বিনতে উমাইমাহ (রা.) থেকে বর্ণনা করেন, তিনি তার মা থেকে বর্ণনা করেন, তার মা বলেন, রাসূল ﷺ একটি কাঠের পেয়ালায় পেশাব করতেন এবং তা তাঁর খাটের নীচে রেখে দিতেন। এক রাতে তিনি উঠে জিজ্ঞেস করেন, পেশাবের পেয়ালা কোথায়? উত্তরে বলা হল যে, হযরত উম্মে সালমা (রা.)'র সেই খাদেমা বাররাহ তা পান করে ফেলেছে যে উম্মে সালমার সাথে হাবশা থেকে এসেছিল।

তখন নবী করিম ﷺ এরশাদ করেন, لقد احتظرت من النار بحظار, অর্থাৎ জাহান্নামের আগুন তার উপর হারাম হয়ে গেল।^{৩১৬}

হযরত আনাস (রা.) থেকে বর্ণিত, তিনি বলেন, নবী করিম ﷺ নামাযে দীর্ঘ কিয়াম করতেন। তিনি নিজের ঘরে অবস্থিত একটি কূপে পেশাব করতেন। ফলে পুরো মদীনা শরীফে ঐ কূপের চেয়ে মিষ্টি পানি ওয়ালা কূপ ছিলনা। তাঁর ঘরে কোন মেহেমান আসলে তিনি সেই কূপ থেকে মিঠা পানি এনে দিতেন। জাহেলী যুগে সেই কূপের নাম ছিল আল বরাদ।^{৩১৭}

মল মোবারক পাক

উম্মুল মু'মিনিন হযরত আয়েশা (রা.) বর্ণনা করেন, রাসূল ﷺ প্রকৃতিক প্রয়োজনে বায়তুল খালা-এ তাশরীফ নিলে প্রয়োজন শেষে আমি ভিতরে গিয়ে কস্তুরীর সুগন্ধি ব্যতীত কিছুই পেতাম না। আমি এ কথা তাঁকে বললে, তিনি বলেন- انا معاشر الانبياء نبت اجسادنا, আমরা আশিয়ারে কিরামগণের শরীর জান্নাতীদের শরীরের ন্যায় সৃষ্টি করা হয়েছে। এদের থেকে যা কিছু বের হয় মাটি তা গিলে ফেলে।^{৩১৮}

^{৩১৫} ইউসূফ নাবহানী (র.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:৩৮১

^{৩১৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈকুত, খণ্ড:২য় পৃ:৪৪১

^{৩১৭} আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, দিল্লী, পৃ:৩৯৩

^{৩১৮} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:৩৮২

ইমাম তাবরানী ও আবু নঈম (র.) হযরত সালমান ফার্সী (রা.) থেকে বর্ণনা করেন, তিন রাসূল ﷺ'র দরবারে প্রবেশ করে সেখানে হযরত আব্দুল্লাহ ইবনে যুবাইর (রা.) কে দেখেন যে, তার সামনে একটি পাত্রে পানীয় জাতীয় বস্তু রয়েছে আর তিনি তা পান করতেন। রাসূল ﷺ তাকে জিজ্ঞেস করলেন, রক্ত কি করেছে? উত্তরে তিনি বলেন, انى جوفى ارفاى راسول الله صلى الله عليه وسلم فى جوفى ارفاى راسول الله صلى الله عليه وسلم'র রক্ত মোবারক আমার পেটে থাকাটাই আমি ভালবাসি। সে জন্য আমি তা পান করে ফেলেছি। তখন রাসূল ﷺ এরশাদ করেন- ويل لك من الناس وويل للناس منك لاتمسك النار الاقسم المين ۵১৯

রক্ত মোবারক পানে জাহান্নামের আগুন হারাম হওয়া

ইমাম দারে কুতনী (র.) হযরত আসমা বিনতে আবি বকর (রা.) থেকে বর্ণনা করেন, তিনি বলেন, নবী করিম ﷺ একদা সিঁগা লাগিয়ে রক্ত বের করে আমার ছেলেকে রাখতে দেন। সে রক্ত পান করে ফেলল। হযরত জিব্রাইল (আ.) এসে এ ব্যাপারে তাঁকে অবহিত করলে তিনি জিজ্ঞেস করলেন তুমি কি করেছে? সে উত্তরদিল আপনার রক্ত মোবারক মাটিতে ফেলে দেওয়া আমার পছন্দ হয়নি তাই আমি তা পান করে ফেলেছি। তখন নবী করিম ﷺ এরশাদ করেন- لاتمسك النار তোমাকে জাহান্নামের আগুনে স্পর্শ করবে না। আর তিনি তার মাথায় হাত বুলিয়ে দিয়ে বলেন- ويل للناس منك وويل لك من الناس ৫২০

রাসূল ﷺ'র রক্ত প্রসংশিত হওয়া

ইমাম হাকেম (র.) হযরত আবু সাঈদ খুদরী (রা.) থেকে বর্ণনা করেন, তিনি বলেন, উহুদ যুদ্ধের দিন রাসূল ﷺ'র মাথা মোবারকে আঘাত লেগেছিল। আমার পিতা এসে তাঁর মাথা মোবারক থেকে নির্গত রক্ত মোবারক মুখে চুসে নিয়ে পান করে ফেলল। তখন তিনি এরশাদ করেন, কেউ যদি এমন ব্যক্তি দেখতে চায় যার রক্তের সাথে আমার রক্ত মিশে গিয়েছে তাহলে সে যেন মালেক ইবনে সানান (রা.) কে দেখে নেয়।

তাবরানী'র অপর বর্ণনায় আছে তার রক্ত আমার রক্তের সাথে মিশে গেল। আর তাকে জাহান্নামের আগুন স্পর্শ করবে না। ৫২১

পেশাব মোবারক পেটের উপশম

৫১৯. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খঃ:২য় পৃ:৪৪০

৫২০. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খঃ:২য় পৃ:৪৪০

৫২১. ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খঃ:২য় পৃ:৪৪১

আবু ইয়ালা হাকেম, দারে কুতুনী, তাবরানী ও আবু নঈম (র.) হযরত উম্মে আইমান (রা.) থেকে বর্ণনা করেন, তিনি বলেন, নবী করিম ﷺ একবার রাতে একটি মাটির পাত্রে পেশাব করেছিলেন। আমি রাতে ঘুম হতে উঠলাম এবং প্রচণ্ড পিপাসার্ত ছিলাম। ফলে আমি ঐ পাত্র থেকে পেশাব পান করেছি। সকালে উঠে আমি ঘটনা তাঁকে অবহিত করলাম তখন তিনি একটু হেসে বললেন- اما انك لا يتجعن بطنك ابدا তোমার পেটে কখনো ব্যাথা হবে না।

হযরত আবু ইয়ালা (র.)'র মতে রাসূল ﷺ এরূপ বলেছিলেন- انك لن تشتكى بطنك
 ৩২২
 ابدأ بعد يومك هذا

কেশ/ লোম মোবারক

হযরত ইবনে সীরীন (র.) থেকে বর্ণিত, তিনি বলেন, আমি আবীদা (র.)কে বললাম, আমাদের কাছে নবী করিম ﷺ'র একটি কেশ মোবারক রয়েছে যা আমরা আনাস (রা.)'র কাছে থেকে কিংবা আনাস (রা.)'র পরিবারের থেকে পেয়েছি। তিনি বললেন, তাঁর একটি কেশ মোবারক আমার কাছে থাকটা সারা পৃথিবী এবং পৃথিবীর মধ্যে যা কিছু আছে তা পাওয়ার চাইতে বেশী পছন্দনীয়।^{৩২৩}

চুল মোবারক

ইমাম বায়হাকী (র.) ইবনুল আসীর (র.) 'উসদুল গাবাহ' গ্রন্থে হযরত খালেদ বিন ওয়ালিদ (রা.) থেকে বর্ণনা করেন, তিনি বলেন, আমরা নবী করিম ﷺ'র সাথে উমরাহ করেছিলাম। তিনি মাথা মোবারক মুণ্ডালে সাহাবায়ে কিরাম চুল মোবারক নিতে ঝাপিয়ে পড়ল। আমি এগিয়ে গিয়ে তাঁর কপালের চুল মোবারক তাবাররুক হিসেবে অর্জন করলাম। এটি আমি আমার টুপির অগ্রভাগে রেখে দিই। এরপর থেকে আমি যে দিকেই যুদ্ধে যেতাম বিজয় আমার পদচুম্বন করত।^{৩২৪}

হাত মোবারকের মু'জিয়া

আঙ্গুল মোবারক দিয়ে পানি প্রবাহিত হওয়া:

হযরত আনাস (রা.) হতে বর্ণিত, নবী করিম ﷺ'র নিকট একটি পানির পাত্র আনা হল, তখন (মদীনার নিকটবর্তী) 'যাওরা' নামক স্থানে অবস্থান করছিলেন। নবী করিম ﷺ তাঁর হাত মোবারক ঐ পাত্রে রেখে দিলেন আর তখনই পানি আঙ্গুলির ফাঁক দিয়ে উপচে পড়তে লাগল। ঐ পানি দিয়ে উপস্থিত সকলেই অজু করে নিলেন। কাতাদাহ (র.) বলেন-

^{৩২২} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৪৪১

^{৩২৩} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, খণ্ড:১ম পৃ:২৯

^{৩২৪} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:৩৩৮

আমি আনাস (রা.) কে জিজ্ঞেস করলাম, আপনাদের লোক সংখ্যা কত ছিল? তিনি বললেন, আমরা তিনশ' বা তিনশ' এর কাছাকাছি ছিলাম।^{৩২৫}

দুই মশক পানি চল্লিশ জনে পান করা

হযরত ইমরান ইবনে হোসাইন (রা.) থেকে বর্ণিত, খায়বারের যুদ্ধ থেকে প্রত্যাবর্তনকালে তারা রাসূল ﷺ'র সাথে ছিলেন। তিনি বলেন, রাসূল ﷺ আমাকে অগ্রগামী দলের সাথে পাঠিয়ে দেন এবং আমরা ভীষণ তৃষ্ণার্ত হয়ে পড়লাম। এমতাবস্থায় আমরা পথ চলছি। হঠাৎ এক উষ্ট্রারোহিনী মহিলা আমাদের নযরে পড়ল। সে পানি ভর্তি দু'টি মশকের মধ্যখানে পা ঝুলিয়ে বসেছিল। আমরা তাকে জিজ্ঞেস করলাম, পানি কোথায়? সে বলল, আশেপাশে কোথাও পানি নেই। আমরা বললাম, তোমরা ও পানির স্থানের মধ্যে দূরত্ব কতটুকু? সে বলল, একদিন ও একরাতের দূরত্ব। আমরা তাকে বললাম, রাসূলুল্লাহর নিকট চল। সে বলল, রাসূলুল্লাহ কি? আমরা তাকে বাধ্য করে নবীর খেদমতে নিয়ে গেলাম। সে নবীর খেদমতে এসেও ঐ জাতীয় কথাবার্তাই বলল যা সে আমাদের সঙ্গে বলেছিল। তবে সে তাঁর নিকট বলল, সে কয়েকজন ইয়াতীম সন্তানের মাতা।

নবী ﷺ তার মশক দু'টি নামিয়ে ফেলতে আদেশ করলেন। অতঃপর তিনি দু'টির মুখে হাত মোবারক বুলালেন। আমরা তৃষ্ণাকাতর চল্লিশজন মানুষ পানি পান করে পিপাসা নিবারণ করলাম। তারপর আমাদের সকল মশক, বাসনপত্র পানি ভর্তি করে নিলাম। তবে উটগুলোকে পানি পান করান হয় নাই, এত সবেের পরও মহিলার মশক দু'টি এত পানি ভর্তি ছিল যে, তা ফেটে যাওয়ার উপক্রম হয়ে গিয়েছিল।^{৩২৬}

হাত মোবারক থেকে ঝর্ণা প্রবাহিত হওয়া

হযরত জাবির ইবনে আব্দুল্লাহ (রা.) থেকে বর্ণিত, তিনি বলেন, হৃদয়বিয়ায় অবস্থানকালে একদিন সাহাবায়ে কেরাম পীপাসায় কাতর হয়ে পড়লেন। নবী করিম (স.)'র সম্মুখে একটি (চামড়ার) পাত্রে অল্প পানি ছিল। তিনি অজু করলেন। তাঁর নিকট প্রচুর পানি আছে মনে করে সকলে ঐ দিকে ভীড় করতে লাগলেন। নবী করিম ﷺ বললেন, তোমাদের কি হয়েছে? তাঁরা বললেন, আপনার সম্মুখস্থ পাত্রের সামান্য পানি ব্যতীত অজু ও পান করার মত পানি আমাদের নিকট নেই।

নবী করিম ﷺ যখন ঐ পাত্রে হাত মোবারক রাখলেন তখনই তাঁর হাত উপচিয়ে ঝর্ণা ধারার ন্যায় দ্রুতগতি বেগে পানি বের হতে লাগলো। আমরা সকলেই এই পানি থেকে পান

^{৩২৫} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৪ হাদিস নং ৩৩১৯

^{৩২৬} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৪ হাদিস নং ৩৩১৮

করলাম ও অজু করলাম। বর্ণনাকারী সালিম বলেন, আমি জাবির (রা.)কে জিজ্ঞেস করলাম, আপনারা কতজন ছিলেন? তিনি বললেন, আমরা যদি একলক্ষও হতাম তবুও আমাদের জন্য পানি যথেষ্ট হত। তবে আমরা ছিলাম মাত্র পনেরশ।^{৩২৭}

অল্প বয়স্ক ছাগল বাচ্চার স্তনে দুধ

তয়ালুসী, ইবনে সা'দ, ইবনে আবি শায়বা, বায়হাকী ও আবু নঈম (র.) হযরত ইবনে মসউদ (রা.) থেকে বর্ণনা করেন, তিনি বলেন, আমি অপ্রাপ্ত বয়স্ক বালক ছিলাম এবং মক্কা মুকাররমায় উকযা ইবনে আবি মুয়ীতের ছাগল চড়াতাম। রাসূল ﷺ ও আবু বকর মুশরিকদের থেকে (হিজরতের সময়) গোপনে আমার কাছে আসলেন। উভয় হযরত আমাকে বললেন, হে বালক তোমার কাছে কি পান করার মত দুধ আছে? আমি বললাম, আমি আমানতদার। তারপর তাঁরা বললেন, তোমার কাছে কি এমন ছাগলের বাচ্চা আছে? যার সাথে আদৌ কোন পুরুষ ছাগলের মিলন হয়নি। আমি বললাম, হ্যাঁ, আছে। আমি এ ধরণের ছাগল ধরে তাঁদের কাছে নিয়ে গেলাম। হযরত আবু বকর (রা.) ওটাকে বাঁধলেন আর নবী করিম ﷺ ছাগলের স্তন ধরলেন এবং কিছু দোয়া পড়ে স্তন মালিশ করলেন। সাথে সাথে চাগলের স্তন দুধে পূর্ণ হয়ে গেল।

হযরত আবু বকর (রা.) পাথরের একটি পেয়ালা দিলেন রাসূল ﷺ কে তিনি দুধ দোহন করে ঐ পেয়ালাতে নিলেন আর নিজে ও আবু বকর (রা.) দুধ পান করলেন আমাকেও পান করালেন। অতঃপর তিনি ছাগলের স্তনকে উদ্দেশ্য করে বললেন, হে স্তন শুকিয়ে যাও। সাথে সাথে শুকিয়ে গিয়ে পূর্বের ন্যায় হয়ে গেল।^{৩২৮}

যেহেতু উক্ত ছাগল স্তনে দুধ রাসূল ﷺ র হাত মোবারক ও দোয়ার বরকতে এসেছিল সেহেতু দুধপান করা বৈধ হয়েছিল। লেখক


দূর্বল ও অসুস্থ ছাগল থেকে প্রচুর দুধ দোহন করা


ইমাম বগভী, ইবনে শাহীন, ইবনে সাকন, ইবনে মুনদাহ, তাবরানী, হাকেম, বায়হাকী ও আবু নঈম (র.) ছবাইশ ইবনে খালেদ থেকে বর্ণনা করেন, রাসূল ﷺ, আবু বকর ও তাঁর গোলাম ফুহাইরা এবং তাদের পথ প্রদর্শক আব্দুল্লাহ ইবনে আরকীত মক্কা থেকে মদীনা হযরতের সময় উম্মে মা'বাদের দুই তাঁবুর পাশ দিয়ে গমণ করছিলেন। উম্মে মা'ব'দ ছিলেন বয়স্ক ও অত্যন্ত বিচক্ষণ। তিনি তাঁবুর বাইরে চাদর মুড়িয়ে বসে থাকতেন আর পথিককে পানাহার করাতেন। তারা তার কাছ থেকে মাংস ও খেজুর কিনতে চাইলেন কিন্তু কিছুই পেলেন না। অতঃপর রাসূল ﷺ তাঁবুর এক পাশে একটি ছাগল দেখে জিজ্ঞেস করেন- হে উম্মে মা'ব'দ! এটা কি রকম ছাগল? উম্মে মা'ব'দ উত্তর দিলেন, ছাগলটি রোগে

^{৩২৭} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫০৫ হাদিস নং ৩৩২৩

^{৩২৮} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৪৪১



দূর্বল হওয়ায় অন্যান্য ছাগলের সাথে চারণভূমিতে যেতে অক্ষম। তিনি জিজ্ঞেস করলেন, এটাতে দুধ পাওয়া যাবে? উম্মে মা'বাদ উত্তর দিলেন, ছাগলটি খুবই অসুস্থ। তিনি বললেন, তুমি আমাকে এটা থেকে দুধ দোহন করতে অনুমতি দেবে? উত্তরে উম্মে মা'বাদ বললেন, আপনি যদি দুধ পাবেন বলে মনে করেন তবে দোহন করুন।

রাসূল  দূর্বল অসুস্থ ছাগলটি আনালেন এবং স্তনে স্বীয় হাত মোবারক মালিশ করলেন আর আল্লাহর নাম নিয়ে উম্মে মা'বাদের জন্য এবং তার ছাগলের জন্য দোয়া করেন। সাথে সাথে ছাগল দুধ দোহনের জন্য পা ফাঁক করে দিয়ে স্তনে দুধ ভর্তি করে দিল। তিনি দশজনের জন্য যথেষ্ট হয় এমন এক বড় পাত্র সংগ্রহ করে তাতে দুধ দোহন করেন এবং পাত্র উপছে পড়ার উপক্রম হল। তারপর প্রথমে উম্মে মা'বাদকে তারপর স্বীয় সাথীদেরকে পরিতৃপ্ত করে পান করালেন। সর্বশেষে তিনি নিজে দুধ পান করেন। এভাবে সবাই দ্বিতীয়বার দুধ পান করেন। এরপর তিনি পাত্রে দ্বিতীয়বার দুধ দোহন করেন। এবারও দুধে পাত্র পূর্ণ হয়ে যায়। এই দুধ উম্মে মা'বাদকে দিয়ে তার থেকে বাইয়াত গ্রহণ করে চলে যান।

এর কিছুক্ষণ পর উম্মে মা'বাদের স্বামী আবু মা'বাদ জঙ্গল থেকে দূর্বল ছাগলগুলো নিয়ে এসেছেন। তিনি দুধ দেখে অবাক হয়ে বললেন, তোমার কাছে দুধ কোথা হতে আসল? অথচ ছাগল চারণভূমিতে দূরে ঘরে অবস্থান করছে। তখন উম্মে মা'বাদ বললেন, খোদার কসম, আমাদের পাশ দিয়ে এমন বরকতময় ব্যক্তির গমণ হয়েছে যার অবস্থা এরূপ এরূপ। তিনি তার স্বামীকে রাসূল  এর পরিচয় ও গুণাবলী পুঙ্খানুপুঙ্খরূপে বর্ণনা করেন।^{৩২৯}

ইবনে সা'দ ও আবু নঈম (র.) ওয়াকেদীর সূত্রে বর্ণনা করেন, উম্মে মা'বাদ বর্ণনা করেন, যে ছাগলটির স্তনে নবী করিম (স.) হাত মোবারক মালিশ করে দুধ দোহন করেছিলেন ঐ ছাগলটি আমাদের কাছে হযরত ওমর ফারুক (রা.)'র যামানা পর্যন্ত ছিল। সকাল-সন্ধ্যা আমরা ওটা থেকে দুধ দোহন করতাম অথচ অনাবৃষ্টি ও দুর্ভিক্ষের কারণে ঘাস বা ছাগলের খাবার যোগ্য কিছুই ছিলনা।^{৩৩০}

চেহারা হল পূর্ণিমার চাঁদের ন্যায়

ইমাম বুখারী (তারীখ গ্রন্থে) ইমাম বঘভী ও ইবনে মুনাহ (আস সাহাবাহ) নামক গ্রন্থে সায়ে্যদ ইবনে আলা ইবনে বিশর থেকে তিনি তার পিতা তিনি তার দাদা বিশর ইবনে মুয়াবিয়া থেকে বর্ণনা করেন, তিনি তার পিতা মুয়াবিয়া ইবনে সওর (রা.) এর সাথে নবী করিম 'র দরবারে আগমন করেন। তিনি তার মাথায় হাত মোবারক মাসেহ করে দেন এবং তার জন্য দোয়া করেন। রাসূল 'র মাসেহের ফলে তার চেহারা পূর্ণিমার চাঁদের

^{৩২৯} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩০৯



^{৩৩০} প্রশস্তি, পৃ:৩১১




ন্যায় উজ্জ্বল ছিল এবং তিনি যাকে হাত বুলিয়ে দিতেন সেও রোগ ও দোষ মুক্ত হয়ে যেতো।^{৩০১}

স্মরণ শক্তি বৃদ্ধি


হযরত আবু হোরাইরা (রা.) থেকে বর্ণিত, তিনি বলেন, আমি বললাম, ইয়া রাসূলান্নাহ আমি আপনার কাছ থেকে বহু হাদিস শুনি কিন্তু ভুলে যাই। তিনি বললেন তোমার চাদর খুলে ধর। আমি তা খুলে ধরলাম। তিনি দু'হাত আঞ্জলী করে তাতে কিছু ঢেলে দেওয়ার মত করে বললেন, এটা তোমার বুকের সাথে লাগিয়ে ধর। আমি তা বুকের সাথে লাগলাম। এরপর আমি কিছুই ভুলিনি।^{৩০২}

সাপের বিষ নিষ্ক্রিয় হওয়া

হিজরতের সময় রাসূল  যখন হযরত আবু বকর (রা.) সহ সত্তর পর্বতের গুহায় পৌঁছেন তখন হযরত আবু বকর (রা.) গুহার ভিতরে যাওয়ার অনুমতি প্রার্থনা করেন, যাতে ভিতরে কোন কষ্টদায়ক বস্তু থাকলে তা থেকে তাঁকে নিরাপদে রাখা যায়। গর্তে প্রবেশ করে তিনি যে কয়টি ছিদ্র দেখলেন সব কয়টি কে তিনি আঙ্গুল দিয়ে চিপে বন্ধ করে দিলেন। তবে একটি ছিদ্র বড় ছিল বলে তিনি এর মুখে নিজের পায়ের মুড়ি দিয়ে চেপে রেখে মুখ বন্ধ করে দেন। অপর বর্ণনায় আছে যে, তিনি স্বীয় চাদর ছিড়ে ছোট ছিদ্রের মুখ বন্ধ করে ছিলেন। যখন কাপড় শেষ হয়ে গেল তখন তিনি বড় ছিদ্রে স্বীয় পা রেখে দিলেন। তিনি নবী করিম  আরজ করলেন- আমি স্থান নিরাপদ করেছি এখন আসতে পারবেন।

রাসূল  গুহায় অবতরণ করলেন এবং একটু বিশ্রাম নিলেন। এদিকে হযরত আবু বকর (রা.) সাপের বিষের যন্ত্রণায় ছটপট করতেছিলেন। সকাল হলে তিনি আবু বকর (রা.)'র পা ফুলা দেখে জিঙ্কস করলেন, হে আবু বকর! তোমার পায়ে কি হয়েছে? তিনি আরজ করলেন, ছয়ুর! সাপে কেটেছে। রাসূল  এরশাদ করলেন, আমাকে বলনি কেন? তিনি আরজ করলেন, ইয়া রাসূলান্নাহ! আপনার ঘুমের ব্যাঘাত সৃষ্টি করতে আমার মনে সায় দেয়নি। তখন রাসূল  স্বীয় হাত মোবারক হযরত আবু বকর (রা.)'র পায়ের ধ্বংশন স্থানে বুলিয়ে দেন সাথে সাথে সাপের বিষ ও ফুলা অদৃশ্য হয়ে গেল।^{৩০৩}

ভাঙ্গা পা সুস্থ হওয়া

হিজরতের চতুর্থ বছর নবী করিম  পাঁচজন ব্যক্তিকে খায়বর পাঠিয়েছিলেন সালাম ইবনে আবিহ তাহকীক কে হত্যা করার জন্য। এদের মধ্যে হযরত আবু কাতাদাহ (রা.) ও ছিলেন। তারা রাতের বেলায় তার ঘরে প্রবেশ করে তাকে হত্যা করে বাইরে চলে আসল। আবু কাতাদাহ তার কামান সেখানে ভুলে ফেলে এসেছিল। সে পুনরায় গিয়ে ভিতর থেকে কামান নিয়ে আসল তবে তার পায়ে প্রচণ্ড আঘাত লাগল। কেউ বলেন, তার পা ভেঙ্গে

^{৩০১} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈকুত, খঃ:২য় পৃ:৪৭

^{৩০২} ইমাম বুখারী, মুহাম্মদ ইবনে ইসমাঈল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:২২

^{৩০৩} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১১৪

গিয়েছিল। সে পাগড়ী দিয়ে পা বেঁধে সঙ্গীদের কাছে চলে আসল। তারা তাকে পালা করে করে বহন করে নবী করিম ﷺ’র দরবারে নিয়ে আসল। তিনি তাঁর হাত মোবারক তার পায়ে বুলিয়ে দিলেন সাথে সাথে সে সুস্থ হয়ে গেল।^{৩০৪}

হাত মোবারকের মু’জিয়া

শয়তানের প্রতারণা থেকে মুক্তিলাভ:

ইমাম আবু নঈম (র.) হযরত ওসমান ইবনে আবুল আস (রা.) থেকে বর্ণনা করেন, তিনি বলেন, নবী করিম ﷺ যখন আমাকে তায়েফ প্রেরণ করেন তখন আমার নামাযে ত্রুটি হতে লাগল। আমি নামাযে কি পড়ি তা আমার বোধগম্য হচ্ছে না। আমি নবী করিম ﷺ’র কাছে এসে তাঁকে এ ব্যাপারে অবহিত করলে তিনি বলেন, ওটা শয়তান। অর্থাৎ শয়তানে তোমার নামাযে এরূপ করত হচ্ছে। তুমি আমার কাছে এসো। আমি তাঁর কাছে গেলে তিনি বললেন, মুখ খুল। তিনি আমার বক্ষে হাত মোবারক মেয়ে আমার মুখে লালা মোবারক দিয়ে বললেন, اخرج عدو الله বেরিয়ে যা, আল্লাহর শত্রু। তিনি তিনবার এরূপ করে আমাকে বললেন, তুমি তোমার আমল করতে থাক। এরপর থেকে শয়তান আমাকে আর ওয়াসওয়াসা দিতে পারে নি।

স্মরণ শক্তি বৃদ্ধি

ইমাম বায়হাকী ও আবু নঈম (র.) হযরত ওসমান ইবনে আবুল আস (রা.) থেকে বর্ণনা করেন, তিনি বলেন, আমি রাসূল ﷺ কে আমার স্মরণ শক্তি হ্রাস পাওয়া সম্পর্কে অবহিত করে বললাম, হে আল্লাহর রাসূল! আমি পবিত্র কুরআন মুখস্থ করতে পারছি না। তিনি বললেন, এটা ‘খানযাব’ নামক শয়তানের কাজ। হে ওসমান! আমার কাছে এসো। তারপর তিনি তাঁর হাত মোবারক আমার বক্ষে রাখেন যার শীতল প্রভাবে আমার দু’কাঁধের মধ্যখানে অনুভব করেছি। অতঃপর তিনি বললেন, اخرج يا شيطان من صدر عثمان হে শয়তান! ওসমানের বক্ষ থেকে বেরিয়ে যা, এরপর থেকে আমার স্মরণ শক্তি এত প্রখর হল যে, যখন যা শুনতাম তা মুখস্থ করে ফেলতাম।^{৩০৫}

চেহারা আলোকিত হওয়া

হযরত ইবনে সা’দ বলেন, যিয়াদ ইবনে আব্দুল্লাহ ইবনে মালেক (রা.) নবী করিম ﷺ’র দরবারে প্রতিনিধি হয়ে আসেন। রাসূল ﷺ তার জন্য দোয়া করেন এবং হাত মোবারক তার মাথায় বুলিয়ে নাক পর্যন্ত এনেছেন। বনু হেলাল (হেলাল গোত্রের লোকেরা) বলত যে, যিয়াদের চেহারা সর্বদা বরকতের চিহ্ন পরিষ্কৃতিত হত।

জনৈক কবি আলী ইবনে যিয়াদের প্রসংশায় নিম্নোক্ত কবিতা রচনা করেন-

^{৩০৪}. আব্দুর রহমান জামী (র.) (৮৯৮ হি.), শাওয়াহেদুন নবুয়ত, উর্দু, বেরেলী, পৃ: ১৩৯

^{৩০৫}. ইমাম সুযুতী, জালাল উদ্দিন সুযুতী (র.) (৯১১ হি.), আল খাসায়েসুল কুবরা, আরবী, বৈরুত, খণ্ড: ২য় পৃ: ২৪৭

يا ابق الذي مسح الرسول برأسه + وعاء له بالخير عند المسجد

اعنى زياداً لا اريد سواه + من غائر او متهم او منجد

ما زال ذاك النور فى عرنيه + حتى تبو آبيته فى ملحد

হে ঐ ব্যক্তির সন্তান! যার মাথায় রাসূল ﷺ হাত বুলিয়ে দিয়েছিলেন এবং মসজিদে তার জন্য দোয়া করেছিলেন। এর দ্বারা আমার উদ্দেশ্য হল যিয়াদ, অন্য কেউ নয়। রাসূল ﷺ'র হাত মোবারকের নূর যিয়াদের নাকের মধ্যে মৃত্যু পর্যন্ত পরিস্ফুটিত হয়েছিল।^{৩৩৬}

ঘোড়া থেকে পড়ে না যাওয়া

আবু নঈম (র.) হযরত জাবির (রা.) থেকে বর্ণনা করেন, তিনি বলেন, আমি ঘোড়ায় শক্তভাবে বসতে পারতাম না। রাসূল ﷺ কে এ ব্যাপারে বললে তিনি স্বীয় হাত মোবারক আমার বক্ষে মেরে আমার জন্য এই দোয়া করেন- **واجعله هاديًا** - হে আল্লাহ! তাকে মজবুত করে দাও এবং পথ প্রদর্শক বানিয়ে দাও। সে বলল, এরপর থেকে আমি আর ঘোড়া থেকে পড়ে যাইনি।^{৩৩৭}

কূপের পানি উপচে পড়া

রাসূল ﷺ তারুকে পৌঁছার পূর্বেই সাহাবায়ে কিরামকে বলছিলেন, তোমরা আগামীকাল সকালে তারুকে পৌঁছে যাবে তবে একটি কথা মনে রাখ যতক্ষণ আমি না আসবো ততক্ষণ তোমরা সেখানকার পানি স্পর্শ করবে না। তারা পুরোদল সেখানে পৌঁছে দেখে কূপে পানি খুবই কম। রাসূল ﷺ'র কথা মতে কেউ পানিতে হাত দেয়নি। তিনি সেখানে তাম্বীফ আনলে তিনি ঐ কূপের পানি দিয়ে হাত ধুইলে কূপের পানি পূর্ণ হয়ে উপচে পড়তে লাগল। সকল মুসলমানগণ প্রয়োজন অনুসারে পানি পাত্রে ভরে নিল। তিনি হযরত মুয়ায (রা.) কে বললেন, তোমার বয়স এত দীর্ঘায়ু হবে যে, এই কূপের পানি দিয়ে এই এলাকার বাগান সমূহে সেচ দিতে দেখবে।^{৩৩৮}

হাত মোবারকের মু'জিয়া

ঝুলে পড়া চোখের পুতলি স্বস্থানে স্থাপন:

হযরত ইবনে আদী, আবু ইয়াল্লা ও বায়হাকী (র.) আসেম ইবনে ওমর ইবনে কাতাদাহ থেকে তিনি তার দাদা কাতাদাহ ইবনে নোমান (রা.) থেকে বর্ণনা করেন, বদর যুদ্ধের দিন

^{৩৩৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৩৩

^{৩৩৭} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৩৪

^{৩৩৮} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:১৭১

তার চোখে আঘাত লাগল। ফলে চোখের পুতলি বের হয়ে চোয়ালে ঝুলে পড়ল। লোকেরা তা টেনে ফেলে দিতে উদ্যত হল এবং এ ব্যাপারে রাসূল ﷺ'র কাছে জিজ্ঞেস করলেন তারা। তিনি বললেন, না, তোমরা এরূপ করো না। তিনি কাতাদাহ কে ডাকলেন এবং স্বীয় হাত মোবারক দিয়ে স্বস্থানে টিপ দিয়ে লাগিয়ে দিলেন। চোখটি এমনভাবে লেগে গেল যে, যেন চোখে কোন আঘাতই লাগেনি। অন্য বর্ণনায় আছে- কাতাদাহ (রা.)'র দু'চোখের মধ্যে ঐ চোখটিই বেশী ভাল ও সুস্থ ছিল।^{৩৩৯}

লাকড়ি হল তলোয়ার

ইমাম ওয়াকিদী, উমর ইবনে উসমান হাজাবী (র.) থেকে তিনি তাঁর পিতা থেকে তিনি তাঁর ফুফু থেকে বর্ণনা করেন, উক্বাশাহ ইবনে মিহসান (রা.) বলেন, বদর যুদ্ধের দিন আমার তলোয়ার ভেঙ্গে গেল। রাসূল ﷺ আমাকে একটি লাকড়ি তথা গাছের ঢাল দান করলেন। দেখলাম ওটা একটা লম্বা সাদা ধবধবে তরবারী। আমি ওটা দিয়ে যুদ্ধ করলাম। অবশেষে আল্লাহ তায়ালা মুশরিকদের পরাজিত করলেন। ঐ তরবারী তার মুহূর্ত্ত পর্যন্ত তাঁর কাছেই ছিল। হাদিসখানা ইমাম বায়হাকী ও ইবনে আসাকের ও বর্ণনা করেন।^{৩৪০}

গাছের ঢাল হল তরবারী

হযরত ওয়াকিদী ও বায়হাকী (র.) হযরত উসামা ইবনে যায়েদ লাহসী (রা.) এবং বনী আসহাল গোত্রের অনেক লোক থেকে বর্ণনা করেন, বদর যুদ্ধের দিন সালামা ইবনে আসলাম ইবনে হারীস (রা.)'র তলোয়ার ভেঙ্গে গেলে তিনি অস্ত্র বিহীন/ নিরস্ত্র হয়ে গেলেন। রাসূল ﷺ 'ইবনে তাব' নামক গাছের ঢাল যা তাঁর হাত মোবারকে ছিল তা সালামাকে দিয়ে বললেন, এটা দিয়ে আঘাত কর। সাথে সাথে ঐ গাছের ঢাল তীক্ষ্ণ তরবারীতে রূপান্তরিত হয়ে গেল। (যা দিয়ে যুদ্ধ করেন) এই তরবারী জাসরে আবি উবাইদ-এ শাহাদত বরণ করা পর্যন্ত তার সাথে ছিল।^{৩৪১}

খেজুর বৃক্ষের শাখা হয়ে তরবারী

ইমাম আব্দুর রাজ্জাক (র.) সাঈদ ইবনে আব্দুর রহমান থেকে তিনি তাঁর মাশায়খগণ থেকে বর্ণনা করেন, হযরত আব্দুল্লাহ ইবনে জাহাশ (রা.) উহুদ যুদ্ধের দিন নবী করিম ﷺ'র নিকট আসেন। তাঁর তরবারী নষ্ট হয়ে গিয়েছিল। হযূর ﷺ তাকে খেজুর বৃক্ষের একটি শাখা দিলেন। ঐ শাখাটি হযরত আব্দুল্লাহ ইবনে জাহাশের হাতে গিয়ে তরবারী হয়ে গেল। হাদিসখানা ইমাম বায়হাকী বর্ণনা করেন।^{৩৪২}

মাথার চুল কালো থাকা

^{৩৩৯} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩৩৭

^{৩৪০} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩৩৮

^{৩৪১} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩৩৮

^{৩৪২} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:১ম পৃ:৩৫৯

ইমাম বুখারী (র.) (তারীখ গ্রন্থে) আবু সুফিয়ান ফাযারী (রা.) থেকে বর্ণনা করেন, তিনি বলেন, আমি আমার আযাদকৃত গোলামদের নিয়ে নবী করিম ﷺ এর দরবারে এসে মুসলমান হলাম। তিনি আমার মাথায় হাত বুলিয়ে দেন। বর্ণনা কারীগণ বলেন, নবী করিম ﷺ মাথার যতটুকু স্থানে হাত রেখেছেন ততটুকু চুল কালো ছিল আর অবশিষ্ট চুল সাদা ছিল।^{৩৪৩}

মাথার চুল সাদা না হওয়া

ইবনে সা'দ (র.) সায়েব ইবনে ইয়াযিদের মাওলা (আযাদ কৃত গোলাম) হযরত আতা (রা.) থেকে বর্ণনা করেন, তিন বলেন, সায়েব'র মাথার তালু থেকে কপাল পর্যন্ত চুল কালো ছিল আর মাথার বাকী অংশের চুল ছিল সাদা। আমি জিজ্ঞেস করলাম, হে আমার মাওলা! আপনার ন্যায় এই আশ্চর্য জনক চুল আমি আর কারো দেখিনি। তিনি বললেন, হে প্রিয় বৎস! তুমি জাননা এর কারণ কি। আমি একদা ছোটাকালে অন্যান্য বাচ্চাদের সাথে খেলতেছিলাম। তিনি সৈদিক দিয়ে কোথাও যাচ্ছিলেন। তিনি আমার নাম জিজ্ঞেস করলেন। আমি বললাম, আমার নাম সায়েব ইবনে ইয়াযিদ। তখন তিনি তাঁর হাত মোবারক আমার মাথায় বুলিয়ে দেন এবং এই দোয়া করেন, بِرَأْسِكَ اللَّهُ فِيهِ, অতএব এই চুল কখনো সাদা হবে না।^{৩৪৪}

চুল সাদা না হওয়া

ইমাম বুখারী (তারীখ গ্রন্থে) ও ইমাম বায়হাকী (র.) ইউনুচ ইবনে মুহাম্মদ ইবনে আনাস (রা.) থেকে, তিনি তার পিতা থেকে বর্ণনা করেন, তার পিতা বলেন, রাসূল ﷺ যখন মদীনা মুনাওয়ারায় আগমন করেন তখন আমি দু'সপ্তাহের শিশু ছিলাম। আমাকে তাঁর কাছে আনা হলে তিনি তাঁর হাত মোবারক আমার মাথায় রেখে আমার জন্য বরকতের দোয়া করে বলেন, আমার নামে এর নাম রাখ তবে আমার উপনাম রেখোনা। তিনি বিদায় হজ্জে যখন এসেছিলেন তখন আমার বয়স হয়েছিল দশ বছর।

হযরত ইউনুচ (র.) বলেন, আমার পিতা এত বয়স পেয়েছিলেন যে, তার সব মাথার চুল সাদা হয়ে গিয়েছিল তবে যে স্থানে রাসূল ﷺ হাত মোবারক রেখেছিলেন সে স্থানেও তার দাঁড়ি সাদা হয়নি।^{৩৪৫}

চেহারা সতেজ থাকা

^{৩৪৩} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৩৮ ও

ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:১ম পৃ:৬৯৯

^{৩৪৪} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৩৮ ও

ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:১ম পৃ:৬৯৯

^{৩৪৫} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৩৮ ও

ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:১ম পৃ:৭০০

ইমাম তিরমিযি (র.) ও ইমাম বায়হাকী (র.) হযরত আবু য়ায়েদ আনসারী (রা.) থেকে বর্ণনা করেন, তিনি বলেন, রাসূল ﷺ আমার মাথা ও দাঁড়িতে স্বীয় হাত মোবারক বুলিয়ে এই দোয়া করেন, **اللهم جملته** হে আল্লাহ! তাকে সুন্দর রাখুন। বর্ণনাকারী বলেন, তার বয়স একশত নয় বছর হয়েছে কিন্তু তার দাঁড়ি মোটেও সাদা হয়নি। তার চেহারা আমৃত্যু তরু-তাজা ছিল।^{৩৪৬}

হাতের স্পর্শের উসিলায় রোগ মুক্তি

ইমাম আহমদ, ইমাম বুখারী (তারীখ গ্রন্থে), তাবরানী ও বায়হাকী (র.) হযরত হানাযালা ইবনে ছুয়াইম (র.) থেকে বর্ণনা করেন, নবী করিম (স.) তার মাথায় হাত বুলিয়ে দিয়েছিলেন এবং তার জন্য দোয়া করে বললেন, **بورك فيك** তোমার মধ্যে বরকত হোক। যিয়ারল বলেন, আমি দেখেছি যে, হানাযালার কাছে এমন রুগ্ন বকরী আনা হত যেগুলোর স্তন ফুলে গিয়েছিল এবং ফুলা রোগে আক্রান্ত অনেক উট ও মানুষ আনা হত। তিনি স্বীয় হাতে থু থু নিয়ে ঐ রুগ্ন বকরী, উট ও মানুষের ফুলাস্থানে মালিশ করতেন আর বলতেন- **بسم الله** ফলে ফুলা ও ব্যাথা নিমিষেই চলে যেতো।^{৩৪৭}

ইমাম বুখারী ρ (তারীখ গ্রন্থে) ও বগতী ইবনে মুনদাহ থেকে, আবু নঈম (র.) (দালায়েল গ্রন্থে) হযরত বিশর ইবনে মুয়াবিয়া থেকে বর্ণনা করেন, তিনি তার পিতার সাথে রাসূল ﷺ'র নিকট আসলে তিনি তার চেহারা ও মাথায় হাত বুলিয়ে দেন এবং তার জন্য দোয়া করেন। বিশরের চেহারায় তাঁর হাত মোবারকের প্রভাবে এমন শুভ্র চিহ্ন পরিস্ফুটিত হতো যেন ঘোড়ার কপালের শুভ্র চিহ্ন। আর যে কোন রুগ্ন ব্যক্তি বা বস্তুর উপর হাত রাখলে সাথে সাথে সুস্থ হয়ে যেতো।^{৩৪৮}

হাতের স্পর্শে শ্রেষ্ঠ সুগন্ধি লাভ

ইমাম তাবরানী (র.) উত্তম সনদের ও ইমাম বায়হাকী উতবা ইবনে ফারকাদ (রা.) এর স্ত্রী উম্মে আসেম (রা.) থেকে বর্ণনা করেন, তিনি বলেন, উতবা'র নিকট আমরা চার জন স্ত্রী ছিলাম। আমরা প্রত্যেকেই ভাল মানের সুগন্ধি ব্যবহার করতাম এবং আমাদের প্রত্যেকেই চাইতো যে, অপরের চেয়ে তার সুগন্ধিই উত্তম হোক। অর্থাৎ উত্তম সুগন্ধি ব্যবহারে প্রতিযোগীতা করতাম। অথচ উতবা সুগন্ধি স্পর্শও করতেনা কিন্তু আমাদের সকলের চেয়ে তার সুগন্ধি ছিল বেশী। যখন তিনি লোকসমাগমে বসতেন তখন সবাই তার সুগন্ধির প্রশংসা করতো। আমরা তার এই সুগন্ধির কারণ জানতে চাইলে তিনি বলেন, রাসূল ﷺ'র যামানায় আমার শরীরে এক প্রকারের রোগ হয়েছিল।

^{৩৪৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৩৮

^{৩৪৭} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৪০

^{৩৪৮} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৪০

এই রোগের অভিযোগ নিয়ে আমি তাঁর কাছে গেলাম। তিনি আমাকে জামা খুলতে বললে আমি জামা খুলে খালি গায়ে তাঁর সামনে বসলাম। তিনি তাঁর হাত মোবারকে ফুঁক দিয়ে হাত আমার পেট ও পিঠে মালিশ করেছিলেন। ঐ দিন থেকে এই সুগন্ধি আমার থেকে প্রকাশিত হয়ে আসছে।

আঙ্গুল মোবারক

ইমাম কুরতুবী (র.) বলেন, নবী করিম ﷺ-র আঙ্গুল মোবারক থেকে পানি প্রবাহিত হওয়া বিষয়ক মু'জিয়া বিভিন্ন স্থানে বড় বড় লোক সমাগমে কয়েক দফা প্রকাশিত হয়েছিল। তিনি আরো বলেন- ووردت من طرق كثيرة يفيد مجموعها للعلم القطعي المسقاة من المشواتر المعنوى এই সম্পর্কীয় বর্ণনা এত বেশী সূত্রে বর্ণিত হয়েছে যে, সবগুলো মিলে ইলমে কাতয়ী তথা অকাটা জ্ঞানের পর্যায়ে পৌঁছে গিয়েছে যা মুতাওয়্যাতিরে মা'নভী সমতুল্য।

ওলামায়ে কেরামগণ এরশাদ করেন, এ ধরণের মু'জিয়া নবী করিম ﷺ ছাড়া অন্য কোন নবী থেকে পাওয়া যায়নি। কেননা নবী করিম ﷺ-র আঙ্গুল মোবারক ছিল হাড্ডি, গোশত, রক্ত ও চামড়ার সমন্বয়ে আর তা হতেই পানি প্রবাহিত হয়েছিল।

ইমাম ইবনে আব্দুল বার (র.) ইমাম মযনী (র.) থেকে বর্ণনা করেন, নবী করিম ﷺ-র আঙ্গুল মোবারক থেকে পানি প্রবাহিত হওয়া হযরত মুসা (আ.)-র লাঠি মোবারকের আঘাতে পাথর ফেটে পানি প্রবাহিত হওয়া থেকে অধিক আশ্চর্যজনক, কেননা পাথর থেকে পানি প্রবাহিত স্বাভাবিক ব্যাপার পক্ষান্তরে গোশত ও রক্ত থেকে পানি বের হওয়া স্বভাব বিরোধী ও অতি আশ্চর্য ব্যাপার।^{৩৪৯}

চার আঙ্গুল মোবারক থেকে পানি প্রবাহিত হওয়া

হযরত আনাস (রা.) থেকে বর্ণিত, নবী করিম ﷺ কোবায় তাশরীফ নিলে সেখানকার কোন এক ঘর থেকে পানির ছোট একটি পেয়ালা পেশ করা হল যার মধ্যে তিনি হাত প্রবেশ করতে চাইলেন কিন্তু ছোট হওয়ার কারণে প্রবেশ করতে পারেন নি। তারপর তিনি তাঁর চারটি আঙ্গুল প্রবেশ করালেন তবে বৃদ্ধাঙ্গুল পেয়ালার বাইরে ছিল। তারপর সকলকে উদ্দেশ্য করে বললেন, তোমরা সকলে এসে পানি পান করে যাও।

হযরত আনাস (রা.) বলেন, আমি নিজের কপালের চোখে দেখেছি যে, তাঁর আঙ্গুলে মোবারক থেকে পানি প্রবাহিত হতে লাগল আর লোকেরা দলে দলে পানি পান করে যাচ্ছে এভাবে সকলেই পরিতৃপ্ত হয়ে পানি পান করেছিল।^{৩৫০}

আঙ্গুল মোবারক পানির ঝর্ণা

^{৩৪৯} ইমাম সুয়ূতী, জালাল উদ্দিন সুয়ূতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:১৪১

^{৩৫০} ইউসূফ নাবহানী (র.) (১৩৫০হি.), হুজ্জাতুল্লাহি আলশালা আলামীন, উর্দু, গুজরাট, খণ্ড:২য় পৃ:২৬৬

ইমাম আহমদ, বায়হাকী, বায়্বার, তাবরানী ও আবু নঈম (র.) হযরত আব্দুল্লাহ ইবনে আব্বাস (রা.) থেকে বর্ণনা করেন, একদা সৈন্য দলে কারো কাছে পানি ছিল না। রাসূল ﷺ-র খেদমতে এক ব্যক্তি এসে আরজ করল, ইয়া রাসূলাল্লাহ! পুরো দলে কারো কাছে পানি নেই, তিনি জিজ্ঞেস করলেন, তোমার কাছে কি পানি আছে? সে বলল, হ্যাঁ, সামান্য পানি আছে মাত্র। তিনি বললেন, তা নিয়ে এসো। লোকটি বাটিতে করে সামান্য পানি আনলে তিনি বাটির মুখে আঙ্গুল মোবারক রেখে প্রশস্ত করলেন। ইবনে আব্বাস (রা.) বলেন, সেই পানির বর্ণা অবলোকন করেছি যা তাঁর আঙ্গুল মোবারক থেকে উপটে পড়তেছে। রাসূল ﷺ হযরত বেলাল (রা.) কে আদেশ দিলেন যে, লোকদেরকে আহ্বান কর যেন তারা অজু'র জন্য এই বরকত মন্ডিত পানি নিয়ে যায়।^{৩৫১}

কূপের পানি বৃদ্ধি

হযরত যিয়াদ ইবনে হারেস ছাদায়ী (র.) থেকে বর্ণিত, তিনি বলেন, আমরা এক সফরে নবী করিম ﷺ-র সাথে ছিলাম। তিনি আমাকে বললেন, তোমাদের কাছে পানি আছে? আমি বললাম, সামান্য পানি আছে যা শুধু আপনাকেই হবে। সেই সামান্য পানি কোন পাত্রে ঢেলে আমার কাছে নিয়ে এসো। আমি পাত্র করে পানি নিয়ে আসলে তিনি হাত মোবারক পানির পাত্রে রাখেন। আমি দেখলাম তাঁর প্রত্যেক দুই আঙ্গুলের মধ্য হতে পানি বর্ণা প্রবাহিত হতে লাগল। তিনি বলেন, যদি আমার প্রভুকে লজ্জা না করতাম তবে সর্বদা আমরা এখান থেকে পানি নিজেরা পান করতাম এবং অন্যদেরকেও পান করাতাম। আমার সাহাবীদের ডেকে আন যাদের পানি প্রয়োজন তারা যেন প্রয়োজন মতে পানি সংগ্রহ করে রাখে।

যিয়াদ বলেন, আমি আমার সম্প্রদায়ের পক্ষ হতে প্রতিনিধি হিসেবে নবী করিম ﷺ-র দরবারে এসেছিলাম যাতে তাঁর থেকে শিখে গিয়ে আমার কওমকে ইসলামের শিক্ষা দিতে পারি। আমাদের দলের এক ব্যক্তি বলল, ইয়া রাসূলাল্লাহ! আমাদের সেখানে একটি কূপ আছে। শীতকালীন এতে পর্যাপ্ত পানি থাকে যা আমাদের জন্য যথেষ্ট হয় কিন্তু গ্রীষ্মকালে পানি অনেক কমে যায়। তখন আমরা আশে-পাশের কূপে গিয়ে প্রয়োজন পূরণ করি। বর্তমানে এটা আমাদের জন্য বড় কষ্টসাধ্য হয়ে পড়েছে। কেননা, আমরা মুসলমান হয়েছি আমাদের আশে-পাশের সবাই আমাদের শত্রু। সুতরাং আপনি আল্লাহর কাছে দোয়া করুন যেন আমাদের কূপের পানি সর্বদা সমানভাবে বিদ্যমান থাকে। তখন রাসূল ﷺ সাতটি কংকর হাতে নিয়ে একটু নড়াচড়া করে দোয়া করলেন তারপর বললেন, তোমরা গিয়ে এই কংকর গুলি একটি একটি করে কূপে নিক্ষেপ করবে এবং প্রতিটি কংকর নিক্ষেপের সময় বিসমিল্লাহ বলবে। অতএব এরপর অধিক পানির কারণে ঐ গভীরতা কতটুকু তা অনুমান করা সম্ভব ছিলনা।^{৩৫২}

^{৩৫১} ইউসূফ নাবহানী (র.) (১৩৫০হি.), হুজ্জাতুল্লাহি আলাল আলামীন, উর্দু, গুজরাট, খণ্ড:২য় পৃ:২৬৭

^{৩৫২} আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, পৃ:৩৭০

হযরত আনাস ইবনে মালেক (রা.) থেকে বর্ণিত, তিনি বলেন, আমি রাসূল ﷺ কে দেখলাম, তখন আসরের সালাতের সময় হয়ে গিয়েছিল। আর লোকজন আজুর পানি তালাশ করতে লাগল কিন্তু পেলনা। তারপর রাসূল ﷺ এর কাছে কিছু পানি আনা হল। তিনি সে পাত্রে তাঁর হাত মোবারক রাখলেন এবং লোকজনকে তা থেকে অজু করতে বললেন। হযরত আনাস (রা.) বলেন, সে সময় আমি দেখলাম তাঁর আজুল মোবারকের নীচ থেকে পানি উথলে উঠছে। এমনকি তাদের শেষ ব্যক্তি পর্যন্ত তা দিয়ে অজু করল।^{৩৫৩}

আজুল মোবারক হল পানির বর্ণা

হযরত আনাস (রা.) থেকে বর্ণিত, নবী করিম ﷺ এক পাত্র পানি চাইলেন। একটি বড় পাত্র তাঁর কাছে আনা হল, তাতে সামান্য পানি ছিল। অতঃপর তিনি তার মধ্যে তাঁর আজুল মোবারক রাখলেন। হযরত আনাস (রা.) বলেন, আমি পানির দিকে তাকিয়ে দেখলাম, তাঁর আজুলের মাঝখান থেকে পানি উথলে উঠতে লাগল। হযরত আনাস (রা.) বলেন, যারা অজু করেছিল, আমি অনুমান করলাম তাদের সংখ্যা ছিল সত্তর থেকে আশিজন।^{৩৫৪}

অল্প পানিতে আশিজনের অজু

হযরত আনাস (রা.) থেকে বর্ণিত, তিনি বলেন, একবার নামাযের সময় উপস্থিত হলে যাঁদের বাড়ী নিকটে ছিল তারা অজু করার জন্য বাড়ী চলে গেলেন। আর কিছু লোক রয়ে গেলেন তাঁদের অজুর কোন ব্যবস্থা ছিলনা। তখন রাসূল ﷺ এর জন্য একটি পাথরের পাত্রে করে সামান্য পানি আনা হল। পাত্রটি এত ছোট ছিল যে, এর মধ্যে তাঁর হাতের তালু মেলে দেওয়াও সম্ভব ছিলনা। এই পাত্রে তিনি হাত মোবারক প্রবেশ করলে আজুল মোবারক থেকে এমনভাবে পানি প্রবাহিত হতে লাগল যা থেকেই কওমের সকল লোক অজু করলেন। আমরা জিজ্ঞাসা করলাম- আপনারা কতজন ছিলেন? তিনি বললেন, আশিজন বা আরো বেশী।^{৩৫৫}

অল্প খাবারে ৭২ জন তৃপ্ত হয়ে খাওয়া

ইমাম আবু নঈম ও ইবনে আসাকের (র.) হযরত আনাস (রা.) থেকে বর্ণনা করেন, তিনি বলেন, রাসূল ﷺ যখন যয়নাব বিনতে জাহাশ (রা.) কে বিবাহ করেন তখন আমার মা আমাকে বললেন, হে আনাস! নবী করিম ﷺ শাদী করেছেন এবং সকাল হয়েছে আমার মনে হয় তাঁর কাছে কোন খাবার নাই। তুমি ঘরে যে খেজুর ও ঘি আছে তা নিয়ে এসো। আমি গিয়ে তা আনলাম। খেজুর গুলোর স্বাদ পর্যন্ত পরিবর্তন হয়ে গিয়েছিল।

আমার মা তা দিয়ে 'হীস' তৈরী করে দিয়ে আমাকে বলেন, এগুলো রাসূল (স.) ও তাঁর বিবির কাছে নিয়ে যাও। পাথরের একটি পাত্রে করে 'হীস' আমি তাঁর কাছে নিয়ে

^{৩৫৩} ইমাম বুখারী, মুহাম্মদ ইবনে ইসমাদিল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, খঃ:১ম পৃ:২৯

^{৩৫৪} ইমাম বুখারী, মুহাম্মদ ইবনে ইসমাদিল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৩৩

^{৩৫৫} ইমাম বুখারী, মুহাম্মদ ইবনে ইসমাদিল বুখারী (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৩২

গেলাম। তিনি বললেন, এগুলোকে ঘরের এক কোণে রেখে দাও। আর তুমি গিয়ে আবু বকর, ওমর, ওসমান, আলীসহ অন্যান্য সাহাবাদের ডেকে নিয়ে এসো। আর মসজিদে যারা আছে, রাস্তায় যাদেরকে পাও সবাই ডেকে নিয়ে এসো। খাবারের স্বল্পতা ও লোকের আধিক্যতা আমাকে আশ্চর্য করে দিল। অতঃপর আমি সবাইকে ডেকে আনলাম। এত পরিমাণ লোক হল যে, হুজরা ও ঘর সব পূর্ণ হয়ে গেল।

তারপর তিনি বললেন, আনাস! ঐ খাবার নিয়ে এসো। আমি খাবার পাত্রটি নিয়ে আসলাম। এতে তিনি তাঁর তিনটি আঙ্গুল মোবারক প্রবেশ করে দিলে এ খাবার পাত্রে উট্টু হয়ে বাড়তে লাগল আর লোকেরা তা হতে খেতে লাগল। সবাই খেয়ে অবসর নিলে দেখি পাত্রে ততটুকু খাবার রয়ে গেল যতটুকু প্রথমে ছিল। রাসূল ﷺ বললেন, এই খাবার যখনবের সামনে রেখে এসো। হযরত সাবিত (রা.) বলেন, আমি হযরত আনাস (রা.) কে জিজ্ঞেস করলাম, এই খাবার কতজনে খেয়েছিলেন? তিনি বললেন, বাহাত্তোর জনে।^{৩৫৬}

আল্লাহর পক্ষ থেকে খাবার বৃদ্ধি হওয়া

ইমাম দারেমী, ইবনে আবি শায়বা, তিরমিযি, হাকেম ও বায়হাকী (র.) সকলেই হাদিসটিকে বিশ্বুদ্ধ বলেছেন, এবং আবু নঈম (র.) হযরত সামুরা ইবনে যুনদুন (রা.) থেকে বর্ণনা করেন, রাসূল ﷺ 'র কাছে খাবারের একটি পেয়ালা আনা হল। সকাল থেকে যোহর পর্যন্ত লোকজন আসতেছে আর খেয়ে যাচ্ছে। একদল খাওয়া শেষ করে দাঁড়ালে আর একদল বসে। জনৈক ব্যক্তি সামুরা (রা.)'র কাছে জিজ্ঞেস করল, খাবার কি বাড়তেছে? তিনি উত্তরে আকাশের দিকে ইঙ্গিত করে বললেন, ওখান (আল্লাহর পক্ষ) থেকেই খাবার বৃদ্ধি হচ্ছে।^{৩৫৭}

দ্বিতীয় খাতা শেষ

২রা জুন ২০১২ ঈসায়ী

হযরত আদম Σ

হযরত আদম Σ জান্নাত থেকে পৃথিবীতে যখন তাশরীফ আনলেন, তখন পৃথিবীর জীব-জন্তু তাঁর সাক্ষাতে আসতে আরম্ভ করল। তিনি প্রত্যেক জীব-জন্তুর প্রয়োজনানুপাতে দোয়া করতেন। এভাবে জঙ্গলের কয়েকটি হরিণ ও তাঁর সাক্ষাত লাভ ও সালাম করার নিয়তে উপস্থিত হয়। তিনি তাদের পিঠে হাত বুলিয়ে দেন এবং তাদের জন্য দোয়া করলেন। ফলে তাদের নাভী মেশকের ন্যায় সুগন্ধি হয়ে গেল। এ হরিণদল বিরল সুগন্ধির উপহার নিয়ে যখন অন্যান্য হরিণ দলের কাছে গেল তারা এই সুগন্ধি পাওয়ার কারণ

^{৩৫৬} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:১ম পৃ:৭৭

^{৩৫৭} ইমাম সুযুতী, জালাল উদ্দিন সুযুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য় পৃ:৭৯

জুদী পাহাড়ে নৌকা ভিড়ল। শোকরিয়া স্বরূপ সেদিন হযরত নূহ Σ ও নৌকায় অবস্থানরত সব প্রাণী রোযা পালন করেছিলেন।^{৩৫৯}

হযরত ইদ্রিস Σ

জান্নাতে অবস্থান

হযরত কা'ব আখবার (রা.) থেকে বর্ণিত, হযরত ইদ্রিস Σ মালুকুল মাওত তথা আজরাঈল (আ.) কে বললেন, মৃত্যু কিভাবে হয় এবং মৃত্যুর স্বাদ কি রকম হয় তা অনুধাবন করার জন্যে আমার রূহ কবজ করে দেখান। আজরাঈল Σ তাঁর কথা মতে তাঁকে মৃত্যুদান করলেন এবং পুনরায় তাঁর রূহ ফেরৎ দিয়ে তাঁকে জীবিত করে দেন। তারপর তিনি আজরাঈল (আ.) কে বললেন, আমাকে জাহান্নাম দেখান যাতে আমার মধ্যে খোদাভীতি বৃদ্ধি পায়। জাহান্নাম দেখানো হল। অতঃপর জাহান্নামের দারগাকে বললেন, আমি জাহান্নামের উপর দিয়ে গমণ করতে চাই। তিনি জাহান্নামের উপর দিয়ে গমণ করলেন। এরপর তিনি আজরাঈল Σ কে বললেন, আমাকে জান্নাত দেখান। জান্নাতের দরজা খুলে তাতে প্রবেশ করে কিছুক্ষণ অবস্থান করার পর আজরাঈল (আ.) বললেন, এখন বেরিয়ে আসুন, আপনার পৃথিবীতে চলে যান। তিনি বললেন, আমি এখান থেকে কোথাও যাব না। কেননা, আল্লাহ তায়ালা বলেছেন, كل نفس ذائفة الموت প্রত্যেককে মৃত্যুর স্বাদ গ্রহণ করতে হবে। আমি মৃত্যুর স্বাদ গ্রহণ করেছি। আল্লাহ বলেছেন, وان منكم الا واردها তোমাদের প্রত্যেককে জাহান্নামের উপর দিয়ে গমণ করতে হবে। আমি তাও করেছি। আর এখন আমি জান্নাতে পৌঁছে গিয়েছি। আর জান্নাতে প্রবেশকারীদের সম্পর্কে আল্লাহ বলেছেন, وما هم منها بمخرجين অর্থাৎ ওদেরকে (জান্নাতে প্রবেশকারীদেরকে) সেখান (জান্নাত) থেকে বের করা হবে না। এখন আপনি আমাকে জান্নাত থেকে বের হতে বলছেন কেন?

ইত্যবসরে আল্লাহ তায়ালা আজরাঈল (আ.) কে অহীর মাধ্যমে জানিয়ে দেন যে, ইদ্রিস (আ.) যা কিছু করেছে আমার অনুমতিতে করেছে সুতরাং তাঁকে ছেড়ে দাও, সে জান্নাতেই থাকবে। অতএব তিনি জান্নাতে জীবিত আছেন।^{৩৬০}

হযরত ছালেহ Σ

আল্লাহর উষ্ট্রী

হযরত হুদ (আ.)'র পরে সামুদ জাতির প্রতি আল্লাহ তায়ালা হযরত ছালেহ (আ.) কে নবী হিসেবে প্রেরণ করেন। তিনি দীর্ঘ দিন সম্প্রদায়কে হেদায়েত করেও সৎপথে আনতে সক্ষম হননি। অবশেষে সম্প্রদায়ের লোকেরা তাঁকে অক্ষম করার উদ্দেশ্যে একটি অস্বাভাবিক কাজ করে দেখাতে আবেদন জানাল। তিনি বললেন, তোমরা কি দেখতে চাও?

^{৩৫৯}. নঈম উদ্দিন মুরাদাবাদী (র.) (১৩৬৭হি.), খাযয়েনুল ইরফান, উর্দু, প্রান্ত টীকা, খানযুল ঈমান, উর্দু, পৃ:২৭০

^{৩৬০}. আল্লামা নঈম উদ্দিন মুরাদাবাদী (র.) (১৩৬৭হি.), খাযয়েনুল ইরফান, উর্দু, প্রান্ত টীকা, খানযুল ঈমান, উর্দু, পৃ:৩৬৯

পালা করে দিলেন যে, একদিন সবাই পান করবে আর একদিন শুধু উষ্ট্রী পানি পান করবে। তাছাড়া এই উষ্ট্রীদ্বয় যে কোন চারণভূমি কিংবা যে কারো ক্ষেত-খামারে চরবে কেউ বাঁধা দিতে পারবে না। এসব কারণে তাদের বেশ অসুবিধা হচ্ছিল কিন্তু আযাবের ভয়ে সহ্য করে যেত।

অতঃপর সম্প্রদায়ের দু'জন সুন্দরী মহিলা ছিল যারা সম্পদশালী ছিল এবং তাদের চেয়েও অধিক সুন্দরী কন্যা ও ছিল তাদের। একজনের নাম হল আনীয়াহ অপর জনের নাম হল সাদকা বিনতে মুখতার। সাদকা তার চাচাত ভাই মিছদা কে বলল, আমি বিধবা নারী তোমাকে বিবাহ করবো যদি তুমি ঐ উষ্ট্রীকে হত্যা করতে পার। অপরজনে জারজ সন্তান কেদার ইবনে সালেফ নামক ব্যক্তিকে ডেকে বলল, তুমি ঐ উষ্ট্রীর হত্যায় যদি সাহায্য কর তবে আমার সুন্দরী মেয়েদের থেকে যাকে ইচ্ছে তোমাকে বিয়ে দেবো। এরা দু'জন গোপনে পানির কূপের রাস্তায় গিয়ে অপেক্ষায় রইল। এদিকে উষ্ট্রীদ্বয় পানি পান করে আসার সময় মিছদা তীর নিক্ষেপ করল যাতে উষ্ট্রীর পায়ের গোড়ালীতে লেগে মাটিতে পড়ে গেল। তারপর কেদার তলোয়ার নিয়ে প্রথমে উষ্ট্রীর পা কাটল পরে যবেহ করে দিল। উষ্ট্রী তিনটি আওয়াজ দিয়ে অদৃশ্য হয়ে গেল। ছালেহ Σ এই ঘটনা শুনে অত্যন্ত মর্মান্বিত হলেন এবং তাদেরকে আযাবের জন্য প্রস্তুত থাকতে বললেন। কিন্তু তাতেও তারা ঠাট্টা-বিদ্ৰূপ করতে লাগল। অবশেষে তিনি আযাবের ধরণও বর্ণনা করে দেন- এভাবে যবেহের তিনদিন পর তোমাদের উপর পরিপূর্ণ আযাব আসবে। তারা উষ্ট্রী যবেহ করেছিল বুধবারে। প্রথমদিন বৃহস্পতিবার তোমাদের নারী-পুরুষ, যুবক-বৃদ্ধ নির্বিশেষে সবার মুখমণ্ডল হলদে ফ্যাকাশে হয়ে যাবে। দ্বিতীয় শুক্রবার সবার মুখমণ্ডল গাঢ় লাল বর্ণ ধারণ করবে এবং তৃতীয় দিন শনিবার সবার মুখমণ্ডল ঘোর কৃষ্ণবর্ণের হয়ে যাবে আর এটাই হবে তোমাদের জীবনের শেষ দিন। অতঃপর তাঁর কথা মোতাবেক সবকিছু আলামত প্রকাশ পেল। তিনি শনিবার দিবাগত রবিবার রাতে মু'মিনগণকে নিয়ে শামের দিকে রওয়ানা দিয়ে ফিলিস্তিনে রামালা নামক স্থানে গিয়ে অবস্থান করেন। ঐ দিন সকালে সামুদ জাতি কাফনের কাপড় উড়িয়ে, গায়ে সুগন্ধি লাগিলে মৃত্যুর জন্য মাটিতে উপড় হয়ে শুয়ে পড়ল এবং মাঝে-মাঝে আকাশের দিকে দেখত যেন কোন দিক থেকে ও কিভাবে আযাব আসে অবলোকন করতে পারে। রবিবার দুপুরে হঠাৎ আকাশ থেকে একটি বজ্রধ্বনি আসল যাতে বড় ধরণের ভূমিকম্পন সৃষ্টি হল। ফলে সকলেই মৃত্যুবরণ করল।^{৩৬২}

হযরত ইব্রাহীম Σ 'র মু'জিযা

বালু গমে পরিণত হওয়া

নমরুদ একজন প্রভাবশালী বাদশা ছিল। একদা সেখানে দুর্ভিক্ষ দেখা দিলে নমরুদ খাদ্য বিতরণ করল। যারা তার কাছে খাদ্য বস্তু নেওয়ার জন্য আসত সে জিজ্ঞেস করত তোমার প্রভু কে? যারা বলত- আপনিই আমাদের প্রভু, তাদেরকে খাদ্য দিত। হযরত

^{৩৬২} হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড:৮ম, পারা:৮ম, পৃ:৬৮৩ ও ৬৯০

ইব্রাহীম (আ.) ও খাদ্য নিতে গেলে সে তাঁকে জিজ্ঞেস করল তোমার প্রভু কে? উত্তরে তিনি বললেন, যিনি হায়াত-মওতের মালিক তিনিই আমার প্রভু। সে বলল, এই ক্ষমতা তো আমারও আছে। দু'জন কয়দী ডেকে সে একজনকে হত্যা করায় দিল আর অপরজনকে আঘাত করে দিয়ে বলল, দেখ, যাকে ছেড়ে দিলাম তাকে জিন্দেগী তথা হায়াত দিলাম আর যাকে হত্যা করলাম তাকে মৃত্যু দিলাম। সুতরাং আমিই তো প্রভু, হায়াত-মওত আমার আয়ত্ত্বে। মূলত নমরুদ হায়াত-মওতের মালিক হওয়ার মমার্থ অনুধাবন করতে পারেনি। তাই ইব্রাহীম (আ.) সে বিষয়ে বিতর্কে না গিয়ে বললেন-আমার প্রভু সর্বদা সূর্য পূর্ব দিক থেকে উদিত করেন আর পশ্চিম দিকে অস্ত করেন। যদি তুমি প্রভু হয়ে থাক তবে সূর্যের উদয়-অস্ত পরিবর্তন করে দেখাও। অস্তত একবার হলেও সূর্যকে পশ্চিম দিক থেকে উদিত কর। এবার নমরুদ চূপ হয়ে গেল এবং কোন উত্তর দিতে না পেরে বলল, তোমার জন্য আমার কাছে কোন খাদ্যবস্তু নেই, তুমি তোমার সে প্রভুর কাছে খাদ্য প্রার্থনা কর যার ইবাদত তুমি কর।

হযরত ইব্রাহীম Σ খালি হাতে ফেরৎ আসার সময় পথে বালুময় এলাকা থেকে এক থলে বালু ভরে ঘরে নিয়ে আসেন। বালুর থলে রেখে তিনি শুয়ে গেলেন। তাঁর স্ত্রী সারা Σ থলে খুললে তাতে উন্নত মানের গম পেলেন। তিনি তা দিয়ে রুটি তৈরী করেন। ইব্রাহীম Σ ঘুম থেকে জাগ্রত হলে স্ত্রী তাঁর খেদমতে খাবার পেশ করলে জিজ্ঞেস করলেন এই গম কোথা থেকে আসল? উত্তরে স্ত্রী বললেন, এগুলো এই থলেই পেয়েছি। তখন ইব্রাহীম Σ বুঝতে পারলেন, এই রিযিক আল্লাহ তায়ালাই দান করেছেন।

এরপর আল্লাহ তায়ালা একজন ফেরেশতাকে মানুষের আকৃতি ধারণ করে তার কাছে পাঠান। ফেরেশতা বললেন, তোমার প্রভু বলতেছেন- তুমি আমার উপর ঈমান আন। সে বলল, প্রভু তো আমিই, আমার প্রভু আবার কে হবে? এভাবে ফেরেশতা তিনবার বলার পর আল্লাহ তায়ালা নমরুদ বাহিনীর উপর মশা আঘাত প্রেরণ করেন। এত বেশী মশা আগমন করল ফলে সূর্য আচ্ছাদিত হয়ে গেল এবং সূর্যের আলো মাটিতে পড়তেছেন। এই মশাগুলো নমরুদ ব্যতীত সকলের রক্ত চূসে মাংস পর্যন্ত খেয়ে ফেলল শুধু হাড়িগুলো পড়ে রইল। একটি মশা নমরুদের নাক দিয়ে মস্তিষ্কে প্রবেশ করে চারশ বছর পর্যন্ত মগজে আঘাত করেছিল। মাথার উপর আঘাত করলে মশার আঘাত ও বন্ধ থাকে নতুবা মশা মগজে আঘাত করতে থাকে। সুতরাং দিবা-রাত্রি তার মাথায় জুতার আঘাত মারতে হত। এমনকি তার দরবারের একটি নিয়ম করে দেয়া হল যে, দরবারে যে-ই আসবে তার মাথায় জুতার আঘাত করতে হবে। এভাবে চারশ বছর পর্যন্ত ছিল। নমরুদ ইতিপূর্বে চারশ বছর আরাম-আয়েশ বাদশাহী করেছিল। আর চারশ বছর জুতা-পিটা খেয়েছিল। সে মোট আটশ বছরের কিছু বেশী হায়াত পেয়েছিল।^{৩৬০}

^{৩৬০} হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাকসীরে নঈমী, উর্দু, দিল্লী, খণ্ড:৩য়, পারা:৩য়, পৃ:৬৭

ইবনে আবি শায়বা (র.) আবু সালাহ (র.) থেকে বর্ণনা করেন, তিনি বলেন, ইব্রাহীম (আ.) মু'জিয়ায় যে বালু গমে রূপান্তরিত হয়েছিল সেই গমকে বপন করা হলে তা গম বৃক্ষ হয়ে শিকড় থেকে শাখার উপরিভাগ পর্যন্ত খোশায় ভরে যেতো।^{৩৬৪}

মৃতকে জীবিত করা

একদা হযরত ইব্রাহীম Σ সমুদ্রের পাশ দিয়ে যাওয়ার সময় দেখলেন যে, একটি মৃত লাশ পড়ে আছে। সমুদ্রে জোয়ার আসলে মাছেরা এর মাংস ভক্ষণ করে আবার পানি নীচে নেমে গেলে কখনো হিংস্র জীব-জন্তু ভক্ষণ করে, কখন পশু-পক্ষীরা ভক্ষণ করে। তিনি চিন্তা করলেন, একটি মুর্দা কতগুলো জীব-জন্তুর পেটে গেল। কিয়ামতের দিন এর হাড়ি মাংস একত্রিত হয়ে কিভাবে পূর্ণ জীবিত হবে। তখন তিনি আল্লাহর দরবারে প্রার্থনা করলেন- হে পরওয়ারদেগার! আমাকে মৃতকে জীবিত করার পদ্ধতি দেখান যাতে আমার মনে প্রশান্তি আসে এবং যাতে আমার বিশ্বাসে উপনীত হতে পারি।

তারপর তাঁকে আদেশ দেয়া হল যে, চারটি পাখি ধরে এগুলো লালন-পালন করে নিজের পোষ মেনে যায় যাতে ডাকামাত্র চলে আসে। তারপর এগুলোকে যবেহ করে হাড়-মাংস, পাখা ইত্যাদি সবগুলোকেই কিমায় পরিণত করে সেগুলোকে কয়েকভাগ করে কিছু পাহাড়ে, কিছু মাঠে এবং কিছু বাতাসে নিক্ষেপ কর আর একাংশ নিজের কাছে রেখে দাও। তারপর দাঁড়িয়ে এগুলোকে ডাক দাও এই বলে- হে পাখিরা! আল্লাহর হুকুমে আমার নিকট চলে এসো। তখন এগুলো তাৎক্ষণিক জীবিত হয়ে দৌঁড়ে তোমার কাছে চলে আসবে।

অতঃপর তিনি ময়ূর, মুরগ, কবুতর ও গুদ কিংবা কাক ধরে আল্লাহর কথা মত লালন-পালন করে পরে যবেহ করে গোশত কে কিমায় করে ভালভাবে মিশিয়ে চারটি, সাতটি কিংবা দশটি পাহাড়ে নিক্ষেপ করলেন এবং এসব পাখিগুলোর মাথা নিজের কাছে রেখে দেন। তারপর ডাক দিলেন- হে পাখিরা! আল্লাহর হুকুমে আমার নিকট চলে এস। সাথে সাথে হাড়ের সাথে হাড়, মাংসের সাথে মাংস, পাখার সাথে পাখা মিলে শূন্যে তাঁর চোখের সামনে চারটি পাখির বড়ি কৈরী হয়ে দৌঁড়ে দৌঁড়ে তাঁর কাছে চলে আসল এবং আপন আপন মাথার সাথে জুড়ে গিয়ে পূর্ণ পাখি হয়ে গেল।^{৩৬৫}

এ প্রসঙ্গে আল্লাহ তায়ালা এরশাদ করেন-

واذ قال ابراهيم رب انى كيف تحي الموتى قال اولم تؤمن ، قال بلى ولكن ليؤمنن قلبى ، قال فخذ اربعة من الطير فصرهن ، اليك ثم اجعل على كل جبل منهن جزء ثم ادعهن يأتينك سعيًا ، واعلم ان الله عزيز حكيم

অর্থ: আর স্মরণ করুন, যখন ইব্রাহীম বলল, হে আমার পালনকর্তা! আমাকে দেখান, কেমন করে আপনি মৃতকে জীবিত করেন। বললেন, তুমি কি বিশ্বাস করনা? বলল, অবশ্যই বিশ্বাস করি, তবে এজন্যে দেখতে চাই যাতে অন্তরে প্রশান্তি লাভ করতে পারি। বললেন,

^{৩৬৪} ইমাম সুহুতী, জালাল উদ্দিন সুহুতী (র.) (৯১১হি.), আল খাসায়েসুল কুবরা, আরবী, বৈরুত, খণ্ড:২য়

পৃ:৩০৮

^{৩৬৫} হাকীমুল উম্মত মুহম্মত আহমদ ইয়ার খান নঈমী (র.), (১৩৯১হি.), তাকসীরে নঈমী, উর্দু, দিল্লী, খণ্ড:৩য়, পাতা:৩য়, পৃ:৯১

তাহলে চারটি পাখি ধরে নাও। সেগুলোকে নিজের পোষ মানিয়ে নাও। অতঃপর সেগুলোর দেহের একেকটি অংশ বিভিন্ন পাহাড়ের উপর রেখে দাও। তারপর সেগুলোকে ডাক; তোমার নিকট দৌঁড়ে চলে আসবে। আর জেনে রেখো, নিশ্চয়ই আল্লাহ পরাক্রমশালী, প্রজ্ঞাময়। (সূরা আল বাকারা, পারা:৩য়, আয়াত নং ১৬০)

মুখের ভাষা পরিবর্তন হওয়া

হযরত ইবনে সা'দ স্বীয় সনদে হযরত ইবনে আব্বাস (রা.) থেকে বর্ণনা করেন, তিনি বলেন, হযরত ইব্রাহীম (আ.) নমরূদের আগুন থেকে বের হয়ে 'কুসী' থেকে থেকে রওয়ানা তখন তাঁর ভাষা ছিল সুরিয়ানী। তিনি যখন ফুরাত নদী পার হয়ে যান তখন আল্লাহ তায়ালা তাঁর ভাষা পরিবর্তন করে ইবরানী করে দেন। নমরূদ তাঁর পেছনে তাঁকে ধরার জন্যে লোক পাঠিয়ে বলল, সুরিয়ানী ভাষায় কথা বলার লোক গেলে তাদেরকে পাকড়াও করবে। তারা গিয়ে ইব্রাহীম (আ.)'র সাথে সাক্ষাত করেছে কিন্তু তাঁর মুখে ইবরানী ভাষা শুনে তারা তাঁকে ছেড়ে দেয় ফলে তিনি এবারও নমরূদের অনিষ্ট থেকে রক্ষা পেলেন।^{৩৬৬}

হযরত ইব্রাহীম ﷺ

আঙ্গুলি থেকে দুধ, পানি, মধু ইত্যাদি প্রবাহিত হওয়া

তাকসীরে আযিযীর'র উদ্ধৃতি দিয়ে মুফতি আহমদ ইয়ার খান নঈমী (র.) বলেন, হযরত ইব্রাহীম (আ.) হযরত নূহ (আ.)'র তুফানের ১৭০৯ সতেরশ নয় বছর পরে এবং হযরত ঈসা (আ.)'র জন্মের প্রায় ২৩০০ দুই হাজার তিনশ বছর পূর্বে বাবেল শহরে জন্মলাভ করেন।^{৩৬৭}

একদা নমরূদ স্বপ্নে দেখল যে, আকাশে একটি তারকা উদ্ভিত হল যার আলোতে সূর্য ও চন্দ্রের আলো অন্ধকার হয়ে গেল। সে ভীত হয়ে গণকদের ডেকে এর ব্যাখ্যা চাইলে তারা বলল, এই বছর আপনার রাজ্যে এমন এক সন্তান জন্মিষ্ট হবে যে আপনার ধ্বংসের কারণ হবে এবং আপনার ধর্ম তারই হাতে ধ্বংস হবে। এ সংবাদ শ্রবণে নমরূদ ভীষণ ভাবে ভয় পেয়ে গেল। অতঃপর সে আদেশ জারি করল যে, এ বছর যেসব সন্তান জন্ম হবে তাদেরকে হত্যা করা হোক। ফলে এক লক্ষ্য বে কসুর সন্তান হত্যা করা হল। এ আদেশও জারি করল যে, কোন স্বামী-স্ত্রী মিলন করতে পারবে না এবং তারা যেন পরস্পর পরস্পর থেকে পৃথক থাকে। এসব হুকুম পালন হচ্ছে কিনা দেখা-শুনার জন্য বিশেষ ব্যবস্থা করা হল। কিন্তু কুদরতী ফায়সালাকে ঠেকাবে কে? এত কিছুর পরও ইব্রাহীম (আ.) মাতৃগর্বে তাশরীফ নিলেন। ইব্রাহীম (আ.)'র আন্মাজান অল্প বয়স্ক ছিলেন বিধায় গর্ভ প্রকাশ পায়নি। প্রসব সময় সন্নিকট হলে মা একটি গর্তে চলে যান যা শহরের অদূরে তাঁর পিতা তারেক তৈরী করেছিলেন। সেখানে তিনি জন্মলাভ করেন।

^{৩৬৬} ইমাম সুয়ুতী, জালাল উদ্দিন সুয়ুতী (র.) (৯১১হি.), আল খাসায়েসুল কুবরা, আরবী, বৈরুত, খঃ:২য় পৃ:৩০৭

^{৩৬৭} তাকসীরে নঈমী, উর্দু, খঃ:১ম, পারা:১ম, পৃ:৬৬৯

সময় জান্নাত থেকে এনেছিলেন আর ইদ্রীস (আ.) নূহ (আ.)'র তুফানের ভয়ে এটাকে এই পাহাড়ে দাফন করে রেখেছিলেন।

পাহাড়ের নির্দিষ্ট স্থানে গিয়ে জিব্রীল (আ.) বললেন, এখানে দু'টি পাথর আছে একটিকে নিয়ে কা'বার দরজার নিকটে স্থাপন করে দিন যাতে তাওয়াকফকারীগণ এটাকে চুমু খেতে পারে। এটি হল হাজারে আসওয়াদ। আর বড় পাথর খানাতে ইব্রাহীম (আ.) দাড়িয়ে কা'বা নির্মাণ করবেন। অতঃপর উভয় পাথর নিয়ে এসে হযরত ইব্রাহীম (আ.) দিলেন এবং খোদায়ী হুকুম ও পৌঁছালেন। আল্লাহর আদেশ অনুযায়ী ইব্রাহীম (আ.) হাজারে আসওয়াদকে দরজার পাশে স্থাপন করে দিলেন আর বড়টির উপর দাঁড়িয়ে কা'বার নির্মাণ কাজ করেন। যে পরিমাণ দেয়াল উঁচু হতে যাচ্ছিল ততটুকু পরিমাণ এই পাথরখানাও উঁচু হয়ে যেতো। এভাবে পাথরখানা বর্তমান আধুনিক যুগের আবিস্কৃত লিপ্ট'র ন্যায় কাজ করেছিল। এভাবে তিনি কা'বার নির্মাণ কাজ সমাপ্ত করেন।^{৩৭২}

হযরত ইব্রাহীম Σ

বাঘে সিজদা করা

মুফতি আহমদ ইয়ার খান নঈমী (র.) তাঁর প্রসিদ্ধ গ্রন্থ তাফসীরে নঈমীতে তাফসীরে আযযী'র উদ্ধৃতি দিয়ে বলেন- একদা হযরত ইব্রাহীম (আ.)'র যুগের কাফেররা দু'টি বাঘকে তাঁর দিকে ছেড়ে দিল। বাঘ দু'টি তাঁকে আক্রমণ করাতো দূরের কথা বরং বাঘ দু'টি তাঁর কদমে সিজদায় পড়ে জিহ্বা দিয়ে তাঁর কদম ছাটতে লাগল।^{৩৭৩}

হযরত ইয়াকুব Σ 'র মু'জিয়া

বাঘের সাথে কথোপকথন

হযরত রবীয়া (রা.) থেকে বর্ণিত, তিনি বলেন, হযরত ইয়াকুব (আ.) কে যখন বলা হল যে, হযরত ইউসুফ (আ.) কে বাঘে খেয়ে ফেলেছে, তখন তিনি সেই বাঘকে ডেকে বললেন, اكلت قرة عيني وثمره فوادی তুমি কি আমার চোখের নয়ন কলিজার টুকরা ইউসুফ কে খেয়েছ? উত্তরে বাঘ বলল- انا اعمل نامي আমি একাজ করিনি। তিনি বাঘকে জিজ্ঞেস করলেন, তুমি কোথা থেকে আসতেছ আর কোথায় যাবার ইচ্ছে করেছ? বাঘে উত্তর দিল, মিশর আসতেছি আর জুরজান যাওয়ার ইচ্ছে করেছি।

^{৩৭২}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড: ১ম, পারা: ১ম, পৃ: ৬৮০

^{৩৭৩}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড: ১ম, পারা: ১ম, পৃ: ৬৭০

তিনি পুনরায় বাঘকে জিজ্ঞেস করলেন, এই ভ্রমণের উদ্দেশ্য কি? বাঘ উত্তরে বলল, আমি আপনার পূর্ববর্তী আশ্বিয়াগণের কাছে শুনেছি যে, *من از حمیما او قویہ اکتب الله له بكل* নিকটতম অত্মীয়ের সাথে সাক্ষাত করে তবে আল্লাহ তায়ালা তার প্রতি কদমে একহাজার নেকী লিখে দেন আর একহাজার গুনাহ মুছে দেন এবং একহাজার মর্যাদা বৃদ্ধি করে দেন।

অতঃপর হযরত ইয়াকুব (আ.) তাঁর সন্তানদেরকে ডাকলেন এবং বললেন, এই বাঘ থেকে হাদিসখান লিখে নাও। কিন্তু বাঘে তাদেরকে হাদিস বর্ণনা করতে অসম্মতি জানাল। তিনি এর কারণ জিজ্ঞেস করলে বাঘে বলে- *انهم عصاة* কেননা, তারা অপরাধী গুনাহগার, তাই আমি তাদেরকে হাদিস বর্ণনা করবোনা।^{৩৭৪}

হযরত ইউসুফ Σ 'র মুজিয়া

দোলনার শিশুর সাক্ষ্যদান

আযীযে মিশরের স্ত্রী জুলেখা হযরত ইউসুফ (আ.)'র উপর আশেক হয়ে তাঁকে সাত দরজার ভিতরে নিয়ে দরজাসমূহ বন্ধ করে তালা লাগিয়ে দিয়ে পাপ কাজের দিকে আহ্বান করল। হযরত ইউসুফ (আ.) আত্মরক্ষার উদ্দেশ্যে আল্লাহর উপর নির্ভর করে তালাবন্ধ বন্ধ দরজার দিকে দৌড় দিলে আপনা-আপনি দরজার তালা খুলে নীচে পড়ে গেল আর তিনি অন্যায়সে দৌড়ে বাইরে চলে গেলেন। পিছে পিছে জুলেখাও দৌড়ে এসে উভয় আযীয মিশরের সামনে উপস্থিত হল। পালানোর সময় জুলেখা ইউসুফ (আ.)'র জামা ধরে রাখার কারণে তাঁর জামার পিছন দিক ছিড়ে গিয়েছিল। জুলেখা নিজের দোষ ইউসুফ (আ.)'র চাপিয়ে বলল, যে ব্যক্তি আপনার পরিজনের সাথে কুকর্মের ইচ্ছা করে। তাকে কারাগারে পাঠানো অথবা অন্য কোন যন্ত্রণাদায়ক শাস্তি দেয়া ছাড়া তার আর কি শাস্তি হতে পারে? ইউসুফ (আ.) বললেন, সে-ই আমাকে আত্মসংবরণ না করতে ফুসলিয়েছে।

ব্যাপারটি ছিল খুবই স্পর্শকাতর। তাছাড়া কে সত্যবাদী তা নির্ণয় করা ছিল সুকঠিন। কারণ সাক্ষ্য-প্রমাণের কোন অবকাশ ছিলনা। কিন্তু আল্লাহ তায়ালা সত্য উদঘাটন করে স্বীয় নবীর পিস্তাপ ও নির্দোষ হওয়ার ব্যবস্থা কুদরতীভাবে করে রেখেছেন। হযরত ইবনে আব্বাস ও আবু হোরাইরা (রা.)'র বর্ণনা অনুযায়ী একটি কচি শিশুকে আল্লাহ তায়ালা বিজ্ঞ ও দার্শনিক সুলভ বাকশক্তি দান করলেন। এ শিশু এ ঘরেই দোলনায় লালিত হচ্ছিল। হযরত ইউসুফ (আ.) মু'জিয়া হিসাবে ঠিক ঐ মুহূর্তে দার্শনিক সুলভ বলে উঠল- ইউসুফ (আ.)'র জামাটি দেখ- যদি তা সামনের দিকে ছিন্ন থাকে, তবে জুলেখার কথা সত্য আর ইউসুফ (আ.) মিথ্যাবাদীরূপে সাব্যস্ত হবেন। পক্ষান্তরে যদি জামা পিছন দিক থেকে ছিন্ন থাকে, তবে মহিলা মিথ্যাবাদী এবং ইউসুফ (আ.) সত্যবাদী। অতঃপর দেখা গেল যে, তাঁর

^{৩৭৪}. ইমাম সুয়ুতী, জালাল উদ্দিন সুয়ুতী (র.), আল খাসায়েসুল কুবরা, আরবী, বৈরুত, খণ্ড:২য় পৃ:৩০৮

মোটো তাজা গাভীকে অপর সাতটি দুর্বল গাভী খেয়ে ফেলতেছে এবং সাতটি সবুজ শীষ ও সাতটি শুক্ক শীর্ষ দেখেছেন। বাদশা রাজ্যের স্বপ্নের ব্যাখ্যাদাতাদের একত্রিত করে এ ব্যাখ্যা জানতে চাইলেন। কিন্তু স্বপ্নটি কারো বোধগম্য হলনা। তাই তারা এটিকে কল্পনা প্রসূত বলে উড়িয়ে দিয়ে এর ব্যাখ্যা করতে অপারগতা প্রকাশ করল। তখন ইউসুফ (আ.)'র বন্দী বন্ধু যে নির্দোষ সাব্যস্ত হয়ে মুক্তি লাভ করেছিল সে বলল, আমি এর ব্যাখ্যা বলে দিতে পারবো। তোমরা আমাকে জেলখানায় প্রেরণ কর।

সে জেলখানায় গিয়ে এই অদ্ভুত স্বপ্নের কথা বললে হযরত ইউসুফ (আ.) এর যথার্থ ও বাদশার মনপূত ব্যাখ্যা প্রদান করেন। ব্যাখ্যায় তিনি বলেন- প্রথম সাতবছর তোমাদের ভাল ফলন হবে এরপর সাত বছর দুর্ভিক্ষ হবে। প্রথম বছরের অতিরিক্ত উৎপন্ন শস্য গমের শীটের মধ্যেই সংরক্ষিত রাখতে হবে যাতে দীর্ঘ দিন রাখলেও গমে পোকা না লাগে। পরবর্তী সাত বছর দুর্ভিক্ষের সময় সংরক্ষিত শস্য কাজে আসবে। এরপর প্রচুর বৃষ্টিপাত হবে এবং উৎপাদনও বাড়বে।

লোক মারফত স্বপ্নের এই শুনে বাদশা অত্যন্ত খুশী হল এবং ইউসুফ (আ.) জ্ঞান-গরিমায় মুগ্ধ হয়ে স্বয়ং ইউসুফ (আ.)'র যবান থেকে এর ব্যাখ্যা শোনার জন্য তিনি তাঁকে জেল থেকে সম্মানের সহিত মুক্তি দিলেন। বাদশা তাঁর মুখ থেকে স্বপ্নের ব্যাখ্যা শুনতে চাইলে প্রথমে তিনি নিখুত ও পুঞ্জানুরূপে বাদশার দেখা স্বপ্নের বিবরণ দিলেন যা বাদশা আজ পর্যন্ত কারো কাছে প্রকাশ করেন নি। তারপর স্বপ্নের ব্যাখ্যা ও এর সমাধান বর্ণনা করলে বাদশা মুগ্ধ হয়ে তাঁকে তার সাথে রেখে দেন। এক বছর পর রাষ্ট্রীয় দায়িত্ববার তাঁর উপর অর্পণ করে ক্ষমতা হস্তান্তর করেন। এ ভাবেই তিনি একজন গোলাম থেকে মিশরের রাষ্ট্রীয় ক্ষমতায় অধিষ্ঠিত হন।^{৩৭৬}

হযরত ইউসুফ Σ'র মু'জিয়া

জামা মোবারক

হযরত ইউসুফ (আ.)'র ব্যবহৃত জামা মোবারকের মাধ্যমে তাঁর অনেক মু'জিয়া প্রকাশিত হয়েছিল। এটি একটি পূর্বপুরুষের বরকত মণ্ডিত জামা ছিল যা বংশ পরম্পরায় তিনি পেয়েছিলেন। এটি মূলত হযরত ইব্রাহীম (আ.)'র জামা ছিল যা জান্নাতী রেশম দিয়ে তৈরী। যখন হযরত ইব্রাহীম (আ.) কে নমরুদে জামা পরিধান করায়েছিলেন। এটি হযরত ইব্রাহীম (আ.) তাঁর পুত্র হযরত ইসহাক (আ.) কে এবং তিনি তাঁর পুত্র হযরত ইয়াকুব (আ.) কে দান করেছিলেন। ইয়াকুব (আ.)'র সন্তানরা হযরত ইউসুফ (আ.) কূপে নিক্ষেপ

^{৩৭৬}. আল্লামা নঈম উদ্দিন মোরাদাবাদী (র.) (১৩৬৭হি.), খামায়েনুল ইরফান, উর্দু, প্রান্ত টীকা, খানযুল ঈমান, পৃ:২৮৭ ও ২৮৮

অস্বাভাবিক ভাবে পঙ্গপালের আঘাব প্রেরণ করা, ছয়। তুফান প্রেরণ করা, সাত। শরীরের কাপড়ে এত উকুন সৃষ্টি করা, যা থেকে আত্মরক্ষার কোন উপায় ছিলনা, আট। ব্যাঙের আঘাব চাপিয়ে দেয়া, ফলে প্রত্যেক পানাহারের বস্তুতে ব্যাঙ কিলবিল করতো এবং নয়। রক্তের আঘাব প্রেরণ করা। ফলে প্রত্যেক পাত্রে ও পানাহারের বস্তুতে রক্ত দেখা যেত।^{৩৭৭}

হযরত মুসা (আ.)'র মুজিয়া

আগুনে দগ্ধ না হওয়া

তাফসীরে আযিযী ও তাফসীরে খাযায়েনুল ইরফান কিতাবদ্বয়ের উদ্ধৃতি দিয়ে মুফতি আহমদ ইয়ার খান নঈমী (র.) বলেন, একদা মিশরের বাদশা ফেরাউন স্বপ্ন দেখল যে, বায়তুল মোকাদ্দেসের দিক থেকে একটি জ্বলন্ত অগ্নিশিখা বের হয়ে মিশরে প্রবেশ করে মিশরের সকল কিবতী সম্প্রদায়ের বাড়ী-ঘর জ্বালিয়ে ছারখার করে দিল কিন্তু আগুন বনী ইসরাঈল সম্প্রদায়ের কোন ক্ষতি করলনা।

এই স্বপ্ন দেখে ফেরাউন চিন্তাগ্রস্থ হয়ে পড়ল এবং এর তা'বীর করার দেশের বড় বড় নজ্জুম ও স্বপ্ন বিশারদগণকে তলব করা হল। তারা স্বপ্নের তাৎপর্য বর্ণনা করে বলল, অচিরেই বনী ইসরাঈল বংশে এমন এক পুত্র সন্তান জন্মগ্রহণ করবে যে, আপনার সম্রাজ্য ধ্বংস করে ফেলবে আর দেশের সবলোক তার অনুগত হয়ে যাবে। ফেরাউন এই কথা শুনে তৎক্ষণাত শহরের কতোয়াল কে ডেকে আদেশ দিল যেন একহাজার সিপাহী অস্ত্র-সস্ত্র সজ্জিত হয়ে এবং একহাজার ধাত্রী বনী ইসরাঈলের মহল্লায় চলে যায় এবং যে ঘরে পুত্র সন্তান জন্মগ্রহণ করবে তাকে যেন হত্যা করা হয়। মাত্র কয়েক বছরে বার হাজার অপর মতে সত্তর হাজার নবজাতক পুত্র সন্তান হত্যা করা হল এবং নব্বই হাজার গর্ভ নষ্ট করা হয়েছিল। খোদার কি শান! তখন বনী ইসরাঈলের বৃদ্ধরাও দ্রুত মরে যাচ্ছিল। এ অবস্থা দেখে কিবতী সম্প্রদায় ফেরাউনের কাছে আবেদন করল যে, বনী ইসরাঈলের মধ্যে মৃত্যুর সংখ্যা বৃদ্ধি পেয়েছে এবং তাদের বাচ্চাদেরকেও হত্যা করা হচ্ছে। এরূপ চলতে থাকলে তারা নিশ্চিহ্ন হয়ে যাবে আর আমরা খেদমতগার পাবো কোথায়? তখন ফেরাউন আদেশ দিল যে, এক বছর হত্যা করা হবে অপর বছর ছেড়ে দেয়া হবে।

খোদার কি মহিমা! যে বছর হত্যা মূলতবী সে বছর হযরত মুসা (আ.)'র বড় ভাই হযরত হারুন (আ.) জন্মগ্রহণ করেন আর হত্যার বছর হযরত মুসা (আ.) জন্মাভ করেন।

^{৩৭৭}. আল্লামা নঈম উদ্দিন মোরাদাবাদী (র.) (১৩৬৭হি.), খাযায়েনুল ইরফান, উর্দু, প্রান্ত টীকা, খানযুল ঈমান, পৃ:৩৪৯

হযরত মুসা (আ.)'র পিতার নাম ছিল ইমরান আমার মাতার নাম ছিল আয়েয। আয়েয যখন গর্ভবতী হলেন তখন ফেরাউনের ধাত্রী ঘরে এবং সিপাহীরা দরজায় আসতে লাগল। প্রসবের দিন ঘণিয়ে আসলে একজন ধাত্রী স্থায়ীভাবে ঘরে বসবাস করতে আরম্ভ করল। হযরত মুসা (আ.) রাতের বেলায় জন্মলাভ করেন। ধাত্রী তাঁকে দেখে মুগ্ধ হয়ে গেল। ধাত্রী তাঁর মা কে বলল, যে কোন প্রকারে তাঁকে হত্যা থেকে রক্ষা কর। এই বলে ধাত্রী একটি ছাগলের বাচ্চা যবেহ করে একটি ডেকচিতে ভরে সিপাহীদের কে বলল, এই ঘরে একটি পুত্র সন্তান জন্মগ্রহণ করেছে আমি তাকে যবেহ করে এই ডেকচিতে ভরে জঙ্গলে দাফন করতে নিয়ে যাচ্ছি। সিপাহীরা তার কথা বিশ্বাস করল আর সত্য-মিথ্যা তদন্ত করেনি। হযরত মুসা (আ.) তাঁর ঘরেই লালিত-পালিত হচ্ছিলেন।

এদিকে নজুমীরা ফেরাউন কে সংবাদ দিল যে, সেই সন্তান বনী ইসরাঈলে জন্ম হয়ে গিয়েছে। ফেরাউন কতোয়াল ডেকে ভৎসনা করলে সে বলল, আমরা বনী ইসরাঈলের সকল সন্তানকে নিজ হাতে হত্যা করেছি শুধু ইমরানের পুত্র সন্তানকে ধাত্রীর কথায় বিশ্বাস করে নিজের হাতে হত্যা করিনি। তারপর কতোয়ালের নির্দেশে হঠাৎ ইমরানের ঘরে সিপাহীরা তল্লাশী চালাল। এ সময় হযরত মুসা (আ.) তাঁর বড় বোন মরয়মের কোলে ছিলেন। মরয়ম ভয়ে মুসাকে জ্বলন্ত আগুনের চুলায় রেখে উপরে পানির ডেকচি রেখে দিল। সিপাহী তল্লাশী করে কিছু না পেয়ে চলে গেলে মা জিজ্ঞেস করলেন মরয়ম! মুসা কোথায়? সে সমস্ত ঘটনা বর্ণনা করলে মা মাথায় আঘাত করে করে চুলায় গিয়ে দেখেন চুলা থেকে আগুনের স্পুলিজ উঠতেছে আর হযরত মুসা (আ.) নিরাপদে রয়েছে। এটি মুসা (আ.) বাল্যকালীন মু'জিয়া। এই ঘটনা তাঁর জন্মের চল্লিশ দিনের মাথায় সংঘটিত হয়েছিল।^{৩৭৮}

কুদরতী সুরক্ষা

হযরত মুসা (আ.)'র মায়ের মনে শংকা জাগল যে, একে রক্ষা করা বড় মুশকিল হবে। তাই তিনি স্থির করলেন যে, একটি সিঙ্কুক বানিয়ে তাতে হযরত মুসা (আ.)কে ভরে নীল নদীতে ভাসিয়ে দিলে হয়ত অন্য দেশে গিয়ে পৌঁছবে এবং অন্যকেউ তাকে লালন-পালন করবে। ঘরের সকলের পরামর্শ ক্রমে মহল্লার সানুম নাম্মী এক বৃদ্ধার দ্বারা কাঠের একটি সিঙ্কুক বানালেন এবং কাউকে না বলার প্রতিশ্রুত নেন। অতঃপর ফেরাউনের পক্ষ থেকে ঘোষণা হল যে, যে কেউ বনী ইসরাঈলে জন্মলাভকারী সন্তানের সংবাদ দেবে তাকে মোটা অংকের পুরস্কার দেওয়া হবে। সানুম পুরস্কারের লোভে সংবাদ প্রদানের উদ্দেশ্যে কিছুদূর গেলে মাটিতে তার পা গিরা পর্যন্ত ধসে যায় এবং অদৃশ্য থেকে আওয়াজ আসল যে, যদি তুমি এই গোপনীয়তা ফাঁস কর তবে তোমাকে মাটিতে ধসে ফেলা হবে। সানুম ভয়ে পেয়ে গেল এবং সিঙ্কুক ইমরানের ঘরে পৌঁছে দিল আর আরজ করল- আমাকে সেই পবিত্র সন্ত

^{৩৭৮}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড: ১ম, পারা: ১ম, পৃ: ৩৪৯

অর্থ: যখন আমি তোমার মাতাকে নির্দেশ দিয়েছিলাম যা নির্দেশ দেয়ার প্রয়োজন ছিল। তুমি (মুসা)কে সিন্ধুকে রাখ অতঃপর তা নদীতে ভাসিয়ে দাও, অতঃপর নদী তাকে তীরে ঠেলে দেবে। তাকে আমার ও তার শত্রু উঠিয়ে নেবে। আমি তোমার প্রতি ভালবাসা সঞ্চারিত করে দিয়েছিলাম আমার নিজের পক্ষ থেকে যাতে তুমি আমার দৃষ্টির সামনে প্রতিপালিত হও। যখন তোমার বোন এসে বলল, আমি কি তোমাদেরকে বলে দেব কে তাকে লালন-পালন করবে? অতঃপর আমি তোমাকে তোমার মায়ের কাছে ফিরিয়ে দিলাম, যাতে তার চক্ষু শীতল হয় এবং দুঃখ না পায়। (সূরা ত্বাহা, পারা:১৬, আয়াত নং ৩৮-৪০)

হযরত মুসা Σ

কুদরতী সুরক্ষা

হযরত মুসা Σ হযরত আসীয়া (রা.) লালন-পালন করছিলেন ফেরাউন ও তাঁকে মহব্বত করতে লাগল। যখন তাঁর বয়স তিন বছর পূর্ণ হল তখন একদিন ফেরাউন তাঁকে কোলে নিয়ে আদর করার সময় তিনি ফেরাউনের দাড়ি ধরে এক খাঙ্গর মারলেন। ফেরাউন আসীয়াকে ডেকে বলল, এটি মনে হয় সেই বাচ্চা যে আমার চির শত্রু। সে আমাকে অপদস্ত করেছে। আসীয়া বললেন, বাচ্চা আবুঝই হয়ে থাকে, এদের কাজের কোন গ্রহণযোগ্যতা নেই। এরাতো না বুঝে অনেক সময় আগুনেও হাত দেয়। ফেরাউন বলল, আচ্ছা তাহলে পরীক্ষা করা হোক। যদি সে আগুনে হাত দেয় তাহলে বুঝব সে আবুঝ। সুতরাং এরূপ করা হলে তিনি প্রথমে স্বর্ণের দিকে হাত বাড়ালে হযরত জিব্রাঈল Σ এসে তাঁর হাত কে আগুনের দিকে ফিরিয়ে দেন। তিনি আগুনে হাত দিয়ে একটি বড় আগুনের কয়লা মুখে পুরে দিলেন। তাঁর আগুনে হাত দিয়ে একটি বড় আগুনের কয়লা মুখে পুরে দিলেন। এতে তাঁর জিহ্বা সামান্য পুরে যায় ফলে তোৎলা হয়ে গেলেন। তখন ফেরাউন আসীয়ার কথায় বিশ্বাস স্থাপন করল।

হযরত মুসা (আ.)'র লালন-পালনের সময় ফেরাউন তাঁর অনেক মু'জিয়া দেখেছিল। একদা তিনি মোরগকে তাসবীহ পড়ায়েছিলেন। আর একবার রান্না করা মুরগীকে জীবিত করেছিলেন।^{৩৮০}

নদীতে রাস্তা হওয়া

হযরত মুসা (আ.)'র বয়স যখন আশি বছর এবং তাঁর বড় ভাই হযরত হারুন (আ.)'র বয়স তিরিশি বছর তখন ৯ মহররম দিবাগত রাতে বনী ইসরাঈলের যাবতীয় মূল্যবান জিনিসপত্র নিয়ে মিশর ত্যাগের উদ্দেশ্যে রওয়ানা হন। সামনে ছিলেন হারুন (আ.) আর পেছনে ছিলেন হযরত মুসা (আ.)। মধ্যখানে প্রায় ছয়লক্ষ সত্তর হাজার বনী ইসরাঈল ছিল।

^{৩৮০} হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাকসীরে নঈমী, উর্দু, দিল্লী, খণ্ড:১ম, পারা:১ম, পৃ:৩৫১

আর স্মরণ করুন সে সময়ের কথা, যখন আমি তোমাদিগকে মুক্তি দান করেছি ফেরাউনের লোকদের কবল থেকে যারা তোমাদিগকে কঠিন শাস্তি দান করত, তোমাদের পুত্র সন্তানদের কে যবাই করত আর তোমাদের স্ত্রীদিগকে অব্যাহতি দিত। বস্ত্রত তাতে পরীক্ষা ছিল তোমাদের পালন কর্তার পক্ষ থেকে মহা পরীক্ষা। আর যখন আমি তোমাদের জন্য সাগরকে দ্বিখন্ডিত করেছি, অতঃপর তোমাদেরকে বাঁচিয়ে দিয়েছি এবং ডুবিয়ে দিয়েছি ফেরাউনের লোকদিগকে অথচ তোমরা দেখছিলেন। (সূরা বাকারা, পারা:১ম, আয়াত নং ৪৯ ও ৫০)

অন্যত্র বলেন,

جَاءَ بَبُوبُ بَبُوبُ بَبُوبُ بَبُوبُ بَبُوبُ بَبُوبُ بَبُوبُ بَبُوبُ بَبُوبُ بَبُوبُ
 ٧٨ - ٧٧ : فَطَهْ

অর্থ: আমি মুসার প্রতি এই মর্মে ওহী করলাম যে, আমার বান্দাদেরকে নিয়ে রাত্রি বেলায় বের হয়ে যাও এবং তাদের জন্য সমুদ্রে শুক্তপথ নির্মাণ কর। পেছন থেকে এসে তোমাদের ধরে ফেলার আশঙ্কা করোনা এবং পানিতে ডুবে যাওয়ার ভয় করো না। অতঃপর ফেরাউন তার সৈন্যবাহিনী নিয়ে তাদের পশ্চাদ্ধাবন করল এবং সমুদ্র তাদেরকে সম্পূর্ণরূপে নিমজ্জিত করল। (সূরা ভায়া, পারা:১৬, আয়াত নং ৭৭ ও ৭৮)

মৃতকে জীবিত করা

গো বৎস পূজার অপরাধে সত্তর হাজার বনী ইসরাঈল হত্যা হওয়ার পর হযরত মুসা (আ.) আল্লাহর পক্ষ থেকে আদিষ্ট হলেন যে, তুমি কিছু সংখ্যক লোক নিয়ে তুর পর্বতে যাও। সেখানে তারা নিজ সম্প্রদায়ের পক্ষে ক্ষমা প্রার্থনা করবে। অপর বর্ণনায় আছে হযরত মুসা (আ.) তুর পর্বত থেকে তাওরাত নিয়ে এসে বনী ইসরাঈলের সামনে পেশ করলে তারা আল্লাহর কালাম বলে বিশ্বাস করতে পারেনি। তারা বলল, স্বয়ং আল্লাহ যদি আমাদের বলে দেন যে, এটি আমার প্রদত্ত কিতাব তবে আমরা বিশ্বাস করব। আল্লাহর অনুমতিক্রমে হযরত মুসা (আ.) তাদের কয়েকজনকে তুর পর্বতে যেতে বললেন। অতএব, তারা সত্তরজন লোককে মনোনীত করে হযরত মুসা (আ.)'র সঙ্গে তুর পর্বতে পাঠাল।

সেখানে পৌঁছে হযরত মুসা (আ.) আল্লাহর দরবারে দোয়া করলে আল্লাহ তা কবুল করেন। তিনি তাদেরকে বললেন, তোমরা গোসল কর, যাবতীয় গুনাহ থেকে তাওবা কর এবং তিনটি করে রোজা রাখ আর তাসবীহ-তাহলীল পাঠে রত থাক। তিনি তাদেরকে তুর পর্বতের নীচে রেখে নিজে পর্বতের উপরে তাকরীফ নিলেন। অতঃপর তারা দেখল যে, একটি শূভ স্তম্ভ এসে ধীরে ধীরে প্রসারিত হয়ে পুরো পর্বতকে আচ্ছাদিত করে ফেলল আর হযরত মুসা (আ.) পড়ে গেলেন। তারপর আল্লাহ তায়ালা তাদের সাথে কথা বললেন। এরা নীচে দাঁড়িয়ে দাঁড়িয়ে আল্লাহর কালাম শ্রবণ করেছিল। তারা বলল, এ সব কালাম তো শূধু মুসা'র সাথে হয়েছে আমাদের সাথেও কথা বললে বিশ্বাস দৃঢ় হবে। হঠাৎ নুরের আভা তাদের দিকে প্রত্যাবর্তন করলে তাদের কর্ণে এই কালাম পৌঁছল-

انى انا الله لا اله الا انا ذوبكة اخرجكم من ارض معمر فاعبدونى ولا تعبدوا غيرى

আসলেন। এভাবে সাতবার হওয়ার পর শোয়াইব (আ.) বুঝতে পারলেন যে, আল্লাহর কাছে মুসা (আ.)'র যথেষ্ট মর্যাদা রয়েছে।

সকাল হলে শোয়াইব (আ.) হযরত মুসা (আ.)কে বললেন, চারণভূমিতে ছাগলগুলো চরাতে নিয়ে যাও। তবে চারণভূমির বাম দিকে ঘাস বেশী থাকলেও সেদিকে ছাগল নিয়ে যেওনা। কারণ সেখানে একটি বৃহদাকার সর্প আছে। বরং ঘাস কম হলে তুমি চারণভূমির ডান দিকে ছাগল পাল নিয়ে যেও। তিনি ছাগলপাল চারণভূমিতে নিয়ে গেলে শতবাঁধা সত্ত্বেও ছাগলপাল বামদিকে চলে গেল। তিনি স্বাধীনভাবে ছাগলপালকে চরতে দিয়ে ঘুমিয়ে পড়লেন আর লাঠি খানা তাঁর পাশেই ছিল। হঠাৎ বৃহদাকার সাপটি বের হয়ে তাঁকে ধ্বংসন করতে চাইলে লাঠিটি সর্প হয়ে ঐ সাপটির সাথে যুদ্ধে লিপ্ত হল। অবশেষে মুসা (আ.)'র লাঠি সাপটিকে মেরে ফেলল। মুসা (আ.) জগ্ৰত হয়ে দেখলেন লাঠি রক্তে রঞ্জিত হয়ে আছে আর পাশে সাপটি মরে পড়ে রইল। তিনি এই ঘটনা শোয়াইব (আ.) কে বললে তিনি অত্যন্ত খুশী হন এবং ঘোষণা করলেন এ বছর যে সব ছাগলে দুই রঙের বাচ্চা দেবে সবগুলো হে মুসা! তোমার হয়ে যাবে। অতএব ঐ বছর প্রত্যেক ছাগলেই দুই রঙের বাচ্চা প্রসব করেছে। এতেও শোয়াইব (আ.) নিশ্চিত হলেন যে, আল্লাহর কাছে মুসা (আ.)'র বিশেষ মর্যাদা রয়েছে।^{৩৮}

মৃত দিয়ে মৃত জীবিত করা

বনী ইসরাঈলে আবীল নামক জনৈক ধনাঢ্য নিঃসন্তান ব্যক্তি ছিল। তার চাচাত ভাই তাকে সম্পত্তির লোভে হত্যা করেছে। অথবা মুল্লা আলী করী (র.) মিরকাত গ্রন্থে বলেছেন এই হত্যাকাণ্ডের কারণ ছিল বিবাহ জনিত। জনৈক ব্যক্তি নিহত ব্যক্তির কন্যার পানি গ্রহণ করার প্রস্তাব করে প্রত্যাখ্যাত হয় এবং এই পানিপ্রার্থী কন্যার পিতাকে হত্যা করে গা ঢাকা দেয়। ফলে হত্যাকারী কে? তা জানা কঠিন হয়ে দাঁড়ায়।

অতঃপর হত্যাকারী হত্যা করে লাশ অপর বস্তি এলাকার কপাটে ফেলে আসে। আর সকালে গিয়ে নিজেই অভিভাবক সেজে হযরত মুসা (আ.)'র নিকট হত্যার বিচার দাবী করল এবং ঐ এলাকা বাসীকে হত্যার অভিযোগে অভিযুক্ত করল। এমনকি তাদের হত্যার বদলে হত্যা দাবী করল। হযরত মুসা (আ.) এলাকাবাসীর নিকট জানতে চাইলে তারা অস্বীকার করল এবং মুসা (আ.) কে বলল, আপনি দোয়া করুন যাতে এর প্রকৃত ঘটনা আল্লাহ তায়ালা উদঘাটন করে দেন।

অতঃপর তিনি আল্লাহর দরবারে দোয়া করলে আল্লাহ তায়ালা গাভী যবেহ করার নির্দেশ দেন। আর এই গাভী যবেহের রহস্য হল- হযরত মুসা (আ.) নিজে হত্যাকারীর পরিচয় দিলে হয়তো এই অবাধ্য বনী ইসরাঈল তা মানতনা। এই জন্য মু'জিয়ার মাধ্যমে মূর্দাকে জীবিত করে সে নিজেই যেন তার হত্যাকারীর নাম বলে দেয়। তাছাড়া কেসাস নেওয়ার জন্য ওয়ারিশের দাবীর প্রয়োজন হয়। তিনি চাইলেন যে, মূর্দা নিজেই কেসাসের দাবীদার হয়। এ ছাড়াও আরো একটা বড় রহস্য হল যে, আল্লাহ তায়ালা মুসা (আ.)'র

^{৩৮}. আল্লামা কামাল উদ্দিন দুমাইরী (র.) (৮০৮হি.), হায়াতুল হাইওয়ান, উর্দু, ইউপি, ইন্ডিয়া, খণ্ড:১ম পৃ:৪৩৮

দেশ দখল করে নেয়। ফেরাউনের অত্যাচার থেকে মুক্তি পেয়ে বনী ইসরাঈল শান্তিতে কিছু দিন কালাতিপাত করায় আল্লাহ তায়াল হযরত মুসা (আ.)'র মাধ্যমে আদেশ দিলেন যে, তারা তাদের আদি বাসস্থান শামকে জিহাদ করে শত্রু থেকে মুক্তি করে নেয়। তাছাড়া সেখানে বায়তুল মোকাদ্দাস ও হযরত ইব্রাহীম (আ.) কবরও ছিল। কিন্তু তারা মিশর থেকে বের হতে অস্বীকৃতি জানাল। অবশেষে বাধ্য হয়ে জিহাদের উদ্দেশ্যে বের হলেও পথিমধ্যে দফায় দফায় বিভিন্ন অযুহাতে অভিযোগ তুলে হযরত মুসা (আ.)কে কষ্ট দিচ্ছিল।

তারা যখন মিশর ও শামের মধ্যবর্তী এমন একটি ময়দানে পৌঁছল যেখানে পানাহারের কোন বস্তু ছিলনা এবং প্রচন্ড গরমে ময়দান উত্তপ্ত ছিল। যার নাম ময়দানে 'তীহ'। সেখানে পৌঁছে তারা আমালাকাদের শৌর্য-বীর্যের কথা জেনে সাহস হারিয়ে হীনবল হয়ে পড়ল এবং জিহাদ করতে পরিষ্কার অস্বীকার করল। তারা মুসা (আ.)কে বলল, আপনি ও আপনার খোদা গিয়ে তাদের সাথে যুদ্ধ করুন, আমরা যাবনা বরং আমরা এখানেই থেকে যাব। তখন আল্লাহ তায়ালা তাদেরকে শান্তিস্বরূপ সেখানে চল্লিশ বছর পর্যন্ত রেখে দিলেন। এই ময়দান মাত্র দশ বার মাইল এলাকা বিশিষ্ট একটি ভূ-খন্ড। এরা নিজেদের বাসস্থান মিশরে ফিরে আসার উদ্দেশ্যে সারাদিন চলার পর রাতে কোন মঞ্জিলে অবস্থান করত, কিন্তু ভোরে উঠে দেখতে পেত- যেখান থেকে যাত্রা আরম্ভ করেছিল সেখানেই রয়ে গেছে। এভাবে চল্লিশ বছর যাবৎ এ প্রান্তরে কিংকর্তব্য বিমূঢ় হয়ে শ্রান্ত ও ক্লান্তভাবে বিচরণ করেছিল।

হযরত মুসা (আ.)'র দোয়ায় আল্লাহ তায়ালা দিনের বেলায় একখন্ড মেঘ তাদের উপর ছায়া দিয়ে প্রচন্ড গরম থেকে রক্ষা করত আর অন্ধকার রাতে নূরের জ্যোতির স্তম্ভ অবতীর্ণ করতেন যার আলোতে তারা কাজকর্ম চালিয়ে যেত। সূর্য উদিত হওয়ার পূর্বেই প্রতিজনের জন্য এক সা' তথা প্রায় চার সের পরিমাণ 'মান্না' (এক জাতীয় সুসাদু হালুয়া) অবতীর্ণ হত যা তাদের সারা দিনের জন্য যথেষ্ট হত। জুমার দিন দ্বিগুণ অবতীর্ণ হত কেননা, এ খাবার শনিবারে অবতীর্ণ হতনা। মিষ্টি খাবারে তারা বিরক্ত হয়ে মুসা (আ.)'র কাছে লবণাক্ত খাবার চাইলে প্রতিদিন আসরের পর উন্নতমানের 'সালওয়া' তথা খাবারের ব্যবস্থা করা হয়। তবে শর্ত ছিল যে, যেন অতিরিক্ত নিয়ে জমা করে রাখতে পারবে না। কিন্তু তারা শর্ত রাখতে পারেনি। তারা অতিরিক্ত নিয়ে পরের দিনের জন্য জমা করে রাখত। কারণ আগামীকাল আসবে কিনা সন্ধিহান ছিল এবং আল্লাহর উপর পূর্ণ ভরসা ছিলনা। ফলে ঐ খাবার নষ্ট হওয়া আরম্ভ হল এবং তা থেকে দুর্গন্ধ আসতে লাগল ফলে সেই আসমানী খাবার আসা বন্ধ হয়ে গেল।

এই দীর্ঘ চল্লিশ বছর যাবৎ বনী ইসরাঈলদের ময়দানে তীহে নখ, চুল ইত্যাদি বৃদ্ধি হতনা, কাপড় চোপড় ময়লা হতনা এবং পুরাতনও হতনা। আর যে সন্তান জন্মলাভ করত পোষাক নিয়েই জন্মলাভ করত যা শরীরের চামড়ার ন্যায় শরীরের বৃদ্ধির সাথে সাথে পোষাকও বৃদ্ধি পেত।^{৩৮৭}

আল্লাহর সাথে সরাসরি বাক্য বিনিময়

^{৩৮৭}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাকসীরে নঈমী, উর্দু, দিল্লী, খণ্ড: ১ম, পারা: ১ম, পৃ: ৩৭৯

আল্লাহ তায়ালা অন্যান্য নবীগণের ন্যায় হযরত দাউদ (আ.)কে একদিকে মু'জিযা দান করেছিলেন। তন্মধ্যে অন্যতম হল- তাঁর আওয়াজ অত্যন্ত সুন্দর ছিল। তিনি যাবুর কিতাব তেলাওয়াত করলে শুধু মানবজাতি নয় বরং পশু-পাখি, সমুদ্রের মাছ ও তা শুনতে চলে আসত। এমনকি পাহাড়-পর্বত পর্বন্ত তাঁর সাথে তাসবীহ পাঠ করত। এ প্রসঙ্গে পবিত্র কুরআনে আল্লাহ তায়ালা এরশাদ করেন-

عَلَّمَ لَدَاؤَ لَكُ الْوَاوِيَّاتِ ۚ وَاللَّيْلِ لَمَّا يَنْزَلُ ۗ وَالنَّجْمِ إِذَا هَوَىٰ ۚ
 ۗ وَاللَّيْلِ لَمَّا يَنْزَلُ ۗ وَالنَّجْمِ إِذَا هَوَىٰ ۚ

অর্থ: আমি পর্বত ও পক্ষী সমূহকে দাউদের অনুগত করে দিয়েছিলাম। তারা আমার পবিত্রতা ও মহিমা ঘোষণা করত। (সূরা আশিয়া, পারা:১৭, আয়াত নং ৭৯)

অপর আয়াতে বলা হয়েছে-

وَلَقَدْ نَزَّلْنَا سُلَيْمَانَ الْوَجْهَانَ ۚ وَاللَّيْلِ لَمَّا يَنْزَلُ ۗ وَالنَّجْمِ إِذَا هَوَىٰ ۚ

অর্থ: আমি দাউদের প্রতি অনুগ্রহ করেছিলাম এই আদেশ মর্মে যে, হে পর্বতমালা! তোমরা দাউদের সাথে আমার পবিত্রতা ঘোষণা কর এবং হে পক্ষী সকল! তোমরাও অর্থাৎ হে পাহাড় ও পক্ষী কুল! তোমরাও দাউদের সাথে তাসবীহ পাঠ কর। (সূরা সাবা, পারা:২২, আয়াত নং ১০)

আল্লাহ তায়ালা আরো বলেন-

وَلَقَدْ نَزَّلْنَا سُلَيْمَانَ الْوَجْهَانَ ۚ وَاللَّيْلِ لَمَّا يَنْزَلُ ۗ وَالنَّجْمِ إِذَا هَوَىٰ ۚ

ص: ১৮ - ১৯

অর্থ: আমি পর্বতমালাকে তার অনুগামী করে দিয়েছিলাম, তারা সকাল-সন্ধ্যায় তার সাথে পবিত্রতা ঘোষণা করত, আর পক্ষীকুলকেও, যারা তার কাছে সববেত হত। সবাই তাঁর প্রতি প্রত্যাবর্তনশীল। (সূরা ছোয়াদ, পারা:২৩, আয়াত নং ১৮ ও ১৯)

লোহা নরম হয়ে গলে যাওয়া

আল্লামা আইনী (র.) বলেন, হযরত দাউদ (আ.) আল্লাহর দরবারে দোয়া করেছিলেন, হে অল্লাহ! আমার জন্য এমন একটি ব্যবস্থা করে দিন যাতে নিজের হাতের পরিশ্রমে নিজের ভরণ-পোষণ সহজ হয়ে যায়। বায়তুল মাল থেকে যেন কিছু গ্রহণ করতে না হয়। তাই আল্লাহ তায়ালা তাঁর জন্য লোহার ন্যায় শক্ত ধাতুকেও নরম করে দিয়েছিলেন। আল্লাহ তায়ালা বলেন-

وَلَقَدْ نَزَّلْنَا سُلَيْمَانَ الْوَجْهَانَ ۚ وَاللَّيْلِ لَمَّا يَنْزَلُ ۗ وَالنَّجْمِ إِذَا هَوَىٰ ۚ

سبأ: ১০ - ১১

অর্থ: আমি তার জন্য লৌহকে নরম করেছিলাম। এবং তাকে বলেছিলাম, প্রশস্ত বর্ম তৈরী কর, কড়া সমূহ যথাযতভাবে সংযুক্ত কর এবং সৎকর্ম সম্পাদন কর। তোমরা যা কিছু কর, আমি তা দেখি। (সূরা সাবা, পারা:২২, আয়াত নং ১০ ও ১১)

হযরত দাউদ ∑ জালুত কে হত্যা করা

জালুত একজন বড় জালাম বাদশা ছিল। সে এত বিশাল দেহের অধিকারী ছিল যে, তার ছায়া এক মাইল পরিমান লম্বা ছিল। তালুতের সাথে মুসলমান মুজাহিদগণের মাঝে হযরত দাউদ (আ.) ও ছিলেন। মুসলমানগণ উরদুন নদী পার হয়ে জালুতের মোকাবেলার সম্মুখিন হন তখন দাউদ (আ.) ছোট ও অসুস্থ ছিলেন। জালুতের শক্তি-সামর্থ দেখে ভীত-সম্বস্ত হয়ে পড়ল। কেউ তার মোকাবেলায় যেতে সাহস পাচ্ছিলনা। তখন তালুত ঘোষণা করল যে, যে ব্যক্তি জালুতকে হত্যা করতে পারবে তাকে আমার কন্যাকে বিয়ে দেবো এবং রাজ্যের অর্ধেক দিয়ে দেবো। এতদ্বসত্ত্বেও কেউ সম্মতি হলনা, সবাই নিরব রইল। তালুত হযরত শামুঈল (আ.) কে বললেন, আপনি আল্লাহর দরবারে দোয়া করুন যাতে তিনি কোন বিহিত করে দেন। তখন অহীর মাধ্যমে তাঁকে জানিয়ে দেয়া হল যে, দাউদ (আ.) ই জালুতকে হত্যা করবেন।

অতঃপর তালুত দাউদ (আ.) কে তার প্রতিশ্রুতির কথা ব্যক্ত করে জালুতকে হত্যার আবেদন করলে তিনি সম্মতি প্রকাশ করেন এবং যুদ্ধের পোষাক ও অস্ত্র নিয়ে কিছুদূর গিয়ে ভাবলেন যে, যদি আল্লাহর সাহায্য হয় তবে অস্ত্র ছাড়াও কাজ হয়ে যাবে। তাই তিনি যুদ্ধাস্ত্র ফেরৎ দিতে পিছন দিকে যেতে লাগলেন আর জালুত মনে করেছিল তার ভয়ে তিনি চলে যাচ্ছেন। তিনি যাবতীয় যুদ্ধ সরঞ্জাম ফেরৎ দিয়ে শুধুমাত্র একটি কান্টা হাতে নিয়ে রাস্তা থেকে তিনটি পাথর কুড়িয়ে নিলেন। তিনি কান্টা দিয়ে শিকার করতে পারদর্শী ছিলেন, এটি দিয়ে তিনি বড় বড় বাঘ-সিংহ পর্যন্ত শিকার করতেন।

তাঁর হাতে ক্ষুদ্র পাথর দেখে জালুত বলল, তুমি আমার মোকাবেলায় এমন ক্ষুদ্র পাথর নিয়ে আসতেছ যেন কুকুর মারতে এসেছ। তিনি বললেন, তুমি তো কুকুর থেকেও নিকৃষ্ট ও ইতর। অচিরেই তোমার মাংস কাক-চিলে খাবে। তাঁর কথা শুনে জালুত ভীত হল আর বলল, হে অল্পবয়স্ক শিশু! তোমার প্রতি আমার করুণা হচ্ছে তুমি বরং চলে যাও। দাউদ (আ.) তিনটি পাথর কান্টায় রেখে ঘুরিয়ে নিষ্ক্ষেপ করলে তা গিয়ে জালুতের কপালে পড়ল। এই পাথরগুলি তার মাথা ছিদ্র করে পিছন দিয়ে বের হয়ে পিছনে অবস্থানরত আরো ত্রিশজন কে মৃত্যু শয্যা শায়িত করল। দাউদ (আ.) জালুতকে কুকুরের ন্যায় টেনে এনে তালুতের সামনে রেখে দেন।^{৩৯০}

হযরত শামুঈল ∑

বরকত মণ্ডিত সিঙ্কুক ফেরৎ

বনী ইসরাঈলের অপরাধ ও অবাধ্যতা চরম সীমায় পৌঁছেল আল্লাহ তায়ালা তাদের থেকে রাজত্বও কেড়ে নেন এবং নবীর আগমণ ও বন্ধ করে দেন। ফেরাউনের ন্যায় জালুত নামক এক জালাম বাদশা নিয়োগ করে দেন। তার জুলুম অত্যাচার থেকে মুক্তি দানের জন্যে আল্লাহ শামুঈল (আ.)কে নবী হিসেবে প্রেরণ করেন। জালুতের বিরুদ্ধে যুদ্ধ পরিচালনার জন্য একজন শক্তিশালী ন্যায়পরায়ন বাদশার প্রয়োজন। বনী ইসরাঈলের আবেদনে তিনি আল্লাহর দরবারে একজন বাদশা নিয়োগের প্রার্থনা করেন। তাঁর দোয়া

^{৩৯০}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড:২য়, পারা:২য়, পৃ:৬৪০

কবুল করে আল্লাহ যার দৈর্ঘ্য এই লাঠির সমান হবে সেই হবে তাদের বাদশা। আর বায়তুল মোকাদ্দাস থেকে এক শিশির তেল ভরে নাও এবং শিশির মুখ বন্ধ করে ঘরে রেখে দাও। যে ব্যক্তির প্রবেশে তৈল উপচে উঠবে এবং অমনি মুখ খুলে যাবে সেই হবে বাদশা।

অতঃপর অনেক তালাশের পরও কাঙ্ক্ষিত ব্যক্তিকে পাওয়া গেলনা। ঘটনাক্রমে তালুতের পিতার গাধা হারিয়ে গেলে পিতা তালুত ও একজন গোলামকে গাধা খুঁজতে পাঠান। পথে শামুঈল (আ.)'র বাসস্থান দেখে গোলাম তালুতকে বলল, আসুন, এই নবীর কাছে জিজ্ঞেস করি- আমাদের গাধা কোথায়? কারণ নবী গণের কাছে কোন কিছু গোপন থাকেনা। উভয় ঘরে প্রবেশ করে গাধার ব্যাপারে কথা আরম্ভ করলেন কিন্তু হঠাৎ শিশিরের মুখ খুলে পড়ে গেল আর তেল উপচে পড়তে লাগল। শামুঈল (আ.) লাঠি দিয়ে তাদেরকে মেপে দেখেন যে, তালুতের সাথে লাঠি বরাবর হল। তখন শামুঈল (আ.) বললেন, আমি তোমাকে বনী ইসরাঈলের বাদশা নিয়োগ করলাম। এখন সৈন্য তৈরী করে জালুতের সাথে যুদ্ধের প্রস্তুতি নাও। কিন্তু বনী ইসরাঈল বিভিন্ন অভ্যুহাতে তালুতকে বাদশা হিসেবে মেনে নিতে অস্বীকার করল। বাদশা হিসেবে তালুতের নির্বাচন যে, আল্লাহর পক্ষ থেকে হয়েছে তার প্রমাণস্বরূপ শামুঈল (আ.) বললেন, তোমাদের হারিয়ে যাওয়া সেই বরকত মন্ডিত সিন্ধুক তোমরা পুনরায় ফিরে পাবে।

সিন্ধুকটি ছিল শামশাদ কাঠের তৈরী যার উপর স্বর্ণের চার চড়ানো ছিল। যেটির দৈর্ঘ্য ছিল তিন হাত, প্রস্থ দু'হাত। এটিকে আল্লাহ তায়ালা আদম (আ.)'র উপর অবতীর্ণ করেছিলেন। এতে আশিয়ায়ে কেরাম ও তাঁদের বাড়ী-ঘরের ছবি অংকিত ছিল। সর্বশেষ নবীর বাসভবন ও তাঁর নামাযে দভায়মানের ছবি লাল বর্ণের ইয়াকুত পাথরে খুধাই করা ছিল। তাঁর চতুর্দিকে সাহাবায়ে কেরামের ছবিও ছিল। এই সিন্ধুক পৈত্রিক সূত্রে হযরত মুসা (আ.) পর্যন্ত পৌঁছেছিল। তিনি তাতে তাওরাত শরীফও রাখতেন এবং নিজের কিছু বিশেষ মাল-পত্রও রাখতেন। তাওরাত অবতীর্ণ কাঠের কয়েকটি টুকরা, তাঁর লাঠি মোবারক, তাঁর কাপড়, জুতা ও হারুন (আ.)'র পাগড়ি, লাঠি এবং আসমান থেকে অবতীর্ণ সামান্য 'মান্না'ও ছিল। মুসা (আ.) যুদ্ধের সময় এই সিন্ধুক কে সম্মুখে রাখতেন এবং এর বরকতে বিজয় লাভ করতেন। এভাবে এটি বনী ইসরাঈলের নিকট সংরক্ষিত ছিল। তারাও কোন বিপদাপদে পতিত হলে এই সিন্ধুক কে সামনে রেখে দোয়া করলে বিপদ মুক্ত হত।

তাদের অন্যান্য-অত্যাচার বৃদ্ধি পেলে আমালেকা সম্প্রদায়কে তাদের উপর চাপিয়ে দেয়া হল। তারা বনী ইসরাঈল থেকে সিন্ধুকটি চিনিয়ে নিয়ে নাপাক স্থানে রেখে এর বেহুন্নমতি করল। এর ফলে আমালেকা সম্প্রদায়ের উপর বিভিন্ন প্রকারের বালা-মুছিবত, রোগ-ব্যাদি এসে তাদের পাঁচটি এলাকা ধ্বংস হয়ে গিয়েছিল। তারা বুঝতে পারল যে, এই সিন্ধুকের বেহুন্নমতির কারণে তাদের এ করণ অবস্থা। তাই তারা একটি গরুর গাড়িতে সিন্ধুকটি রেখে দু'টি গরুর কাঁধে জুড়ে দিয়ে ছেড়ে দিল। এদিকে তারা এ কাজ করল ওদিকে শামুঈল (আ.) বনী ইসরাঈলকে বললেন, তালুতের কাছে বাদশাহীর নিদর্শন স্বরূপ সিন্ধুক আসতেছে। ফেরেস্তারা বলদ দু'টি কে হাঁকিয়ে তালুতের নিকট নিয়ে আসেন। বনী

ইসরাঈল সিঙ্কু পেয়ে অত্যন্ত খুশী হল এবং যুদ্ধে জয় লাভের ব্যাপারে নিশ্চিত হল।
অতঃপর সবাই তালুতের বাদশাহী মেনে নিয়ে তার হাতে বাইয়াত গ্রহণ করল।^{৩৯১}

হযরত সুলাইমান Σ'র মু'জিয়া

পশু-পাখির আনুগত্য

হযরত সুলাইমান (আ.) একজন প্রসিদ্ধ নবী ছিলেন। তাঁর নবুয়তের স্বপক্ষে আল্লাহ তায়ালা তাঁকে অনেক মু'জিয়া দান করেছেন। তন্মধ্যে অন্যতম হল- এক। তিনি পশু-পাখির কথা ও ভাষা বুঝতেন। পবিত্র কুরআনে আল্লাহ তায়ালা এরশাদ করেন-

﴿ ذَاتَ قُوَّةٍ ۖ يَسْمَعُ الْكَلِمَٰتَ الَّتِي بَيْنَ يَدَيْهِمْ ۗ وَهُوَ يُخَبِّرُ بَيْنَ يَدَيْهِمْ ۗ وَهُوَ يُسْمِعُ ۚ وَهُوَ الْغَفُورُ ۝١٦﴾
﴿ النمل: ١٦ ﴾

হযরত সুলাইমান (আ.) হযরত দাউদ (আ.)'র উত্তরাধিকারী হয়েছিলেন। বলেছিলেন, হে লোক সকল! আমাকে উড়ন্ত পক্ষীকুলের ভাষা শিক্ষা দেয়া হয়েছে এবং আমাকে সব কিছু দেয়া হয়েছে। নিশ্চয় এটা সুস্পষ্ট শ্রেষ্ঠত্ব। (সূরা নমল, আয়াত নং ১৬)

পবিত্র কুরআনে বিশেষভাবে হুদ হুদ পাখির ও পিপীলিকার কথা বলা হলেও তাঁকে যবাতীয় পশু-পাখি ও কীট পতঙ্গের বুলি ও শেখানো হয়েছিল। কুরআনে করিমের সূরা নমলের ১৭ থেকে ২৩ নম্বর আয়াত সমূহে পিপীলিকা ও হুদ হুদ পাখির কথা উল্লেখ আছে।

বায়ুমণ্ডলীর আনুগত্য

আল্লাহ তায়ালা হযরত সুলাইমান (আ.)'র জন্য প্রবল বায়ুকে অধীনস্থ করে দিয়েছিলেন। তিনি বাতাস কে আদেশ করলে বাতাস তা পালন করত এবং সেখানে নিয়ে যেতে তিনি আদেশ করতেন মুহূর্তে তাঁকে তার বিশালাকার সিংহাসন সহ নিয়ে যেতো। এ ব্যাপারে আল্লাহ তায়ালা বলেন-

﴿ وَالرِّيحُ بِأَمْرِهِ تَتَّبِعُهُ ۚ وَالسَّيِّدَاتُ يَسْعَيْنَ فِي أَمْرِهِ ۗ إِنَّ إِلَٰهَ لَدِينِهِ لَأَعْلَمُ السِّرَّ ۗ﴾
﴿ الأنبیاء: ١٧ ﴾

১৭

অর্থ: আমি সুলাইমানের অধীন করে দিয়েছিলাম প্রবল বায়ুকে তা তাঁর আদেশে প্রবাহিত হত এ দেশের দিকে। যেখানে আমি কল্যাণ দান করেছি। আমি সব বিষয়েই সম্যক অবগত রয়েছি। (সূরা আন্বিয়া, আয়াত নং ১৭)

অপর আয়াতে বলা হয়েছে-

﴿ وَتَبِعَتْهُ رِيحٌ عاصِفٌ ۚ وَجَاءَهُ السَّيِّدَاتُ يَسْعَيْنَ فِي أَمْرِهِ ۗ﴾
﴿ سبأ: ١٢ ﴾

আর আমি সুলাইমানের অধীন করেছিলাম বায়ুকে, যা সকালে একমাসের পথ এবং বিকালে একমাসের পথ অতিক্রম করত। (সূরা সাবা, আয়াত নং ১২)

এক আয়াতে বলা হয়েছে-

﴿ وَجَاءَهُ السَّيِّدَاتُ يَسْعَيْنَ فِي أَمْرِهِ ۗ﴾
﴿ ص: ٣٦ ﴾

^{৩৯১}. হাকীমুল উম্মত মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড:২য়, পারা:২য়, পৃ:৬২৩

হযরত আইয়ুব Σ 'র মু'জিয়া

বিপদে ধৈর্য ধারণ:

আল্লাহ তায়ালা আশ্বিনায়ে কেরামকে বিভিন্নভাবে পরীক্ষা করেন। হযরত আইয়ুব (আ.)'র পরীক্ষার ঘটনা অত্যন্ত কষ্টদায়ক ছিল। এই পরীক্ষায় তিনি অসীম ধৈর্যের পরিচয় দিয়েছিলেন বলেই পৃথিবীতে তিনি ধৈর্য ধারণকারী হিসেবে উপমা হয়ে আছেন। আল্লাহ তায়ালা ও তাঁর সম্পর্কে বলেছেন, $\text{ثُمَّ أَنزَلْنَا إِلَيْكَ آيَاتِنَا فَكَرِهْتَ آلَٰتِنَا فَتَوَلَّيْنَاكَ وَأَنزَلْنَا السَّمَاءَ مَطَرًا مُّطَهَّرًا$ (সূরা ছোয়াদ, পারা: ২৩, আয়াত নং ৪৪)

আল্লাহ তায়ালা হযরত আইয়ুব (আ.) কে প্রথম দিকে অগাধ ধন-সম্পদ, সহায়-সম্পত্তি, সুরম্য দালান-কোঠা, সম্ভান-সম্মতি ও চাকর-নওকর সহ সবধরণের নেয়ামত দান করেছিলেন। অতঃপর আল্লাহ তায়ালা তাঁকে পরীক্ষায় লিপ্ত করেন। ফলে তাঁর সব সম্ভান-সম্মতি, জীবজন্তু ও ক্ষেত-খামার ধ্বংস হয়ে গেল। এসবের ধ্বংসের সংবাদ তাঁর কাছে পৌঁছলে তিনি আল্লাহর প্রশংসা করতেন। এরপর তাঁর শরীরে কুষ্ঠের ন্যায় এক প্রকার দুরারোগ্য ব্যাধি হল। জিহ্বা ও অন্তর ব্যতীত সমস্ত শরীর এই রোগে পচে দুর্গন্ধযুক্ত হয়ে গেল।

এই ব্যাধির কারণে সব প্রিয়জন, বন্ধু-বান্ধব ও প্রতিবেশী তাঁকে লোকালয়ের বাইরে একটি আবর্জনাময় স্থানে ফেলে রেখে আসে। তাঁর স্ত্রী লাইয়্যা বিনতে মেশ ইবনে ইউসুফ ছাড়া কেউ তাঁর ধারে-কাছেও যেতনা। এ অবস্থায় তিনি দীর্ঘ সাত বছরের অধিক কাল যাপন করেন। এ দীর্ঘ সময় রোগে প্রচণ্ড কষ্টবোধ করার পরও কোন সময় অধৈর্য অস্থিরতা ও অভিযোগ সূলভ বাক্য মুখে উচ্চারণ করেননি। সতী সাধ্বী স্ত্রী লাইয়্যা একবার আরজ করেছিলেন, আপনি আল্লাহর কাছে দোয়া করুন যেন তিনি আপনার রোগ মুক্ত করে কষ্ট থেকে মুক্তি দেন। উত্তরে তিনি বলেছিলেন, আমি সত্তর বছর সুস্থ ও নিরোগ অবস্থায় আল্লাহর অসংখ্য নেয়ামত ও দৌলতের মধ্যে কালযাপন করেছি। এর বিপরীতে বিপদের মাত্র সাত বছর অতিবাহিত করা কঠিন হবে কেন? দুঃখ-কষ্ট লাঘবের জন্য আল্লাহর কাছে দোয়া বৈধ হওয়া সত্ত্বেও সবরের খেলাফ হওয়ার ভয়ে তিনি দোয়া করা থেকে বিরত ছিলেন। অথচ আল্লাহর কাছে দোয়া করা মোটেও সবরের খেলাফ নয়।

অবশেষে আল্লাহর ইঙ্গিতে তিনি রোগ মুক্তির জন্য আল্লাহর দরবারে দোয়া করলেন। ফলে আল্লাহ তায়ালা তাঁর দোয়া কবুল করে রোগ মুক্তির ব্যবস্থা করে দেন।

আইয়ুব (আ.) কে বলা হল- পায়ের গোড়ালি দ্বারা মাটিতে আঘাত করুন। মাটিতে পরিষ্কার পানির বর্ণা দেখা দেবে আর তা দিয়ে গোসল করুন। তিনি মাটিতে পায়ের গোড়ালি দিয়ে আঘাত করা মাত্র পানির বর্ণা প্রবাহিত হল। সেই পানি দিয়ে তিনি গোসল করলে শরীরের যাবতীয় জাহেরী রোগ থেকে মুহূর্তে মুক্তি লাভ করলেন। অতঃপর চল্লিশ কদম যাওয়ার পর দ্বিতীয় বার মাটিতে আঘাত করতে বলা হলে তিনি দ্বিতীয় বার আঘাত করা মাত্র মাটি থেকে স্বচ্ছ ও ঠান্ডা পানির বর্ণা প্রবাহিত হল এবং আল্লাহর নির্দেশে পান

হযরত ইউনুস (আ.) কে আটাইশ বছর বয়সে আল্লাহ তায়ালা নবুয়ত দান করেন। (কাসাসুল কুরআন) তাকে মুসেলের একটি জনপদ নায়নুয়া'র অধিবাসীদের হেদায়েতের জন্যে প্রেরণ করা হয়েছিল। তিনি তাদেরকে দীর্ঘ দিন যাবৎ ঈমান ও সৎকর্মের দাওয়াত দেন। কিন্তু তারা অবাধ্যতা প্রদর্শন করে এবং তাকে মিথ্যা প্রতিপন্ন করেছে। ফলে তিনি খোদার ইঙ্গিতে তাদেরকে আযাবের সংবাদ প্রদান করেন। তারা পরস্পর বলতে লাগল যে, তিনি কখনো মিথ্যা বলেনি। যদি তিনি রাত্রে এখানে অবস্থান করেন তবে ভয়ের কোন অশংকা নেই। আর যদি তিনি রাত্রে এখানে অবস্থান না করেন তবে নিশ্চিত যে আযাব আসবে। তিনি রাতেই সেখান থেকে চলে গেলেন। সকালে আযাবের চিহ্ন দেখা গেল এবং তাকেও না পেয়ে তারা নিশ্চিত হল যে, আযাবে এলাহী অবতীর্ণ হবে। তাই তারা অনতিবিলম্বে শিরক ও কুফর পরিত্যাগ করে খাঁটি অন্তরে তাওবা করল এবং জনপদের সকল আবাল-বৃদ্ধ-বণিতা জঙ্গলের দিকে চলে গেল। তারা চতুষ্পদ জন্তু ও বাচ্চাদেরকে সাথে নিয়ে যায় আর বাচ্চাদেরকে মা থেকে পৃথক করে রাখে। এতে তাদের কান্না-কাটির শোরগোল বৃদ্ধি পেতে থাকে। তাদের খাঁটি তাওবা ও কাকুতি-মিনতি আল্লাহ তায়ালা কবুল করেন এবং তাদের উপর আগত আযাব দূরীভূত করে দেন। এদিকে হযরত ইউনুস (আ.) মনে করেছিলেন যে, আযাবের কারণে তাঁর সম্প্রদায় মনে হয় এতক্ষণ ধ্বংস হয়ে গেছে। কিন্তু যখন জানতে পারলেন যে, আদৌ আযাব আসেনি তখন তিনি জনপদে ফিরে যাওয়া সমুচিত মনে করেন নি। কারণ তাঁর প্রতিশ্রুতি বাস্তবায়ন না হওয়ার কারণে সম্প্রদায়ের লোকেরা তাঁকে মিথ্যাবাদী সাব্যস্ত করবে। আর সেখানে কেউ মিথ্যাবাদী প্রমাণিত হলে মৃত্যুদণ্ড দেওয়ার প্রথা ছিল। তাই তিনি ভিন দেশে হিজরত করার মনস্থ করলেন।

অতঃপর তিনি হিজরতের উদ্দেশ্যে রওয়ানা দিলে পথিমধ্যে একটি নদী পড়লে একটি বোঝাই নৌকায় আরোহণ করেন। নৌকা নদীর মাঝপথে আটকে গিয়ে ডুবে যাওয়ার উপক্রম হল। মাঝিরা বলল যে, আরোহীদের একজনকে নদীতে ফেলে দিলে বিপদ মুক্ত হওয়া যাবে। এখন কাকে নদীতে নিক্ষেপ করা হবে এ ব্যাপারে লটারী করা হলে একে একে তিনবার হযরত ইউনুস (আ.)'র নাম আসল। তখন তিনি দাড়িয়ে নদীতে ঝাপিয়ে পড়লেন। এদিকে সাগরের এক বড় মাছকে আদেশ দিলেন যেন তাঁকে উদরে হেফাজত করে। আল্লাহ মাছকে আরো আদেশ দেন যে, যেন তাঁর অস্তি-মাংসের কোন ক্ষতি না হয়, সে তার খাদ্য নয়, বরং তার উদর কয়েকদিনের জন্যে তাঁর কয়েদখানা।

তিনি মতান্তরে এক, তিন, সাত, বিশ ও চল্লিশ দিন মাছের পেটে অবস্থান করেছিলেন। মাছের পেটে তিনি নিজেকে জীবিত ও অক্ষত পেয়ে আল্লাহর অনুমতি ব্যতিরেকে আল্লাহর পক্ষ থেকে ওহী আসার পূর্বেই হিজরতের সিদ্ধান্ত নেওয়ার কারণে লজ্জিত হন এবং ক্ষমার উদ্দেশ্যে এই দোয়া পাঠ করেন- *اننى كنت من الظالمين* আপনি ব্যতিত কোন উপাস্য নেই, আপনি নির্দোষ, আমি গোনাহগার।

আল্লাহ তায়ালা তাঁর দোয়া কবুল করলেন এবং মাছকে আদেশ করলেন তোমার পেটে আমার যে আমানত রয়েছে তুমি তা বের করে দাও। নদীর তীরে গিয়ে মাছ তাঁকে উদর থেকে বের করে দিল। হযরত ইবনে মাসউদ (রা.) বলেন, মাছের পেটে থাকার কারণে তাঁর

আমি তাঁর উপর লতা বিশিষ্ট এক বৃক্ষ উদগত করলাম এবং তাঁকে এক লক্ষ বা ততোধিক লোকের প্রতি প্রেরণ করলাম। (সূরা আস সাকফাত, পারা:২৩, আয়াত নং ১৪৭)

হযরত উযাইর Σ 'র মু'জিবা

বায়তুল মোকাদ্দাস শহরকে 'বখতে নসর' নামক এক জালিম বাদশা ধ্বংস করে দিয়েছিল এবং বনী ইস্রাঈলের অসংখ্য লোককে হত্যা করেছিল। অতঃপর হযরত উযাইর (আ.) সেখান দিয়ে যাচ্ছিলেন। তাঁর সাথে একপাত্র খেজুর ও এক পেয়ালা আঙ্গুরের রস ছিল আর তিনি একটি গাধার উপর সওয়ার ছিলেন। পুরো বস্ত্রি এলাকা ঘুরে দেখেন কোথাও কোন লোক দৃষ্টিগোচর হয়নি বরং বস্ত্রির দালান-কোটা ধ্বংসস্তূপ দেখে অবাধ হয়ে বললেন- *انى يحى هذه الله يعد موتها* মৃত্যুর পর পুনরায় আল্লাহ কিভাবে এদের জীবিত করবেন? তারপর তিনি তারা গাধাকে বেঁধে বিশ্রাম নিলেন। এমতাবস্থায় আল্লাহ তায়ালা তাঁর রুহ তুলে নেন এবং গাধাও মরে গেল। এটি সকাল বেলায় সংঘটিত হয়েছিল।

এই ঘটনার সত্তর বছর পরে আল্লাহ তায়ালা পারস্যের এক বাদশাকে এই এলাকা আবাদের জন্য নির্বাচিত করেন। তিনি বায়তুল মোকাদ্দাসকে পূর্বের চেয়েও অধিক উত্তমভাবে আবাদ করেন। আল্লাহ তায়ালা দীর্ঘ একশ বছর পর্যন্ত হযরত উযাইর (আ.) মৃত অবস্থায় অক্ষত রেখেছেন। কেউ তাঁকে দেখতে পায়নি। একশ বছর অতিক্রম হওয়ার পর আল্লাহ তায়ালা তাঁকে পূর্ণজীবিত করেন। প্রথমে চোখে প্রাণ সঞ্চারণ হল। এখনো শরীরের অন্যান্য অংশ মৃত ছিল। তিনি তাঁর অঙ্গ-প্রত্যঙ্গে প্রাণ সঞ্চারণিত হওয়া নিজের চোখে অবলোকন করেছেন। তিনি সন্ধ্যায় সূর্য অস্তের সময় পুণর্জীবন ফেরৎ পান।

আল্লাহ তায়ালা তাঁকে জিজ্ঞেস করেন, তুমি এখানে কতদিন ছিলে? তিনি অনুমানের উপর ভিত্তি করে বললেন, একদিন বা এর চেয়েও কম সময়। তিনি মনে করেছিলেন যে দিন সকালে তিনি বিশ্রাম নিয়েছিলেন সেদিন সন্ধ্যায় জাগ্রত হয়েছিলেন। আল্লাহ বললেন, বরং তুমি একশ দিন এখানে অবস্থান করেছিলে। তোমার খাবার তথা খেজুর ও আঙ্গুরের রসের দিকে দেখ যা আদৌ পচে যায়নি বরং তাজা রয়েছে। আর নিজের গাধার দিকে তাকাও যেটি মরে গলে পচে অঙ্গ-প্রত্যঙ্গগুলো মাটিতে মিশে গিয়েছে আর হাড়গুলো শুকিয়ে সাদা হয়ে গিয়েছে। তাঁর চোখের সামনেই গলে-পচে যাওয়া অঙ্গ-প্রত্যঙ্গ সমূহ পূণরায় নিজ নিজ স্থানে গিয়ে জুড়ে গেল। হাড়ের উপর মাংস আর মাংসের উপর চামড়া বেঁধে গেল। তারপর প্রাণ সঞ্চারণিত হয়ে দাঁড়িয়ে শব্দ করতে লাগল। নিজের চোখের সামনে খোদার কুদরত অবলোকন করেন এবং বললেন, আল্লাহ প্রত্যেক বস্তুর উপর ক্ষমতাশীল। তারপর তাঁর গাধায় আরোহণ করে মহল্লায় চলে গেলেন। তাঁর মাথায় চুল ও দাড়ী সাদা ছিল কিন্তু বয়স ছিল চল্লিশ বছর।

মহল্লায় তাঁকে কেউ চিনতে পারেনি। তিনি অনুমান করে স্বীয় ঘরে শৌঁছলে সেখানে একজন অতিশয় বৃদ্ধার সাক্ষাত হল যার পা দ্বয় অবশ ও চোখ দু'টি অন্ধ ছিল। সেই বৃদ্ধা তাঁর ঘরে দাসী ছিল তাঁকে দেখেছিল। তিনি তার কাছে জিজ্ঞেস করলেন, এটিকি উযাইরের ঘর? সে বলল, হ্যাঁ, এটি উযাইরের ঘর, কিন্তু তিনি হারিয়ে গিয়েছেন একশ বছর। এই বলে

হযরত দানিয়াল (আ.) একজন নবী ছিলেন। তিনি জালিম বাদশা বখত নসর'র যুগে জন্মলাভ করেন। হযরত ইবনে আবিদ দুনিয়া (র.) বর্ণনা করেন, জালিম বাদশা বখত নসর দু'টি বাঘকে উত্তেজিত করে একটি কূপে ছেড়ে দিল তারপর হযরত দানিয়াল (আ.)কে ঐ কূপে নিক্ষেপ করতে আদেশ দেয়। আল্লাহর হুকুমে তিনি সেখানে দীর্ঘ সময় পর্যন্ত নিরাপদ অবস্থান করেছিলেন। মানবীয় প্রয়োজনে তাঁর ক্ষুধা অনুভব হলে আল্লাহ তায়ালা হযরত আরমিয়া (আ.) কে সিরিয়ায় ওহী মারফত জানিয়ে দিলেন যে, তুমি ইরাকে দানিয়াল (আ.)'র জন্য খাবারের ব্যবস্থা কর।

এই ঘটনা অন্য এক সনদে এরূপ বর্ণিত আছে যে, হযরত দানিয়াল (আ.) যে বাদশার সময়কালে জন্মগ্রহণ করেছিলেন সে বাদশার দরবারে একদা গণকগণ উপস্থিত হয়ে সংবাদ দিল যে, অমুক রাতে এমন সন্তান জন্মগ্রহণ করবে যে আপনার ক্ষমতা চূর্ণ-বিচূর্ণ করে ফেলবে। এ কথা শুনে বাদশা আদেশ দিল যে, ঐ রাতে যে সন্তান জন্মিষ্ট হবে তাকে যেন হত্যা করা হয়।

অতঃপর হযরত দানিয়াল (আ.) জন্মগ্রহণ করলে তাঁর মা তাঁকে বাঘে বসবাসকারী এক জঙ্গলে রেখে আসেন। ইত্যবসরে একটি বাঘ ও একটি বাঘিনী এসে তাদের জিহ্বা দিয়ে তাঁকে লেহন করতেছে। এভাবে আল্লাহ তায়ালা তাঁকে জালিম বাদশার অত্যাচার থেকে রক্ষা করেন।^{৩৯৮}

হযরত যাকারিয়া Σ 'র মু'জিয়া

দোয়া কবুল হওয়া/ বৃদ্ধ বয়সে সন্তান লাভ

হযরত যাকারিয়া (আ.)'র বয়স একশ' বিশ বছর আর তাঁর স্ত্রীর বয়স হয়েছিল আটান্নব্বই বছর। কিন্তু তাঁরা ছিলেন নিঃসন্তান। হযরত যাকারিয়া (আ.) হযরত মরয়ম (আ.)'র লালন-পালনের দায়িত্ব গ্রহণের পর তিনি প্রায় তাঁকে দেখতে যেতেন। একদা তিনি হযরত মরয়মের সামনে বে-মওসুমী ফল দেখে জিজ্ঞেস করে জানতে পারলেন যে, এগুলো মহান আল্লাহ'র পক্ষ হতে এসেছে। আল্লাহ'র পক্ষ হতে বে মওসুমী ফল আসা, বায়তুল মোকাদ্দসের খেদমতের জন্যে পুরুষের স্থলে নারী গ্রহণ করা, হযরত মরয়ম (আ.) কে শিশুকালে বাক শক্তি দান, ধারণার বাইরে রিযিক দান ইত্যাদি দেখে হযরত যাকারিয়া (আ.)'র অন্তরে আল্লাহর কুদরতের উপর ভরসা আসল যে, নিশ্চয় তিনি আমার ন্যায় বৃদ্ধ ও আমার বক্ষ্যার স্ত্রীকে ও সন্তান দিতে সক্ষম। তখন তিনি সেখানেই দাঁড়িয়ে যেখানে মরয়ম (আ.)'র সাথে কথা বলেছিলেন- আল্লাহ'র দরবারে প্রার্থনা করেন। মহররম মাসের সাতাশ তারিখে তিনি দোয়া করেছিলেন। তিনি এভাবে দোয়া করলেন যে, হে আল্লাহ! এই বৃদ্ধ বয়সে আমাকে আপনার পক্ষ থেকে পুত-পবিত্র একজন পুত্র সন্তান দান করুন। আপনি ইতিপূর্বে হান্নার দোয়াও কবুল করেছিলেন। আমার দোয়াও কবুল করুন। নিশ্চয়ই আপনি দোয়া কবুল করী।

^{৩৯৮}. আল্লামা কামাল উদ্দিন দুমাইরী (র.) (৮০৮হি.), হায়াতুল হাইওয়ান, উর্দু, ইউপি, ইন্ডিয়া, খণ্ড:১ম পৃ:৬৬

কষ্ট পাচ্ছেন কিন্তু বাচ্চা জন্ম হচ্ছেনা। এরা তাদের মূর্তিদের নিকট প্রার্থনা করতে একত্রিত হয়েছে। তিনি তাদেরকে বললেন, বাদশার স্ত্রীর পেটে আমার হাত রাখলেই তাৎক্ষণিক বাচ্চা জন্মলাভ করবে। তারা তাঁর কথা শুনে তাঁকে বাদশার নিকট নিয়ে গেল। তিনি বাদশাকে বললেন, আমি এটাও বলতে পারি যে, পেটে ছেলে নাকি মেয়ে। আমি যদি এসব বলে দেই তবে কি আপনি ঈমান আনবেন? বাদাশা হ্যাঁ বাচক উত্তর দিলে ঈসা (আ.) বললেন, তার গর্ভে পুত্র সন্তান, তার গালে কাল তিল আর পেটে সাদা তিল আছে। এরপর তিনি গর্ভের সন্তানকে সম্মোহন করে বলেন, হে বাচ্চা! আমি তোমাকে সেই সন্তার শপথ দিচ্ছি যিনি সব মাখলুকের সৃষ্টিকর্তা, তুমি দ্রুত পেট থেকে বেরিয়ে এসো। সাথে সাথে বাচ্চা জন্মগ্রহণ করল এবং তার অহীম সংবাদ সত্য প্রমাণিত হল। এরপর প্রতিশ্রুতি অনুযায়ী বাদশা ঈমান আনতে চাইলে সম্প্রদায়ের লোকেরা বলল, এটা তাঁর যাদুকরী কাজ-এই বলে তাকে ঈমান আনা থেকে বিরত রাখল।^{৪০২}

হযরত ঈসা Σ 'র মু'জিয়া

হযরত ঈসা (আ.) যখন তাঁর নবুয়তের প্রমাণ স্বরূপ মাটি দিয়ে পাখি সৃষ্টি করা, জন্মান্ত, কুষ্ঠ ও শেত রোগীকে ভাল ও সুস্থ করতে পারি, তোমাদের ঘরে কি খাও আর কি জমা করে রাখ তাও বলতে পারি, এমনকি মৃতকে জীবিতও করতে পারি আল্লাহর হুকুমে- ইত্যাদি মু'জিয়ার দাবী করলেন তখন তারা বলল, তাহলে আপনি একটি বাদুর সৃষ্টি করে দেখান। বাদুর সৃষ্টি করতে বলার কারণ হল এর এমন কতিপয় বৈশিষ্ট্য আছে যা অন্য পক্ষীকুলের মধ্যে নেই। যেমন- ১. এর মধ্যে হাড়ি নেই শুধু মাংস ও রক্ত আছে, ২. এর পালক নেই বরং মাংস দিয়ে উড়ে, ৩. এটি ডিম দেয়না বরং বাচ্চা প্রসব করে অথচ সাধারণ পাখি ডিম দিয়ে বাচ্চা ফুটায়, ৪. এর বুকের দুধের স্তন রয়েছে যা দিয়ে বাচ্চাকে দুধ পান করায়, ৫. এর ঠোঁট নেই বরং মুখ আছে, ৬. এদের মুখে দাঁতও রয়েছে যা দিয়ে চিবিয়ে খায় আর হাসে, ৭. এদের ঋতুস্রাবও হয়, ৮. এরা দিনের আলোতে দেখেনা, ৯. রাতের অন্ধকারেও দেখেনা বরং শুধুমাত্র সূর্যোদয়ের এক ঘন্টা পূর্বে ও

সূর্যাস্তের পর এক ঘন্টা পর্যন্ত দেখতে পায়।

অতঃপর তিনি বনী ইস্রাঈলদের চোখের সামনে মাটি দ্বারা পাখির আকৃতি তৈরী করে তাতে ফুক দিলে আল্লাহর হুকুমে তা পাখি উড়ে যায়।^{৪০৩}

মৃতকে জীবিত করা

হযরত ইবনে আব্বাস (রা.) থেকে বর্ণিত, তিনি বলেন, হযরত ঈসা (আ.) চারজন মৃতকে জীবিত করেছিলেন। ১. আযর, যিনি তাঁর বন্ধু ছিলেন, ২. এক বৃদ্ধার ছেলে, ৩. মহারের চুঙ্গীর ছেলে ও ৪. হযরত নুহ (আ.)'র ছেলে সামকে যিনি চার হাজার ছয় শত বছর

^{৪০২}. মাওলানা আবুন নূর মুহাম্মদ বশীর, সাছি হেঁকায়াত, উর্দু, খণ্ড:১ম, পৃ:১১৭, সূত্র: নুজহাতুল মাজালীস, ২য় খণ্ড

^{৪০৩}. আল্লামা মাহমুদ আলুসী (র.) (১২৭০হি.), তাফসীরে রুহুল মায়ানী, আরবী বৈকুত, খণ্ড:৩য়, পৃ:১৬৮ ও মুফতি আহমদ ইয়ার খান নঈমী (র.), (১৩৯১হি.), তাফসীরে নঈমী, উর্দু, দিল্লী, খণ্ড:৩য়, পৃ:৫১৫

পূর্বে মৃত্যুবরণ করেছিলেন। হযরত সাম ব্যতীত বাকী তিনজন অনেক জীবিত ছিলেন এবং তাদের সংসার ও করেছিলেন।

ঘটনা হল- প্রথম ব্যক্তি আযর তাঁর বন্ধু ছিল। যখন সে অসুস্থ হয়ে পড়ল তখন তার বোন হযরত ঈসা (আ.) কে সংবাদ দিল যে, আপনার বন্ধু মৃত্যুর সাথে পাঞ্জা লড়তেছে কিন্তু তখন তিনি তিন দিনের দূরত্বে অবস্থান করছিলেন। তিন দিন পর তিনি সেখানে পৌঁছে জানতে পারলেন যে, বন্ধুর মৃত্যু হয়েছে আজ তিন দিন হয়ে গেল। তিনি তার বোনকে বললেন, আমাকে বন্ধুর কবরে নিয়ে যাও। তিনি কবরে গিয়ে দোয়া করলে আল্লাহর হুকুমে এবং তাঁর নির্দেশে বন্ধু কবর থেকে জীবিত উঠে গেল। সে দীর্ঘ দিন জীবিত ছিল তাঁর থেকে সম্ভান-সম্ভতিও অনুগ্রহণ করেছে।

দ্বিতীয়ত: বৃদ্ধার ছেলের ঘটনা হল লোকেরা বৃদ্ধার ছেলের জানাযা নিয়ে যাচ্ছিল আর বৃদ্ধ আঝোর নয়নে কান্নাকাটি করতেছে। বৃদ্ধার কান্না দেখে হযরত ঈসা (আ.)'র দয়া আসল। তিনি আল্লাহর দরবারে দোয়া করলেন সাথে সাথে বৃদ্ধার ছেলের জানাযার খাটের উপর উঠে বসে গেল এবং বহনকারীগণের কাঁধের উপর থেকে নীচে নেমে গেল। অনেক দিন বেঁচে ছিল, সম্ভান-সম্ভতিও হয়েছিল তার।

তৃতীয় ঘটনা হল- মুহারের চুঙ্গী ছিল হাকেমের পক্ষে জনগণ থেকে কর আদায়কারী। তার কন্যা মরে যাওয়ার একদিন পর হযরত ঈসা (আ.) দোয়া করলে সে জীবিত হয়ে যায়। সেও অনেক বছর জীবিত ছিল সংসার করেছে সম্ভান-সম্ভতি হয়েছে। চতুর্থ ঘটনা হল- সাম ইবনে নুহ (আ.)'র ঘটনা। কেউ কেউ মনে করত হযরত ঈসা (আ.) যাদেরকে জীবিত করেছিলেন মূলত তারা মৃত ছিলনা। হয়তো মৃত্যুর কাছাকাছি কিংবা রোগে-শোকে মৃতের ন্যায় হয়ে গিয়েছিল। তাই তিনি অনেক পুরাতন একটি কবরস্থানে গেলেন যেখানে চার হাজার ছয়শত বছর পূর্বে মত হযরত নুহ (আ.)'র পুত্র সামার কবর ছিল। তিনি আল্লাহর দরবারে দোয়া করলে আল্লাহ তায়ালা সাম কে জীবিত করে দেন। তিনি যখন দোয়া করছিলেন তখন সাম কবরে শুনতে পান যে, কে যেন বলতেছেন **اجب روح الله** অর্থাৎ রুহুল্লাহ তথা ঈসা (আ.)'র কথা মান্য কর। এটা শ্রবণ মাত্র তিনি ভীত-সন্ত্রস্ত হয়ে উঠে দাঁড়িয়ে গেলেন এবং মনে করলেন কিয়ামত এসে গিয়েছে। এই ভয়ে তার মাথার অর্ধেক চুল সাদা হয়ে গেল। অথচ নুহ (আ.)'র যুগে মানুষের চুল সাদা হতনা। তিনি উঠে জিজ্ঞেস করলেন, কিয়ামত কি সংঘটিত হয়েছে? উত্তরে ঈসা (আ.) বললেন, না, বরং আমি তোমাকে ইসমে আজম দিয়ে জীবিত করেছি। তখন তিনি ঈসা (আ.)'র নিকট আবেদন করলেন যেন পুনরায় তাকে কবরে পাঠিয়ে দেন যাতে দ্বিতীয়বার মৃত্যু যন্ত্রণা ভোগে করতে না হয়। তখন সাথে সাথে তিনি পুণরায় মৃত্যু বরণ করেন।^{৪০৪}

যে লুকিয়ে রাখা খাবারের সংবাদ প্রদান

^{৪০৪}. আল্লামা মাহমুদ আলুসী (র.), তাফসীরে রুহুল মায়ানী, আরবী, বৈকৃত, খণ্ড:৩য়, পৃ:১৬৯ ও মুফতি আহমদ ইয়ার খান নঈমী (র.) (১৩৯১হি.), তাফসীরে নঈমী, উর্দু, খণ্ড:৩য়, পারা:৩য়, পৃ:৫১৬

হযরত ঈসা (আ.)'র অন্যতম একটি মু'জিয়া হল তিনি অদৃশ্যের সংবাদ প্রদান করতেন। লোকদের বলে দিতেন যে, তোমরা গতকাল কি কি খেয়েছ, আজ কি কি খাবে এবং আগামী বেলায় জন্ম তোমরা কি কি খাবার তৈরী করে রেখেছ। কেননা নিকটে-দূরে, ওপেনে-গোপনে, আলো অন্ধকারে এমনকি পর্দার আড়ালে কি আছে না আছে সব কিছু তাঁর দৃষ্টি গোচরে ছিল। এতে তাঁর একই সাথে অনেকগুলো মু'জিয়ার বহিঃপ্রকাশ ঘটত। তাঁর চলার সময় পিছে পিছে অসংখ্য ছেলেরা থাকত। তিনি তাদেরকে বলে দিতেন যে, তোমাদের ঘরে অমুখ খাবার বা নাস্তা তৈরী হয়েছে, তোমাদের মা-বাবা তোমাদের জন্য অমুক জিনিস লুকিয়ে রেখেছে। তারা ঘরে গিয়ে তাদের মা-বাবাকে ঐসব বস্তু খুঁজে দিতে বলত, না দিলে কান্না-কাটি করত। অবশেষে তারা তা বের করে দিতে বাধ্য হত আর জিজ্ঞেস করত- এই সব তথ্য তোমাদেরকে কে দিয়েছে? উত্তরে তারা বলত ঈসা (আ.) আমাদের এসব বিষয়ে বলে দেন।

অতঃপর অভিভাবকগণ পরামর্শ করে সিদ্ধান্ত করল যে, আমাদের বাচ্চারা এভাবে ঈসা (আ.)'র সাথে সাথে থাকলে আমাদের ধর্ম ত্যাগ করে ঈসা'র ধর্ম গ্রহণ করে তার অনুসারী হয়ে যাবে। তাই তারা সব বাচ্চাদেরকে একটি ঘরে আবদ্ধ করে রাখল। বাচ্চাদের অনুপস্থিতি দেখে তাদের খোঁজ নিতে তিনি লোকদের কাছে গিয়ে জিজ্ঞেস করলেন- বাচ্চারা কোথায়? উত্তরে তারা বলল, তারা এখানে নেই। তিনি প্রশ্ন করলেন তবে ঐ ঘরে কারা? তারা বলল, ঐ ঘরে আমাদের শূকর। তখন তিনি বললেন, আচ্ছা তবে তারা সব শূকর হয়ে গিয়েছে? ফলে বাস্তবই আবদ্ধ সবাই শূকর হয়ে গিয়েছিল।^{৪০৫}

হযরত ঈসা Σ

হযরত ঈসা (আ.) এক সফরে বের হলেন পথে তাঁর সঙ্গে একজন ইহুদী ও সঙ্গী হল। সেই ইহুদীর নিকট দু'টি রুটি ছিল পক্ষান্তরে ঈসা (আ.)'র কাছে একটি রুটি ছিল। ঈসা (আ.) তাকে বললেন, আস, আমরা উভয় মিলে রুটি খেয়ে নিই। ইহুদী সম্মতি প্রকাশ করল কিন্তু যখন দেখল যে, ঈসা (আ.)'র নিকট একটি রুটি অথচ তার কাছে দু'টি রুটি। তখন সে মনে মনে আফসোস করতে লাগল- কেন সম্মত হলাম, আমি তো ঠকবো।

অতঃপর যখন খাওয়ার সময় হল তখন ইহুদী একটি রুটি গোপন করে ফেলল এবং একটি রুটি বের করল। ঈসা (আ.) বললেন, তোমার কাছে তো দু'টি রুটি ছিল আরেকটি কোথায়? ইহুদী বলল, আমার কাছে তো একটি রুটিই ছিল। উভয় খাবার খাওয়ার পর সামনে অগ্রসর হয়ে পথে একজন অন্ধ ব্যক্তির সাক্ষাৎ হলে ঈসা (আ.) তার জন্য দোয়া করে তাকে দৃষ্টিশক্তি ফেরৎ দেন। ইহুদীকে এই মু'জিয়া দেখিয়ে তিনি বললেন, তোমাকে সে খোদার শপথ, যিনি আমার দোয়ায় এই অন্ধের দৃষ্টিশক্তি ফেরৎ দিয়েছেন, সত্যিকারে বল তোমার অপর রুটিটি কোথায়? উত্তরে সে বলল, সেই খোদার শপথ, আমার কাছে একটি রুটিই ছিল।

^{৪০৫}. আল্লামা মাহমুদ আলুসী (র.) (১২৭০হি.), তাফসীরে রুহুল মায়ানী, আরবী, বৈরুত, খণ্ড:৩য়, পৃ:১৭০ ও মুফতি আহমদ ইয়ার খান নঈমী (র.) (১৩৯১হি.), তাফসীরে নঈমী, উর্দু, খণ্ড:৩য়, পারা:৩য়, পৃ:৫১৭

অতঃপর যখন আরো কিছু অগ্রসর হন তখন পথে একটি হরিণ দেখতে পেলেন। তিনি হরিণকে ডাকলে হরিণ কাছে এসে গেল। তিনি হরিণ যবেহ করে রান্না করে খেয়ে হাড়ি গুলোকে বললেন, **قِمِ بِإِذْنِ اللَّهِ** আল্লাহর হুকুমে উঠে যাও। সাথে সাথে হরিণ জীবিত হয়ে চলে গেল। তিনি ইহুদীকে বললেন, তোমাকে সেই খোদার শপথ, যিনি হরিণ খাওয়ায়েছেন এবং পুনরায় জীবিত করে দিয়েছেন, সত্যিকারে বল, তোমার অপর রুটি কোথায়? উত্তরে সে বলল, সেই খোদার শপথ, আমার কাছে মাত্র একটি রুটিই ছিল।

আরো সামনে অগ্রসর হলে তারা একটি জনবসতি এলাকায় পৌঁছলে ঈসা (আ.) সেখানে অবস্থান করছিলেন। সুযোগ পেয়ে ইহুদী ঈসা (আ.)'র লাঠি মোবারক চুরি করে নিয়ে গেল এবং এটি দিয়ে মৃতকে জীবিত করবে বলে সে অত্যন্ত খুশী হল। এলাকায় সে ঘোষণা করে দিল যে, কোন মৃতকে জীবিত করতে হলে আমার কাছে নিয়ে এসো। লোকেরা তাকে তাদের হাকেমের নিকট নিয়ে গেল যিনি মারাঅক রোগে আক্রান্ত ছিলেন। তারা বলল, ইনি অসুস্থ একে ভাল করে দাও। সেই প্রথমে লাঠি দিয়ে হাকেমের মাথায় আঘাত করা মাত্র হাকেম মৃত্যুবরণ করলেন। তারপর সে লোকদের বলল, দেখ, আমি একে কিভাবে জীবিত করি। সে লাঠি দিয়ে লাশের উপর আঘাত করে বলল, **قِمِ بِإِذْنِ اللَّهِ** আল্লাহর হুকুমে উঠে যাও। কিন্তু লাশ জীবিত হলনা ফলে সে দুঃশিঙ্ত হইয়ে পড়ল। লোকেরা তাকে হাকেম হত্যার দায়ে ফাঁসী দেয়ার জন্যে নিয়ে গেল। ইত্যবসরে ঈসা (আ.) সেখানে পৌঁছে গেলেন এবং বললেন, তোমাদের হাকেমকে আমি জীবিত করে দেবো, তাকে ছেড়ে দাও। অতঃপর তিনি **قِمِ بِإِذْنِ اللَّهِ** বলার সাথে সাথে হাকেম জীবিত হয়ে গেলেন আর লোকেরা ইহুদীকে ছেড়ে দিল। তখন ঈসা (আ.) তাকে বললেন, তোমাকে সেই খোদার শপথ, যিনি তোমার প্রাণ রক্ষা করেছে, সত্যিকারে বল তোমার দ্বিতীয় রুটিটি কোথায়? সে বলল, আমি সেই খোদার শপথ করে বলছি যিনি আমার প্রাণ রক্ষা করেছেন আমার কাছে দ্বিতীয় কোন রুটিই ছিলনা।

তারা উভয়ে কিছুদূর গেলে পথে তিনটি স্বর্ণের ইট পেলেন। ঈসা (আ.) ইহুদীকে বললেন, একটি আমার, দ্বিতীয়টি তোমার আর তৃতীয়টি হল তার যে তৃতীয় রুটি খেয়েছে। ইহুদী বলল, খোদার কসম, তৃতীয় রুটি আমিই খেয়েছি। অর্থাৎ এতক্ষণে সে সত্যকথা বলল, লোভের বশীভূত হয়ে। ঈসা (আ.) তিনটি ইটই তাকে দিয়ে বললেন, এখন তুমি আমার সঙ্গ ছেড়ে দাও। সেই ইট তিনটি নিয়ে খুশী মনে চলে যাচ্ছিল কিন্তু পথিমধ্যেই ইট সহ তাকে মাটিতে ধসে ফেলা হয়েছে।^{৪০৬}

হযরত ঈসা ∑ আসমানে উত্তোলন

মুফতি আহমদ ইয়ার খান (র.) তাফসীরে খায়েন, রুহুল মায়ানী ও রুহুল বয়ান ইত্যাদি গ্রন্থের উদ্ধৃতি দিয়ে ইবনে আব্বাস (র.)'র সূত্রে বলেন- ইবনে আব্বাস (রা.) বর্ণনা করেন,

^{৪০৬}. মাওলানা আবুন নূর মুহাম্মদ বশীর, সাচ্ছি হেকায়াত, উর্দু, খণ্ড:১ম, পৃ:১১৯, সূত্র: আব্দুর রহমান সফুরী (র.), নুজহাতুল মাজালিস, খণ্ড:২য়, পৃ:২০৭


বনী ইসরাঈল হযরত ঈসা (আ.)'র মোকাবেলায় অক্ষম হয়ে তাঁর ও তাঁর মায়ের বিরুদ্ধে অপবাদ ও অশালীন কথা বলে কষ্ট দেওয়া অরম্ভ করল। একদা তিনি শহরের জনপদ দিয়ে যাওয়ার সময় লোকেরা তাঁকে অতীষ্ট করে তুলে। তিনি অসহ্য হয়ে আল্লাহর দরবারে দোয়া করলেন- হে আল্লাহ! এদেরকে শূকর বানিয়ে দিন। তাঁর মুখ থেকে একথা বের হতে না হতে তারা সবাই শূকর হয়ে গেল। এতে লোকেরা অত্যন্ত দুঃখিন্তা গ্রহে হয়ে পড়ল। কারণ এরূপ হতে থাকলে ভবিষ্যতে তাদের বেলায়ও ঘটতে পারে। তাই তারা তৎকালীন বাদশাকে তাঁর বিরুদ্ধে ক্ষেপিয়ে তুলল এবং বলল, এভাবে হয়ত একদিন আপনার অবস্থাও এরূপ করে দেবে।

অতঃপর তারা তাত্‌ইয়ানুস নামক একজন মুনাফিক ব্যক্তিকে ঠিক করল যে বাহ্যিকভাবে ঈসা (আ.)'র প্রতি ভালবাসা প্রকাশ করত। কিন্তু মূলত ইহুদীদের দোসর ছিল। তিনি তাদের ষড়যন্ত্রের কথা অনুভব করে তাঁর হাওয়ারীদেরকে বললেন, আজ সকালের আগেই জনৈক ব্যক্তি মাত্র কয়েক দেরহামের বিনিময়ে বিক্রয় করে দেবে। সর্বদা ফুলের সাথে কাঁটাও থাকে আর মুখলিসের সাথে মুনাফিকও থাকে। অতঃপর তাত্‌ইয়ানুস কে ইহুদীদের পক্ষ থেকে ত্রিশ দেরহাম তথা সাড়ে সাত টাকা দেওয়ার প্রতিশ্রুতি দিল, ঈসা (আ.)'কে শহীদ করার শর্তে। তাত্‌ইয়ানুস ইহুদীদের একটি দল নিয়ে রাতের বেলায় ঈসা (আ.)'র ঘরের দিকে গিয়ে সঙ্গীদেরকে ঘরের বাইরে রেখে সে নিজে ঘরের ভিতর প্রবেশ করল। সে ঘরে গিয়ে দেখল যে, ঈসা (আ.) জানালা দিয়ে আসমানে চলে গেলেন। বাইরে অপেক্ষমান লোকেরা মনে করেছিল, সে হয়ত ঈসা (আ.)'র সাথে যুদ্ধে লিপ্ত হয়েছে ফলে বের হতে বিলম্ব হচ্ছে। ইত্যবসরে আল্লাহ পাক তাত্‌ইয়ানুস কে ঈসা (আ.)'র আকৃতি করে দেন। অতঃপর সে ঘরের বাইরে আসা মাত্র লোকেরা তাকে ঈসা (আ.) মনে করে ধরে শুলির দিকে নিয়ে যাচ্ছে। সে তাদেরকে শত চেষ্টা করেও বুঝাতে পারেনি যে, সে মূলত ঈসা (আ.) নয়। বরং উল্টো তারা বলতে লাগল, তুমি আমাদের লোককে হত্যা করেছ যে তোমাকে হত্যা করতে গিয়েছিল এখন আমাদের সাথে প্রতারণা করতেছ, এই বলে তারা তাদের লোককে শুলি লটকিয়ে হত্যা করল। আজ পর্যন্ত খৃষ্টানরা মনে করে যে, ঈসা (আ.) শুলিতে হত্যা করা হয়েছে তাই তারা শুলিকে নিজেদের গুনাহের কাফফারা মনে করে।


অতঃপর হযরত মরয়ম যখন শুনলেন যে, ঈসা (আ.) শুলিতে তুলে হত্যা করা হয়েছে তখন তিনি অপর এক মহিলাকে নিয়ে সেই শুলিতে লটকানো লাশের সামনে বসে বসে কান্না-কাটি করতে লাগলেন। এভাবে কয়েকদিন যাওয়ার পর সপ্তমদিনে ঈসা (আ.) কে আল্লাহ আদেশ দিলেন যে, তুমি গিয়ে তোমার মাকে সাত্তনা দিয়ে এসো। তখন তিনি একটি পাহাড়ে রাতের বেলায় অবতীর্ণ হয়ে তাঁর মা ও তাঁর হাওয়ারীগণ কে ডেকেছেন। তাঁর মা তাঁকে জড়িয়ে ধরে কান্না করে বলতে লাগলেন, হে ঈসা! তুমি কোথায় আছ? উত্তরে বললেন, মা, আমি খুব ভাল আছি। যাকে শুলিতে দেওয়া হয়েছে সে অন্য ব্যক্তি আমি নই। আপনি ধৈর্য্য ধারণ করুন। আর হাওয়ারীগণকে দ্বীনি দাওয়াতের দায়িত্ব দেন এবং কে কোথায় দায়িত্ব পালন করবেন তাও বন্টন করে উপরের দিকে চলে যেতে লাগলেন। মরয়ম বললেন, তুমি কোথায় যাচ্ছ? বললেন আল্লাহর কাছে যাচ্ছি। মরয়ম বললেন, আবার কখন সাক্ষাৎ হবে? বললেন, কিয়ামত দিবসে- এই বলে তিনি অদৃশ্য হয়ে যান। তেত্রিশ বছর

অতএব, আল্লাহ তায়ালা বায়তুল মোকাদ্দাসকে আমার চোখের সামনে এমনভাবে বিদ্যমান করে দিয়েছেন যে, আমি নিজের চোখে বায়তুল মোকাদ্দাস দেখতে পাচ্ছি। এখন কুরাইশ যে বিষয়ে প্রশ্ন করে আমি দেখে দেখে তার উত্তর দিচ্ছি।^{৪০৮}



মদীনা থেকে মু'তার যুদ্ধ দেখা

ওয়াকেদী (র.) বলেন- মু'তার যুদ্ধে যখন মুসলমান ও কাফের উভয় দল মুখোমুখি হয় তখন রাসূল  মদীনায় মুনাওরায় মিশরে তাশরীফ রাখেন এবং মিশর থেকে যুদ্ধের যাবতীয় পরিস্থিতি স্বচক্ষে অবলোকন করেন এবং যুদ্ধের বর্ণনা দেন। তিনি মিশরে বসে য়ায়েদ বিন হারেসা (রা.), জাফর ইবনে আবি তালেব (রা.) ও হযরত আব্দুল্লাহ ইবনে রাওয়াহা (রা.) কখন কিভাবে পতাকা উত্তোলন করেন শয়তান তাঁদেরকে কিভাবে প্রতারণা করার প্রচেষ্টা চালায় এবং কিভাবে তাঁরা যুদ্ধে শাহাদাত বরণ করেন পুঞ্জানুরূপে বিস্তারিত বর্ণনা করেছেন। শুধু তা নয় তিনি শাহাদাত প্রাপ্ত সেনাপতিগণের নামাযে জানাযাও পড়েছেন মদীনা শরীফে।^{৪০৯}

জান্নাতী-জাহান্নামীদের দর্শন

হযরত উসামা ইবনে যায়িদ (রা.)'র সূত্রে নবী করিম  থেকে বর্ণিত, তিনি বলেন, আমি জান্নাতের দরজায় দাঁড়ালাম, (এরপর দেখতে পেলাম যে,) তথায় যারা প্রবেশ করেছে তারা অধিকাংশই নিঃশ্ব। আর ধনাঢ্য ব্যক্তির আবদ্ধ অবস্থায় রয়েছে। আর জাহান্নামীদেরকে জাহান্নামে নিয়ে যাওয়ার হুকুম দেওয়া হয়েছে। এরপর আমি জাহান্নামের দরজায় গিয়ে দাঁড়ালাম। তখন (দেখতে পেলাম যে,) এখানে প্রবেশকারীদের অধিকাংশই হচ্ছে নারী।^{৪১০}

জান্নাত-জাহান্নাম দর্শন

হযরত আনাস ইবনে মালিক (রা.) থেকে বর্ণিত, একদা দ্বিপ্রহরের পর নবী করিম  বেরিয়ে এসে জুহরের নামাজ আদায় করলেন। সালাম ফিরানোর পর তিনি মিশরে উঠে দাঁড়ালেন এবং কিয়ামত সম্পর্কে আলোচনা করলেন। তিনি উল্লেখ করলেন যে, কিয়ামতের পূর্বে অনেক বড় বড় ঘটনা সংঘটিত হবে। তারপর বললেন, কেউ যদি আমাকে কোন বিষয়ে জিজ্ঞাসা করতে চায় তাহলে করতে পারবে। খোদার কসম! আমি এখানে অবস্থান করা পর্যন্ত তোমরা আমাকে যে সব প্রশ্ন করবে আমি তোমাদের উত্তর দেবো। আনাস (র.) বলেন, এতে উপস্থিত লোকেরা খুব কাঁদতে লাগল। আর রাসূল  খুব বলতে লাগলেন, তোমরা আমার কাছে প্রশ্ন কর। হযরত আনাস (র.) বলেন, তখন এক ব্যক্তি দাঁড়িয়ে বলল, ইয়া রাসূল্লাহ! আমার অশ্রয়স্থল কোথায়? তিনি বললেন, জাহান্নাম। তারপর আব্দুল্লাহ ইবনে হুযাফা উঠে বললেন, ইয়া রাসূল্লাহ! আমার পিতা কে? তিনি বললেন, তোমার পিতা হুযাফা। হযরত আনাস (র.) বলেন, তারপর তিনি বার বার বলতে বলতে লাগলেন,

^{৪০৮}. আল্লামা ইউসুফ নাবহানী (র.) (১৩৫০হি.), হুজ্জাতুল্লাহি আললাল আলামীন, উর্দু, পৃ:৬০১

^{৪০৯}. আবু নঈম ইস্পাহানী (র.) (৪৩০হি.), দালায়েলুন নবয়ত, উর্দু, পৃ:৪৭৯

^{৪১০}. ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:৯৬৯, হাদিস নং ৬১০৪

তোমরা আমার কাছে প্রশ্ন কর, তোমরা আমার কাছে প্রশ্ন কর। এতে হযরত ওমর (রা.) হাঁটু গেড়ে বসে বললেন, আমরা আল্লাহকে রব হিসেবে মেনে, ইসলামকে দ্বীন হিসেবে গ্রহণ করে এবং মুহাম্মদ ﷺ কে রাসূল হিসাবে বিশ্বাস করে সন্তুষ্ট আছি। হযরত আনাস (রা.) বলেন, হযরত ওমর (রা.) যখন এ কথা বললেন, তখন রাসূল ﷺ নীরব হয়ে গেলেন। তারপর নবী করিম ﷺ বললেন, উত্তম, যে সত্তার হাতে আমার প্রাণ তাঁর কসম করে বলছি, এইমাত্র আমি যখন নামাযে ছিলাম তখন এই দেয়ালের প্রেত্বে জান্নাত ও জাহান্নাম আমার সম্মুখে পেশ করা হয়েছিল। আজাবের ন্যায় এমন কল্যাণ ও অকল্যাণ আমি আর দেখিনি।^{৪১১}

সামনে পেছনে সমান দেখা

ইমাম বুখারী ও ইমাম মুসলিম (র.) বর্ণনা করেন, হযরত আবু হুরাইরা (রা.) থেকে বর্ণিত, তিনি বলেন, রাসূল ﷺ এরশাদ করেন, তোমরা কি মনে কর যে, আমার চেহারা ওই দিকে? খোদার কসম! তোমাদের রুকু, সিজদা আমার অগোচরে নয়। কেননা, আমি আমার পিঠের পেছনেও দেখি যেভাবে সামনে দেখি।^{৪১২}

ইমাম মুসলিম (র.) হযরত আনাস (রা.) থেকে বর্ণনা করেন, রাসূল ﷺ এরশাদ করেন, হে লোক সকল! আমি তোমাদের সামনে (ইমামতিতে) আছি। তোমরা আমার পূর্বে রুকু-সিজদায় যেওনা। কেননা, فاني أراكم من امامي ومن خلفي আমি তোমাদেরকে আমার সম্মুখ থেকেও দেখি এবং পিছন থেকেও দেখি।^{৪১৩}

মদীনা থেকে কা'বা দেখা

আখবারে মদীনা নামক গ্রন্থে যুবাইর ইবনে বাক্বার (র.) হযরত নাফে ইবনে জুবাইর ইবনে মুতআম (রা.) থেকে বর্ণনা করেন, আমার কাছে হাদিস পৌঁছেছে যে, নবী করিম ﷺ এরশাদ করেন, আমি আমার এই মসজিদের কিবলা নির্ণয় করেছি বায়তুল্লাহকে দেখে দেখে। অর্থাৎ বায়তুল্লাহকে আমার সামনে আনা হয়েছে আর আমি বায়তুল্লাহ'র বরাবরে মসজিদের কিবলা নির্ণয় করেছি।

যুবাইর ইবনে বাক্বার (র.) আখবারে মদীনা নামক গ্রন্থে হযরত দাউদ ইবনে কায়স (রা.) থেকে বর্ণনা করেন, নবী করিম ﷺ যখন মসজিদে নববী শরীফ নির্মাণ করতেছিলেন, তখন হযরত জিব্রাঈল (আ.) দাঁড়িয়ে কা'বার দিকে তাকিয়ে আছেন। তখন

^{৪১১} ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:১০৮, হাদিস নং ৬৭৯৬

^{৪১২} সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:১০৪

^{৪১৩} সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম, পৃ:১০৪

মসজিদে নববী ও কা'বার মধ্যবর্তী যেসব প্রতিবন্ধক ছিল তা তুলে দিল। অর্থাৎ নবী করিম ﷺ মদীনা শরীফ থেকে বায়তুল্লাহ স্বচক্ষে দেখতে পান।^{৪১৪}

ইমাম হকেম (র.) হযরত আব্দুল্লাহ ইবনে আব্বাস (রা.) থেকে বর্ণনা করেন, তিনি বলেন, রাসূল ﷺ এরশাদ করেন, আমি জান্নাতে প্রবেশ করলাম এবং দেখলাম হযরত জা'ফর (রা.) ফেরেস্তাদের সাথে উড়ে বেড়াচ্ছে আর হযরত হামযা (রা.) খাটে হেলান দিয়ে বসে আছে।^{৪১৫}

পিছন দিক থেকেও দেখা

হযরত আবু হুরাইরা (রা.) থেকে বর্ণিত, রাসূল ﷺ এরশাদ করেন, তোমরা কি মনে কর যে, আমার কিবলা শুধুমাত্র এদিকে? আল্লাহর শপথ! তোমাদের রুকু, তোমাদের খুশু (নামায বিন্দ্ৰ হওয়া) কোন কিছুই আমার কাছে গোপন থাকেনা। আর নিঃসন্দেহে আমি তোমাদের দেখি আমার পিছন দিক থেকেও।^{৪১৬}

জান্নাতী আঙ্গুর নিতে চাওয়া

হযরত আসমা বিনতে আবু বকর (রা.) থেকে বর্ণিত, নবী করিম ﷺ একবার সালাতুল কুসুফ তথা সূর্য গ্রহণের নামায আদায় করলেন। তিনি নামাযে কিয়াম রুকু ও সিজদা সমূহ দীর্ঘক্ষণ করে করে আদায় করেন। সালাত শেষ করে ফিরে দাঁড়িয়ে বললেন, জান্নাত আমার খুবই নিকটে এসে গিয়েছিল এমনকি আমি যদি চেষ্টা করতাম তাহলে জান্নাতের একগুচ্ছ আঙ্গুর তোমাদের এনে দিতে পারতাম। আর জাহান্নামও আমার একেবারে নিকটবর্তী হয়ে গিয়েছিল এমনকি আমি বলে উঠলাম, ইয়া রব! আমিও কি তাদের সাথে? আমি একজন স্ত্রী লোককে দেখতে পেলাম।^{৪১৭}

হযরত আব্দুল্লাহ ইবনে আব্বাস (রা.) থেকে বর্ণিত, তিনি বলেন, নবী করিম ﷺ র যুগে একবার সূর্যগ্রহণ হয়েছিল। তখন তিনি এজন্য সালাত আদায় করেন। সাহাবায়ে কিরাম জিজ্ঞাসা করলেন, ইয়া রাসূলুল্লাহ! সালাতে দাঁড়ানো অবস্থায় আপনাকে দেখলাম যেন কিছু একটা ধরতে যাচ্ছিলেন, কিন্তু পরে দেখলাম, আবার পিছিয়ে এলেন। তিনি বললেন, আমাকে জান্নাত দেখানো হয় এবং তারই একটি আঙ্গুরের ছড়া নিতে যাচ্ছিলাম। আমি যদি তা নিয়ে আসতাম, তাহলে দুনিয়ার স্থায়িত্বকাল পর্যন্ত তোমরা তা খেতে পারতে।^{৪১৮}

স্থান সংকুচিত হওয়া

^{৪১৪}. সুহূতী, জালাল উদ্দিন সুহূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৩২১

^{৪১৫}. সুহূতী, জালাল উদ্দিন সুহূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৪৩৩

^{৪১৬}. ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:২০১

^{৪১৭}. ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:১০৩

^{৪১৮}. ইমাম বুখারী, মুহাম্মদ ইবনে ইসমাঈল (র.), সহীহ বুখারী শরীফ, আরবী, ইউপি, ইন্ডিয়া, পৃ:১০৩

ইবনে সা'দ, আবু ইয়লা ও বায়হাকী (র.) হযরত আনাস (রা.) থেকে বর্ণনা করেন, তিনি বলেন, রাসূল ﷺ তাকে থাকাকালীন হযরত জিব্রাঈল (আ.) তাঁর কাছে তাশরীফ আনলেন এবং বললেন, মুয়াবিয়া ইবনে মুয়াবিয়া মযনী ইস্তেকাল করেছেন। আপনি কি তার জানাযা পড়বেন? তিনি বললেন, হ্যাঁ। জিব্রাঈল (আ.) তার উভয় বাহু নাড়া দিলে সমস্ত গাছ ও টিলা পড়ে মাটিতে সমান হয়ে গেল এবং জানাযা তাঁর সামনে আনা হল যাতে তিনি জানাযা স্বচক্ষে দেখতে পান। তারপর তিনি জানাযার নামায পড়লেন। তাঁর পিছনে ফেরেশতাদের দু'টি কাতার ছিল এবং প্রত্যেক কাতারে সত্তর হাজার ফেরেশতা ছিল।

রাসূল ﷺ বলেন, আমি জিব্রাঈল (আ.) কে জিজ্ঞেস করলাম, আল্লাহ তায়ালার কাছে মুয়াবিয়া এত মর্যাদা কিভাবে লাভ করল? উত্তরে জিব্রাঈল (আ.) বলেন, সে সূরা ইখলাস কে ভালবাসতো। সে হাঁটতে-বসতে, আসতে-যেতে সর্বদা সূরা ইখলাস তেলাওয়াত করতো।^{৪১৯}

অগ্রীম সংবাদ প্রদান

ইমাম বুখারী (র.) তারীখ গ্রন্থে, ইমাম বায়হাকী (র.) ওয়ায়েল ইবনে হুজর (রা.) থেকে বর্ণনা করেন, তিনি বলেন, রাসূল ﷺ'র আগমন শুনে আমি তার কাছে আসলাম। তাঁর সাহাবায়ে কেলামগণ আমাকে বললেন, আমি আসার তিন দিন পূর্বেই তিনি আমার আগমনের সংবাদ তাঁর সাহাবাগণকে দিয়ে দেন।^{৪২০}

মুখ ও জিহ্বা মোবারক

কূপ থেকে সুগন্ধি বের হওয়া

ইমাম আহমদ ইবনে হাম্বল, ইবনে মাজাহ, বায়হাকী ও আবু নঈম (র.) হযরত ওয়ায়েল ইবনে হুজর (রা.) থেকে বর্ণনা করেন, একদা রাসূল ﷺ এর সামনে পানি ভর্তি বালতি পেশ করা হল। তিনি তা থেকে পান করলেন এবং বাকী পানি একটি কূপে নিক্ষেপ করলেন অথবা তিনি কুলি করে কুলির পানি কূপে নিক্ষেপ করলেন। তখন সেই কূপ থেকে মেশকের ন্যায় সুগন্ধি আসতে লাগল।^{৪২১}

কূপের পানি সুস্বাদু হওয়া

আবু নঈম (র.) হযরত আনাস (রা.) থেকে বর্ণনা করেন, নবী করিম ﷺ একদা তার ঘরের কূপে থু থু নিক্ষেপ করলে ফলে *فلم يكن بالمدينة بئر اعذب منها* অর্থাৎ মদীনা শরীফে এই কূপের চেয়ে বেশী সুস্বাদু পানির কোন কূপ ছিলনা। - প্রাণ্ডক্ত

মুখের দুর্গন্ধ দূরীভূত হওয়া

^{৪১৯}. ইমাম সুয়ূতী, জালাল উদ্দিন সুয়ূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৪৬১

^{৪২০}. সুয়ূতী, জালাল উদ্দিন সুয়ূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:২য় পৃ:৩৫

^{৪২১}. ইমাম সুয়ূতী, জালাল উদ্দিন সুয়ূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:১০৫

তাবরানী (র.) হযরত উমাইরাহ বিনতে মসউদ (রা.) থেকে বর্ণনা করেন, তিনি এবং তাঁর বোনেরা নবী করিম ﷺ এর কাছে বাইয়াতের উদ্দেশ্যে গমন করেন। তাঁরা সংখ্যায় ছিল পাঁচজন। তাঁরা প্রবেশ করে দেখেন যে, তিনি মাংস আহার করতেন। তিনি তাদেরকে মাংস স্বীয় দাঁতে ছিড়ে ছিড়ে দিলেন এবং সকলেই এক টুকরা এক টুকরা খেলেন। অতঃপর ঐ সব মহিলাদের মুখে মৃত্যু পর্যন্ত কখনো দুর্গন্ধ হয়নি। - প্রাগুক্ত

থু থু মোবারকে ক্ষুধা নিবারণ

ইমাম বায়হাকী (র.) ও আবু নঈম (র.) রাসূল ﷺ এর দাসী রাযিনা থেকে বর্ণনা করেন, রাসূল ﷺ আশুরার দিন হযরত ফাতিমা (রা.)'র দুধপানকারী বাচ্চাদের কাছে ডেকে তাদের মুখে থু থু লাগিয়ে তাদের মা কে বলতেন, তাদেরকে রাত পর্যন্ত দুধ পান করাইওনা। কেননা, তাঁর মুখের লালা মোবারক ক্ষুধা নিবারণে যথেষ্ট হয়ে যেতো। - প্রাগুক্ত

অদৃশ্যের সংবাদ প্রদান

হযরত আব্বাসের গুপ্তধন

হযরত ইবনে আব্বাস (র.) থেকে বর্ণিত, হযরত আব্বাস ইবনে আব্দুল মোত্তালিব বদর যুদ্ধে মুসলমানদের হাতে বন্দী হয়ে মদীনায়ে আনিত হন। বন্দীদের উপর মুক্তিপণ নির্ধারণ করা হলে হযরত আব্বাস (রা.) রাসূল ﷺ'র খেদমতে আরজ করলেন, মুক্তিপণের নির্ধারিত অর্থ আমার কাছে নেই। সুতরাং তা আদায় করতে আমি অক্ষম। একথা শুনে রাসূল ﷺ বললেন- হে চাচা! আপনার সেই সম্পদ কি হল? যা আপনি বদর যুদ্ধে আসার পূর্বে মাটির নীচে রেখে চাচী উম্মুল ফজলকে বলে আসলেন যে, এই যুদ্ধে যদি আমি মৃত্যুবরণ করি, এ সম্পদ আমার সন্তানরা পাবে।


রাসূল ﷺ এর অদৃশ্য বাণী শুনে হযরত আব্বাস (রা.) অবাক হয়ে বললেন, হে আব্বাহর রাসূল! একমাত্র আমি ও উম্মুল ফজল ছাড়া এ মালের খবর অন্য কেউ জানত না। সুতরাং আমি সাক্ষ্য দিচ্ছি যে, নিশ্চয় আপনি আব্বাহর রাসূল, এই বলে তিনি কালিমা পড়ে মুসলমান হয়ে যান।^{৪২২}


শ্রেণিত চিঠি

হযরত আলী (রা.) থেকে বর্ণিত, তিনি বলেন, রাসূল ﷺ আমাকে এবং হযরত যোবায়ের ও হযরত মিকদাদ (রা.) কে আদেশ করলেন যে, তোমরা 'খাখ' নামক স্থানে যাও, সেখানে তোমরা একজন মহিলার সাক্ষাৎ পাবে। তার কাছে একটি চিঠি আছে। তোমরা তার কাছ থেকে এটি চিনিয়ে আনবে। হযরত আলী (রা.) বলেন, রাসূল ﷺ'র নির্দেশ পাওয়া মাত্র আমরা তিনজন দ্রুতবেগে গিয়ে যথাস্থানে কথিত মহিলাকে পেয়ে চিঠির কথা জিজ্ঞেস করলে সে অস্বীকার করল। আমরা বললাম রাসূল্লাহর কথা মিথ্যা হতে পারে


^{৪২২}. আবু নঈম ইস্পাহানী (র.) (৪৩০হি.) দালায়েলুন নবুয়ত, উর্দু, পৃ:৪২২

না। আমরা তাকে বললাম তুমি স্বৈচ্ছায় না দিলে আমরা তোমাকে উলঙ্গ করে তল্লাশী করবো। ফলে সে তার চুলের ভেতর থেকে একটি চিঠি বের করে দিল। আমরা তা নিয়ে রাসূলুল্লাহ'র দরবারে উপস্থিত হলাম। পত্রটি হযরত হাতিব ইবনে আবি বালতা (রা.) এ মহিলা মারফত মক্কার কাফেরদের নিকট পাঠাচ্ছিলেন। এ চিঠিতে রাসূল কর্তৃক মক্কার কাফেরদের বিরুদ্ধে যুদ্ধের গোপনীয় পরিকল্পনা ফাঁস করার প্রচেষ্টা চালিয়েছিলেন হাতেব।


চিঠি উদ্ধারের পর রাসূলুল্লাহ  হাতেব কে ডেকে ঐ চিঠি সম্পর্কে জিজ্ঞেস করলে তিনি আরজ করলেন- আমার সন্তানদেরকে আমি মক্কায়ে ফেলে এসেছি। সেখানে তাদের দেখা-শুনা ও সাহায্য করার মত আমার কোন আত্মীয়-স্বজন নেই। বর্তমানে তারা মক্কায়ে একেবারে অসহায়। সুতরাং আমি মনে করলাম, এ পরিস্থিতি যদি মক্কার কুরাইশদের কোন উপকার করি তবে হয়তো তারা আমার সন্তানদের কোন ক্ষতি করবেনা। শুধু এই উদ্দেশ্যেই আমি কাজটা করেছি। এছাড়া আমার অন্য কোন উদ্দেশ্যে নেই।

হযরত হাতিবের বক্তব্য শুনে হযরত ওমর (রা.) আরজ করলেন, ইয়া রাসূলুল্লাহ! আপনি অনুমতি দিন আমি এই মুনাফিকের গর্দান উড়িয়ে দেই। রাসূলুল্লাহ  তাঁকে বারণ করে বললেন, হে ওমর থাম! বদরী সাহাবীদের উপর আল্লাহ বিশেষ অনুগ্রহ করেছেন। তাদের সকল অপরাধ তিনি ক্ষমা করে দিয়েছেন।^{৪২৩}

নাজ্জাশীর মৃত্যু সংবাদ

হযরত আবু হুরাইরা (রা.) থেকে বর্ণিত, তিনি বলেন, আবিসিনিয়ার বাদশাহ নাজ্জাশী যেদিন মৃত্যুবরণ করেন, ঠিক সেদিনই রাসূল (স.) তার মৃত্যু সংবাদ সাবাইকে বলে দেন। অথচ আবিসিনিয়া মদীনা শরীফ থেকে বহুদূরে অবস্থিত। রাসূল  সাহাবাগণকে নিয়ে ঈদগাহে গিয়ে চার তাকবীরের সাথে নাজ্জাশীর গায়েবানা নামাজে জানাযা আদায় করেন।^{৪২৪}

মিশর দখল

হযরত আবু যর গিফারী (রা.) থেকে বর্ণিত, রাসূল  বলেছেন- খুব শীঘ্রই তোমরা (মুসলমানরা) মিশর জুখুড অধিকার করবে। মিশরের মুদ্রার নাম “কিরাত”। মিশর দখলের সময় সেখানকার জনসাধারণের ভাল ব্যবহার করবে। কেননা, তাদের সাথে আমাদের মৈত্রী চুক্তি এবং আত্মীয়তার সম্পর্ক রয়েছে। হে আবু যর! যখন দেখবে যে, সেখানে দু'ব্যক্তি এক ইট পরিমাণ স্থান দিয়ে বিবাদ করছে, তখন তথা হতে চলে আসবে।

সে যুগে মিশরে প্রচলিত মুদ্রার নাম ছিল কিরাত। মিশরের পরিচিতি নিশ্চিত করার উদ্দেশ্যে সেখানকার মুদ্রার নামও বলে দেয়া হয়েছিল। হযরত ওমর (রা.)'র শাসনামলে মিশর মুসলমানদের দখলে আসে। হযরত আবু যর (রা.) বলেন- শুরাহবিগ ইবনে হাসানাহ

^{৪২৩}. মুহাম্মদ ইবনে ইসমাঈল বুখারী, (২৫৬হি.), বুখারী শরীফ, আরবী, ইউপি, ইন্ডিয়া, পৃ:৪২২, হাদিস নং ২৭৯৯

^{৪২৪}. ইমাম বুখারী (২৫৬হি.), বুখারী শরীফ, আরবী, পৃ:৫৪৮ হাদিস নং ৩৬০০, আবু নঈম ইস্পাহানী (র.) (৪৩০হি.), দালায়েলুন নবুয়ত, উর্দু, পৃ:৪৯৭

ও তার ভাই রবীয়াহ কে ইট পরিমাণ জায়গা নিয়ে বিবাদ করতে দেখে আমি মিশর ত্যাগ করলাম।^{৪২৫}

জান্নাতের সু সংবাদ

হযরত আবু মুসা আশয়ারী (রা.) বলেন, আমি মদীনার একটি বাগানে রাসূল ﷺ'র সাথে ছিলাম। হঠাৎ এক ব্যক্তি এসে বাগানের দরজায় আঘাত করল। রাসূল ﷺ বললেন- দরজা খুলে দাও এবং আগত ব্যক্তিদেরকে জান্নাতের সু সংবাদ দাও। হযরত আবু মুসা আশয়ারী বলেন, আমি বাগানের ফটক খুলে প্রথমে হযরত আবু বকর সিদ্দীক (রা.) কে দেখতে পেলাম। তাঁকে জান্নাতের সু সংবাদ দেবার পর তিনি আল্লাহ'র প্রসংশা করলেন। কিছুক্ষণ পর হযরত ওমর (রা.) এলেন। আমি তাঁকেও জান্নাতের সু সংবাদ দিলে তিনিও আল্লাহ'র প্রসংশা করেন। অতঃপর তৃতীয় ব্যক্তি এসে বাগানের ফটকে শব্দ করলে রাসূল ﷺ বললেন, হে আবু মুসা! দরজা খুলে দাও এবং আল্লাহর পক্ষ থেকে একটি পরীক্ষা সাপেক্ষে তাকেও জান্নাতের সু সংবাদ দাও। আমি দরজা খুলে দেখলাম- হযরত ওসমান (রা.) এসেছেন। আমি তাঁকে জান্নাতের সু সংবাদ ও পরীক্ষা সম্পর্কে জানালে তিনি জান্নাতের সু সংবাদে আল্লাহর শুররিয়া জ্ঞাপন করেন এবং পরীক্ষায় উত্তীর্ণ হবার জন্য আল্লাহর সাহায্য কামনা করলেন।^{৪২৬}

চুক্তিপত্র

রাসূল ﷺ এর চাচা হযরত আবু তালেবের সমর্থনের কারণে মক্কার কুরাইশগণ রাসূল ﷺ কে স্তব্ধ করতে অক্ষম হয়ে তারা এই সিদ্ধান্তে উপনীত হল যে, বনী হাশেম ও বনী আব্দুল মোত্তালিব'র সাথে ভবিষ্যতে তারা কোন সম্পর্ক রাখবে না এমনকি তাদের সাথে কথা-বার্তা, বেচা-কেনা সবকিছু বয়কট করবে। এ ব্যাপারে একটি চুক্তিনামা এক টুকরো কাপড়ে লিখে মোহরাজিত করে বায়তুল্লাহ'র দেওয়ালে লটকিয়ে রাখে। অতঃপর বাধ্য হয়ে আবু তালেব বনী হাশেম বনী আব্দুল মোত্তালিবের সকলকে নিয়ে শিয়াবে আবি তালেব নামক দুই পাহাড়ের মধ্যখানে দীর্ঘ তিন বছর যাবৎ মানবেতর জীবন-যাপন করেন। এদিকে আল্লাহ তায়ালা ঐ চুক্তিপত্রে উই পোকা সৃষ্টি করে দেন এবং উই পোকা আল্লাহ'র নাম ব্যতীত বাকী সব লেখাসহ চুক্তিপত্র খেয়ে চূড় করে ফেলে। রাসূল ﷺ এ ব্যাপারে চাচা আবু তালেবকে অবহিত করেন। আবু তালেব কুরাইশদের নিকট গিয়ে বলেন- আমি তোমাদের কাছে এমন বিষয়ে কথা বলতে এসেছি আশা করি তোমরা এবার ইনসাফ প্রদর্শন করবে।

তিনি বললেন- মুহাম্মদ ﷺ আমাকে বলেছেন যে, তোমাদের এই চুক্তিপত্রে আল্লাহ'র নাম ব্যতীত বাকী অংশ কীট-পতঙ্গ খেয়ে ফেলেছে। আর আমি তাঁকে কোন দিন মিথ্যা বলতে শুনিনি। চুক্তিপত্রটি খুলে দেখ। যদি কথা সত্য হয় তবে খোদাকে ভয় কর আর এই

^{৪২৫} . ইমাম মুসলিম (রা.) (২৬১হি.), মুসলিম শরীফ, আরবী, পৃ:

^{৪২৬} . ইমাম বুখারী (২৫৬হি.), বুখারী শরীফ, আরবী, ইউপি, ইন্ডিয়া, পৃ:৫২২

অন্যায় কাজ থেকে বিরত থাক। আর যদি তা মিথ্যা হয়ে থাকে তবে তাকে তোমাদেরকে সোপর্দ করে দেবো আমি আর তার সাহায্যে এগিয়ে আসবো না। তখন তোমরা তাকে যা ইচ্ছে করতে পারবে।

আবু তালেবের কথায় কুরাইশ সম্মতি হল এবং এক জনকে ঐ চুক্তিনামা আনতে পাঠায়। যখন চুক্তিপত্র খোলা হল দেখা গেল শুধু **بِسْمِ اللّٰهِ** ছাড়া বাকী কিছুই অবশিষ্ট ছিলনা। তখন হযরত আবু তালেব তাদের ভৎসনা করেন এবং তারা সকলই লজ্জিত হল আর বয়কট বিলুপ্ত হল।^{৪২৭}

শাহাদতের সংবাদ

৮ম হিজরীতে তিন হাজার সৈন্য সিরিয়ার নিকটতম মুতা'য় যুদ্ধের জন্য প্রেরণ করেন। এ যুদ্ধে হযরত য়ায়েদ ইবনে হারেসা (রা.) কে সেনাপতির দায়িত্ব দিয়ে বলেন- যদি সে শহীদ হয়ে যায় তবে জাফর ইবনে আবি তালেব সেনাপতি নিয়োগ হবে। যদি সেও শহীদ হয় তবে আব্দুল্লাহ ইবনে রাওয়াহা সেনাপতির দায়িত্ব পালন করবে। অতঃপর সেও যদি শাহাদত বরণ করে তবে মুসলিম সৈনিকদের ঐক্যমত্যের ভিত্তিতে সেনাপতি নিয়োগ হবে।

এরপর তিনি মদীনা শরীফে মিশরে বসে এরশাদ করেন- যুদ্ধ পতাকা য়ায়েদের হাতে আর সে শহীদ হয়েছে। এরপর জাফর হাতে নিয়েছে এবং শহীদ হয়েছে অতঃপর ইবনে রাওয়াহা পতাকা ধরেছে সেও শহীদ হয়েছে। এখন খালেদ বিন ওয়ালিদ সেনাপতি নিয়োগ হয়েছে। তার হাতেই বিজয় অর্জিত হয়েছে। এরপর বললেন- হে আল্লাহ! নিশ্চয় খালেদ তোমার তরবারী সমূহের একটি তরবারী, সুতরাং তুমি তাঁকে সাহায্য কর। সেদিন থেকে তার নাম সাইফুল্লাহ তথা আল্লাহর তরবারী রাখা হয়েছে।

এরপর মুতা যুদ্ধের খবর নিয়ে হযরত ইয়াল্লা ইবনে মুনাব্বাহ রাসূল **ﷺ** র খেদমতে এসে বিস্তারিত ঘটনা বলতে চাইলে রাসূল **ﷺ** বলেন- হে ইয়াল্লা! মুতা যুদ্ধের ঘটনার বিস্তারিত বর্ণনা আমি তোমাকে বলবো, না তুমি আমাকে বলবে? ইয়াল্লা বললেন- হুয়র! আপনিই বলুন। হুয়র (স.) পুঙ্খানুপুঙ্খরূপে ঘটনা বর্ণনা করলে ইয়াল্লা বললেন- হে আল্লাহর রাসূল! আমি ঐ খোদার শপথ করে বলছি যিনি আপনাকে সাদেক ও মসদুক বানিয়ে প্রেরণ করেছেন। আপনি মুতা যুদ্ধ সম্পর্কে অক্ষরে অক্ষরে সত্য বলেছেন। তারপর রাসূল **ﷺ** এরশাদ করেন- আল্লাহ তায়ালা মুতা ভূমিকে আমার চোখের সামনে এনে দিয়েছেন ফলে আমি যুদ্ধের যাবতীয় অবস্থা অবলোকন করেছি।^{৪২৮}

হারিয়ে যাওয়া উঠের সংবাদ

^{৪২৭}. আব্দুর রহমান জামী (র.) (৮৯৮হি.), শাওয়ালেহুদুন নবুয়ত, উর্দু, পৃ:১০৬

^{৪২৮}. আব্দুর রহমান জামী (র.) (৮৯৮হি.), শাওয়ালেহুদুন নবুয়ত, উর্দু, পৃ:১৬১

তাবুক যুদ্ধে এক জায়গায় হুযর ﷺ’র উঠনী হারিয়ে গেলে মুনাফিকদের এক মুনাফিক বলতে লাগল যে, মুহাম্মদ ﷺ নবী বলে দাবী করে, তোমাদেরকে আসমানের সংবাদ প্রদান করে অথচ নিজের হারিয়ে যাওয়া উঠনীর খবর নেই।

হযরতের কাছে এই সমালোচনার কথা পৌঁছলে তিনি বলেন- আল্লাহ আমাকে প্রত্যেক বস্তু সম্পর্কে অবহিত করে রেখেছেন। এফুনি আমাকে অবহিত করা হল যে, উঠনী অমুক স্থানে আছে এবং অমুক গাছের সাথে আটকে আছে। সাহাবায়ে কেরাম সেখানে গেলে ঠিক সেভাবেই উঠনী পেলেন যেভাবে রাসূল ﷺ বলেছেন।^{৪২৯}

মৃত্যুর সংবাদ

হযরত মুয়ায ইবনে যাবাল (রা.)কে ইয়েমেনের গভর্নর নিযুক্ত করেন রাসূল ﷺ। এ সময় অনেক দীর্ঘ অসিয়ত করেন তাকে। সাথে একথাও বললেন- হে মুয়ায! যদি আমার সাথে তোমার দ্বিতীয়বার সাক্ষাত হওয়ার সম্ভাবনা থাকতো তবে অসিয়ত সংক্ষিপ্ত করতাম। কিন্তু কিয়ামত পর্যন্ত আমরা পরস্পর আর একত্রিত হতে পারবো না। অতএব, মুয়ায ইয়েমেনে ইস্তেকাল করেন।^{৪৩০}

হযরত ফাতেমা (রা.)’র মৃত্যুর সংবাদ

রাসূল ﷺ অসুস্থ অবস্থায় হযরত ফাতেমা (রা.)কে ডেকে কানে কানে কিছু কথা বললেন, এতে হযরত ফাতেমা (রা.) কাঁদতে লাগলেন। তিনি পুনরায় হযরত ফাতেমা (রা.)কে ডেকে চুপে চুপে কিছু কথা বললেন। এতে ফাতেমা (রা.) হাসতে লাগলেন। রাসূল ﷺ’র বিবিগণের মধ্যে একজন তাকে এর কারণ জিজ্ঞেস করলে তিনি এই গোপনীয়তা প্রকাশ করতে অসম্মতি প্রকাশ করেন।

রাসূল ﷺ’র ইস্তেকালের পর হযরত আয়েশা সিদ্দীকা (রা.) জিজ্ঞেস করলে হযরত ফাতেমা (রা.) বলেন- রাসূল ﷺ বলেছেন, ইতিপূর্বে প্রতি বছর হযরত জিব্রাইল (আ.) একবার কুরআন নিয়ে আসতেন কিন্তু এ বছর দু’বার নিয়ে এসেছেন। এতে আমি বুঝতে পারলাম যে, আমার মৃত্যু সন্নিকটে। ফলে আমি কাঁদতে আরম্ভ করি। দ্বিতীয়বার তিনি আমাকে ডেকে বললেন- তুমি কি এতে সন্তুষ্ট নও যে, তুমি হবে এই উম্মতের সাযিয়াদাহ? আর সর্বপ্রথম যে মহিলা জান্নাতে যাবে সে হবে তুমি। একথা শুনে আমি হাসতে আরম্ভ করলাম।^{৪৩১}

ইমাম বুখারী (র.) বুখারী শরীফে বর্ণনা করেন, হযরত আয়েশা সিদ্দীকা (রা.) হযরত ফাতেমা (রা.) কে হাসি-কান্নার কারণ জিজ্ঞেস করলে উত্তরে তিনি বলেন- নবী করিম ﷺ আমাকে চুপে চুপে অবহিত করলেন যে, তিনি এরোগে ওফাত লাভ করবেন। এতে আমি

^{৪২৯} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, পৃ:১৭০

^{৪৩০} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, পৃ:১৮৬

^{৪৩১} আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, পৃ:১৮৬

কঁদে ছিলাম। তারপর আবার আমাকে চুপে চুপে জানালেন যে, আমি তাঁর পরিবার-পরিজনের প্রথম ব্যক্তি যে তাঁর সাথে (কবরে) মিলিত হবো। এতে আমি হেসে ছিলাম।^{৪০২}

জান্নাতের সুসংবাদ

হযরত আনাস (রা.) থেকে বর্ণিত, তিনি বলতেন, হারিসা (রা.) একজন নওজোয়ান লোক ছিলেন। বদর যুদ্ধে তিনি শাহাদত বরণ করার পর তার আন্মা নবী করিম ﷺ'র নিকট এসে বললেন, ইয়া রাসূলান্নাহ হারিসা আমার কত আদরের আপনি তা অবশ্যই জানেন। (বলুন) সে যদি জান্নাতী হয় তাহলে আমি ধৈর্য ধারণ করব এবং আল্লাহর নিকট পুণ্যের আশা পোষণ করব। আর যদি এর ব্যতিক্রম হয় তাহলে আপনি তো দেখতেই পাচ্ছেন, আমি তার জন্য যা করছি। তখন তিনি বললেন, তোমার কি হল, তুমি কি জ্ঞানশূন্য হয়ে গেলে? বেহেশত কি একটি? (না-----না) বেহেশত অনেকগুলি, সে তো জান্নাতুল ফেরদাউসে অবস্থান করছে।^{৪০৩}

গোপন সম্পদের সংবাদ

ইবনে সা'দ ও বায়হাকী (র.) আব্দুল্লাহ ইবনে হারেস ইবনে নওফল (রা.) থেকে বর্ণনা করেন, বদর যুদ্ধে যখন নওফল মুসলমানদের হাতে গ্রেফতার হয় তখন রাসূল ﷺ তাকে বললেন- হে নওফল! তুমি 'ফিদইয়াহ' দিয়ে মুক্তিলাভ কর। সে বলল, আমার মুক্তিপণের জন্য দেওয়ার মত কিছুই আমার কাছে নেই। তখন রাসূল ﷺ বললেন- اوزنفسك من مالك الذي يجدة অর্থ: তুমি তোমার ঐ সম্পদ দ্বারা ফিদইয়াহ দাও যা জিন্দায় আছে। নওফল বলল, আমি সাক্ষ্য দিচ্ছি যে, আপনি আল্লাহ'র রাসূল। এরপর সে ঐ সম্পদ থেকে ফিদইয়াহ দিয়ে নিজেকে মুক্ত করে নিল।^{৪০৪}

গোপন চুক্তি প্রকাশ করা

ইমাম বায়হাকী, তাবরানী ও আবু নঈম (র.) হযরত মুছা ইবনে উকবা ও উরওয়া ইবনে যুবাইর (রা.) থেকে বর্ণনা করেন, তারা উভয়ই বলেন, মুশরিকদের প্রতিনিধি দল যখন মক্কায় ফিরে আসল তখন সংবাদ পেয়ে উমাইর ইবনে ওহাব আল জাহমী এসে 'হাজব' নামক স্থানে উমাইয়্যার পুত্র সাফওয়ান'র পাশে বসল।

সাফওয়ানের পিতা উমাইয়্যা বদর যুদ্ধে নিহত হয়েছিল। সাফওয়ান বলল, বদর যুদ্ধে নিহতদের দুঃখে আমার জীবন দুর্বিষয় হয়ে পড়েছে। উমাইর তার কথা শুনে বলল, ঠিক বলেছেন, খোদার কসম! তাদের নিহত হওয়ায় জীবনের স্বাধ চলে গেছে। যদি আমার উপর

^{৪০২}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫৩২

^{৪০৩}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:৫৬৭, হাদিস নং ৩৬৯৩

^{৪০৪}. সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৩৪২

এমন কর্জ না থাকত যা আমি পরিশোধ করতে পারিনা এবং আমার এমন পরিবার-পরিজন না থাকত যাদের ভরণ-পোষণের প্রয়োজন হতনা তবে আমি নিশ্চিত মুহাম্মদের কাছে গিয়ে তাকে হত্যা করতাম। যদি তাঁর পক্ষ থেকে ভয়ের কোন আশংকা দেখা দেয় তবে আমার কাছে বাঁচার জন্য একটি কৌশল আছে আর তা হল আমি বলব যে, আমি আপনার কাছে বন্দী হওয়া আমার সন্তানের কাছে তাদেরকে দেখতে এসেছি।

সাফওয়ান উমাইরের এই কথা শুনে অত্যন্ত খুশী এবং তার পিতার প্রতিশোধ গ্রহণের সুবর্ণ সুযোগ মনে করল। সে উমাইরকে বলল, তোমার যাবতীয় কর্জ আমার দায়িত্বে নিয়ে নিলাম আর তোমার পরিবার-পরিজনের ভরণ-পোষণ তাই হবে যা আমার পরিবার-পরিজনে জন্য হয়ে থাকে। এ ছাড়াও আমি আমার সাধ্যমত তাদের জন্য ব্যয় করতে কুঠীবোধ করবোনা।

এরপর সাফওয়ান উমাইরের জন্য বাহন ও সফরের যাবতীয় ব্যবস্থা করে দিল এবং একটি বিষ মাখা উন্নত মানের তলোয়ার দিল। উমাইর সাফওয়ান কে বলল, আমি ফিরে আসা পর্যন্ত এই গোপন চুক্তি যেন ফাঁস না হয় এবং গোপনীয়তা যেন রক্ষা হয়।

অতঃপর উমাইর রওয়ানা হল এবং মদীনা গিয়ে মসজিদের নববীর দরজার পাশে নেমে সওয়ারী বেঁধে তলোয়ার নিয়ে রাসূল ﷺ'র দিকে যেতে লাগল। ইত্যবসরে হযরত ওমর (রা.) ও এসে গেলেন। তারা উভয়ই এক সাথে প্রবেশ করলেন। নবী করিম ﷺ হযরত ওমর (রা.) কে বললেন, ওমর! এসো, বস, তারপর উমাইর কে উদ্দেশ্য করে বললেন, **ما اقدرمك يا عمير** অর্থ: হে উমাইর! কি উদ্দেশ্যে এসেছ? উত্তরে সে বলল, আমার যে সব ব্যক্তি আপনার কাছে বন্দী আছে আমি তাদের কাছে এসেছি। তিনি বললেন, উমাইর সত্যি করে বল কেন এসেছ? সে বলল, আমার বন্দী লোকদের ছাড়া অন্য কোন উদ্দেশ্যে আসিনি। তখন নবী করিম ﷺ এরশাদ করেন, তুমি সাফওয়ানের সাথে 'হাজর' নামক স্থানে কি শর্তে চুক্তি করেছিলে? উমাইর ভয় পেয়ে গেল এবং বলল, আমি সাফওয়ানের সাথে কি চুক্তি করেছি? তিনি বললেন, কেন সাফওয়ান তোমাকে এই শর্তের ভিত্তিতে পাঠায়নি যে, তুমি আমাকে হত্যা করবে আর সে তোমার যাবতীয় কর্জ পরিশোধ করবে এবং তোমার পরিবার-পরিজনের অভিভাবক হবে?

উমাইর অবাক চিন্তে বলে উঠল **اشهد انك رسول الله** আমি সাক্ষ্য দিচ্ছি নিশ্চয়ই আপনি আল্লাহর রাসূল। সাফওয়ান ও আমার মধ্যে অতি গোপনীয়তার সহিত এই শর্তারোপ করা হয়েছিল। সে ও আমি ছাড়া একথা আর কেউ জানেনা। নিশ্চয়ই আল্লাহ তায়ালা আপনাকে এ ব্যাপারে সংবাদ প্রদান করেছেন। সুতরাং আমি আল্লাহ ও তাঁর রাসূলের উপর ঈমান এনেছি।

এরপর উমাইর মক্কায় ফিরে গিয়ে মানুষকে ইসলামের দাওয়াত দেন এবং অনেক লোক তার হাতে ইসলাম গ্রহণ করেছেন।^{৪৩৫}

গোপন পরমার্শ সম্পর্কে অবহিত হওয়া

ইমাম বায়হাকী ও আবু নঈম (র.) হযরত মুছা ইবনে উকবা ও উরওয়াহ ইবনে যুবাইর (রা.)'র সূত্রে বর্ণনা করেন, তারা বলেন, নবী করিম ﷺ বনী কেলাবের পক্ষ দিয়াত সম্পর্কে আলোচনা করতে বনী নযীর গোত্রে তাশরীফ নিলেন যাতে বনী নযীর থেকে সহযোগীতা পাওয়া যায়। তারা বলল, হে আবুল কাসেম! আপনি বসুন এবং খাবার গ্রহণ করুন। আর আমাদের পক্ষ থেকে দিয়াত ও সাহায্যের টাকা নিয়ে যান।

রাসূল ﷺ তাঁর সাহাবীদের নিয়ে একটি দেওয়ালের ছায়ার নীচে কিছুক্ষণ আরাম করেছেন। ওদিকে বনী নযীর এটাকে রাসূল ﷺ কে হত্যার মোক্ষম সুযোগ মনে করে পরামর্শ করে সিদ্ধান্ত করল যে, অমুক ইহুদী দালানে উঠে রাসূল ﷺ র মাথার উপর প্রকাণ্ড পাথর নিক্ষেপ করে তাঁকে হত্যা করে ফেলবে।

আল্লাহ তায়ালা তাঁকে এ সংবাদ ওহী দ্বারা অবগত করে দেন। তিনি সেখান থেকে সাহাবীদের নিয়ে উঠে চলে যান। তখন এই আয়াত নাযিল হয়-

﴿ يٰٓاَيُّهَا الَّذِيْنَ اٰمَنُوْا لَا تَتَّبِعُوْا السَّيِّئِيْنَ الَّذِيْنَ كَفَرُوْا سُبُوْحٰنَ عَلٰى رَبِّنَا الَّذِيْنَ يَخْلُقُ مَا يَشٰٓءُ وَيَخْتَارُ ۝۱۱﴾

অর্থ: হে মু'মিনগণ তোমাদের উপর আল্লাহর প্রদত্ত নিয়ামতের আলোচনা কর, যখন এক সম্প্রদায় তোমাদের প্রতি তাদের হাত প্রসারিত করেছিল।^{৪৩৬} (সূরা মারেরা, আয়াত নং ১১)

হারানো জন্তুর সন্ধান

ইমাম আহম ইবনে হাম্বল (র.) হযরত জাবের (রা.) থেকে বর্ণনা করেন, এক অন্ধকার রাতে আমার উট হারিয়ে যায়। আমি রাসূল ﷺ র কাছে আসলাম। তিনি জিজ্ঞেস করলেন, তোমার কি সমস্যা? আমি বললাম, আমার উট হারিয়ে গিয়েছে। তিনি বললেন, ঐ যে তোমার উট। যাও, নিয়ে এসো। তিনি যেদিকে বলেছেন আমি সেদিকে গেলাম কিন্তু উট পাইনি। আবার হযুর ﷺ র কাছে চলে আসলাম। তিনি পুনরায় আগের মত বললেন, আমি আবার সেদিকে গেলাম, কিন্তু উট পাইনি। আবার হযুরের কাছে চলে আসলাম। এবার তিনি আমার সাথে গেলেন আর আমরা উটের পাশে গেলাম। তিনি আমাকে উট অর্পণ করলেন।

তারপর আমি উট নিয়ে চলে যাচ্ছিলাম আর উট খুবই অলস ও ধীরগতি সম্পন্ন ছিল। আমি বলতে লাগলাম আমার মা চিন্তিত হোক, আমার ভাগ্যে এমন পড়েছে, যা সামনের দিকে পা বাড়াতে পারছে না। রাসূল ﷺ এ কথা শুনে আমার কাছে এসে জিজ্ঞেস করেন, তুমি কি বলেছ? আমি তাঁকে উটের দুর্বলতা ও অলসতার কথা জানালাম। তিনি উটের পেছনের অংশে দুৱরা দিয়ে একটি আঘাত করলেন, ফলে উট এমন দ্রুত বেগে চলতে লাগল যে, আমি এর উপর আরোহণ করতে অক্ষম হয়ে পড়েছি এবং এর নিয়ন্ত্রনের রশি আমার আয়ত্বের বাইরে চলে গেল।^{৪৩৭}

^{৪৩৬}. সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৩৪৮

^{৪৩৭}. সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৩৭৪

মুনাফিকের ষড়যন্ত্র ফাঁস

ইমাম বায়হাকী (র.) হযরত উরওয়া (রা.) থেকে বর্ণনা করেন, তিনি বলেন, রাসূল ﷺ তাবুক থেকে ফেরার পথে দলে থাকা কয়েকজন মুনাফিক তাঁর বিরুদ্ধে ষড়যন্ত্র করল। তারা পরামর্শ করল যে, নবী (স.) কে উপত্যকার রাস্তা থেকে ফেলে দিয়ে হত্যা করবে। এ জন্য তারা মুখে কাপড় বেঁধে প্রস্তুতি গ্রহণ করলো।

রাসূল ﷺ ঐ উপত্যকায় পৌঁছে হযরত হুযাইফা (রা.) কে আদেশ দেন যে, ওদেরকে এই উপত্যকা থেকে সরিয়ে দাও। হুযাইফা স্বীয় প্রতিরক্ষা চাল নিয়ে গিয়ে তাদের সওয়ালীদের উপর আক্রমণ করে তাদেরকে পলায়ন করতে বাধ্য করল। তখন তারা মুখ বাঁধা ছিল। আল্লাহ তাদের অন্তরে ভীতি সঞ্চার করে দিলেন এবং তারা বুঝতে পারল যে, রাসূল ﷺ তাদের ষড়যন্ত্র সম্পর্কে অবহিত হয়েছেন। তখন তারা দ্রুত এসে অন্যান্য সৈন্যদের সাথে যোগ দিল।

হযরত হুযাইফা (রা.) ফিরে আসলে রাসূল ﷺ তাকে বলেছিলেন, তুমি কি চিনেছ তারা কারা এবং তাদের উদ্দেশ্য কি? সে বলল, না। তিনি বললেন, তারা আমার বিরুদ্ধে ষড়যন্ত্র করল যে, যখন আমি এই উপত্যকার রাস্তা দিয়ে যাবো তখন তারা আমাকে উহা থেকে ফেলে দেবে।

ইমাম বায়হাকী (র.) ইবনে ইসহাক থেকে উপরোক্ত রেওয়াজে বর্ণনা করে এতটুকু অতিরিক্ত বলেন যে, নবী করিম ﷺ বলেছিলেন, আল্লাহ তায়ালা আমাকে ঐ মুনাফিকদের নাম, পিতার নাম সহ অবহিত করে দিয়েছেন। আর আমি তোমাদেরকে এদের নাম সম্পর্কে অবহিত করে দেবো। অতএব তিনি হযরত হুযাইফা (রা.) কে তাদের বার জনের নাম বর্ণনা করেন।^{৪৩৮}

ভন্ডনবী আসওয়াদ আনসীর মৃত্যু সংবাদ

হযরত দায়লামী (র.) হযরত আব্দুল্লাহ ইবনে ওমর (রা.) থেকে বর্ণনা করেন, তিনি বলেন, যেই রাতে আসওয়াদ আনসী (ভন্ড নবী) কে হত্যা করা হল সেই রাতে রাসূল ﷺ 'র কাছে আসমান থেকে ওহীর মাধ্যমে সংবাদ এসে গেল। তিনি আমাদের কাছে তাশরীফ আনলেন এবং বললেন, আজ রাত আসওয়াদ আনসীকে হত্যা করা হয়েছে। তাকে এক মুবারক ব্যক্তিই হত্যা করেছে যে মুবারক পরিবারের সন্তান। প্রশ্ন করা হল, সে কে? তিনি বললেন, ফিরোজ। ফিরোজ সফলতা লাভ করল।^{৪৩৯}

কবর আযাবের সংবাদ

হযরত আব্দুল্লাহ ইবনে আব্বাস (রা.) থেকে বর্ণিত, তিনি বলেন, একবার রাসূল ﷺ দু'টি কবরের পাশ দিয়ে যাচ্ছিলেন। তখন তিনি বললেন, এই দুই জনকে আযাব দেওয়া

^{৪৩৮} ইমাম সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৪৬৩

^{৪৩৯} ইমাম সুয়ুতী, জালাল উদ্দিন সুয়ুতী (র.) (৯১১হি.), খাসায়েসুল কুবরা, আরবী, বৈরুত, খণ্ড:১ম পৃ:৪৬৪

হচ্ছে আর কোন কঠিন (শুনাহের) কাজের জন্য তাদের আযাব দেওয়া হচ্ছেনা। অতঃপর তিনি বললেন, হ্যাঁ, তাদের আযাবের কারণ হল, তাদের একজন পরনিন্দা করে বেড়াতে, অপরজন তার পেশাবের ব্যাপারে সতর্কতা অবলম্বন করত না। বর্ণনাকারী বলেন- এরপর তিনি একটি তাজা (খেজুরের) ডাল নিয়ে তা দু'খণ্ডে ভেঙ্গে ফেললেন আর প্রতিটি কবরে একটি করে পুঁতে/গেড়ে দিলেন। এরপর বললেন, আশা করা যায় যে, এ দু'টি ডাল শুকিয়ে না যাওয়া পর্যন্ত তাদের আযাব লঘু করা হবে।^{৪৪০}

মুনাফিকদের স্বরূপ উন্মোচন

ইমাম বায়হাকী (র.) হযরত ইবনে মসউদ (রা.) থেকে বর্ণনা করেন, তিনি বলেন, একদা রাসূল ﷺ আমাদেরকে খোৎবা (বক্তব্য) দিচ্ছিলেন। তিনি বক্তব্যের মধ্যে বললেন-

ان منكم منافقين فمن سميت فليقم قم يا فلان قم يا فلان حتى عد ستا وثلاثين

তোমার মধ্যে কতিপয় মুনাফিক রয়েছে। আমি যার নেবো সে যেন উঠে দাঁড়িয়ে যায়। তিনি এক একজনের নাম নিতে নিতে চব্বিশ জনের নাম নিয়েছিলেন।

হযরত সাবিত বুনানী (রা.) থেকে বর্ণিত, তিনি বলেন, একবার মুনাফিকরা একত্রিত হয়ে কথা বলতেছিল। রাসূল ﷺ বললেন, তোমাদের অনেক লোক একত্রিত হয়ে এরূপ সেরূপ বলেছ। তোমরা উঠ, আল্লাহর কাছে তাওবা ও এস্তেগফার কর। আমিও তোমাদের জন্য মাগফিরাতের দোয়া করবো। কিন্তু তারা একজনও উঠেনি। তিনি তাদেরকে এভাবে তিনবার বলেছেন। তারপর বললেন, তোমরা উঠ, আমি তোমাদের নাম ধরে ধরে ডাক দিচ্ছি। অতঃপর তিনি নাম ধরে ডাকা আরম্ভ করলে মুনাফিকরা লাজ্জিত হয়ে মুখ ঢেকে চুপে চুপে চলে গেল।^{৪৪১}

কিয়ামত পর্যন্ত সংঘটিত ঘটনার বর্ণনা

ইমাম মুসলিম (র.) হযরত আবু যায়েদ (রা.) থেকে বর্ণনা করেন, তিনি বলেন, একদিন রাসূল ﷺ আমাদেরকে ফজরের নামায পড়িয়ে মিশরে উঠে খোৎবা দেওয়া আরম্ভ করলেন। যোহর ওয়াক্ত পর্যন্ত খোৎবা দিতে থাকেন। যোহরের সময় মিশর থেকে নেমে যোহরের নামায পড়ে আবার মিশরে উঠে খোৎবা দেওয়া আরম্ভ করলেন। সূর্যাস্ত পর্যন্ত খোৎবা দিলেন। এই ভাষণে তিনি অতীতে যা কিছু ঘটেছে এবং ভবিষ্যতে কিয়ামত পর্যন্ত যা কিছু সংঘটিত হবে সবকিছু বর্ণনা দিয়েছিলেন। যে যতবেশী স্মরণ রাখতে পেরেছে সেই হল বড় জ্ঞানী।^{৪৪২}

ওফাতের দিন সম্পর্কে সংবাদ প্রদান

^{৪৪০}. ইমাম বুখারী, মুহাম্মদ ইবনে ইসমাঈল (র.) (২৫৬হি.), সহীহ বুখারী শরীফ, আরবী, ইউপি, ইন্ডিয়া, পৃ:১৮৪, হাদিস নং ১২৯৫

^{৪৪১}. ইমাম সুয়ূতী, জালাল উদ্দিন সুয়ূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:২য় পৃ:১৭৪

^{৪৪২}. ইমাম সুয়ূতী, জালাল উদ্দিন সুয়ূতী (র.) (৯১১হি.), খাসায়েসুল কুবরা, আরবী, বৈরুত, খণ্ড:২য় পৃ:১৮৪

ইবনে আসাকের (র.) হযরত মকহুল (র.) থেকে বর্ণনা করেন, নবী করিম ﷺ হযরত বেলাল (রা.) কে উদ্দেশ্য করে বলেন, সোমবারের রোযা কখনো ত্যাগ করবেনা। কেননা সোমবার আমি জন্মলাভ করেছি, সোমবারে আমার নিকট প্রথম ওহী প্রেরণ করা হয়েছে, সোমবারে আমি হিজরত করেছি এবং সোমবারেই আমি ইস্তিকাল করবো।^{৪৪০}

পথে সংঘটিত ঘটনার সংবাদ প্রদান

হযরত আবু সুহাইম (রা.) বর্ণনা করেন, আমি মদীনা শরীফে যাওয়ার পথে একজন সুন্দরী মহিলা দেখেছি। আমি তার সাথী হয়ে গেলাম এবং লোকেরা যখন রওয়ানা হল তখন আমি তাদের সাথে চলতে লাগলাম। আমি মদীনায় এসে নবী করিম ﷺ'র হাতে বাইয়াত হওয়ার উদ্দেশ্যে হাত বাড়ালে তিনি তাঁর হাত মোবারক নিয়ে নেন এবং ইশারায় আমাকে বুঝিয়ে দিলেন যে, এই হাত একজন মুহরিম মহিলাকে স্পর্শ করেছে। নবী'র হাত এই হাতকে স্পর্শ করা উচিত হবে না। আমি প্রতিজ্ঞা করলাম এবং তাঁকে নিশ্চিত করলাম যে, আগামীতে এ ধরণের ভুল আর হবেনা। এরপর তিনি আমাকে বাইয়াত করে ধন্য করেছেন।^{৪৪৪}

sahihaqeedah.com

Sunni-Encyclopedia.blogspot.com

সমাণ্ড

^{৪৪০}. ইমাম সুয়ুতী, জালাল উদ্দিন সুয়ুতী (র.) (৯১১হি.), খাসয়েসুল কুবরা, আরবী, বৈরুত, খণ্ড:২য় পৃ:৪৭২

^{৪৪৪}. আব্দুর রহমান জামী (র.) (৮৯৮হি.), শাওয়াহেদুন নবুয়ত, উর্দু, বেরেলী, পৃ:২১৪